


Feb 80
m 83









GEOGRAPHIA

NATURALIS ABSOLUTA,
SIVE

ARCHITECTURA TERRAQUÆ,

ET

MUNDI SUBLUNARIS

AB

AUTHORE NATURÆ

CONDITA,

Ex Principiis Phycis & Mathematicis ostensa,
&

JUVENTUTI ACADEMICÆ WIRCEBURGENSI
EXPLICATA

à R. P. HENRICO NIDERNDORFF S. J.

Matheseos Professore Ordinario,

PER THEOREMATA & PROBLEMATA MATHEMATICA
unâ cum

METEORIS DIVERSIS ac EXPERIMENTIS CURIOSIS
TERRA MARIQUE.

SUMPTIBUS LOCHNERI & MAYERI BIBLIOPOL. NORIMB.

ANNO 1739.

LIBER SECUNDUS.

WIRCEBURGI, Typis Joannis Jacobi Christophori Kleyer, Univerſ. Typogr.

LIBER SECUNDUS GEOGRAPHIÆ NATURALIS

continet

Primò

Finem, Fundamentum, Materiam, compositionem, structuram Terraquæ genericam, & influxum corporum cœlestium in sublunaria.

Secundò

Structuram ejus interiorem in specie per Ignem, Aquam, Aërem, & Terram multiformem in ea latentem.

Tertiò


Structuram Terraquæ superiorem Aquaticam, Marium, Fluminum, Fontium, Lacuum.

Quartò

Structuram Terraquæ terrestrem, variam ejus Foecunditatem, & Ornatum.

Denique

Affectiones Terraquæ superterraneas aëreas, unà cum diversis Meteoris, ac experimentis variis Naturæ & Artis.



LIBER II.

GEOGRAPHIÆ NATU- RALIS.

PROŒMIUM.

Tota hæc aspectabilis, & in immensum ex-
tensa *Mundi Machina*, licet ex *Quatuor*
Elementis, *Ignem*, *Aërem*, *Aquam*, *Terram*, ad
sensum inter se contrariis constet, tanta ta-
men inter ea Eurythmia & Symmetria exi-
stet, tam perfectus continuus in se agen-
tium ordo, tam ordinata connexio, tam ad-
mirabilis cum Antipathiâ Sympathia, & naturalis simul erga
se invicem inclinatio, ut intimius ea consideranti stuporem
non minus, quam admirationem ingerat. Quomodo unum
alteri inimicum amicum, unum alterius impatiens patiens,
odiens quasi & amans, aversum conversum, fugiens prose-
quens, pugnans coagens, dissipans continens fiat, omniâque
superiora cum mediis, media cum infimis sine divisione con-
jungat, & intimâ unionem connectat. Ita ut in unoquoque cor-
pore mixto totius universi singula, si non formaliter, saltem
virtualiter contineantur, & essentiam suam & virtutem rebus

*Mira Ele-
mentorum
inter se pu-
gnantium
amicitia.*

In com-
mixtione
corporum

&

Tempera-
turâ com-
plexionum

In Homini-
bus.

omnibus proportionatam communicent per combinationem primarum qualitatum, & per subtilissimas, volatiles, & spirituosas suas particulas, ad effectus plurimos, eosque diversissimos, quos frequenter experimur & sentimus, producidos. Atque hæc pura & efficacissima *Elementorum* substantia non tantum in gremio telluris nostræ, velut in utero communis rerum omnium terrestrium matris concluditur, sed continuâ generatione in auram hanc nostram, plurimis aliis tum inanimatis, tum vegetativis, tum sensitivis generandis mirâ fecunditate effunditur. Ex perfectâ liquidum & stabili *Quatuor Elementorum* temperie sunt mixta perfecta, in quibus Elementares Qualitates Primæ, *calor, frigus, humiditas, siccitas*, infinitis penè modis temperantur. Unde in hominibus, aliisque animalibus existunt naturæ divertissimæ, quarum una plus, altera minus ex eadem qualitate participat, ita ut nec Melancholici, nec Melancholico-Cholericici, nec Phlegmatici, nec Sanguinei inter se conveniant. Temperies enim sive complexio prorsus *uniformis*, hoc est, talis, ut in eâ nulla omnino qualitas prævaleat, dari nequit, cum consistat in indivisibili, suffragante *D. Thomâ*, nec ulla fiat mixtio, sive temperamentum, nisi una qualitas prædominans agat in alias. Complexio verò *difformis*, juxta quadruplicem *Elementorum* divisionem, quadruplicem gignit temperiem, nempe *Biliosam*, in quâ dominatur ignis: *Sanguineam*, in quâ prævalet aër. *Phlegmaticam*, in quâ præabundat Aqua: *Melancholicam* in quâ Terra præsidet. Complexio *biliosa* juvat ad ingenii vigorem, celeritatem, & acumen: *Sanguinea* facit homines mansuetos, hilares, benignos; sed frequenter molles & parum bellicosos: *Phlegmatica* reddit languidos, hebetes, & instabiles: *Melancholica* efficit studiosos, cogitabundos, ad consilia idoneos, firmos in animi motibus. Eæque tam diversæ in singulis hominibus, ut tot penè diversas naturas in iis videas, quor capita: nihilominus tamen in tantâ hominum diversitate & contrarietate conservatur Harmonia inter tot dissonantias, commercia inter tot bella, concilia inter tot dis-

fidi-

fidia, conversatio mutua inter tot dissensiones in toto terrarum orbe. Quid jam dicam de tot generibus & speciebus animalium Grandium in terrâ, piscium in mari, fontibus & fluminibus, volucrum in aëre? quid de tot parvis animalculis & insectis in iisdem? quid de tot seminibus vegetabilium infinitorum? partim per viventium fecunditatem, partim per semina singularum specierum cum vaporibus & exhalationibus, omnium meteororum principiis, quaquaversum facillimè dissipatorum, & undique generantium? Quid de animalibus domesticis cicuratis, elephantis, camelis, equis, asinis, vaccis, ovibus, canibus, catts? quid de feris sylvestribus, leonibus, leopardis, tygridibus, apris, ursis, fimiis, cervis, capreis, leporibus, lupis, vulpibus? quid de piscibus aquarum, draconibus, balænis, syrenibus, elephantis, crocodilibus, monocerotibus, delphinis, equis, bobus, vitulis, porcis, lupis, canibus, catts marinis? sturionibus, salmonibus, luciis, anguillis? Quid de avibus incedentibus in terrâ, gallinis, pavonibus, phasianis, gryphibus, struthionibus, perdicibus? amphibis, pelicanis, cygnis, anseribus? volantibus in altum aquilis, ardeis, urogallis, falconibus, vulturibus, milvis, corvis, picis, craculis, ciconiis, psittacis, columbis, turdis, sturnis, philomelis, fringillis, hirundinibus, passeribus? Quid de insectis infinitis? taceo innumerabiles eorum pullulagines vegetativis & sensitivis infestas in carie lignorum, in Salviæ, florum & herbarum staminibus ovula minutissima: in corrupto vitis liquore & aceto serpentiformes vermiculos: in araneorum retibus ovaes globulos instar unionum papiliones in erucas, mox in chrysalides, ac deinde rursus in novos papiliones transmutatos: In cutis humanæ ulceribus & variolarum pustulis integra vermium hospitia: in carne radiis solaribus expositâ, aut caseo pulveribus obrito animatas quasi Atomos: In aëre, sylvis, hortis, campis immensos exercitus Apum, muscarum, formicarum, limacum, scarabæorum, culicum, pulicum, locustarum, terebinum, tinearum, lumbricorum; ita ut *Aristoteles* L. 3. de Generatione animalium

*In Brutis**In Insectis*

lium C. II. dicat: *Quodammodo plena anime omnia.* Et quidem Teste Augustino; *plus habent admirationis, quæ molis minimum.* Plus formicularum & apicularum opera superemus,

In totâ mole Terra-
queâ.

Ejusque
mixtis per-
fectis &
imperfe-
ctis.

quam immensa corpora balenarum. Cum rerum natura nusquam magis, quàm in minimis tota sit. Quid tandem de vastissimâ mole terraquea? Ejusque Pyro-Hydro-Aërophylacii, aliisque terrestribus mixtis? tum perfectis, ut lapidibus, metallis, semi-metallis, & fossilibus, Auro, argento, ære, cupro, stanno, plumbo, ferro, chalybe, Hydrargyro, Antimonio, Stibio, auripigmento, lapide Cyaneo, Lazulo, Pyrite, Marchesitâ, Lithargyro, sale fossili, Halinitro, Chalcantho, alumine, Asbesto, Amianto, sulphure, bitumine? tum imperfectis terreis, ut ochrâ, terrâ sigillatâ, Lemniâ, Samiâ, Armeniâ, cinere, sabulo, arenâ, fuligine, carbone, calce, mucore, musco, capillitio veneris, carie lignorum? *Aqueis*, ut pluvîâ, rore, pruinâ, grandine, glacie, nive, aquis medicatis & distillatis? *Aëreis*, ut vapore, exhalatione, fumo, nubibus, nebulis, aurâ ferotinâ, anhelitu animalium, exhalationibus occultis, effluviis corporum, halone, virgâ, voragine, pareliis & paraselenis? *Igneis*, ut fulgore, fulmine, tonitru, faculis fatuis, lambentibus, Castore, Polluce, Helenâ, Pyramide, trabe, columnâ, lanceâ, Dracone volante, aliisque omnis generis Meteoris? Quæ mixta tam perfecta, quàm imperfecta adedò diversa sunt & varia in Elementaribus suis qualitatibus, ut nullum alteri simile, imo sibi ipsis dissimilia sint; & contra se invicem pugnantia, totus tamen telluris orbis in tot contrarietatibus constans perseverat: ita ut meritò *Theodoretus* Mundum vocet communem officinam miraculorum Dei. *Athenagoras* Musicum quoddam organum, ejus Harmonia discors, & concors, utinquit *Sinesius*, coelorum, Elementorum, mixtorum, animantium, diversis vocibus temperata triumphale Deo creatori carmen canit. Dixi sibi ipsis dissimilia.

Igneis

Ignis namque nunc rarus, nunc densus: rarus & subtilis lucet, & non urit, qualem *Bartholinus* memorat è capillis *Christiani V. Daniæ* Regis excussum: Flammam *Servio Tullo* in

in cunis jacenti è capite emicuisse, Author est *Livius*: *Alexandrum Magnum* inter pugnandum scintillas ex oculis evibrasse, referunt alii: Linguam *Viperæ*, si irriteretur, apparere ignem, ajunt *Physiologi*: *feles* fricatas excutere scintillas lucentes: *Pulmones* marinos noctu lucere, aliaque similia plura perhibentur à multis. Alius ignis est qui *urit* & *non lucet*, ut evenit in salibus, fumo, aquis causticis, herbis medicinalibus, pipere, aliisque condimentis. Alius, qui simul *lucet* & *ardet*, & est communis, qui solus ferè Ignis nomen sibi proprium fecit: ac vehementissimo suo motu partes corporum, aut lacerando comburit; aut poros subtiliter ingreditur, rarefacit, laxat, dilatat; aut liquefacit partes metallorum, easque dissolvit, dividit, separat; aut calcinat humores viscosos; aut exsiccat humentes aquas & vaporiferas. Quales effectus & proprietates in humanis usibus quotidie experimur, & Chymici in operationibus suis manifestant. Ea porrò Vis est tum ignis superterranei in nubibus accensi, decutientis fulmina, tum subterranei in cavernis terræ, ut solis spiritibus seu actuosis exhalationibus, Telluris vastitatem, ponderibus suis in universi medio libratam, & agitationi nativâ suâ gravitate fortissimè repugnantem, vel impresso pulsu instar arteriæ in corpore humano intumescens erigat, vel tremore suo, sicut Navim in fluctibus titubantem, versùs latera inclinet, ac velut pulvis Pyrius mineris inclusus, obstantia motui suo obstacula intimè penetrando perfringat, disrumpat, & secum transvecta in moliminis consortium trahat. Ignis enim, *Teste Aristotele* L. 2. de Meteor. c. 8. ubi spiritui admiscetur, fit flamma, ac fulmineâ propè activitate ad terram conquassandam proximè disponitur, cum ipsa partim fervore solis extrinsecus, partim intrinseco subterraneorum ignium calore incalescat. Unde magna copia spirituum intra extrâque terram ex naturâ suâ frigidam, & alienum calorem sinu suo foverentem exagitat tam diu, donec aëris conclusi & spirituum igneorum collisio, & terræ fervor, seu ignis intra globi terraquei intestina gliscens subterraneæ tempestatis incen-

Foramque
stupendis
effectibus.

centor, sicuti fervor solis in denso & frigido nubium volumine, tonitruorum ac fulminum Faber existat: aut, velut in corpore animantium contrariis humoribus disturbato fieri solet, convulsiones & distensiones nervorum, spirituum animalium motiones excitat. Indéque convincimur geminam esse radicem terræ motûs: Unam *extraneam*, seu ex superiore telluris regione descendentem, sicut aër in turbines ac vortices à procellosis halitibus convertitur: alteram *internam* seu nascentem è spiritibus intra cavernas, mineras, ac metallorum venas generatis; quemadmodum animalia obstructis viscerum ac naturalium vasorum ductibus à calore vitali spiritus interceptos agitante concutiuntur, toto corpore tremunt, &, si parva licet componere magnis, vel suâ febri Terræ motum referunt, vel hunc ipsius Terræ, quasi vasti Animalis, febrem esse denunciant. Hæc & similia *Nature* portenta ars ipsâ imitata est in pulvere Pyrio, qualem casu aut certâ scientiâ primùm composuisse ferunt, quendam Chymicum *Bertholdum Schuvats*, natione Germanum Anno 1379. quo ignes artificiales, tam festivi, quàm Bellici excitantur, sæpe cum horrendis murorum, turrium, domorum, civitatum, Munimentorum, ac Hominum ruinis. Taceo proinde innumera & immania monstra Pyrobolorum, Bombarum, Granatorum, stupparum, funium incendiariorum, saccorum, doliorum, tormentorum, grandinum & pluviarum ignearum, & omnis generis Pyrotechnicorum, Authori ipsi & posteris pessimorum, nisi ad utilitatem, aut justam Patriæ defensionem contra iniquos invasores adhibeantur.

Supra o-
mnis artis
ingenium.

Aqueis,

Elementa-
ribus &

Quin & ipsæ Elementares Aquarum qualitates, licet minus oculis & sensibus appareant, quantam in se diversitatem continent tam fluentes, quàm stagnantes? ut Aquæ marinæ, fluviales, fontanæ, pureales, palustres, distillatæ, medicatæ, minerales, pluviales, salsæ, amaræ, dulces, venenosæ, salubres? ne dicam de aquis supercœlestibus, quas Deus à principio Mundi supra Firmamentum, à nostris sublunaribus aquis divisit quidem, sed earundem influentias in hæc sublu-
naria

naria non ademit, quibus tum stellas fixas, & erraticos Planetas humectat & temperat, tum per subtilissimum ætherem eas ad nostras has Elementares benigno fluxu derivat. Quemadmodum fuscè deducit P. Kircherus in itinere suo *supercaelestatico & Mundo subterraneo*; ubi ait: *Hæ supercaelestes aquæ singulis rebus suum conferunt vigorem, calidum & humidum radicale inexistent corroborent, augent, perficiunt; verbo, idem quod in microcosmo homine præstat nutrimentum, id in Megacosmo has aquas præstare unicè tibi persuadeas velim, sunt enim totius naturæ, veluti ubera quadam, quæ omnibus sufficientissimum, & inexhaustum alimentum præbent.* Adeò ut, Plinius non inconvenienter asseveret: *in nullâ parte majora esse miracula, quàm in aqueo naturæ regno.* Sed neque liquidum hoc Elementum invium esse mortalibus permittit naturalis Sapiëntia: Constructis enim *urinatoriis*, ut vocant, *Campanis*, sicco ore ac corpore sub profundo maris delitescere, spiritum liberè haurire, parvulâ aëris sphaera respiratori per plures horas suffecturâ, sub mediis fluctibus expansâ; imò & ignem salvum, vivumque in vasis fundo per inimicas aquas circumferre, eoque merfarum navium thesauros expiscari docuit, quod Anno 1660. ad oras Cataloniae insignis Urinator præstitit, & alii deinceps Angli & Hollandi. Imò etiam, sicut præstantissimus Angliæ Archiater, ac in Londinensium Medicorum Collegio Anatomices Professor *Guilielmus Harvæus* admirandam illam humani sanguinis pecyclosin orbi exposuit, ita *Kircherus* naturalium scrutatorum maximus in Megacosmo, Aquarum omnium intra Terræ viscera commeantium, mirabilem fluxum & refluxum demonstravit, per quem *Natura*, omnis artis Magistra, derivatam per occulta Terræ conclavia Maris Aquam excoquit, â salsedine liberat, ac per canales, Romanis Aquæ ductibus magis admirandos, humano Generi è perennaturis fontibus propinat ad commoditatem hominum & delicias, ad nutritionem brutorum animantium, ad herbarum, florum, arborum, frugum, omniumque vegetabilium incrementum.

Denique

*Aëreis natu-
ralibus*

*Ex arte
compositis.*

Denique vix ullum aliud Elementum est, cujus proprietatibus vel observandis, vel excolendis Geographia naturalis magis infudet, quam *Aër*, proprium divulgandæ gloriæ temporum instrumentum. Inprimis enim *Elastica vis* liquoris illius spirabilis, è quo vitam trahimus, in tam apertum veritatis meridiem protracta est, ut dum alii Pyrium pulverem mutum reddiderunt, jam aër nimiae compressionis impatiens è pnevmaticis sclopetis glandes plumbeas ejaculari sit doctus. Ventorum etiam natura, quæ tot difficultatum procellis antiquos sapientes involvit, caprui ita pervia facta est, ut Oecolæ Cameræ variâ arte constructæ ventos quocunque ex orbis cardine, florum insuper & herbarum fragrantia odorosos accersant. Nihil addo de Aërometris, Hygrometris, Notiometrîs, Thermometris, Barometris, Molendinis & Horologiis pnevmaticis, Æolopilis, instrumentis Muscis ab aurâ, velut chorago extemporaneo, impulsis, de puro æthere ex usualis aëris miscellâ eliciendo, & quæ alia fuerunt Mathematicæ Theorico - Empyricæ tentamina: ut halitus levissimi efficaciam, quæ gravissima pondera potest attollere, annosas arbores radicibus evellere, ingentes moles in omne latus promovere solâ multiplicatæ *velis* virtute. Quantumvis etiam volucrum, non hominum, semita in aëre pendeat, reperti tamen sunt *Architæ* peritiores, qui non modò ligneas aves volatum docuerunt, sed unus *Perusinum lacum* volitando trajecit: alter *Norimbergæ*, *Schwentero* teste, ex sublimi ædium loco semel ac iterum alligatas sibi pennas feliciter exercuit: ne memorem tabellarias *Orangii* columbas in Harlemensi obsidione, & *Caroli V.* in Hispaniâ avolantia & revolantia automata. Cùmque navigatio per aërem species etiam volatûs dici mereatur, dictitavit ejusmodi navim *P. Honoratus Fabri* per amplos tubos compressâ aurâ refertos, & *P. Franciscus de Lanis*, per globos evacuatos mobilem, cui si eventus velificetur, digna erit, quæ Argonavis loco inter sidera collocetur.

Sed quid ista imbecillis humani ingenii molimina, sæpè etiam infelicia, ad tot & tanta *Naturæ*, per
Ele.

Elementorum virtutem constanter operantis, infinita miracula? præter ea, quæ mortalibus occultat? multa siquidem, ut bene notavit *Plinius*, *Natura miracula in ipsâ Nature Majestate penitus abdita*: Quin & ipsâ Elementorum compositio tam recondita, confusa & commixta in omnibus corporibus existit, ut nullum eorum humanis oculis pateat simplex & purum, sed singula sub aliquo schemate delitescant: *Aër* quidem sub exhalationibus & vaporibus: *Aqua* sub salis, nitrosis, ac lutosiis humoribus: *Ignis* per lucem obscuram & materias combustibiles conspicuum se reddat: Nec ipsâ *Terra*, quam videmus & calcamus, pura est, sed permixta aëre, aqua, igne, sale, sulphure, nitro, aliisque mineralibus ac metallis, tam variis mirisque modis, ut humano ingenio nequeant penetrari.

valde parum Naturæ Mysteria indicantibus;

Tria tamen præcipuè in hoc mundo considerata proponit *D. Bernardus* serm. 3. de Pentecoste, his verbis: „Tria in magno hujus mundi opere cogitare debemus, videlicet quid sit? quomodo sit? & ad quid sit constitutus? Et in esse quidem rerum inæstimabilis potentia (*scilicet Divina*) commendatur, quod tam multa, tam magna, tam multiplicitè, tam magnificè sunt creata. Sanè si in modo ipso sapientia singularis elucet, quod hæc quidem sursum, hæc verò deorsum, hæc in medio ordinatissimè sunt locata. Si verò ad quid factus sit mediteris, occurrit tam utilis benignitas, tam benigna utilitas, quæ etiam ingratis quosque multitudine, & magnitudine beneficiorum possit obruere, potentissimè siquidem ex nihilo omnia, sapientissimè pulchra, benignissimè utilia sunt creata. Veruntamen & fuisse novimus ab initio, & adhuc multos esse videmus in filiis hominum, qui bonis inferioribus sensibilis hujus mundi, totâ sensualitate depressi, totos se dederunt his, quæ facta sunt, quonam modo, vel ad quid facta sint, negligentes. Quid istos nisi carnales dicamus? paucissimos esse jam arbitror: legimus tamen nonnullos quandoque fuisse, quibus summum studium fuit, atque unica sollicitudo, mo-

Ipsa verò Natura in sua Essentia, modo & sine manifestæ divinam Potentiam, Sapientiam, Bonitatem.

„ dum & ordinem investigare factorum, aded, ut plerique
 „ non modò utilitatem rerum perquirere dissimulaverint, sed
 „ & ipsas magnanimitè spreverint, cibo parcissimo vilissi-
 „ moque contenti. Ipsi quidem sese Philosophos vocant,
 „ sed à nobis curiosi, & vani rectius appellantur. Utrisque
 „ igitur successerunt Viri prudentiores, qui nimirum ea,
 „ quæ facta sunt, & quomodo facta sunt, transilientes, in-
 „ tenderunt aciem mentis, ut ad quid facta sunt, viderent.
 „ Nec latuit eos, quoniam omnia propter semetipsum fecit
 „ Deus, omnia propter suos. In eo quippe, quod dicitur,
 „ omnia propter se, præveniens commendatur origo: in eo
 „ autem, quod dicitur omnia propter suos, magis exprimi-
 „ tur fructus sequens: omnia fecit propter semetipsum, gra-
 „ tuità videlicet bonitate: omnia propter electos suos, pro
 „ eorum scilicet utilitate, ut illa quidem efficiens causa sit,
 „ hæc finis. Hi sunt spirituales viri, sic utentes hoc mundo,
 „ tanquam non utentes, sed in simplicitate cordis sui quæ-
 „ rentes Deum, ne illud quidem magnoperè vestigantes,
 „ quonam modo mundialis hæc machina volveretur. Primi
 „ voluptate, secundi vanitate, tertii veritate impleti, agno-
 „ scunt ex creaturis & amant finem, qui est Dei Gloria,
 „ propter hanc enim creatus est homo, & propter hominem
 „ tota mundi machina condita est, ut bene in ea vivendo vi-
 „ tam consequatur æternam. Hic quoque Finis noster est
 „ Laboris & Geographiæ præsentis, ut considerando Natura-
 „ lia cognoscamus *Potentiam, Sapientiam, Bonitatem* Dei cre-
 „ antis omnia ex nihilo, & conservantis per media & causas
 „ universales supernas, stellas nempe & sidera errantia, quæ
 „ perpetuo cursu Terraquam ordinatissimè oberrando, eam
 „ excitant, restaurant, & in suo vigore conservant ad bonum
 „ & utilitatem omnium tam malorum quàm bonorum Morta-
 „ lium in hac Terrâ ad breve tempus peregrinantium, ac iux-
 „ ta finem à Creatore intentum juvant, ut æternam in cælo pa-
 „ triam nobis destinatam facilius tandem ingrediamur. Hinc
 „ primò sit

Quam
 agnoscere
 revereri, &
 amare o-
 portet.

CAPUT I.

*De Fine Mundi aspectabilis, & influxu
Siderum generico & speciali in sublunaria.*

ADmirabilis illa Cœlestis Sphæra supra Elementarem nostram Athmosphæram & Terraquam à Deo Conditor non ideo tantum videtur esse superius collocata, ut cœlum è terra, ex instabili suo domicilio, & civitate non permanente, aspiciat homo secundum illud Poëtæ: *Os homini sublime dedit, cœlumque tueri jussit, & erectos ad sidera tollere vultus*; sed etiam ut mirabiles ejusdem effectus in sphæram nostram, nobisque vicinam defluentes attentius consideremus, & ad Deum mirabilium horum Effectorem cognoscendum & amandum altius erigamur. Hinc melius Plato assererat, Hominem in Universi meditullio fuisse à DEO collocatum & erectum, cæteris animantibus terram spectantibus, ut immensam illam divini operis fabricam contemplando, ad cœli futuri aliquando domicili desiderium excitetur. Dum non nudè tantum aspicit *Solem*, aureum istud cœli jubar, argenteas *Lunæ* phasces, *Planetas* reliquos sine errore errabundos, *Stellas* omnes perpetuo & æquabili motu sine quiete fixas, minimè sine effectû steriles, aut otiosas, sed influentes miris modis in humanum commodum contemplatur. Non enim tantummodo nôsse satis est, quo in loco consistent sidera, quis eorum motus, quinam mutui aspectus & congressus, quis eorum ortus & occasus, aliæque plura similia, ita ut in nuda rerum cœlestium consideratione conquiescat animus, sed earum causas, effectus, fines indager; siquidem nullus in hoc Universo motus sine fine, nullus effectus sine causa existit. Indulgendum quidem aliquid rudibus, ac simplici vilium hominum plebeculæ, qui inter terræ hujus filios, bestiis subinde, quam

Homo non tantum ut cœlum aspiciat, sed ut opus Dei consideret creatus est.

tantum domum æternam sibi edificatam.

Ignorantia hujus nec plebi, nec

homi-

opificibus
aut rurico-
lis.

hominibus similiores, oculis, naribus, ore, capite, & toto corpore in hæc terrena unice propendent, & murium ac talparum more, inter tot lumina cœcutientes, terram evifcerant, nec quidquam de cœlestibus animo volvunt: illis etiam, qui cum opificibus & ruricolis solum vident orientem mane *Solem*, aut vespere occumbentem, solitas variantis *Lunæ* phasēs, cœlestēsque *Siderum* innumerabilium faculas admirantur, dum fummo mane ante auroram labores inchoant, rursūque in seram noctem viles mercenarii producunt; vident illa quidem cœli phænomena & obstupeſcunt, neque tamen suis laboribus occupati tot luminarium cœlestium causas discutiunt, aut quid circa se, aliasque res occurrentes in tot alterationibus & motibus quotidianis efficiant.

Multo mi-
nus litera-
tis & po-
pulum Re-
gentibus
ignoscenda
est.

Quod verò literati, docti, ingeniosi, quos vel supra cæteros mortales altius natalium conditio evexit, vel à duris laboribus & abjectis occupationibus fortuna exemit, ac gentibus etiam, populisque regendis præfecit, quod ii, inquam, voluptatibus & deliciis terrenis immersi, atque inter otia & ludicra negotia sepulti, dies noctēsque transigant, rerum omnium cœlestium prorsus ignari & incurii, non aliter *Solem* quandoquē obliquē tantum aspiciant, quā brutā inter pascua, dum illius radiis à tergo isti fugiunt, & ad umbram declinant, aut cœli lucem averſati, velut Canis *Lunam*, aut *Siriū* fulgentis astrum allatrent; hoc enim verò generosos illustrēsque animos non parū dedecet, redditque etiam vulgo viles, despicabiles, & ignorantes. Unde ut hanc infamiam de-

Reges inde
discunt su-
os regere.

clinarent non pauci fuerunt quovis tempore, etiam Reges, Principes, ac Viri Illustres, quibus cura & voluptas fuit corporum cœlestium motus atque effectus rimari, & inde *Divinæ Sapientiæ* manifesta argumenta, leges, modūque etiam terrena moderandi depromere. Omnium Caput & Princeps esto Rex *Salomon*, qui ut ipse testatur *Sap. 7.* à Deo accepit, ut sciret commutationes temporum, Anni cursus, & stellarum dispositiones: *Josue* Dux Populi Israëlitici cursum Solis ad occasum deproperantis, & probè novit, ac sti-

ati Solo-
mon.

tit

tit; Rex *Ezechias* Gradus ac lineas in Horologio *Achaz* notatas ac numeratas habuit, ut taceam plurimos *Chaldeorum*, *Arabum*, *Aegyptiorumque* Reges ac Principes sapientissimos, lubeat recolere solos Europæ nostræ Reges, Principes, Nobiles rerum Astronomicarum scientiâ insigniter instructos: Imperatores Romanos *Julium Cæsarem*, & *Octavium Augustum*, *Rudolphum II.* *Matthiam I.* *Ferdinandum III.* *Leopoldum I.* Austriacos: *Alphonsum X.* Hispaniæ, *Fridericum II.* Daniæ Reges, aliosque non paucos Imperii Principes, qui supremum mundi Rectorem imitati, non ita inhærebant molestis regni terreni negotiis, quin frequenter etiam ad cœli fiderei regimen, aut ipsimet, aut certè per alios rerum cœlestium peritos, animum curasque converterent, & inde à mirabili symmetriâ, & ordine regni fiderei nunquam interrupto aut luxato, discerent sapienter terrena moderari.

aliique antiqui.

& moderni Reges

Absit tamen ut Christianus Philosophus ad somnia & superstitiones *Chaldeorum*, *Aegyptiorum*, *Arabum*, *Hebræorum*, *Priscillianorum*, aliorumque impiorum & ignorantium Astrologastrorum, humanæ reipublicæ nocivas, attendat, qui ex Centiloquiis sive *Aphorismis* antiquorum *Horoscopus*, *directiones*, ac *revolutiones*, vanè superstitiosè impiè combinando, libertatem hominis pessumdant, insulsâ & ridicula garriunt de matrimoniis, rixis conjugum, & numero Liberorum, de fœvis, jumentis, itineribus, divitiis, fortunis, dignitatibus, aliisque similibus, qui *fatalibus stellis*, ut *S. Leo* reprehendit *Epist.* 71. *animas hominum & corpora adstringunt*; sed ad *Christianam Astrologiam* naturali Philosophiæ conformem, quæ ex Astrorum seu errantium, qualitibus, motibus, conjunctionibus, oppositionibus, congressibus, digressibus, ortibus, occultationibus, similibusque accidentibus, calores, frigora, pluvias, siccitates, ventos, annorum tempestates, aliasque æris mutationes, ad agriculturam, Nauticam, Medicinam, totamque vitam humanam observat, & rationem inquit unde fluvii intumeant, maria exundent, sævæ hyemes & calores ardentissimi urant & ferveant: unde anni amœni & tristes;

Non secundum Ethnicorum superstitiones

sed Christianam Astrologiam,

Utilem vitæ humanæ.

unde pingues & macilenti: unde annona, sterilitas, sanitas, morbi, lues, contagia, pestes, ac frequentes mortalibus mor-
tes eveniant: Longâ siquidem experientiâ compertum est
jam à multis ingenii sagacioris *Astronomis* adnotatum, *Side-
ribus* inesse virtutem aliquam & efficaciam in hæc subluna-
ria, ita ut cum ratione negari vix valeat. Quod ut melius
intelligatur systema Mundi recolligendum est.

§. I.

Systema Mundi & rerum in hoc sensibili Mun- do existentium ordo.

1. **S**ECUNDUM systema Catholicum Lib. I. explicatum &
sacris literis conforme, *Sol*, cæteraque *Sidera* circa *Tel-
lurem* immotam moventur.

Ordo cœ-
lestium cor-
porum.

2. *Luna* circa *Terram*, proxima; circa *Solem* verò reli-
qui *Planetæ*, *Mercurius*, *Venus*, *Mars*, *Jupiter*, *Saturnus*: Fir-
mamentum *Stellarum* Fixarum à *Tellure* maximè remotum,
eique concentricum. Supra Firmamentum aquæ supercœ-
lestes, denique cælum *Empyreum*. De *Aquis* supercœle-
stibus hic non agimus, propositus enim tantum est *Mundus*
aspectabilis & *Geographicus*.

*Sol & Lu-
na directi.*

3. *Sol* & *Luna* in suo cursu semper sunt *directi* *Plane-
tæ* & secundum ordinem signorum *Zodiaci* incedunt ab *A-
riete* in *Taurum*, & sic consequenter usque in *Pisces*. Re-
liqui quinque *Planetæ* fiunt quandoque retrogradi, & inced-
unt contra ordinem signorum, puta ab *Ariete* in *Pisces* &c.
Saturnus quidem & *Jupiter* semel in anno; *Mars* semel quo-
vis biennio; *Venus* semel singulis sesquiannis; *Mercurius*
quotannis ferè quater.


Reliqui
subinde re-
trogradi.

Omnes jam
Perigæi
jam Apo-
gei.

4to. Omnes *Planetæ* quandoque sunt *Perigæi*, id est,
Terræ viciniore, quandoque *Apogeti*, id est, à *Terrâ* remo-
tiores, variamque inter se tum conjunctionem, tum opposi-
tionem, aliasque distantias suo cursu ordinatissimo acquirunt.


sto.

SYSTEMA PTOLEMEI.




Terraqua-Aër. Ignis. 1. Coelum Lunæ. 2. Mercurij. 3. Veneris. 4. Solis. 5. Martis. 6. Jovis. 7. Saturni. 8. fixarum. 9. ætheris. 10. Stellæ duplex. 11. primum mobile.

SYSTEMA TYCHONIS ABRAHE.



Terraqua. 1. circularis Lunæ. 2. Solis. 3. Mercurij. 4. Veneris. 5. Martis. 6. Jovis. 7. Saturni. 8. Stella fixæ.

VORTICES CARTESII




S. Vortex Solis, in cuius centro Sol, Mercurij, Venus, terra, Mars, Jupiter, Saturnus, a. b. c. d. e. f. g. h. i. k. peculiariter vortices Stellarum fixarum.


SYSTEMA

COPERNICI SYSTEMA

CARTESII



1. Sol. 2. Sphæra Mercurij. 3. Veneris. 4. terra, circa cuius centrum volvat Luna. 5. Martis. 6. Jovis, circa quem quatuor Satellites. 7. Saturni, circa quem duo Laterones. 8. spatium æthereum. 9. fixæ.



1. Sol. 2. orbita Mercurij. 3. Veneris & terre. 4. Martis. 5. Jovis. 6. Saturni. 7. spatium æthereum. 8. Stella fixæ, in suo peculiari quaque vortice.

570. *Stella* verò *Fixa* in Firmamento eandem semper servant continuo suo motu distantiam.. De his earumque effectibus in Planetas, Planetarum verò in sublunaria, nostramque Athmo-Sphæram, nunc plura dicentur ad Geo- & Hydrographiam meliùs cognoscendam necessaria.

*Stella fixa
nec apo-
gæa nec
perigæa.*

§. II.

Influxus Stellarum Fixarum in tres Planetas Superiores.

AN *Stella Fixa* in Firmamento habeant influxum immediatum in hæc sublunaria incertum est, nec ullâ experientiâ ostendi potest, videturque illarum virtuti & activitati finitæ repugnare nimia Firmamenti (secundùm communem ferè Astronomorum sententiam 210000. Semidiametrum à Terrâ) distantia, omnem tamen eis virtutem, quam in tres saltem superiores Planetas exercere valeant, non abnuimus, ne tot tamque excellentia corpora in cœlo otiosa prorsus esse dicamus; videtur enim hic ordo influentiarum cœlestium in hæc sublunaria ordinatissimus, & Divinæ providentiæ maximè conformis, quo per *suprema* dirigit *media*, & per *media infima* gubernat. Atque sic nimiam multitudinem causarum cœlestium in hæc inferiora congruenter sublatâ, faciliùs de effectibus vicinioribus judicamus.

*Fixarum
influxus in
sublunaria
incertus.*

Quod verò quædam stellæ fixæ à *Pœtis* & *Astronomis* dicantur aliquos effectus producere in sublunaribus E. g. *Plejades* & *Hyades* cum Sole orientes commovere pluvias: *Orionem* cum eodem concitare turbines & tempestates: ambas *Caniculares* circa Solem magnos ciere calores; non hæc à dictis stellis proveniunt, aliàs enim eadem causæ eundem semper effectum producerent; sed quod initio Maji, quando cum Sole oriuntur *Plejades*, frequenter pluat, causa est *imò*, quia tunc Sol propinquior fit Athmosphæræ versùs Polum Arcticum per hyemem addensatæ, quam rarefactam

*Antiquo-
rum sen-
tentia re-
follitur.*

diffi-

diffipat, & cum ventis Borealibus ad nostras regiones jam magis calentes propellit, & in pluvias resolvit. Non tamen semper hoc fit, eoquod alius & alius Planetarum cum Sole concursus fiat de anno in annum.

2dò. Quod circa initium Junii, præsertim in mari occidentali, vehementius grassentur venti Boreales, non fit, quia tunc signum *Orionis* exoritur; sed quia Sol tunc Polo Arctico vicinior Athmosphæram Borealem sensum rarefactam in patulum mare propellit, illudque commover, & in fluctus extollit.

3tiò. Quod circa finem Julii & initium Augusti soleat esse calor excessivus, id non à *Canicularibus* provenit, alias semper tunc deberet esse calor excessivus; sed quia Sol à Polo Arctico tunc versùs Austrum integro fere signo recessit, ventoque Boreali cessante, incipiant dominari Australes, qui *Solis* calorem magis intendunt, eoque magis, quò magis calidus Planeta tunc *Soli* vicinus.

Licet lux
fixarum ad
nos perveniat,
non
tamen alia
qualitates,
contrarium
habentes.

4tò. Nec obstat, quod *Stellæ fixæ* Lucem suam æquè ac *Planetæ* ad Terram usque propagent, adeoque etiam alias suas qualitates; nam *Lux*, quia contrarium positivum non habet, faciliùs ad longissimam distantiam propagatur, quàm aliæ qualitates, quæ contrarium patiuntur, ut sunt, calor, frigus, siccitas, humiditas.

Videntur itaque *Stellæ fixæ* agere in tres superiores Planetas, *Saturnum*, *Jovem*, *Martem*; Hi verò in inferiores, *Solem*, *Venerem*, *Mercurium*, *Lunam*, ac ipsam denique *Terram*, modò quidem potentiùs, modò remissiùs, prout nimirum viciniore sunt, vel magis remoti.

§. III.

Influxus Planetarum in hæc Sublunaria.

Influxus
non à sole
tantum.

I. Quid autem *Planetæ* influant in Sublunaria, experientiâ satis manifestâ colligitur ex solis anni tempestatibus tam variis inter se, ut innumeros alios & mirabiles effectus passim evenientes omitram. Has enim tempestates non à
Sole

Sole tantum, sed à reliquorum etiam *Planetarum* variâ combinatione provenire necesse est; cum nimirum singulis annis idem prorsus sit ad sensum nostrum, his quatuor anni temporibus, situs & applicatio *Solis* ad Terram, cur nihilominus diversis annis adeò diversa sunt hæceadem anni tempora, ita ut nullus ferè annus alteri quoad tempestates conveniat? Cur tempus *Vernum*, uti & *Autumnales* unum temperatus altero? Cur *Hyems* una sævior alterâ? Cur *Æstas* una est alterâ siccior, ferventior, sterilior, aut fecundior?

sed etiam
à reliquis
Planetis

2. An fortè ais? Diversitas illa *Veris* aut *Æstatis* oritur à residua copia nivis, quæ *Hyeme* præcedente major cecidit, quàm aliis annis, aut à pluviis, aut ventis insolitis.

3. Sed rursus interrogo, cur hyeme anni præcedentis plus nivium cecidit? cur venti ac pluvie magis insolite extiterunt, quàm hyeme hujus Anni? cum tamen Sol eodem semper modo has Anni redeuntis Tempestates pertranseat, & *Stelle fixæ* quotannis eundem situm ad solem & seipsas retineant? nisi *Planetas*, ut concausas hujus diversitatis, *Soli* adjunxeris, qui vario situ, moru, combinatione, & applicatione, *Vernum*, *Æstivum*, *Autumnales*, & *Hyemale* tempus quot annis variant.

in hæc sublunaria.

4. Hinc diversi halitus & vapores è Terræ visceribus excitantur: hinc insolite tempestates & grandines: hinc venti exotici, nubifragia, inundationes fluminum, & Marium: hinc ingens copia murium, muscarum, crabronum, vermium, serpentium, aliorumque insectorum: hinc pestis, febres calidæ, lues pecorum, alique morbi universales & contagiosi: hinc difficultates respirationum, affectiones molestæ pectorales tussium & catharrorum, acriores dolores dentium, calculi, cholicæ, podagræ, artritidis, variæque corporis & animi turbati mala, quæ alio tempore, aut nulla notantur, aut rarissima, aut saltem mitiora sunt.

Ex eorum

5. Neque alia causa sufficiens tantæ diversitatis afferri facile poterit, quàm diversæ illæ constellationes Planetariæ, diversæ conjunctiones & oppositiones, diversi motus tum

variis combinationibus.

commune proprii, modò directi, modo retrogradi, modò Apogæi, modò Perigæi, in tam variâ compositione qualitaturn contrariarum caloris, frigoris, humiditatis & siccitatis.

*Solis tamen
magis nota-
biles,
quàm reli-
quorum
Planeta-
rum,*

6. Atque has quidem Primas, aliasque secundarias Qualitates, veluti quædam profluvia, *Planeta* è suo corpore suaque substantiâ emittunt in omnem partem, eaque una cum lumine, vel directo, vel reflexo, vel refracto, vel obliquo, tanquam vehiculo, corporibus sublunariis subtili quâdam influentiâ communicant, *Sol* quidem & *Luna* magis notabili, reliqui verò *Planeta* minùs sensibili, prout minor vel major singulorum propinquitas, aut remotio, aut activitas est: eo ferè modo, quo corporum odoriferorum terrestrium major vel minor est copia halituum & transpirationum, adeoque etiam major vel minor sphaeræ activitatis operatio & efficacia.

§. IV.

Influxus Solis in Sublunaria.

*Sol opus
Dei excelsi-
sum.*

Vix aliud est in patentissimo hujus Mundi Theatro Phœnomenon adeò spectabile, magnificum, ac prorsus admirandum, quàm *Sol*, siderum Rex, vas admirabile, opus Dei excelsum, teste *Scripturâ*, lucidissimus Mundi oculus, qui suo innumerabili tor fulgentium luminarium comitatu nobis foris velut in vestibulo ostentat interioris Aulæ cœlestis gloriam, ac Divini Numinis cœlo inhabitantis Majestatem.

*rebus o-
mnibus
splendo-
rem tribuit*

2. Quidquid etiam in hoc orbe terrarum nobile, pretiosum, & à mortalibus æstimatum, à sole splendorem & pretium accipit. Absque hoc splendidissima quæque sunt obscura, squalentia tenebris & tristis umbræ peplo obducta. Sole namque subducto curiosos oculos non recreant virentia Terræ germina, nec fructus, nec flores aut sumptuosa Regum Peripetasmata, non lucent Gemmæ, nec uniones,
nec

nec adamantes, non micat aurum, non splendet argentum: Inter Aulas & stabula, inter simeta & viridaria, inter Palatia & rudera absente sole vix ulla est differentia: Imagines & Picturæ nobiles, artificiosæ machinæ, sculpturæ mirabiles, urbes, integræ regiones ac provinciæ & dimidia Terræ facies Sole occidente umbra sunt.

3. *Sol* igitur est illa Mundi lux illustrissima, quæ quotidie noctis fugat tenebras, lucem nobis ac rebus omnibus objectis splendorem impertitur, & diem amabilem reducit. *fugatis tenebris.*

4. *Sol* quotannis revocat Veris delicias, flores emortuos resuscitat, hortos & agros redanimat, æstatem accendit, fructus excoquit, maturat frumenta, vires instaurat mortalium, & vitam reddit vivaciorem. Aded ut neminem, ne dicam inter literatos, sed vulgus etiam aliquo sensu & ratione præditos, reperiri arbitrer, qui *Soli* has virtutes in sublunaria adimat. *Omnia viventia vivificat.*

5. Quis enim est, dummodo sensum communem omnibus animantibus habeat, qui non sentiat ad *Solis* radios se suæque calefieri, caput oculosque sibi obtundi, nives diffuere, indurari lutum, quævis vegetabilia crescere, aperiri Terram, exsiccari paludes & loca humida, muscas jam emortuas reviviscere, aliosque infinitos effectus si non formaliter, saltem dispositivè produci, & quidem tantò amplius, quantò *Sol* altior supra terram & Horizontem elevatus, propior ad verticem nostrum ascendit. *Teste experientia.*

6. Quis non advertit tempore Autumni, *Sole* è nostro Hæmisphærio ad partes australes recedente, non tantum dies, sed & flores & herbas, agros & arbores, prata ac nemora paulatim emori atque deficere; eodemque *Sole* sub vernum tempus ad nostras partes Boreales redeunte, denuò animari, & sensim ad pristinum vigorem, ac formam resflorescere, dissolvi frigora, ac rebus omnibus redire calorem, lucem, vitam. Hæc inquam, satis nota sunt omnibus, neque de iis dubitare quisquam valet, nisi deliret. *præcipue Sole magis accedente ad verticem.*

Denique *Sol* est naturæ in summo calidæ & siccæ, hinc

communes tum proprii, modò directi, modo retrogradi, modò Apogæi, modò Perigæi, in tam variâ compositione qualitatum contrariarum caloris, frigoris, humiditatis & siccitatis.

*Solis tamen
magis no-
tabiles,
quàm reli-
quorum
Planeta-
rum,*

6. Atque has quidem Primas, aliasque secundarias Qualitates, veluti quædam profluvia, *Planeta* è suo corpore suæque substantiâ emittunt in omnem partem, eaque una cum lumine, vel directo, vel reflexo, vel refracto, vel obliquo, tanquam vehiculo, corporibus sublunaribus subtili quâdam influentiâ communicant, *Sol* quidem & *Luna* magis notabili, reliqui verò *Planeta* minùs sensibili, prout minor vel major singulorum propinquitas, aut remotio, aut activitas est: eo ferè modo, quo corporum odoriferorum terrestrium major vel minor est copia halituum & transpirationum, adeoque etiam major vel minor sphaeræ activitatis operatio & efficacia.

§. IV.

Influxus Solis in Sublunaria.

*Sol opus
Dei excel-
sum*

Vix aliud est in patentissimo hujus Mundi Theatro Phœnomenon adeò spectabile, magnificum, ac prorsus admirandum, quàm *Sol*, siderum Rex, vas admirabile, opus Dei excelsum, teste *Scripturâ*, lucidissimus Mundi oculus, qui suo innumerabili tot fulgentium luminarium comitatu nobis foris velut in vestibulo ostendat interioris Aulæ cœlestis gloriam, ac Divini Numinis cœlo inhabitantis Majestatem.

*rebus o-
mnibus
splendo-
rem tribuit*

2. Quidquid etiam in hoc orbe terrarum nobile, pretiosum, & à mortalibus æstimatum, à sole splendorem & pretium accipit. Absque hoc splendidissima quæque sunt obscura, squalientia tenebris & tristis umbræ peplo obducta. Solenamque subducto curiosos oculos non recreant virentia Terræ germina, nec fructus, nec flores aut sumptuosâ Regum Peripetasmata, non lucent Gemmæ, nec uniones,
nec

nec adamantes, non micat aurum, non splendet argentum: Inter Aulas & stabula, inter fimeta & viridaria, inter Palatia & rudera absente sole vix ulla est differentia: Imagines & Picturæ nobiles, artificiosæ machinæ, sculpturæ mirabiles, urbes, integræ regiones ac provinciæ & dimidia Terræ facies Sole occidente umbra sunt.

3. *Sol* igitur est illa Mundi lux illustrissima, quæ quotidie noctis fugat tenebras, lucem nobis ac rebus omnibus objectis splendorem impertitur, & diem amabilem reducit.

4. *Sol* quotannis revocat Veris delicias, flores emortuos resuscitat, hortos & agros redanimat, æstatem accendit, fructus excoquit, maturat frumenta, vires instaurat mortalium, & vitam reddit vivaciorem. Aded ut neminem, ne dicam inter literatos, sed vulgus etiam aliquo sensu & ratione præditos, reperiri arbitrer, qui *Soli* has virtutes in sublunaria adimat.

5. Quis enim est, dummodo sensum communem omnibus animantibus habeat, qui non sentiat ad *Solis* radios se suæque calefieri, caput oculosque sibi obtundi, nives disfluere, indurari lutum, quævis vegetabilia crescere, aperiri Terram, exsiccari paludes & loca humida, muscas jam emortuas reviviscere, aliosque infinitos effectus si non formaliter, saltem dispositivè produci, & quidem tantò amplius, quantò *Sol* altior supra terram & Horizontem elevatus, propior ad verticem nostrum ascendit.

6. Quis non advertit tempore Autumni, *Sole* è nostro Hæmisphærio ad partes australes recedente, non tantum dies, sed & flores & herbas, agros & arbores, prata ac nemora paulatim emori atque deficere; eodemque *Sole* sub vernum tempus ad nostras partes Boreales redeunte, denuò animari, & sensim ad pristinum vigorem, ac formam reflorescere, dissolvi frigora, ac rebus omnibus redire calorem, lucem, vitam. Hæc inquam, satis nota sunt omnibus, neque de iis dubitare quisquam valet, nisi deliret.

Denique *Sol* est naturæ in summo calidæ & siccæ,

fugatis tenebris.

Omnia viventia viviscat.

Teste experientia.

*principit
Sole magis
accedente
ad verticem.*

hinc Solares homines dicuntur, qui sunt complexionis calidæ & siccae, faciei bene coloratæ, liberales, graves, generosi, ambitiosi, magni consilii.

§. V.

Influxus Lunæ in Sublunaria.

Porro sicut virtus *Solis* in Sublunaria ad oculum manifesta est; sic non immeritò sagacioribus suspicionem ingessit, etiam *Lunæ* subesse virtutis aliquid; quod ipsum tandem multiplex, nec obscura experientia non tantum sapientes, sed & hortulanos & agricolas etiam docuit, cum adverterent

Lunæ virtus nota est hortulanis,

1. à *Lunâ* foveri semina, humectari corpora, variari morbos, promoveri partus: *Lunâ* quidem crescente & ascendente, felicius & uberiùs crescere semina, meliùs implantari flores, frondēs, virgulta, frutices, ac arbores inoculari; Contrarium verò evenire eadem *Lunâ* decresciente & descendente. Quæ omnia argumento minimè obscuro illis fuere, *Lunam* non sine causa toties mutare vultum, atque ab eadem multum dependere fertilitatem agrorum & sterilitatem. *Luna* siquidem ad fertilitatem conducit, quia affuso humore terram justò aridiorem irrigat; sterilitatem verò inducit, si glebæ multo jam humore saturatæ, superveniat novi humoris accessio, tunc enim igneæ in terra particulae suffocantur & extinguuntur, unde sequitur putrefactio, quam nimius humor efficit.

Architectis.

2. *Architecti* in lignis cædendis maximam *Lunæ* rationem habendam cautè monent, unde pro ædificiis nonnisi decresciente *Lunâ* ligna cædenda, ad vitandam scilicet cariem. Caries enim est putrefactionis species, putrefactio autem ex nimio humore accrescentis *Lunæ* oritur, qui *Lunâ* decresciente deficit paulatim in lignis. Omnia quoque alia, quæ cæduntur, carpuntur, conduntur, innocentius decresciente *Lunâ*, quàm accrescente fiunt, quia crescente *Lunâ*, præfer-

3. Dicitur *Maleficus*, quia infestus est maximè frugibus, plantis, vitibus, arboribus, quibus adimit succum necessarium, eorúmque adstringit meatus, ne latius excrescant,

4. *Noxius* etiam est animalibus, quibus auget atram *Noxietas* bilem, hebetat visum, exsiccat cerebrum, penetrat & exhaurit medullas ossium & dentium.

5. *Præterea* auram exasperat, hyemes efficit cum excessu frigidas, & annos ut plurimum steriles. Interim tribuit rebus omnibus suam consistentiam præcipuè ipsius Terræ Elemento propter frigidam & siccam suam naturam.

Denique *Saturnini* homines dicuntur, qui habent complexionem frigidam & siccam, coloris terrei & ferruginosi, cogitabundi, melancholici, timidi, tenaces, suspiciosi, ad *Saturninorum* *Homini-* *plexio* scientias præsertim speculativas apti.

§. VII.

Influxus Jovis in Sublunaria.

1. **J**UPITER post *Solem* & *Saturnum* est Planeta maximus: *Magitudo* magis Sole, minùs Saturno à Terra remotus: cursu *24. Cursus.* proprio Zodiacum in signa consequentia annis ferè duodecim absolvit, communietiam tardior Saturno, quia inferior.

2. Dicitur *Beneficus*, quia aërem serenat, sanumque animalibus reddit; unde *Jove* dominante arbores, vineæ & *Beneficentia* agri evadunt fertiles, hyemes moderatæ, attamen nivosæ, anni plerumque uberes & sæcundi.

3. Quando autem magis directus regioni cuidam imminet, creat Terræ motus, fulmina, & tempestates, præsertim *Soli* & *Marti* conjunctus: in animalibus auget sanguinem, & corpora impingat.

Denique cum sit naturæ calidæ & humidæ, hinc *Jovialis* *Jovialium* homines dicuntur, qui calido & humido temperamento *complexio* constant, faciei liberalioris, & rubicundæ, succulenti corporis, hilares, affabiles, prudentes in consiliis, boni judicii, sæcundi, & vitæ longæ.

§. VIII.

§. VIII.

Influxus Martis in Sublunaria.

Magnitudo & cursus

apparentia diversa

vehementia

1. **I**Nfra Jovem MARS, Terrâ minor, duobus ferè annis cursum absolvit; quando est in Apogæo, *Soli* conjunctus, vix stellam tertiæ magnitudinis apparentiâ suâ exæquat; quando verò in Perigæo, *Soli* oppositus, Terræ proximus est, *Stellas* suæ magnitudinis apparentiâ superat.
2. Ac proinde vehementior evadit, ita ut æstate aërem reddat æstuosum, & insalubrem, terram exuret, fontes exsiccet, fulmina & tempestates, subinde etiam Terræ motus exfufcitet.

3. Hyemes quidem nonnihil mitigat; nives tamen accumulat, ventos ac turbines evocat; & frequenter inundationes fluminum & marium: arbores & fructus corrumpit, ac vermes, muscas, crabrones, aliâque insecta producit: animalia malè afficit, bilem flavam adauget, sanguinem accendit, ad morbos calidos & acutos totum corpus disponit.

Martialis complexio.

Denique, cùm sit naturæ igneæ & siccæ, hinc *Martiales* dicuntur homines, qui sunt complexionis calidæ & siccæ, faciei ficcioris & quasi inflammatae, rixosi, inquieti.

§. IX.

Influxus Veneris in Sublunaria.

Magnitudo & cursus.

Beneficentia.

1. **V**ENUS, lucidissima. *Solis* pedisequa, *Solem* mane præcedit, vespere subsequitur, & circa eundem suam orbitam servat, à quo ultra Gradus 49. nunquam recedit eumque circuit plusquàm anni dimidio. Apparet in magnitudine *Marti* Perigæo similis, quando major: Phases etiam patitur *Lunæ* similes prout vario situ *Soli* opponitur.

2. Calore suo moderato calorem *Solis* fovet, humiditate etiam & frigore modico siccitatem & æstum *Solis* temperat.

rat: Sol interim eidem semper vicinus per suum calorem directum & reflexum disponit illius frigidum & humidum in humorem magis calidum, quem sublunaribus beneficè communicat.

3. Humores tamen in animalium corporibus accumulatur, & augmentum sanguinis copiosum eorundem venis suppeditat, maximè circa Vernal tempus, ubi ab Austro redit cum Sole Venus.

Denique cum sit naturæ modicè calidæ & humidæ, hinc *Veneræ* dicuntur homines, qui sunt complexionis calidæ & humidæ, faciei jucundæ, hilares, tractabiles, ad vanitatem, Musicam, jocos, colloquia, recreationes, venationes proni.

Venerorum complexio.

§. X.

Influxus Mercurii in Sublunaria.

1. **M**ERCURIUS, iridem Solis pedissequus, circa Solem, veluti Venus, rotatur Anni fermè quadrante; à quo ultra Gradus 29. nunquam recedit, adeoque præ reliquis Planetis constanter Soli vicinissimus; nihilominus iis omnibus agilior & mutabilior est: modò enim infra, modò supra Solem ambulat: modò ad illum accedit, modò ab eodem recedit: mox iterum retrogradus: nunc valdè lucidus apparet & conspicuus: paulò post fit iterum invisus, à vicinâ Solis obfuscatus.

Cursus
§.

apparentia diversa.

2. Hæc suâ variatione continuâ reliquorum Planetarum influxum identidem variat, & combinationem totius virtutis cœlestis aliter atque aliter contemperat, nunc calore, nunc frigore, nunc siccitate, nunc tarditate, nunc velocitate sui motûs valdè variabilis.

Varietas influxus.

3. Cum *Mercurius* in tantâ varietate cursûs sit naturæ partim calidæ, partim frigidæ, partim siccæ, *Mercuriales* homines dicuntur, qui sunt complexionis variæ, agiles, vagabundi, loquaces, ingenio tamen subtiles, & ad nova inveni-

Mercurialium complexio.

enda valdè idonei; hinc communiter Mercurio celeritas ingenii in hominibus & agilitas ad quævis negotia; in brutis verò Phantasia variabilis attribuitur.

*Planeta
nihil agunt
in liberta-
tem homi-
nis.*

Nota tamen, quod hæc omnia, quæ de Geniis & inclinationibus hominum dicta sunt, studiorum amor & virtus in isdem facile corrigat, nec ullo modo ad talia ab Astris Homines necessitentur.

CAPUT II.

De influxu cœlestium & terrestrium corporum

In Athmosphæram.

*Per Ath-
mospha-
ram agunt
non solum
cœlestia,
sed & ter-
restria cor-
pora.*

QUoniam Planetarum influxus in hæc sublunaria nobis non fiunt sensibiles immediatè & in se, sed in aliquo medio, quod Medium versus nos est Athmosphæra, sive spatium aëris inter nos & Lunæ orbitam, ex variis vaporibus & halitibus, & transpirationibus Terræ nostræ composita ac Globo Terraqueo undique circumfusa; ac proinde in Athmosphæram non tantum cœlestia corpora influunt, sed & terrestria; hinc de ea congruum erit prioribus Planetarum influentiis in eandem pauca de terrestribus subdicere, quæ aliquantò fusiùs infra suo loco tractabuntur.

§. I

Athmosphæra situs, constitutio, & divisio.

Situs,

Situs Athmosphæra communis immediatus est circa superficiem totam Terræ, aquarum, & marium usque ad cœlum Lunare; Ejus tamen virtus Ætherea penetrat omnes meatus, & poros omnium corporum ad intima usque Terræ viscera, ut patet ex humiditate corporum terrestrium etiam siccissimorum.

Spatium,

Spatium Athmosphæra continuum circa Tellurem, à super-

perficie Terræ supra altissimorum Montium vertices elevatum, à Geographis in tres Regiones infimam, mediam, supremam, distinguitur.

Ima, sive *Infima Regio* usque ad gravidas fermé nubes, nonnihil supra mediocrium montium vertices, utcunque temperata & respirationibus animalium, usibusque humanis accommoda, altitudinem perpendicularem unius milliaris Italici vix excedit.

*Regiones
Atmos-
phææ.*

2da, sive *Media Regio* circa nubes & juga montium altissimorum, densior ac frigidior alterationibus aëris inferviens, spatio leucæ Germanicæ à Geometris definitur.

3tia, sive *Suprema Regio* supra nubes & juga montium altissimorum, rarior & purior, in aërem purissimum sive *Æthera* sensim extenuata, accuratam altitudinis Geometricæ mensuram fugit.

§. 2.

Atmosphæra triplicis Generatio & proprietates.

1. **A**D triplicem hanc Atmosphæra Regionem ex Telluris partibus, tam siccis, quam humidis, sive *Terrâ* & *Aquâ*, continuè exhalant vapores & fumi, quorum causa est; partim calor cœlestis Planetarum, præsertim *Solis* & *Lunæ*: partim calor terrestris, sive ignis subterraneus Telluris partibus commixtus.

*Per ignem
subterra-
neum &
Planetas.*

2. Sicut enim experimur omnia ferè corpora admoto vel levissimo igne halitus & vapores emittere; sic etiam, cum tam calor cœlestis, quam calor terrestris in substantia nihil aliud sit, quam ignis aliquis, necessarium est, ut ex partibus Telluris vapores & fumi per illum extollantur: nunc plures, nunc pauciores: nunc leviores, nunc crassiores: tum pro diversa *Solis* & *Lunæ*, aliorumque Planetarum supra Horizontem elevatione, vel infra eum depressione: tum pro diversa Telluris ipsius ratione & qualitatibus.

*Vapores
Terræ ele-
vantur.*

altius levi-
ores quàm
crassiores.

3. Particulæ Vaporum leviores, magisque calidæ, ut sulphuræ, spirituosæ, igneæ, altius evolant, & ad Tertiam Athmosphæræ Regionem assurgunt: Particulæ graviores, minùsque calidæ, ut aqueæ, salinæ, terreæ in primâ ferè & secunda Regione versantur, ac mutuâ in se actione & conflictu varias exhalationes, & vapores progignunt, qui paulatim altius eveci primò in nebulas, deinde in nubes coalescunt.

In primâ
Regione
aër rarior
pro respi-
ratione

4. In prima quidem Regione, ut aërem per suam moderatam raritatem aptum respirandi medium volucris & reliquis animantibus efficiant; in secundâ verò, ut per accumulationem, densitatem, & antiperistasin frigoris, materiam ad alterationes sublunares necessariam & magis dispositam cœlestibus influentiis præbeant.

in 2dâ den-
sior & fri-
gidior.

5. Hinc in primâ Regione aura rarior nonnihil fit ac mitior propter vicinos ignes subterraneos, & radios Solis à Terrâ reflexos: in secundâ verò regione aër longè crassior & frigidior redditur, quia ad hanc Regionem, nec calor ignis subterranei, nec radii solis reflexi pertingunt: In supremâ autem Regione aër purior efficitur, quia eò tantùm tenuissimi halitus ascendunt; ita ut paulatim aër rarefactus in purissimum ætherem evadat.

in 3tiâ pu-
rior.

§. III.

Motus Athmosphæræ communis in Longitudinem.

Motus
Athmo-
spheræ
cum stellis
promove-
tur.

1. **M**otus Athmosphæræ ut plurimum se accommodat motui Siderum, tum communi, tum proprio, nisi per ventos extraordinarios, ac tempestates exoticas interturbetur.

2. Motu itaque communi Athmosphæra continuò circa Terram circumfertur, cum motu Planetarum, reliquisque Sideribus communi ab ortu in occasum per 24. horas,
&

& inde rursus in ortum, ne scilicet in perpetuâ quiete, velut aqua in palude consistens, computrescat, & per respirationes animalium ejus malignitas attracta, mortales inficiat.

*Præcipue
in Mari
patenti.*

3. Hic motus communis Athmosphærae, præcipue in mari patentissimo excitatus, continuè propagatur, & magis augetur. Primò enim attollit nonnihil undam, & modicos efficit fluctus, quibus undæ subsequentes, & venti novum superaddunt impulsum, atque hic tandem longiore progressu multiplicatus, in immensum excrescit, fluctusque extollit decumanos; qui nihilominus, præsertim in *mari Pacifico*, adhuc ab ortu in occasum rectà cum illo communi Athmosphærae motu procedunt; si verò reperiant obstacula littorum altiorum, aut congeries Insularum, ut in extremitate maris Pacifici, ad *Insulas Marianas, Philippinas, Japonicas, Chinenses, Indicas*, tunc aut in adversam partem reflectuntur, aut in obliquam declinant, novamque seriem undarum ac fluctuum, quaquaversum ventis contrariantibus, concitant; unde Athmosphærae, marisque perturbatio, sævæque tempestates consequuntur.

4. Vehementius autem hic motus Athmosphærae communis promovetur in *Zona Torrida*, quia ibidem velocior; tum ob majorem ejus orbitam, quàm reliquarum Zonarum; tum ob radios Planetarum in Zodiaco illuc magis directos & simul reflexos, ideòque fortiores, longè majorem impressionem faciunt in *Zonam Torridam*, ejusque Athmosphæram Zodiaco directè suppositam, quàm in aliàs Terræ Zonas eisdem Zodiaco obliquè dispositas: tum ob majorem attenuationem & rarefactionem vaporum per excessivos in *Zona Torrida* calores, minorem in *Temperata*, minimam in *Zona Frigida* utrâque. Hinc rariores etiam sunt perturbaciones motus communis Athmosphærae in *Zona Torrida*, frequentiores in *Temperata*, fermè continuæ in *Zona Frigida* utraque, ubi perpetuus rigor & densitas humorum vix calore Solis æstivo dissolvi, multò minus consumi potest, & actione contrariâ motum communem à se repellit.

*Maximè
sub Zonâ
Torridâ.*

*Ob radios
magis dire-
ctos*

*majorem
rarefactio-
nem vapo-
rum.*

§. IV.

Motus Athmosphære proprius in Latitudinem.

Motus Ath-
mosphære
transver-
sus

&
Annuus in
latitudi-
nem.

à motu So-
lis annuo,

qui tamen

à variâ
combina-
tione reli-
quorum
Planeta-
rum,

1. **H**Uic motui, Athmosphære communi ab ortu in occa-
sum cum omnibus Sideribus, alius est *Transversus*
à *Borea* in *Austrum*, & ab *Austro* in *Boream*. Hic *Proprius*
& *Annuus* appellatur, prout nimirum *Sol*, reliquique *Planete*
jam accedunt ad *Polum*, jam recedunt à *Polo* utroque tum
Boreali, tum Australi. Sic quando *Sol* ex signis Australibus
in signa Borealia progreditur usque ad *Tropicum Cancrî*,
longissimè recedit à *Polo Antartico*, & partibus Australibus,
ac magis accedit ad *Polum Arcticum* & partes Boreales, ideo-
que fortius agit in Athmosphæram Borealem, eamque sen-
sim rarefacit, & glaciem ac nives, partim in nebulas, nubes,
& pluvias resolvit; partim verò ad Plagas Australes impellit,
à *Borea* scilicet ad *Austrum* Athmosphæram propellendo;
ubi denuò *Sole* magis & magis recedente, colligitur, & circa
Polum Antarticum rigore & frigore, quasi in cumulum, ad-
densatur tam diu, donec à *Sole* ex signis Borealis in signa
Australia usque ad *Tropicum Capricorni* progressu, Athmo-
sphæra Australis eodem modo, ut Borealis, resolvitur, & ab
Austro in *Boream* propulsatur.

2. Atque hæc vicissitudo perpetua à Naturæ Modera-
tore DEO providentissimè diversos propter fines instituta,
de anno in annum perseverat, ut competentem continuis
alterationibus; & statis Anni tempestatibus materiam submi-
nistret, Terramque fœcundet.

3. Sicut autem hic *Proprius* motus Athmosphære in
Latitudinem ab ordinario annuo *Solis* motu & declinatione
ab *Equatore* provenit ordinatus & annuus Athmosphære,
ventorumque ad stata tempora redeuntium motus, & ab hoc
oceanî fluxus annuus; ira è contrario omnis hujus motûs ac
fluxûs diversitas à diversa identidem habitudine & combina-
tione reliquorum *Planetarum* proficiscitur; licet multum ad
motûs

motus diversitatem etiam faciant diversa littora continentium, sive oræ maritimæ, in quas motus Athmosphæaræ & Maris impellit, inque varias vias reflectitur: item concitatio *Fretorum* in diversa currentium: item impetus magnorum *Fluminum* in mare decurrentium, quibus proprius ille *Motus Annuus* non leviter interturbatur.

à reflexione littorum, ab impetu Fretorum & fluminum interturbatur.

§. V.

Motus Athmosphæra Heteroclitus.

1. EX dictis patet, motum Athmosphæaræ tum communem, tum proprium oriri præcipue à Solis motu tum diurno ab ortu in occasum, tum annuo à Septentrione in Austrum, & ab Austro in Septentrionem per 12. Signa Zodiaci transversim continuato.

Motus Athmosphæra

2. Cum autem, præter hunc utrumque motum, Athmosphæra variis adhuc, & contrariis & Heteroclitis motibus agitur, & existant hyemes non raro, vel solitis mitiores, vel sæviores: Æstates aut nimis frigidae, aut nimis calidæ: Veris etiam & Autumni tempora solito suo temperamento nimium aberrantia, præter *Solem*, reliquos quoque *Planetas* ad hunc motum Heteroclitum, & alterationes Athmosphæaræ variabiles & exoticas concurrere statuendum est.

Heteroclitus & sibi contrarius in Anni tempestatibus, non tantum à Sole

3. Varius siquidem *Planetarum* motus, varia combinatio, conjunctio, oppositio, tam inter se, quam cum *Sole*, propter diversas singulorum & contrarias qualitates, tum caloris, tum frigoris, tum humiditatis & siccitatis, facili compositionem partium diversissimarum Athmosphæaræ volubilis distubat.

sed etiam à vario motu Planetarum,

4. Sic quando *Sol* cum *Venere* & *Mercurio* *Lunâ* humidâ, *Jove* & *Marte* calidis, in *Tropico Cancræ* conjungitur, *Saturno* interim frigidiore ad alterum *Tropicum Capricorni* remoto; tunc propter caloris excessum cum humido notabili fit ingens rarefactio, adeoque violentus Athmosphæaræ motus,

Eorumque qualitatibus contrariis;

Hinc modo
æstus est ca-
lidior,

motus, ac diurnus ventorum flatus, quo halitus & vapores Boreales, Terrâ verno tempore apertâ, dissipantur, attenuantur, exhauriuntur, & consumuntur, qui cæteroquin ordinario motu in multos menses, & totam æstatem alterationibus continuandis suffecissent. Unde immoderata siccitas, æstus intolerabilis, febres calidæ, ac subinde pestiferæ lues consequuntur.

Modo fri-
gidior.

5. Contrarium accidit, quando *Sol* in eodem *Tropico Cancr.* cum *Venere*, *Mercurio*, ac *Saturno* frigido conjungitur, *Jove* & *Marte* calidioribus ad alterum *Tropicum Capricorni* remotis; tunc enim *Athmosphæra* vicina diutius quiescit, condensata à Planetis frigidis, clausâque diutius Terrâ, ver erit solitò magis siccum, æstatemque frigidam & humidam inducet; quia tunc *Sol* à Planetis frigidis impeditus, tardius aliquanto movebit *Athmosphæram* Borealem.

Modo tem-
peratior,

6. Si verò *Saturnus* sit in *Æquatore* constitutus, ac *Sol* cum *Jove*, *Venere*, & *Mercurio* in *Tropico Cancr.*; *Luna* autem & *Mars* in *Tropico Capricorni*, utrobique suum frigus reliquis calidioribus communicabit, & moderatum efficiet motum *Athmosphære* tum Borealis, tum Australis, adeoque anni tempestas erit temperata.

licet hic
Planeta-
rum influ-
xus non
tam sensi-
bilis sit,
quàm in
sòle.

7. Neque omnino negari potest, quòd varia ista *Athmosphære* habitudo, & subjecti orbis Terraquei alteratio multum dependeat ex varia constitutione *Cæli Planetarii*. Licet quidem id ipsum non tam sensibiliter & immediatè cadat in sensus nostros, velut in *Sole* manifestius experimur, rationi tamen conveniens esse probat ordinatissima & constans motus *Planetarii*, rerumque in toto orbe Terraqueo sibi continuè succedentium conspiratio: neque tot tantisque motibus *Planetarum* alius ostendi potest finis sufficiens ac competens à natura constitutus, nisi hæc ipsa rerum sublunarium tam diversa habitudo, alteratio, varietas, & continua, quamvis non semper sibi similis ad ordinarium & annum *Solis* cursum, mutatio.

§. VI.

Causæ aliæ motuum subitaneorum.

PRÆter varium Planetarum motum, Atmosphæram quæ quævisum commoventium, aliæ plures causæ elementares ex ipsâ Terrâ, Aquâ, Igne, Aëre, inter se commixtis, concurrunt. non parùm enim Atmosphæram variant, atque perturbant.

Præter
Planetas
aliæ causæ
elementares.

1. *Resolutiones nivium & glacierum*, quæ terrâ marique tempore hyemali accumuluntur in partibus utriusque Polo vicinis, & in utraq; Zonâ temperatâ, quæ subinde à ventis, & pluviis repente dissolvitur; aliàs verò sensim & incerto tempore defluit in aquas & vapores, unde multum variatur ordinarius Atmosphærae motus, & exinde etiam diversi maris fluxus, & refluxus, denuò rursus in Atmosphæram coagentes.

Resoluti-
one nivi-
um.

2. *Violentia Ventorum* sibi mutuo contrariantium, qui quidem nihil aliud sunt, quàm ipsamet Atmosphæra commota, sive ejusdem agitatæ impulsus; quod enim Atmosphæra impellitur, in eam partem conspirant & dominantur venti. Nec alius facile invenietur fons & origo ventorum, quàm Atmosphærae fluxus & motus: Cujus violentia satis apparet in diversis effectibus: in Maris æstu procellis ac fluctibus, agitatione sabuli, evulsione arborum, Terræ motibus, stridore, fremitu, susurro, ex collisione partium Atmosphærae; maxime quando eæ ad res obstantes, muros, rupes, littora, ac fluctus allisæ, diversis motibus, ventis, ac tempestatibus inter se præliantur; aut ex ipsis subinde Terræ visceribus, aëre concluso & compresso in cavitatibus, dum per spiritus sulphureos rarefactus exitum quærit, aut obsistentem terram disrumpit, aut per sinuosos meatus violento impetu propulsus Atmosphæram superterraneam quaquaversum conturbat.

Ab impetu
Ventorum.

Ad res ob-
stantes &
Terræ mo-
tibus.

Ignes Subterranei, qui in Pyrophylacijs suis nunquam

Ab ignibus
otio-

*Subterra-
neis.*

otiosi quiescunt, sed continuò mineralia & aquas subterraneas in vapores & exhalationes resolvunt. Ipsæque flammæ novis semper alimentis adauctæ, tandem per ignivomos montes, velut per caminos, in apertum prodeunt, & in auram hanc nostram prorumpentes Athmosphæram adaugent, ac in omnem partem violenter impellunt.

*Ab Athmo-
sphaera fri-
gidâ nimi-
um conden-
satâ & ra-
refactâ.*

4. *Ipsamet Athmosphæra frigida & condensata* circa Polos, non minùs in mari, quàm in terrâ, terribilium turbinum, procellarum ac tempestatum causa est: quando nimirum ab alterutro Polorum repenti *Athmosphæra* torrenti, & exhalationibus nitrosis atque sulphureis refertæ superveniens, easque particulas per Antiperistasin in arctum & angustum spatium concludens, tam diu obsidet, donec magis unitæ sese mutuò intendant atque accendant; tum enim à calore rarefactæ cum impetu ac fragore, in tonitrua, fulgura, fulmina, tormentorum explosorum more, dissipantur, & quidquid obvium habent, sursum ac deorsum prosterunt.

*Ab exha-
lationibus
maris &
terre ni-
mid.*

Denique exhalationes ex mari & terrâ copiosè & cum impetu quodam elevatæ: condensationes & rarefactiones aëris à quovis frigore vel calore: gravidarum nubium descensus, quo aër subjectus violenter premitur, Athmosphæram insigniter commovent, & in omnem partem circum agunt, velut undulationes & fluctus in mari.

§. VII.

Figura Athmosphære totius.

*Athmo-
sphaera in-
ter tot mo-
tus servat
figuram
sphaericam.*

1. **I**N tantis nihilominus moribus ex mutationibus, tam exoticis, quàm ordinariis eandem semper *Athmosphæra* servat *Figuram sphaericam*, quemadmodum Oceanus fluctuans ad Peripheriam Telluris. Licet enim in quibusdam locis vapores & ipse aër magis eleveur, prout sol aliquibus locis, vel magis verticalis, vel magis obliquus est, quàm in aliis; tamen, quia aër est fluxilis, & suâ gravitate ad Telluris centrum

centrum tendit; ideo pars aëris elevatio premet aërem subiectum, & hic alium depressiorem à latere trudet, donec omnes partes eandem altitudinem à centro Terræ consequantur.

2. Neque condensatio frigoris, neque rarefactio caloris mutabunt *Atmosphæra* altitudinem, nam quia non tota simul rarefit, aut condensatur, sed quædam partes, atque omni tempore, tam æstate, quam hyeme aliquæ condensantur, aliquæ rarefiunt, modò hæ, modò illæ. Quare condensatio vel rarefactio unius temporis non magis mutat altitudinem, quam condensatio & rarefactio alterius temporis. Est enim calor in æstate aërem nostrum magis elevet, quam in hyeme; tamen quia eodem tempore in alio loco Telluris hyems est, in illo minùs attolletur aër. Quare pars aëris nostri movebitur versus aërem locorum illorum, ubi aër minùs altus est. Econtra, cum aër noster propter frigus hyemis deprimitur, pars aëris istius loci, ubi ætas est, movebitur versus nostrum locum, donec totus aër æqualiter absit à centro Telluris.

3. Eadem est ratio de condensatione aëris nocturnâ, & rarefactione aëris diurnâ. Eadem quoque ratio nebularum, pluviarum, vaporum, exhalationum, quæ fiunt in nostro loco vel alio. Dum enim noctu aër contrahitur, in alio loco rarefit, ubi Dies est: dum in uno loco pluit, in altero pluebat: dum hic nebulae, illic serenitas: dum alibi vapores altiùs ascendunt, alibi profundius descendunt, donec omnes *Atmosphæra* partes ad sphericam figuram naturalem conglobentur, turbataeque rursus ad eandem redeant.

*Turbata
subinde à
frigore
vel calore:*

*aut con-
densatione
aëris no-
cturnâ vel
diurnâ ra-
refactione,
ad figuram
sphericam
se dirigit.*



CAPUT III.

De lucis, caloris, frigoris, humoris, siccitatis, pluviarum, nivium, causis in diversis Telluris partibus.

*Varietas
Lucis, Ca-
loris, Fri-
goris, Hu-
miditatis,
Siccitatis,*

Quemadmodum motus Athmosphærae tam ordinarius, quàm heteroclitus dependet ut plurimum à cursu *Solis, Luna, & combinatione reliquorum Planetarum*: item rarefactione & condensatione vaporum & halituum terrestrium: item variâ dispositione Telluris, & situ diverso locorum; ita etiam varietates *lucis, caloris, frigoris, humiditatis, siccitatis*, in diversis Telluris partibus ab aliis concausis desumuntur, quas hic breviter enumerabimus.

§. I.

Enumeratio Causarum illarum.

*A radiis
solis vel di-
rectis, vel
obliquis.*

Prima Causa desumitur ab emissis *Solis* radiis in hanc Terram, quorum obliquitas major vel minor, vel nulla, mirè variat proprietates *lucis & caloris*; radii enim, perpendiculariter in Terram incidentes sine ulla vel saltem parvâ obliquitate, maximum in ea causant calorem; reliqui verò radii obliquè allabentes, eò minorem habent calefaciendi potentiam, quò magis à perpendiculari radio declinant. Sic vineæ suâ declivitate, directè *Soli* objectæ, incallescunt, & fecundæ sunt, quia ibidem radii solares in se ipsos reflectuntur; *Polo* autem obversæ rigescunt, & steriles manent, quia radii solares tantùm radunt superficies earum, aut saltem declinant, ut reflecti non possint.

*à morâ So-
lis supra
Horizon-*
tur.

2da à mora *Solis* diuturna supra Horizontem alicujus loci; calefactivum enim, diutius applicarum objecto, magis calefacit, & mutat magis aërem longiore tempore, quàm brevi-

breviore. Sic colliculi, qui suâ curvitate mane respiciunt solem orientem, meridie culminantem, vespere occidentem, frugiferi sunt, diurnumque in se calorem conservant.

3^{ta} à depressione *Solis* noctu majore, vel minore infra Horizontem; minor enim depressio majorem, major depressio minorem in aëre lucem efficit: similiter quoque majorem vel minorem reporem, pluvias vel imbres, densas vel raras nebulas, majus vel minus crepusculum, majus vel minus frigus, prout experientia constat in multis locis *Zonæ nostræ Temperate*, imò etiam in quibusdam *Zonæ Frigidæ* locis.

& infra
Horizontem,

4^{ta} à *Lunæ* vel majore vel minore elevatione, aut morâ supra Horizontem, aut majore vel minore morâ & depressione infra Horizontem; similis enim inde effectus lucis, caloris, & frigoris vel majoris vel minoris oritur cum analogia ad Solem. Similes quoque effectus, sed minus sensibiles ex diversa combinatione reliquorum Planetarum *Saturno, Jove, Marte, Venere, & Mercurio* in aëre provenire probabile est.

à Lunâ scilicet
militer.

5^{ta} à diversis cujuslibet *Terræ proprietatibus*; nam ubi dura, saxea, & petrosa Terra est, ibi plerumque frigidior est aer: ubi sulphurea, bituminosa, pinguis, ibi benignior est aer, & major fertilitas: ubi multa arena, nulli fluvii, ibi magnus calor est & siccitas. Aer quoque mitior fit, ubi terra colitur, quam ubi sylvescit, & inculta manet, ut experientia docuit in multis Germaniæ locis ab industria hominum excultis, quæ olim asperitate suâ frigus induxerant: Sic *Canadensis* Regio in *America Boreali*, quæ licet eodem ferè climate cum *Gallia* contineatur, longè tamen olim, historiâ teste, frigidior fuit; sed nunc exculta *Gallia* ferè similis est.

A proprietatibus
Terrarum.

6^{ta} ex adjacentibus paludibus, lacubus, mari imprægnatur aer; inde enim halius procreantur humidiores & frequentiores, ac radii solares minùs potenter reflectuntur ab aquis, quam à terra. Sic *Insulæ* plerumque mitiores sunt &

A proprietatibus
Aquarum.

& uberiores, quàm loca mediterranea; quia istæ majorem humorum copiam imbibunt ex vicinia, quàm hæc: ob eandem causam loca propiora magnis fluminibus benigniora sunt, quàm magis ab iis remota.

A vario situ locorum

7ma ex vario situ locorum varius fit aër; aliter enim in montes & montana agit *Sol*, aliter in valles & planitiem. Ad montes siquidem trahuntur quodammodo vapores aëris, & prohibent radiorum *Solis* ad subiecta loca accessum, qui remotis montibus planitiem liberè perfringeret. Unde necessariò montana mutant vicinorum locorum tempestates, calorem, nebulas, pluvias &c quæ tollunt aut saltem minuunt aëris calorem & lucem. Sic præcelsi montes etiam in *Zona Torrida* frequenti nive cooperti, ad magnam non rarò distantiam frigus suum propagant, auramque rigidam efficiunt, ut mons *Potosi* in America, montes *Lunæ* in Africa, in Insula *Teneriffa* mons *Picus*, in Insula *Ceylon* *Pico d'Adam*, etiam in *Germania* montes *Helvetii*, aliique, qui obstaculo suo inflectunt, & mutant tempestates, variant quoque mores & temperamenta viventium.

A Ventis generalibus & statis

8va ex ventis præsertim generalibus, & statis aër multum alteratur: Sic *Etesia* in *Græcia* temperant æstum *Solis* inter Caniculares: sic generalis ventus in *Zona Torrida*, præsertim subsolanus in *Brasilia* temperatum reddit calorem, quando in Africa Occidentali vehementissimus est æstus, licet ambo loca sint sub eadem *Zona*, quia hæc loca non ita sentiunt ventum generalem, quàm ista: sic in nostris locis Borealibus venti Septentrionales frigidi & sicci, Australes tepidi & humidi: contrarium evenit locis Australibus, ita ut commune adagium (*Frigus uterque Polus, dat Torrida Zona calorem*) in multis locis fallat, multa enim loca danrur calida in Zonis frigidis, multa frigida in temperatis, imò etiam in ipsa *Zona Torrida*. Manet tamen verum à potiori, & cæteris paribus, si dicatur: tantò magis friget Regio, quantò magis accedit ad Polum, & tantò magis calet,

& aliis variis accidentibus.

let, quantò magis à suo Polo recedit, licet natura subinde aliter in aliquibus locis pro variis accidentibus disposuerit.

§. II.

Definitio Quatuor Anni Tempestatum Cœlestium Veris, Æstatis, Autumni, Hyemis.

IN tanta varietate *lucis caloris, frigoris, humiditatis, siccitatis* ex tot causis diversis generalis Definitio Tempestatum dari vix potest, nisi eas cum Astronomis definiamus secundum annum *Solis* cursum, & Cœli Leges; terrestres enim Tempestates, prout *Europæi* eas solent æstimare à caloris & frigoris temperie, aut excessu, non omnibus Telluris locis, ut modò dictum, conveniunt, nec certa servant anni variationis tempora, præcipuè in *Zonâ Torridâ*. Igitur

1mò. Æstas (cœlestis) loci alicujus definiri potest, Tempus anni, cujus initium est dies, in cujus meridie *Sol* minimam habet à vertice loci illius distantiam; Finis verò ille dies, in cujus meridie *Sol* mediocrem à vertice loci illius primò recipit distantiam.

2dò. Hyems loci alicujus est Tempus anni, cujus initium est dies ille, in cujus meridie *Sol* maximam habet à vertice istius loci distantiam; Finis verò ille dies, in cujus meridie *Sol* mediocrem à vertice loci illius recipit distantiam, rediens à maxima,

3tiò. Ver loci alicujus est Tempus anni, cujus initium est dies ille, in cujus meridie *Sol* mediocrem acquisivit à vertice distantiam, veniens à maxima; Finis verò ille dies, in cujus meridie *Sol* minimam primò acquisivit à vertice loci istius distantiam.

4tò. Autumnus loci alicujus est Tempus anni, cujus initium est dies ille, in cujus meridie *Sol* mediocrem recepit à vertice istius loci distantiam, veniens à minima; Finis verò dies ille, in cujus meridie *Sol* maximam à vertice loci istius distantiam adeptus est.

Arque

Atque ita *Ver*, *Æstas*, *Autumnus* & *Hyems* accommodari possunt omnibus totius Telluris locis, & definitiones erunt universales.

In Zonâ
Tempera-
tâ & fri-
gidâ Bore-
ali

1. Omnibus locis Septentrionalibus in *Zonâ Temperata* & *Frigida Boreali*.

Ver incipit cum ingressu *Solis* in 1. Gradum *Arietis* 21. Martii, quia ibi *Sol* mediocrem habet à verticibus singulorum Borealiū distantiam.

Ver
1. Gr. V
Æstas
1. Gr. 69.

Æstas incipit cum *Solis* ingressu in 1. Gradum *Canceri* 21. Junii, quia ibi *Sol* minimam habet à verticibus singulorum distantiam.

Autumnus
1. Gr. 22.

Autumnus incipit cum ingressu *Solis* in 1. Gradum *Libræ* 23. Septembris, quia ibi *Sol* mediocrem iterum habet à verticibus singulorum distantiam.

Hyems
1. Gr. 33.

Hyems incipit cum ingressu *Solis* in 1. Gradum *Capricorni* 21. Decembris, quia ibi *Sol* maximam habet à verticibus singulorum distantiam.

contra
in Locis
Australi-
bus.

Contrarium accidit omnibus locis Australibus in *Zonâ Temperata* & *Frigida Australi*, ita ut His *Hyems* sit, ubi Illis *Æstas*, His *Ver*, ubi Illis *Autumnus*, & rursus, His *Æstas*, ubi Illis *Hyems*, His *Autumnus*, ubi Illis *Ver* est, ex eadem ratione, vel minimæ, vel maximæ, vel mediocris *Solis* ab eorum verticibus distantia.

In Zonâ
Torrida
anni tem-
pestates
non inci-
piunt eo-
dem die.

2. Omnibus locis in *Zonâ Torridâ* ejusque Parte tum *Boreali* tum *Australi*, prout facillè ostenditur in globo & Mappis universalibus ex præcedenti ratione.

Cum hoc tamen discrimine, quod ibidem *Ver*, *Æstas*, *Autumnus*, *Hyems*, non incipiant singulatim uno eodemque Anni Die, sed diebus diversis in singulis *Zonâ Torridâ* locis, sub latitudine diversa jacentibus; habent enim singula talia loca aliis diebus Solem verticalem, sive ejus minimam à vertice distantiam.

Sub Æqua-
tore dupli-

Loca verò sub *Æquatore* jacentia hoc peculiare habent quod duo sentiant Verna tempora, duas *Æstares*, duos *Autumnos*, duas *Hyemes*; bis enim habent mediocrem *Solis* à ver-

à vertice distantiam inter Gradum Latitudinis 11. & 12; bis maximam in gradu Latitudinis 23. & dimidio; bis minimam in Gradu O. ubi Sol bis iis fit verticalis. cantur singula.

Reliqua loca *Zonæ Torridæ* ab octavo Gradu Latitudinis, duplex ver, duplicem æstatem; unum verò tantum Autumnum & unam Hyemem. Ideoque in omnibus istis *Zonæ Torridæ* locis quatuor anni tempora erunt inæqualia: nec tantum ipsa tempora diversarum tempestatum sunt inæqualia; sed etiam ejusdem tempestatis tempus in diversis *Zonæ Torridæ* locis est inæquale. In locis enim sub ipso *Æquatore* jacentibus unaquæque *Æstas* & unumquodque *Ver* tantum habet dies 32. ita ut ambæ æstates & ambo verna tempora habeant dies 64. sive duos menses; *Autumnus* verò & *Hyems* sunt longiores, nempe 55. dierum; ita ut ambo Autumni & ambæ Hyemes sint 110. dierum, sive 4. ferè mensium. Ab octavo Gr. Latitudinis una tantum Hyems, & unus Autumnus. In totâ Zonâ Torridâ. 4. anni tempora sunt inæqualia.

In locis autem ultra 10. Gradum latitudinis ab *Æquatore* remotis durat *Æstas* ultra sex menses: & quò minùs loca remota sunt ab *Æquatore*, eò majorem habent æstatem, minorem hyemem, magis vel minùs mediocrem Autumnum & Ver.

In locis verò *Zonarum Temperatarum* & *Frigidarum* talis inæqualitas Tempestatum locum non habet; quatuor enim Anni tempora in his utrobique ferè æqualia sunt, cum Sol in singulis tempestatibus tria signa constanter percurrat. Hæc omnia facillè ostenduntur in Globo & Mappis universalibus. Æqualia in temperatis & frigidis.

§. III.

Habitudo Anni Tempestatum Terrestrium in Zonâ Torridâ.

1. **I**N *Zonâ Torridâ* Hyemem à pluviis potiùs, quàm à frigore denominant Populi; vix enim in iis locis frigus Tempestatum Anni terrestres ali-

tantum
duas nume-
rant habi-
tatores Zo-
næ Torri-
dæ

aliquod sentitur ullâ Anni parte, nisi in altissimis montibus intra secundam regionem Atmosphæræ frigidam expositis, aut noctibus ob profundam *Solis* depressionem infra Horizontem. Qui si moraretur tam diu supra Horizontem quàm in nostrâ Zonâ Temperatâ aut Frigidâ intolerabilem causeret æstus, nec habitari posset Zona Torrida.

Pluvialem
& siccam

2. Hinc Habitatores ejus dividunt tantum Annum in duas partes, *pluvialem* tepidam, & *siccam* excessivè calidam, quam tamen temperant venti Orientales Anniversarii & Statii: præsertim ubi juga montium habent obversa Orienti ut in Brasiliâ, Americâ, orâ Orientali Africæ Meridionalis, & orâ Coromandelâ Indiæ Orientalis.

nibilemi-
nus tamen
in 4. dividi
possunt.

3. Quæ verò loca Montes habent occidenti obversos, contra solaris accessus vel recessus rationem, experiuntur humiditatem vel siccitatem, sive æstatem & hyemem: ut in orâ Malabaricâ Indiæ Orientalis: orâ Occidentali Africæ: orâ Peruvianâ Americæ, quas tamen venti Meridionales temperant; ita ut etiam in Zonâ Torridâ Annus in quatuor Tempestates commodè dividi possit, ac non tantum Æstas, & Hyems, sed etiam Ver & Autumnus ibidem locum inveniunt. Sicut enim in nostris locis Ver accedit ad æstatis naturam, & Autumnus ad Hyemis; ita quoque in Zonâ Torridâ, humida & sicca tempestas quoad suam temperiem dividi poterit; licet non ubique constanter servet cœli Leges, tum ex diverso situ regionum, tum ex terrâ arenosâ, tum petrosâ, tum sulphureâ, tum bituminosâ, tum sterili, tum fecundâ, tum cultâ, tum incultâ, tum fluminibus & lacubus irriguâ, vel mari circumdatâ, ut ex sequentibus colligi poterit.

licet non
ubique ser-
vent cœli
leges ob
causas se-
quentes.

A Solis De-
clinatione
vel majore
vel minore,

imò, cum Sol in Zonâ Torridâ singulis diebus rectâ ascendat supra Horizontem usque ad meridiem, & rursus descendat, maximus ibidem deberet esse æstus circa meridiem ab horâ 9. Matutinâ usque ad 3. vespertinam, ob radios ferè perpendiculares; sed quia Sol à singulorum locorum vertice in Meridie modò recedit, modò propius accedit,

dit, ideo *Hyems* singulorum locorum erit, ubi *Sol* à punctis Eclipticæ ab aliquo loco maximè remotis, vel cancri, vel capricorni, progreditur ad puncta mediæ distantiae: *Ver*, ubi *Sol* à puncto mediæ distantiae redit ad verticem: *Æstas*, ubi *Sol* à vertice graditur ad punctum aliud mediæ distantiae: *Autumnus*, ubi *Sol* à puncto hoc mediæ distantiae progreditur ad alterum punctum maximæ distantiae, vel cancri, vel capricorni.

2dò. Variantur tamen hæc Tempestates à variâ constitutione locorum; in multis enim *Zona Torridæ* locis E. G. in *Indiâ Asia*, insulisque Indicis, in *Guineâ Africa*, in *Mexico America*, ut relationes Nauticæ testantur, Terra est sulphurea, & bituminosa, quæ halitus calidiores emittit, unde aëri teporem continuum communicat. In quibusdam verò locis Terra est arenosa, quæ calorem Solis diutissimè retinet, ut in *Lybiâ Africa*, in multis locis *Arabie*, in regno *Peruviano America*, & inter *Peruvium* & *Brasiliam*, unde in his locis ingens est æstus continuus. In aliis locis sunt ingentes fluvii & lacus, ut in *Abassîâ*, *Congo*, India orientali & occidentali, unde humidi vapores excitantur, qui retundunt vires Solis, & calorem ejus temperant.

Avariâ dispositione terrarum.

3tò. Pauca sunt loca *Zonæ Torridæ* mediterranea, in quibus excessivus est æstus & nimia siccitas, qualia sunt *Africa interior*, & regio quædam inter *Peruvium* & *Brasiliam*; plurima verò temperatiora, quæ vel vicinum habent mare, vel undique mari cinguntur, aut montibus circumvallantur, ut *Insulæ Indicæ*, *Mexicum*, *Peruvia*, *Brasilia*, *Guinea*; hinc in plerisque aër humidior à Mari fieri solet, & juga montium admodum variant calorem Solis, & pluvias; alicubi enim impediunt orientales Solis radios, alibi occidentales; præterea humidi vapores ad montium vertices moventur, unde pluviae, nubes, quibus calor Solis infringitur, & ratio cœlestium tempestatum mutatur.

Aliaratio Tempestatum in mediterraneis aliis in maritimis locis:

4tò. Ventorum etiam varii effectus sunt in *Zonâ Torridâ*; nam ventus orientalis continuus refrigerat loca mari-

que à ventima,

his orienta-
libus, alia
ab occiden-
libus.

tima, quæ orientem spectant, ut littora *Africa* orientalis, & *Americæ* ad *Brasiliam*; non illa, quæ occidentem spectant, ut *Malabariæ*, *Angolæ*, *Congi*, & *Peruviana* littora: Item *venti proprii*, statim interruptentes, periodici, procellosi, subitanei: Nubes etiam pluviaeque Anniversariæ in multis *Zonæ Torridæ* locis cœlestem rationem Tempestatum interturbant, ita ut terrestres se eidem accommodare non valeant, sed à variâ dispositione terrarum, aliorumque accidentium habitu-do terrestrium Tempestatum non raro dependeat.

§. IV.

Habitus Anni Tempestatum terrestrium in Zonis temperatis.

Terrestres
Anni tem-
pestates ad
cœli leges
servat ut-
traque Zo-
na tempe-
rata.
Sed modo
opposito;

1. *Zona temperata terrestres* se ut plurimum accommo-
dant *cœlestibus*, ad *Solis* nimirum accessum & recef-
sum, adeoque ad cœli Leges; ita ut in *Zonâ nostrâ temperatâ*
Boreali Ver sit, *Sole* ab *Ariete* ad *Cancrum* gradiente: *Æstas*,
Sole à *Cancro* ad *Libram* progrediente: *Autumnus*, à *Librâ*
ad *Capricornum*: *Hyems*, à *Capricorno* ad *Arietem*.

2. Econtra in *Zonâ temperatâ Australi Ver* à *Librâ* ad
Capricornum; *Æstas* à *Capricorno* ad *Arietem*: *Autumnus*
ab *Ariete* ad *Cancrum*: *Hyems* à *Cancro* ad *Libram*. Ser-
vantque ambæ *Zonæ temperatæ*, tam hæc, quàm ista ex op-
posito, sua statâ anni tempora, ita ut nec unquam hyems in
æstatem, neque *Æstas* in *Hyemem* unquam transeat.

3. Nihilominus tamen frequenter variant hæc in diver-
sis locis particularibus tempestates; in uno enim loco est
major calor, vel frigus: siccitas vel pluvia, quàm in alio lo-
co, etsi in eodem parallelo aut climate jaceant. Nempe
Terra dura, *petrosa*, aut *paludosa*, aut *maritima* alium &
alium gradum caloris vel frigoris experitur; quàm *Terra*
mollis, *argillacea*, *valles fecundæ*, *colliculi*, aut alia *mediter-
ranea* vitibus aut arboribus fructiferis confita.

4. Sic, in nostrâ Zonâ temperata Boreali, Anglia, licet cum Germania inferiore in eodem climate jaceat, tamen non tam frigida est, nec nivem diurnam patitur, ob Terræ molitiem, & mare circumfusum. Sic contra Japonia ob montes & freta frequentia, frigida, nivosa, pluviosa est, cum tamen aliæ regiones Asia, & Europe in eodem Climate sitæ, longè minorem hyemis inclementiam sentiant. Sic in Moscoviâ propè urbem Toorn inter Siberiam & Tartariam non procul à Zona frigidâ, ager lætus & amœna pascua, vix hyemem sentiunt; cum tamen loca circum omnia sævissimo frigore adurantur. Econtra pars Borealis China, etsi in eodem ferè Climate jaceat cum Italiâ, tamen hâc multò asperius experitur frigus ob montes vicinos Tartaricos: Nova Albion æquè remota ab Æquatore, quàm Italia, tamen rigidior: Barbaria ad montes Atlanticos Ægypto ejusdem Latitudinis multò sævior est.

etiam si sint sub eodem climate, ut in Angliâ & Germaniâ.

In Chinâ & Italiâ nostræ Zonæ temperate.

5. Pariter in Zonâ temperata Australi ad Montana Chili terra nivosa, frigus intensum est, licet in Paraquaria ad flumen Januarium in eodem Climate, vix ulla sit Hyems. In Terrâ Magellanicâ, Ejusque Freto, ac reliquis Zonæ temperatæ Australis regionibus observatum est, quod longè intensius hyeme frigus, & pluviarum impetum; Æstate autem minorem calorem sentiant, quàm Zonæ nostræ temperatæ Septentrionales Provinciæ ejusdem latitudinis ab Æquatore.

Pariter in temperatâ Australi, ut in Chili & Paraquaria aliisque.

§. V.

Habitudo Anni Tempestatum terrestrium in Zonis frigidis.

I. Quoniam Sol parùm admodum Regionibus Polaribus ob nimiam remotionem & obliquitatem supra Horizontem elevatur, parùm ibidem lucis habent ac caloris in æstate; hyeme verò, quia Sol nunquam iis oritur, magnum habent sævi frigoris excessum & parum lucis. Ventis quoque

Zonæ frigida licet, parum caloris, multum frigoris sentiant;

que à *Polari Plagâ* frigidissimi frequenter spirant, raro Euri, rarius Zephyri: in *Arcticâ* furunt Septentrionales, in *Antarcticâ* Australes: perpetuum gelu in hyeme, perpetuæ nebulæ & pluviae in æstate circumpolares divexant: Fertilitas ibi nulla, omnia ferè inculta & aspera.

2. Nihilominus quatuor Anni Tempestates utcunque sentiunt.

Tamen habent aliquod Ver per trimestrem accessum Solis,

Aliquam æstatem per trimestrem recessum Solis semper conspicui:

Aliquam Autumnum per trimestrem Solis elongationem. Sævam hyemem per trimestrem elongationem Solis semper latentis.

Memorabilia ex Diariis Hollandorum.

Primò. Vernum Tempus, quando *Sol* à signo Arietis in Cancrum promotus, integris revolutionibus supra illorum Horizontem commoratur; tum quidem aliquid caloris experiuntur, sed non tanti vigoris, ut nives omnium locorum liquefaciat, & resolvat in aquam; multominus glaciem.

Secundò. Æstatem nonnullam, quando *Sol* à signo Cancri ad Libram rursus adhuc integris revolutionibus supra Horizontem illorum commoratus Terram aliquanto calore fovet; sed hanc Solis benignitatem sæpissimè impediunt densi imbres, & spissæ nebulæ, ventique durissimi.

Tertiò. Autumnum aliquem, quando *Sol* à signo Libræ in Capricornum ingreditur; sed ab Hyemis sævitiâ tempus illud parùm abest, eò quòd *Sol* tunc incipiat continuò infra Horizontem commorari, nec per trimestre benignos suos radios in terras circumpolares possit emitte.

Quartò. Hyemem sævam, quando *Sol* à signo Capricorni ad Arietem revertitur; tunc enim sævissimum ac intolerabile frigus est, eò quòd *Sol* per trimestre jam tempus latuerit sub Horizonte, ac sub eodem denuò per trimestre aliud commoretur.

De his notatu digna *Hollandi* memorant in suis navigationibus ad Terras septentrionales, & observationibus factis ad novam *Zemblam* à gradu latitudinis 70. usque ad 77. quando semel iterumque ac tertiò conati sunt per *Fretum Nassovicum* aperire novam viam in *Chinam* & *Japoniam*; verum semper impediti sunt glacie, quæ montium instar accumulata, naves eorum conclusit, & Nautas 15. in novâ *Zemblâ* hybernare coëgit, exstructo è lignis tugurio, tres ex

iis frigore enecti, reliqui 12. multis malis superstites *Amstelodamum* 27. Octobris Anno 1605. redierunt, & factas observationes sequentes posteritati reliquerunt:

DIE XIII. JUNII Anno 1594. sex milliaribus circiter à novâ *Zemblâ*, cum Sol non occideret isti loco dimensi sumus minimam ejus altitudinem in meridiano mediæ noctis; atque ex eâ invenimus latitudinem loci Gr. 73. Min. 25.

Die 13. Junii Anno 1594.

DIE XIII. JUNII Anno 1595. in latitudine Gr. 77. Min. 29. occurrerunt nobis copiosæ glacies, quæ totum mare videbantur opplere, quantum ex specula mali cognosci poterat.

Die 13. Junii Anno 1595.

DIE XXI. AUGUSTI. Fretum *Waigats* nondum transire navis nostra poterat propter glaciei copiam, quæ ex Oceano *tartarico* in illud ferebatur, atque hoc impedimentum totâ æstate sensimus, ita ut rebus infectis, coacti simus in *Hollandiam* redire.

Die 21. Augusti.

DIE V. JUNII. Anno 1596. in aliâ navigatione observatâ Solis altitudine minimâ, quia tum Sol non occidebat isti loco, deprehendimus latitudinem loci Gr. 74. mare verò glacie reatum.

Die 5. Junii Anno 1596.

DIE XI. AUGUSTI. in latitudine Gr. 76. circa novam *Zemblam* invenimus glaciem ad fundum usque maris, quantum perspicere licuit, continuam; navisque nostra à glacie ita conclusa fuit, ut in novâ *Zembla* commorari coacti simus per hyemem Sole carentem.

Die 11. Augusti.

DIE XXVII. SEPTEMBRIS. frigus adeò sævum, ut vix tolerabile: nives continuæ: terra gelu constricta: nullam fossionem, neque adhibito igne concedebat.

Die 27. Septembris.

DIE I. NOVEMBRIS. Sol parùm admodum supra Horizontem, elevabatur in Australi plaga; Luna verò pleno orbe elevabatur in plagâ septentrionali & integrâ ferè circumvolutione commorabatur supra Horizontem.

Die 1. Novembris.

DIE II. III. & IV. NOVEMBRIS. conspeximus Solem orientem inter ortum & meridiem, Sud ost; sed non totus Solis discus oriebatur, verùm in Horizonte ferebatur, quasi

Die 2. 3. & 4. Novembris.

quasi secundum telluris longitudinem procederet. Luna autem integris diebus erat supra Horizontem.

DIE IX. X. XI. DECEMBRIS. Sol non oriebatur; luce tamen aliqua circa meridiem fruebamur; in his enim locis crepusculum facit meridiem; stellarum verò rotatio, aëre tunc sereno, jucundum præbebat spectaculum.

DIE XIII. JANUARI. Aër iterum fuit serenus, atque ex hoc tempore sensimus insigne crepusculi accrementum, frigoris remissionem aliquam, & levem in meridiē calorem.

DIE XXIV. JANUARI. Aër rursus serenus, atque hoc die primum vidimus limbum Solis, & sequentibus diebus totum Solem nonnihil elevatum supra Horizontem.

DIE II. MAJI. Ventus impetuosus glaciem ex aliquibus Oceani partibus removebat; Calor quibusdam diebus parvus, plerisque venti frigidi, nives, & imbres alternantes.

Similia Angli sed in majore latitudine loci experti sunt Anno 1634. in 1635. circa Grænlândiam, & Spitzbergam à Gradu latitudinis 80. usque ad 92. ubi Sol desinit apparere 20. Octobris, & rursus apparere cepit 24. Februarii, qui dies æqualiter ferè absunt ab ingressu Solis in Capricornum die 21. Decembris. sexaginta scilicet & aliquot diebus; invenerunt autem mediâ æstate mare ita constrictum glacie, ut terræ pars illi adhærere videretur: densa præterea nebula, & tam crassus vapor supra aquam & glaciem ferebatur, ut vix prospectum concederet.

*Diarium P. Antonii Sep, ex Gadibus solventis
in Oceanum Anno 1691. per Zonam torridam
& ultra ad portum Buenos Ayres in
Americâ.*

XIX. JANUARI. 44. Missionarii S. J. solvimus à Gadibus inter explosa 200. tormenta navalia cum classe Hispanicâ & Hispanico Gubernatore Chilenfi, 200. militibus, 100. navigatoribus

bus præter magnum numerum mercatorum & artificum ex variis nationibus & linguis. 600. gallinis, 280. ovibus. 150. porcis, præter reliquas annonæ ficcæ provisiones.

XIX. JANUARIJ amœno Solis occafu in mari delectati fumus.

XX. XXI. XXII. XXIV. JAN. Ventus Borealis per 500. *observatio-*
milliaria directè ad Infulas canarias nos deduxit. *nes*

XXV. Ingenti tempestate territi, malo unius navis confacto, tamen velis omnibus compactis falvi evafimus.

XXVI. XXVII. XXVIII. & XXIX. JAN. reparatis damnis navium perreximus cum Capitana, navi malo fuo deftituta longè inſequentē.

XXX. Ad Solis ortum mali ſpeculator montem Picum *in naviga-*
in medio mari ſupra nubes ſe erigentem conſpexit. *tionibus*

XXXI. JAN. Ad Infulas fortunatas, inter Infulas Teneriſſam & Palmam Canarias appulimus ſub Gradu 28. latitudinis Borealis.

I. FEBR. Vento ſecundo uſi fumus.

II. FEBR. Minùs ſecundo, qui lætitiā Feſti B. V. purificatæ nonnihil interturbavit.

III. FEBR. Attigimus tropicum cancri, initium Zonæ torridæ, calorem tamen aliàs ſolitum, non ſenſimus.

IV. FEBR. Vidimus exercitum piſcium alatorum, noſtras naves circumvolitantium, quorum aliquos cepimus. *per Oceanum*

V. Feſtum Martyrum Japonenſium celebratione miſſæ & communione egimus.

VI. FEBR. Infulas Heſperides ob inſanum ibidem aërem ex nimis vaporibus præterveximus.

VII. VIII. IX. X. XII. FEBR. tantum 6. Gradibus abſuimus à lineâ æquatoris, & vix ampliùs vidimus ſtellam Borealem ſupra Horizonem.

XIII. XIV. XV. Varia maris monſtra nobis occurrerunt:
I. lupus marinus in multis abſimilis terreſtri, brevi poſt Taurus Marinus ingentis magnitudinis, quem octo nautæ robuſti injecto hamo ferro vix ab undis extrahere poterant.

XVI. XVII. XVIII. XIX. FEBR. Delphini & ceteris nobis lufum in itinere fecerunt, & parvi ignes fatui de nocte.

XXII. FEBR. Erasmus sub lineâ Æquatoris, aurâ contra confuetudinem Zonæ torridæ fatis temperatâ sed timendum nobis erat à verme, qui in intestino recto ob nimium aliàs æstum oriri solet, contra quem remediis usi sumus.

Observationes

XXIII. & XXIV. FEBR. Licet lineam uno gradu prætervecti essemus, tamen adhuc sensimus ventum Borealem & vidimus Flammam in summitate mali, quam vocant S. Elmi. Signum instantis periculi, quod tamen feliciter evasimus.

In navigationibus

XXV. & XXVI. FEBR. Aër mixtus erat ventis turbulentis, pluvijs, tonitru, fulgure, & intercisis radiis Solis, ut hic ferè semper esse solet intra tropicos, extra quos plerumque diuturna malacia. Probavi hic utrum acus magnetica à polo arcticò ad polum antarcticum se vertat, depreheridi autem ultrâ lineam æquatoris eandem servare constanter Polum Borealem, nunquam antarcticum. Licet contrarias Europæis anni tempestates, æstatem pro hyeme; ver pro autumnò experti simus, & solem meridianum versus Boream conspexerimus.

Per Oceanum

XXVI. & XXVII. XXVIII. FEBR. Nausea stomachi plures vexabat ob aquam putridam & carnes corruptas.

I. MARTII Paulò longiùs à lineâ aër temperatior nos recreavit, cum iridem super mare vidimus, terrestribus longè amœniorem ob reflexionem maris viridis.

II. MARTII. Prætervecti sumus promontorium Brasiliæ Fernambuco.

III. MARTII. Avis insolita malo nostro infedit, cujus cauda velut Draconis, alæ velut Galli gallinacei, rostrum velut perdicis, caput velut Galli Indici, quæ signum nobis erat, quod ultra 30. milliaria non abessemus à terrâ continente.

IV. & V. MARTII. In 8. gradu latitudinis Australis habuimus meridianum solem nobis verticalem & ascii, sive inumbres facti sumus.

VI.

VI. VII. VIII. & IX. MARTII. pluviis optatis recreabamur.

X. XI. XII. MARTII. Nox serena conspiciendas nobis dedit alias ab Europæis stellas nempe crucem, pavonem, Apim, Chamæleontem. Ursum verò minorem Borealem, sub Horizonte latentem, videre amplius non poteramus.

XIII. MARTII. Per tropicum capricorni Zonam temperatam Australem relictâ torridâ ingressi sumus, repentinâ sanitate nostrorum infirmorum, 13. Gradibus adhuc à fluvio Januario Paraquariæ remoti. *Observationes*

XIV. & XV. MARTII. Detinebamur maris malacia, unde inter explosa tormenta & mutuas visitationes piscationem instituimus, cepimusque pisces, ab Europæis multum diversos, quorum aliqui partem togæ, pedem aut manum hominis in ventre continebant. Unus brachium Nautæ tam firmiter dentibus suis comprehenderat, ut non dimiserit nisi abscisso capite.

XVI. & XVII. MARTII. Nihil memorabile occurrit.

XVIII. MARTII. Mortuus nauta appenso ad collum globo tormentario & exploso tormento in mare demissus est. *in navigationibus*

XIX. MARTII. Canes nostri Anglici altum latrabant, quod signum erat, non longè nos abesse à continente, ut re ipsa erat, brevi enim Insulam S. Thomæ ad Brasiliam transivimus, cujus odorem eminens canes senserant.

XX. MARTII. Vites horti nostri navalis folia suum virorem amiserunt ob ingruentem his partibus Autumnum.

XXI. Sacrum, Concio & preces.

XXII. Piscem captum, 90. pondo gravem, aureis maculis coruscum, sapidissimum læti comedimus.

XXIII. Contrario licet vento dimidii tamen gradus iter promovimus.

XXV. MARTII. Festum Annunciationis inter explosionem tormentorum, tubicinum & missarum solennia celebratum. & Bolide, cujus funis 50. ad 90. orgyas longus, profunditatem maris exploravimus. *per Oceanum*

XXVI. Secundo vento læti perreximus & sequente vi-
sâ è summite mali continente Americæ, explosimus tor-
mentum in commune signum lætitiæ. Vidimusque duas
nubeculas de die albicantes, de nocte igneas in ipso Zenith
Paraquariæ immotas, ita ut certi duces viæ nostræ
essent.

*observatio-
nes*

XXVIII. MARTII. Ostium fluminis Januarii attigi-
mus, latum 35. milliarum Germ. promontorium S. Mariæ &
Insulam luporum, de los Lobos, prætervecti.

XXIX. MARTII. Eramus adhuc 60. milliaribus remo-
ti ab urbe boni aëris, sive Buenos Ayres in gradu latitudi-
nis Australis 35. gr. eodem gradu cum Gadibus, sed oppo-
sito latitudinis Borealis.

XXXI. MARTII. Ne à medio fluminis Januarii, nec
ad dextrum nec ad sinistrum ejus littus defleceremus; tan-
tum de die perreximus, nocte verò jactis anchoris, substiti-
mus ad Insulam Maldonato.

*in naviga-
tionibus*

I. APRIL. Profunditas aquarum erat 20. Orgyarum,
quas sitibundi ad satietatem bibimus.

II. APRIL. Ne in pulvinos, hic frequentes incideremus,
continua exploratione Bolidis iis evitatis, canalem fluminis
medium securi tenebamus.

*per Ocea-
num.*

III. APRIL. Missa est navis cursoria ad urbem Buenos
Ayres, ut adventum navium Præfecto ibidem annunciarer;
cumque adhuc abessemus 20. milliaribus ab eâ, exornata est
tapetibus superior tota navis, velis & vexillis omnibus expli-
catis, tormentis omnibus eductis, Gubernatore cum omni-
bus Officialibus & familiâ pretiosis vestibus comparente.

V. APRIL. Portum & urbem prædictam conspeximus
& paulò post adventantes 4. naves cum filio Gubernatoris
ejus loci & P. Procuratore, unâ cum magna provisione an-
nonæ. igitur

VI. APRILIS. Inter communes plausus, explosiones conti-
nuas tormentorum, sonitum tubarum aliorumque instru-
mentorum musicalium portum de Buenos Ayres ingressi, ab
omni

omnibus incolis ad littus effusis tenerrimè excepti sumus. Statimque Hymno Ambrosiano in templo decantato Deo gratias egimus.

Diarium D. Schillinger ex Bengala Indis Orientalis in Galliam occidentalem reditu 1702. quod demortuis in mari Persico P. Wilb. Weber & P. Wilb. Mayr fuse descripsit, hic breviter refertur.

I. JAN. Anno 1702. usque ad 6. Jan. secundo fluvio *observatio-*
Gange cum 3. navibus onerariis ad ejusdem Ostia & Insu-
lam Galo appulimus, in quâ mons ignivomus rivum æ-
stuantem emittit. Ubi procuratoris Gallici mandata per 12.
dies expectavimus.

XVIII. JAN. Superatis multis ibidem pulvinis vela
versus occidentem direximus, secundo cursu semper usque
ad finem Januarii, vidimusque ingentem alatorum piscium
exercitum nostras naves circumvolitantium, oramque Coro-
mandeliam & promontorium S. Thomæ.

I. FEBR. Appulimus ad portum Pondischery locum
munitum Gallicum; medioque mense substitimus, intra *in naviga-*
quod tempus aliqui ex nostris visitarunt Palicatam Hollan-
dicam, Meliaporem S. Thomæ Lusitanicam, aliaque muni-
menta vicina Danorum & Anglorum. In totâ orâ Coro-
mandeliâ, ubi Christiani dominantur, signum crucis in plateis
erectum cernitur; ubi verò gentilismus erecta in columnis
stant idola argentea, aurea, gigantum, elephantorum, simia-
rum, cætorum, &c.

XVI. Febr. Solvimus à Pondischery de novo onerati
multis pretiosis mercibus, serico aliisque pannis coloratis, cum *per Ocea-*
magno numero gemmarum, unionum & adamantum. Ven-
to tam secundo, ut intra 4. dies Negapatanum appulerimus,
urbem hætenus Lusitanicam, nunc Hollandicam.

XXI. FEBR. Oram piscariam & regionem Maravam transivimus, in qua P. Franciscus Weiss S. J. antea Alumnus Seminarii ad S. Chilianum Wirceburgi Zelum Apostolicum exercet.

XXII. FEBR. Transivimus promontorium & tractum Comorinum, in quo P. Souveler, P. Hanxleden, & P. Freysleben laboribus Apostolicis fungebantur.

*Observa-
tiones*

XXVI. FEBR. Vela versus austrum in mare altum direximus, ut evitarem periculosas Insulas Maldivas, millenis freris infestas.

IV. MARTII. Hærentibus nobis sub lineâ æquatoris, ubi malacia maris, & æstus solis ibidem intolerabilis putredinem corporibus induxerat periculosam; interea tamen nautæ non desistebant à ludicrà immersione eorum, qui nunquam hætenus lineam transierunt, ceperuntque inter alios pisces peregrinos ingentem canem marinum, innumeris parvis piscibus circumdatum.

*In naviga-
tionibus*

XIII. MARTII. Terra nubes inter immanes fluctus & procellas nos loco movit; sed contractis velis, ventus à puppi naves nostras insigniter promovit, ita ut sequenti die Polvereram

Et XXVIII. Brandao Insulas feliciter transierimus.

I. APRILIS vidimus Insulam Hollandicam S. Mauritii, circa quam odorifera ambra ex spumâ maris colligitur.

*Per Ocea-
num*

IV. APRILIS. Portum Bourbonium Insulæ Mascarenhas ingressi, à Gubernatore Gallico omni humanitate & annonâ recreati sumus.

VI. APRILIS inde solvimus & vidimus à sinistrâ ingentem Insulam S. Laurentii Madagascar, quam secundo vento transivimus.

XVII. APRILIS. Horrendam tempestatem inter turbines, tonitru, fulgura, decumanos fluctus tantam passi sumus, quantam nullus ex nostris nautarum suâ vitâ expertus fuerat.

XXV. APRILIS. Aliam, sed non tam periculosam superavimus.

XXVIII.

XXVIII. APRILIS. Tertiam rursus incurrimus primæ similem, quæ naves nostras ita dissipavit, ut biduo aspectum mutuum nobis eripuerit. Postquam iterum vidimus pisces alatos, aliaque maris monstra; & immania velut grandia cere.

I. MAJI. Bolide 108. orgyarum longâ fundum maris rubrum exploravimus, signum non longæ absentiae à promontorio bonæ spei, quod aves quoque albis & nigris maculis tessalatae confirmarunt.

Observationes

VII. MAJI. vidimus alta cacumina ejusdem promontorii, quæ transivimus vela dirigentes versus Boream ad lineam æquatoris, navimque hostilem explicatis rubris vexillis, incassum nos terrentem.

XII. MAJI. quidam Nauta è summitate mali subitaneo casu in mare decidit, non amplius visus.

XIV. MAJI. Aliquot grandia cere circa naves nostras coluserunt majore nostro stupore, quàm terrore.

In navigationibus

XVII. MAJI. Transivimus Insulam S. Helenæ, olim liberam, nunc Hollandicam, tanquam nobis inimicam & infestam.

XX. MAJI. Ad Insulam de Ascensione jactis anchoris ad 17. orgyas, vasa nostra aquâ dulci replevimus.

XXII. MAJ. Salutavimus navim Anglicam à Capo Verde ad Insulam S. Helenæ moventem.

Circa finem MAJI. Sub lineâ æquatoris nos rursus detinuit malacia maris excessivo calore.

Per Oceanum

I. JUNII. Nauta nimii æstûs impatiens in mare defiliit.

VII. JUNII. Octiduanâ malaciâ ventus Australis vehemens nos subduxit feliciter versus tropicum cancri ad Insulas Virides, sive Cabo Verde, quas 15. Junii transivimus, die verò 25. Junii eramus sub ipso tropico cancri.

XXX. JUNII propè Insulas Canarias offendimus in tres naves, nescii an amicæ, an inimicæ essent, unde eas sine salutatione mutua dimisimus in suo cursu.

VIII. JULII ex navi Gallicâ prætereunte audivimus flammam

mam Belli ratione successionis Hispanicæ totâ ferè Europâ exæstuantem.

observatio-
nes

IX. & X. JULII. Duæ naves Gallicæ ex Insulis Caribum Americæ nobis occurrerunt, à quibus varii generis fructus ad refocillandos nostros ægros obtinuimus.

XIII. JULII. Ventus Contrarius vix non in Americam ad vada Terræ novæ nos detorsisset, nisi contranitando deflexissemus.

in naviga-
tionibus

XVI. JULII. Noster Vice-Commendator mortuus inter explosionem s. tormentorum navalium in mari sepultus est.

XX. JULII. Bolide centum orgyarumprehendimus profunditatem maris, signum manifestum, quod oras Europæas propè attigerimus. Cantato igitur Te Deum Laudamus, navibus circumundique ornatis, inter continuas explosiones tormentorum, inter epulas & tripudia, læti vidimus oras parvæ Britannicæ Gallicæ.

per Ocea-
num

XXIII. JULII. Portum S. Ludovici ingressi sumus, rursum explosis omnibus tormentis navalibus, cui nostræ salutationi responderunt tormenta vallorum ex urbe & portu. Itaque iter nostrum ex Bengalâ in Galliam ultra 6. menses fausti absolvimus; molestias semestralis itineris subinde levarunt tigrides suis astutiis, simiæ suis gesticulationibus, psitaci, quos nobiscum veximus, suis garrulitatibus, ludum non injucundum fecere, præcipuè Simiæ, quæ quidquid videbant à nobis fieri, suo more imitatæ sunt. Quam quis vestem exuit, simia illam induit, quando uni tondebantur crines, simia arreptâ forfice alteram pariter totondit.

§. VI.

Alterationes humorum in hominibus & animalibus ex mutatione Atmosphæræ.

I. **A**tmosphæra aded in suis alterationibus efficax est, ut non

non tantum tellurem, ejusque halitus & vapores alteret; sed etiam quaecunque animantia, imò ipsum hominem sæpè perturbet atque commoveat. Non minus enim agitantur & permiscentur ab Athmosphæra humores animales, præcipuè sanguis in humano corpore, sive microcosmo, quam fontes, fluvii, maria & oceanus in orbe terrarum, sive megacosmo. Nihil siquidem adeò penetrat meatus quoscunque tenuissimos, & arctissimos, impeditissimosque recessus, ac sinuosos naturæ Mæandros, quam Athmosphæra subtilissima.

*Alteratio
aëris hu-
mores ho-
minum al-
terat.*

2. Hanc nos ipsi continuò identidem intro trahimus, & denuò respiramus: ab hæc, si fervet, incalescimus: si friget, refrigeramur: si sicca est, arescimus: si humida turgemus, intumescimus, & dilatamur, variâsque alias pro variâ semper Athmosphæra mutatione alterationes non solum corporis, sed & animi patimur: languemus enim calidâ: torpemus frigidâ: lætatur temperatâ: turbamur turbidâ, corpus siquidem alteratum in humoribus suis. Ipsam afficit animam, à sensibus corporeis multum dependentem.

3. Neque hanc universalem, quæ ex Polo utroque nobis affluit, & alterationibus universalibus per totum orbem terraqueum inservit, evitare possumus, quomodocunque muris & cubiculis conclusi; nisi eam per virtutem, rebus omnibus terrenis superiorem, supprimamus; localem autem & particularem, quæ ex ipso loco, & regione nascitur, subinde effugere.

4. Hinc *Medici* consultò suadent ægris, aut utcunque malè affectis transitum ab uno loco in alterum, à vallibus in montana, à Montanis in valles, aut apertam planitiem, à loco sicco in humidum, ab humido in siccum, à frigido in calidum, à calido in temperatum, aut etiam à provinciâ unâ in aliam provinciam, ut hoc ipso saniores Athmosphærae mutationem pro qualitate complexionis & infirmitatis subeant.

*Hinc sua-
detur mor-
bidis tran-
situs à loco
in locum
alterius aë-
ris.*

5. *Experientiâ* siquidem compertum est varietatem terræ variare Athmosphæram: si locus & terra multum salis

aut sulphuris habeat, horum mineralium naturam imbibit Athmosphæra: si locus paludosus est, auram humidam & crassam efficit: si lapidosum & sterile solum est, siccum & subtilem aërem extenuat: si terra fertilis, fecunda fragrans & odorifera, aërem salubrem reddit, nisi aliud quandoque ipse situs loco conferat. Sicut autem terra variè afficit Athmosphæram, ita & hæc humores animalium, & hominum complexiones naturales.

*Ab humido
in siccum
& contra.*

6. Igitur si homini morbidò, sicco & attenuato malè est, nec medicamentum proficit in loco arido & aurâ siccâ, bene suaderetur alia magis humida & crassa, præsertim si in ejusmodi loco, & aurâ natus est infirmus, aut multo illi tempore assuevit. Econtra homini catharroso, pingui, obeso, terra & aura magis sicca, tenuis, & subtilis conveniet.

7. Nisi tamen mutatio terræ & auræ nimis contraria sit; quandoque enim corpora malè sana, & maximè morbida, gravius afficit terra & aura nimis diversa à priore. Nam ubi Athmosphæra ex summè sicca, in summè humidam, aut ex quietâ in turbidam mutatur, illicò humores sæculenti, acres, ac biliosi, priùs quieti & exsiccati in humano corpore, incipiunt humectari, intumescere, & disfluere, partesque jam malè affectas, quibus adhærebant, suâ acrimoniâ pungerè, & exacerbare; resolutâ verò bile & falso humore, insuper, torrentium more, excrescit sanguis, turgescunt venæ & nascuntur venti, & flatus, ubi ubi obstructos inveniunt meatus, faciunt impressiones, ac dolores vehementes: atque hi, ubi superveniunt corpori morbidò & graviter afflicto, opprimunt spiritus, & in extremas angustias illud redactum vehementius divexant.

*Experientia
hujus in
variis mix-
tis mani-
festis.*

8. Si quis hujus mutationis experimentum capere velit in sale, nitro, saccharo, aliisque materiis & mineralibus, videbit salem, nitrum, saccharum, ipsūque liquorem biliosum, aliâque mineralia ad auram siccam exposita indurescere; in cellâ verò subterraneâ, & aurâ humidâ dissolvi, & liquefcere: similem salforum humorum resolutionem, aut
con-

constrictionem animalium corporibus inducit Athmosphæra vel humida, vel sicca.

9. Inde etiam provenit, quod, qui ossa fregerunt, aut luxarunt: item qui nervos ac tendines gravius offenderunt, illicò in parte læsà, ad mutationes Athmosphærae, graves sentiant dolores; quia in parte læsà ex motu violento corrumpuntur spiritus & humores, vel certè in partes & angustias sibi adversas coacti computrescunt, nec facilè, in senili præsertim ætate, consumuntur; in Juvenili autem, licet continuo motu & agitatione dissipentur, neque tam graviter vigorem naturalem, satis adhuc vividum, afficere valeant, tamen sensum, alteratione frequentiore, natura etiam juvenilis debilitatur.

10. Similia quoque sentiunt bruta animantia pro variâ loci & auræ mutatione; feræ enim sylvestres, assuetæ dumetis ac liberiori aëri, agiles sunt, in stabulis aut conclusò aëre torpescunt, vigorem nativum amittunt, & malè habent; cicuratae econtra, languentes in stabulis, liberiori auræ permixtæ, petulciant, exultant, & multò agiliores fiunt, ut patet in volatilibus, canibus, felibus, bobus, equis &c.

Quin & minima animacula, ipsaque insecta Athmosphærae mutationem mirum in modum sentiunt, ut apes, fuci, crabrones, erucæ, locustæ, formicæ, vermes, aranei, ciniphes, pulices, muscæ &c. cum humores in iis, æquè ac in aliis animalibus pro varietate aëris aut agitentur, aut torpescant. Aurâ siquidem serenâ & benigniore ex suis angulis & latebris prodeunt, congregantur, circumvolitant, & reviviscunt: aurâ mutatâ & turbidâ turbantur, acrius pungunt ac seviunt: aurâ densatâ & frigidâ in suos rursus angulos & latebras se recondunt, torpescunt, & emoriuntur.



§. VII.

Quadam conjectura Planetaria & Aphorismata ex Astrologia.

Planetarum natura & qualitates nativæ.

Natura Saturni. ♄. *Frigidus & siccus Maleficus & ἀπαρτος.* parit caligines, nebulas, pruinas, nives, glacies, pluvias infructuosas, tempestates. In animantibus ægritudines Melancholicas, humorum defluxus, epidimias &c.

Jovis. ♃. *Calidus & humidus, Beneficus,* quia medius inter Saturnum minimè, & Martem maximè calidum. Parit serenitatem, pluvias salubres, ventos septentrionales temperatos, mitigat æstatis calores, hyemis frigora, affert rerum omnium fertilitatem.

Martis. ♀. *Maximè calidus & siccus, Maleficus* cum sole adurit omnia, parit ventos calidos & pestiferos, fulgura, tempestates, fontium ac fluminum defectum, germinum penuriam. In homine morbos calidos & siccos, febres ardentes, sanguinis inflammationes, repentinas mortes.

Solis. ☉. *Calidus & siccus temperatè Beneficus.* Parit serenitatem aëris, & rerum sublunarium ubertatem.

Veneris. ♀. *Calida & humida temperatè, Benefica.* Parit aëris serenitatem, pluvias salubres, placidos ventos, ubertatem in fructibus & animalibus.

Mercurii. ☿. *Anceps & versatilis, cum bonis bonus, cum malis malus.* Cum Sole exsiccat, cum Luna humectat.

Lunæ. ☾. *Maximè humida & frigida.* Potentissima in sublunaria, quia vicinissima, uti sol singulis annis 4. tempora, ita ipsa singulis mensibus quatuor aëris mutationes facit. In bono aspectu planetarum bona, in malo mala.

Nota. Ratione harum qualitatum vires Planetarum intenduntur ac remittuntur, vel ob majorem aut minorem à Tellure distantiam, majorem aut minorem elevationem supra Horizontem, majorem aut minorem solis vicinitatem, alium

&

& alium ad se invicem aspectum. Conjunctio efficacissima est, quia pluribus diebus durat. Hanc sequitur oppositio, tum quadratus, dein Trinus, demum sexilis aspectus.

Aspectus Saturni cum Reliquis Planetis.

¶ h cum 21. Notabiles causat mutationes, eò quòd plures dies durer ante & post. Qui ramen effectus dependent quoque à qualitate signi & fixarum quæ cum Planetis conjunctis in eod. signo versantur. Nam in signis igneis, causatur magna siccitas, in æstate calor augetur, in hyeme frigus remittitur. In humidis pluvie continuæ & inundationes.

*Varii effe-
ctus in Pla-
netarum a-
spectibus
diversis.*

¶. & 4. §. □. * . Δ. Causant pluvias impetuosas. In signis humidis maximè in vere turbulentiam aëris: in æstate grandines ac tonitrua: autumnò ventos & pluvias continuas: hyeme turbulentias, nebulas, caligines.

♂ & ♀. Parit plerumque grandines. In signis hu-
midis cum grandine pluvias, imbres, ventos &c.

¶. & ☉. ☽. & ☐. Pluvias præſagiunt cum fulguribus
maximè in vere, in æſtate tonitrua & grandines: in autum-
no pluvias & turbidum aërem: in hyeme frigoris remiſ-
ſionem.

¶. & ☉. & ☿. & ☐. Pariunt pluvias & frigiditatem in vere; in æstate grandinem & tonitrua: in autumno iterum pluvias & frigus: in hyeme nives, nebulas & caligines.

Saturni
cum reli-
quis Plane-
tis.

h. & g. s. p. □. In vere pluvias & frigora: in aestate
pluvias subitaneas: in autumnno pluvias frigidās: in hyeme
pluvias & nives.

٦. & ٧. ٨. ٩. ١٠. In signis humidis pluvias, in siccis siccitatem: in aëreis ventos: in terreis frigus noxium, In vere ventos & pluvias: in æstate ventos & imbres: in autumno ventos & nubes: in hyeme ventos & nives.

¶ **De Aeris.** In signis humidis nebulas & frigus: in
aëreis frigus intensius & subinde grandines: in siccis pruinas.
In vere aërem turbidum & humidum: in æstate humidum

cum remissione caloris: in autumno nebulosum: in hyeme vehementer frigus & nives.

Aspectus Jovis cum Reliquis Planetis.

*Jovis cum
reliquis.*

4. & ♄. ♄. ♄. □. Causant generaliter pluvias, tonitrua & fulmina. Particulariter in signis humidis coruscationes & tonitrua cum pluviis. In calidis & siccis calorem & exustionem: In vere & autumno turbidum aërem & ventosum: in æstate calorem, tonitrua & tempestates: in hyeme frigoris remissionem.

4. & ☉. ♄. ♄. □. Generaliter ventos salubres, calorem temperatum, serenitatem. Particulariter in signis aëreis aëris temperiem: in humidis fecundas pluvias: in igneis calorem & serenitatem. In vere & autumno ventos, in æstate tonitrua & fulmina, in hyeme remissionem frigoris.

4. & ♀. ♄. ♄. □. Generaliter aëris tranquillitatem. Particulariter in signis aqueis, mites & salubres pluvias: in aliis plerumque serenitatem, ventos salubres & fertiliteriam.

4. & ♄. ♄. ♄. □. Generaliter ventos. Particulariter in signis igneis ventos calidos & siccitatem: in aëreis serenitatem.

4. & ☾. ♄. ♄. □. Plerumque serenitatem singulis anni temporibus.

*Martis
cum reli-
quis.*

Aspectus Martis cum reliquis Planetis.

♂ & ☉. ♄. □. in signis aqueis imbres, tonitrua, fulgura & grandines nocivas, præsertim æstate: In igneis siccitatem. Sæpè affert morbos præcipuè in vere: in æstate vero calorem excessivum: in hyeme remissionem frigoris.

♂ & ♀. ♄. □. generaliter in signis humidis pluvias copiosas, particulariter in vere & Autumno pluvias: in æstate imbres: in hyeme frigoris remissionem.

♂ & ♄. ♄. □. in signis igneis siccitatem: in aqueis imbres: in aëreis ventos calidos: in autumno grandines: in hyeme & vere nives: in æstate tonitrua & grandines.

♂ & ☾. ♄. □. in signis humidis pluvias: in igneis sicci-

siccitatem: in aëreis coruscationes, tonitrua, grandines maximè æstate.

Aspectus Solis cum reliquis Planetis.

☉ & ♀ ☿ ☽ ☿ ☐. plerumque tempus humidum, maximè in signis humidis: in vere & autumnio pluvias: in æstate tonitrua & imbres: in hyeme humiditatem.

Solis cum reliquis.

☉ & ♀ ☿ ☽ ☿ ☐. in signis aëreis ventos humidos: in humidis pluvias: in igneis ventos calidos & siccos cum corruptione.

☉ & ♀ ☿ & ☐. in signis humidis pluvias: in siccis serenitatem. Novilunia solent esse ut plurimum in æstate calida, in hyeme frigida: Plenilunia verò in æstate calida, in hyeme temperatiora.

Aspectus Veneris cum reliquis Planetis.

♀ & ♀ ☿ ☽ ☿ ☐. In humidis imbres: in aliis signis alios proportionatos effectus. Quocunque verò anni tempore ventos humidos & nubes.

Veneris cum reliquis.

♀ & ☽ ☿ ☽ ☐. imbres leves & mites pluvias, auget maris æstum. In vere nebulas humidas: æstate remissionem caloris: In autumnio nebulas turbidas: Hyeme nives.

Aspectus Mercurii cum reliquis Planetis.

♀ & ☽ ☿ ☽ ☐. ventos fortes. In signis humidis imbres: in aëreis ventos siccos: in terreis frigus.

Mercurii cum reliquis.

Nota autem in iis aspectibus attendendum quinam ex Planetis prædominetur. Is autem dominari dicitur, qui plures habet dignitates in Zodiaco ratione Domûs,

Nota 2do has regulas non esse universales pro omni terrarum climate. Videmus enim experiëntiâ, dum uno in loco serenus est aër, in alio nebulosus, turbidus, pluvius est: dum propè fluvios, lacus, nebulæ omnia tegunt, in aperto campo vernant omnia, eo quòd aëris ac temporum mutationes non à solis Planetarum aspectibus, nec à solis eorundem

dem influxibus, sed à locorum quoque seu climatum qualitatibus & conditionibus dependeant. Hinc dum imperiti astrologastri Aphorismos aliis regionibus accommodatos sine discrimine cuicunque climati accommodare nituntur, se hominum ludibrio & Astrologiam despectui exponunt.

Prognostica Pluviarum

Ex Animalibus.

Signum futuræ pluviae est, quando aves pennas suas rostro inquant, aut cutem fodiant, quasi pulices quaeritantes.

*Pluvias
praesagiant
animalia:*

Quando ad nidos suos convolant.

Quando mergi, fulicae, aliaeque aquaticae in aquis ludibundae se se lavant ac mergunt.

Quando solito magis strepunt anseres.

Quando apes non exeunt ex alvearibus.

Quando muscae & pulices atrocius mordent.

Quando Formicae intra terram se abscondunt.

Quando Boves ad caelum caput elevant & se lambunt.

Quando Sues ludentes foeni manipulos dilaniant.

Quando Galli ante horas solitas cantant.

Quando Gallinae in pulvere se concutunt.

Quando Bubones in locis sublimibus ululant.

Prognostica Pluviarum

Ex Iride.

Et Irides,

In Meridie orta magnam aquarum vim denotat: circa occasum levem pluviam: circa vesperum ab ortu confecta, ferenitatem.

Iridis color, quo magis viridis, eò copiosorem pluviam significat; rubeus valde, ventos.

Iris circa Lunam, seu Halo, australes indicat aquas. Iris solis aëre sereno, pluvias: aëre pluvio ferenitatem.

Aëris

Aëris mutationes varia

Ex variis signis.

Aëris mutatio instat, dum moventur arborum folia absque ventorum afflatu.

Dum scaturit aqua uberius solito, aut ubi non solebat.

Dum augentur fontes & flumina. Dum enantant bullæ super aquas.

Dum humectantur carnes salitæ.

Dum sudant lapides &c.

Nocte rubens cœlum mane indicat esse ferenum.

Mane rubens cœlum venturos indicat imbres.

Vapor albus super aquas, paludes, prata ante solis ortum, & post ejus occasum elevarus, prænuntiat diei subsequentiis calorem & serenitatem.

*Varia signa
mutationis
aërea.*

Aëris mutationes

Ex Sole.

Sol pallidus oriens præsignat pluvias, occidens ventos.

Solis radii in ortu aut occasu minus illustres & decurtati denotant imbres: ortum solis præcurrentes, ventos & imbres.

Ex Solis.

Virgæ solis deorsum porrectæ pluvias, præsertim disco solis medio, nube cooperto; exteriore verò limbo, nube tecto, ventos & tempestates.

Sol occidens sub nube conditus prænotat pluvias sequendi die; si verò statim tunc pluat, ventus sequitur die sequenti.

Si nubes propè solem orientem se conglobant, aspera instat eâ die tempestas; si verò ab ortu solis versus occasum nubes illæ dispellantur, serenitas.

Sol duplicatus aut triplicatus apparens, maximam per plures dies tempestatem portendit.

*Aëris mutationes**Ex Lunâ.**Et Luna
phasibus.*

Novilunia, plenilunia, & quadraturæ plerumque aëris mutationem afferunt.

Quarta aut Quinta qualis, rota Lunatio talis.

Luna à novilunio ante quartum diem non apparens, turbidum aërem per totum mensem denotat.

Luna nova intra primos dies cornu inferius habens magis obscurum portendit turbidos dies.

Luna quarta acutis cornibus pura, serenitatem denotat usque ad sequens novilunium.

Pallida Luna pluit, rubicunda flat, alba serenat.

Circuli duplices aut triplices circa Lunam intersecti maculosi horrendas tempestates portendunt: circuli verò simplices, ventos, uti & Halo.

Plenilunia æstate aërem serenant: Hyeme verò plerumque infrigidant.

Luna sub solis occasum ampliata & luminosa promittit plurium dierum serenitatem.

*Prognostica ex Eclipsibus**Solis & Lunæ.**Ex Eclipsi
Solari &
Lunari.*

Eclipses solis multum refrigerant ob subtractionem radiorum solarium.

Eclipsis Lunæ semper exsiccat & parum refrigerat.

Eclipses magnæ & frequentes sterilitatem afferunt.

Saturnus, si sit Eclipsis Dominus, causat corruptionem à frigore, morbos, tabes, catharros, febres. *Jupiter* abundantiam utilium, aëris temperiem salubrem.

Mars morbos biliosos, eruptiones sanguinis, febres tertianas, ventos calidos & pestiferos, fulmina, siccitatem, maris aestum, sterilitatem.

Venus fecunditatem, salubritatem, utiles aquarum inundationes.

Mer-

Conjectura Planetaria & Aphorismata.

67

Mercurius morbos ficos, febres quotidianas, phusēs, tussēs, anhelitus difficiles, tonitrua ignita.

Zodiaci signorum qualitates.

- | | |
|----|---|
| V) | Calida & humida, naturæ aëreæ; |
| ♊ | Respondent sanguini & puerili ætati. |
| ♈ | Calida & sicca, naturæ igneæ; |
| ♉ | Respondent Cholerae, & ætati juvenili. |
| ♊ | Frigida & sicca, naturæ terreæ; |
| ♋ | Respondent Melancholiæ, & ætati virili. |
| ♌ | Frigida & humida, naturæ aqueæ; |
| ♍ | Respondent phlegmati, & Senili ætati. |

*Qualitates
signorum
Zod. pro
ætatibus.*

Item secundum alios.

- V. II. ♈. ♊. ♋. ♌. Calida, quia masculina.
♍. ♎. ♏. ♐. ♑. ♒. Frigida, quia foeminina.

Pro sexu.

*Convenientia signorum cum humani corporis
membris & humoribus 4.*

- | | |
|---------------------------|---------------------------|
| V. Capiti & Cholerae. | ♊. Renibus & sanguini. |
| ♊. Collo & Melancholiæ. | ♋. Verendis & phlegmati. |
| II. Humeris & sanguini. | ♌. Femoribus & cholerae. |
| ♈. Pectori & Phlegmati. | ♍. Genibus & melancholiæ. |
| ♉. Cordi & cholerae. | ♎. Tibiis & sanguini. |
| ♊. Ventri. & Melancholiæ. | ♏. Pedibus & phlegmati. |

*Pro mem-
bris & hu-
moribus.*

Nota tamen.

Hæc sola & nuda signa convenientiam prædictam non habent, sed prout cum influxibus solis, lunæ, & reliquorum Planetarum cum ipsis, aut prope ipsos commorantium commiscantur, ut vult Hippocrates, cum docet ad explo-

randas ægritudinum naturas & qualitates præfagiendas observandam conditionem temporum. Hinc in æquinoctiis, solstitiis, luminarium ☿. & ♀. stellarum calidarum exortu, medicamentis abstinendum.

Regula circa missionem sanguinis.

Regula Generalis de missione sanguinis.

Atque hæc Astrologiæ ratio, quâ astrorum natura qualitates, morus, influxus, aspectus, aliæque phænomena & accidentia contemplatur, tam est, Hippocratis, aliorumque summorum Medicorum judicio, necessaria Medico, ut sine eâ temerarium judicetur Medicinam exercere, humani enim corporis humores à causis naturalibus præsertim verò cælestibus influxibus geniti, ab iisdem foveantur, alterantur, corrumpuntur. Teste quotidianâ experientiâ, præcipuè in æquinoctiis, solstitiis, conjunctionibus, oppositionibus, quibus phlebotomia ac Medicinarum sumptiones prohibentur. Hinc sequentes

Regula circa missionem sanguinis ex suppositis præcedentibus.

Regula particularis.

1. Phlebotomia adhibenda est juvenibus in primâ quadraturâ Lunæ, durante scilicet Vere Lunari, tempore ætati illi conveniente. Viris in secundâ quadraturâ, scil. æstate Lunari, tempore virili ætati conveniente. Senibus in terciâ quadraturâ, scil. Lunari autumno, ætati senili conveniente. Deceptis denique in quartâ quadraturâ, hyeme scil. Lunari conveniente ætati decrepitæ.

2, Attendenda est corporis complexio, nam sanguineis prodest sanguinis missio, lunâ versante in signis terreis ☿. ♀. ♄. ☾. Cholericis Lunâ versante in aqueis ♀. ♄. ☿.

Melancholicis in aëreis ♄. ☿. ☾.

Phlegmaticis in igneis ♄. ☿. ☾.

3. Attendenda etiam est convenientia signorum cum certis membris. Hinc Lunâ existente in ☐. & ♄. ♄. non aperiatur vena Cephalica, quia unum dominatur cordi, alterum

rum brachiis, 3 tium capiti. Lunâ existente in ♄ & ♀ non aperiatur vena coxarum, tibiæ, & crurium, quia his membris dicta signa dominantur. Non pectoris & pulmonum in ☿. non verendorum in ♀. non pedum in ♄. quia sanguis noster mirè est alterationibus obnoxius; unde aëre æstivo æstuat, autumno lentescit, hyeme crassescit, vere calet: imò & mane calet, meridie æstuat, vesperi lentescit, mediâ nocte crassescit; ita ut perpetuâ quadam vicissitudine rarefactionem & condensationem subeat.

In conjunctionibus & oppositionibus Planetarum.

4. Luna in ♄ cum ☉ impedit sanguinis missionem per duos dies ante & post, cum ♄ & ♄. uno die: item sol cum ♄ & ♄. uno die ante & post.

Optima est sanguinis missio Lunâ in ♄. ♀. Δ cum ♄ & ♄.

Bona est Sole in Δ & ♀ cum ♄ & ♄.

Etiâ bona Jove in Δ ♀ & ♄. ♄ cum ♄. quin & ♄ ♄.

5. Cucurbitarum & Hirundinum applicationes vitandæ Lunâ in ☿. ♄. cum ♄ & ♄.

Quæ quidem omnia fieri debent, completâ stomachi concoctione, spirante vento Boreali, non australi, extra necessitatem.

Canon brevis Fabricius in signis.

Pro missione sanguinis.

♄	♄	♄	☿	♄	♄	♄	♄	♄	♄	♄	♄
bon. capiti mal. phlegmat.	bon. sanguineis.	bon. Cholericis.	bon. phlegmaticis.	bon. phlegmaticis.	bon. sanguineis.	bon. melancholicis.	bon. cholericis.	bon. phlegmaticis.	bon. sanguineis.	bon. melancholicis.	bon. cholericis.

Regula circa Medicinæ sumptionem.

Medicamenta sunt vel Attractiva, vel Retentiva, vel digestiva, vel expulsiva: supponunt verò Astrologo-Medicis, vim Attractivam corroborari Lunâ existente in ♄ & ♄. *Regula de sumptione medicinae.*

Retentivam in γ . η . ζ . Digestivam in \pm & \equiv . Expul-
sivam in \odot . η . \times . his suppositis

Tempus
quo pro-
sunt medi-
cina.

Medicina profunt.

1. Lunâ in \odot . roboratur expulsiva per electuaria in η
per portiones, in \times per pillulas, & quidem pro evacuanda
bile in dictis signis aspectus \ast & Δ cum Venere: pro eva-
cuandâ pituitâ iidem aspectus cum Sole & Marte: pro Me-
lancholiâ iidem cum Jove.

2. Purgationis idonea tempora sunt Ver & Autumnus,
in aliis temporibus, non sit excessivè calidum, aut frigidum
per Electuaria & bolos purgetur bilis in \odot . \ast . Δ . η . ζ .
Phlegma in \ast . Δ . \odot . Melancholia in \ast . Δ . η . per Portiones
in \odot . bilis in \ast . Δ . ζ . Pituita in \ast . Δ . γ . vel \odot . Melancholia
in \ast . Δ . η .

Per Pillulas in \times . bilis in aspectu ζ . Pituita \odot . Melan-
cholia η .

3. Potest tutò purgari corpus quolibet mense Electua-
riis, potionibus, pillulis in \equiv . \times . Π . γ .

Nocent.

Tempus
quo obsunt.

1. In exortu stellarum adurentium. Canis majoris &
Caniculæ, Arcturi, Hirci, Reguli &c. in æquinoctiis & sol-
stitiis.

2. In γ . ζ . \square . Lunæ cum Sole, Saturno, Marte. Minus
tamen temporis expectandum post γ & \square . quam γ . quia illæ
citius hac transeunt.

3. in signis ruminantibus \vee . γ . Ω . ζ . quia vomitum
excitant.

4. in γ cum η . quia tunc naturam hominis corroborant,
& operationem impediunt. Balnea in signis naturæ ægræ
homogeneis.

Brevis Canon Fatricus in signis.
Pro Medicinæ sumptione.

V	♄	♂	♂	♂	♄	♄	♄	♄	♄	♄	♄
bon. pro capite	bon. omni bus.	bon. ♂ in II aliâs mala.	mala fine necess.	mala fine necess.	bon. luna cresc.	bon. luna cresc.	bon.	bon.	mala fine ne- cess.	bon.	bon.

Dies Medicinales à morbo. 6, 8, 10, 16, 18, reliqui critici, vel internuncii.

Regula circa Seminationem & Plantationem.

Quia Saturnus dominari dicitur Agriculturæ in genere constitutio ejus optima eligenda est, quando scilicet est in aspectu benefico cum Jove & Venere & Lunâ, liber à radiis Martis, non combustus, non retrogradus in particulari.

*Tempus se-
minationis
& planta-
tionis.*

1. Seminatio fiat, Lunâ auctâ in signis mobilibus ♄. ♄. ♄. ♄. vel in ♄. ♄. ♄. ♄. aspectu benefico ♄. ♄. ♄. si terra humida & semen Lunâ decrecente in ♄. ♄. ♄. Si sicca & semen, Lunâ crescente in ♄ & ♄.

2. Plantatio fiat ♄ cum ♄. vel in ♄. ♄. in signis fixis ♄. ♄. ♄. ♄. cum aspectu ♄ & ♄.

3. Plantatio arborum & vinearum, sicut & fossio fiat ascendente signo fixo & ♄ in terreis ♄. ♄. ♄. cum ♄.

4. Infusio arborum & putatio fiat Lunâ decrecente præfertim in ♄. cum aspectu ♄ & ♄.

5. Hortorum cultivatio fiat ♄ in ♄ vel ♄. quæ sunt dignitates Saturni.

6. Agrorum cultura fiat à ♄. Luminarium usque ad ♄.

7. Stercoratio, si quæritur copia sementis, ♄. decrecente, si copia fœni ♄. crescente.

8. Collectio fructuum arboreorum fiat sereno cœlo, ♄. decrecente.

9. Castratio animalium fiat ♀. decrefcente. Tonfura ovium ♀. crefcente.

Regula pro cafurâ lignorum.

Tempus
cædendo-
rum ligno-
rum,

1. Pro ædificatione cædantur à ♂ usque ad ♀. à 22. Nov. ad 22. Jan. ♀ in 3. Terreis &. ♀. cum h.
2. Pro combustione ♀. crefcente in 1. mâ □. afpectu 4 & 7.

De Dominio Planetarum.

Dominium Planetæ petitur ex momento ingreffus Planetæ in puncta Cardinalia V. ☿. ♀. ♄. ♀. quafi talis effent virtutis hæc puncta, ut per totum annum influant. Sed hem! mentem & cerebrum calculis tuis implica, & mille erige Domorum cœleftium themata, non alium offendes anni aut quadrantis Dominum in una regione, quàm in alia. Imò idem fit in utraque ventus, mons tamen nubes fiftet, & in pluvias refolveret & in vicinam regionem transmeare non patietur.

De Domibus cœleftibus.

Thema 12.
Donorum
cœleftium.

1. ma Horofcopus incipit ad Horizonte ortivo, & dicitur domus vitæ, ex qua fumitur judicium Genethliacum, de vita nati, valetudine, temperamento, moribus, ingenio, forma.
2. Ανάφρα porta inferna dicitur Domus lucri divitiarum &c.
3. Διδ. Dicitur domus fratrum, propinquorum, hospitalitatis &c.
4. ὑπόγειον. Imum cœli. Dicitur Domus Parentum & Patrimonii.
5. Αγαθὴ τύχη. Bona fortuna. Dicitur Domus libero- rum, voluptatum.
6. Κακὴ τύχη. Mala fortuna. Dicitur Domus ægritudinum.
7. Δούτις. Occafus. Dicitur Domus uxorum, & numeri uxorum.
8. Εἴτι-

8. Ἐπιστάδ Φοῖα. Superna porta. Dicitur Domus mortis &c.

9. Διδός. Dicitur Domus pietatis, dignitarum, sapientiæ, artium &c.

10. Μεσσηράνιος. Medium cœli. Dicitur Domus honorum.

11. Ἀγαθὸς δαίμων. Bonus genius. Dicitur Domus amicorum.

12. Κακὸς δαίμων. Malus genius. Dicitur Domus tristium eventuum sed vana quoque hæc sunt.

Quia Astrologastri illi volunt, ut in ipso Nativ. momento 7 Planetæ in quocunque tandem loco inveniantur, ita in corpore agant, ut taxent vitæ & mortis genus, Naufragii vulneris, morbi, non tantum pro uno, sed pro omnibus natis, nullusque sit felix aut infelix, nullus ducat uxorem aut cœlibatum colat, nullus fiat dives aut pauper, nullus inimicos habeat, nisi pro vario planetarum aspectu, nullaque sit ratio habenda parentum naturæ, aut climatis, aut alimenti; sed ineluctabiliter ea omnia in planetis determinata esse, quis credat? vitæ Esau & Jacob diversa fuit vita ratio, & tamen eodem penè momento in lucem editi. Idem dicendum de multis aliis gemellis.

Vana The-
mata.

Quenam ab Astrologis prædici possint.

1. Effectus naturales necessarii: ut Maris æstus, Eclipses, Novi. Plenilunia, æquinoctia, solstitia, ortus & occasus so-

Prædici
possunt ef-
fectus na-
turales &
congruen-
tes.

2. Effectus etiam impedibiles ab aliis causis, ut pestes, sterilitates, pluviae, serenitates, tempestates probabiliter: item bonæ & malæ affectiones corporum humanorum. Nam

1mo. Ex annuâ aëris constitutione, si declinet ad nimiam siccitatem generat febres acutas, phrenetides, variolas &c. si ad nimiam humiditatem, generat febres diuturnas, alvi profluvia, anginam, apoplexiam, apostemata &c. item ver humidum febres. Æstas pluviosa putredines, pestes &c. sicca febres biliosas, Autumnus humidior morbificam hyemem, sic-

Ex aëre.

cior commodus, infestus tamen biliosus. Hyems frigida & sicca optima. Sæva est interfectrix; calida & humida insalubris.

Ventis,

2do. Euri in æstate febres biliosas, variolas &c. in hyeme molestant cutim: Euronoti atras biles & melancholiam.

Austri visum hebetant, gravant caput, ruses, vertigines, apoplexiam, Epilepsiam, abortiones pariunt: Favonius eadem in autumnio; In vere autem & æstate saluberrimus. Circius & Corus nocent musculis, nervis, generant pleuritidem, lassitudines, artuum contractiones.

Boreas Catharros excitat, anginas, pleuritides, defluxiones. Tranquillitas totius anni suspecta est de pestilentia.

Anni tempestatibus.

3tio. Fertilitas vel sterilitas. Nam ver nimis humidum, herbarum inutilium copiam, putredinem fructuum. Nimis calidum tantum folia & flores, nimis frigidum paucos & serotinos fructus, & vinum. Nimis siccum paucos sed bonos fructus & frumenta. Æstas pluviosa putrefacit fructus: siccior penuriam frumenti, sed copiam fructuum, & vini bonitatem. Autumnus humidior uvas corrumpit, & in fine penuriam frumenti pro anno sequenti. Hyems frigidissima nocet vitibus, calida verò & humida inimica est segetibus.

CAPUT IV.

De Influentiis Planetarum in Aquas, maria, flumina & fontes.

Influxus siderum uti in terram, ita & in Maria.

Quemadmodum influxus siderum in Atmosphæram, & regiones Terrarum, in humores hominum, brutorum & insectorum, ita etiam in aquas, oceanum, maria, lacus, flumina & fontes derivari pronum est. Sicut enim *Sol* & *Luna*, aliaque sidera agunt, in Atmosphæram, & per hanc in Terram, & animalium humores; sic etiam per eandem agunt

agunt in aquas vel Terræ circumfusas, vel eam perfluentes, excepto motu Aquarum intrinseco & naturali, de quo nunc

§. I.

Motus Aquarum naturalis non à cœlo, sed à Natura sphaericus.

1. Motus naturalis Oceani (sicut & aquarum omnium) quo altiori loco ad depressiora movetur, est tantum unicus, ab una ejus natura proveniens. Si autem vicinus locus, aut vicinum corpus sit, vel æqualis, vel majoris altitudinis, quàm superficies aquæ, tunc aqua naturaliter quiescit, nec movetur nisi à causâ extrinseca violentâ turberetur, pellatur, & protrudatur: ut manifestè probatur & patet in aqua vase contenta. Si enim vel digito parum movetur, vel solo flatu aëris, tamdiu aqua fluctuabit, donec nulla pars alia parte altior sit, hoc est, donec tandem ad sphaericam superficiem, sibi connaturalem, sese componat.

Motus Oceani naturalis unicus.

2. Cum nimirum oceanus nullâ ullibi terrâ sit interruptus, sed continuus ejus fluxus sit per totum terrarum orbem, aliqua ejus pars altior necessario defluet ad partem minus altam, ac eousque movebitur, donec æqualem ubique à centro suæ gravitatis distantiam, scilicet sphaericam, acquirat.

In declive

3. Natura siquidem omnium liquidorum, ut experientia constat, est, ut partibus eorum continuis, inter sese, minus pressa à magis pressâ expellatur, & unaquæque liquidi pars prematur à liquido super eam existente ad perpendicularum respectu centri Terræ, si hoc liquidum sit descendens, aut ab alio aliquo corpore prematur.

Sicut omnium Fluidorum.

4. Hinc nullus oceani fluctus, per motum aquarum elevatus, diu suspensus manet in cumulo; sed statim diffunditur, ad omnimodam æqualitatem cum vicina parte ineundam. Et si in medio oceani aquæ intumuerint, è medio oceano ad

Ut tota superficies fiat sphaerica.

littora defluent, ut utrobique sphaericitatem naturalem acquirant.

Ut tota superficies sit sphaerica.

5. Est itaque sphaerica Oceani superficies, ac proinde nec altior ipsis terrarum littoribus; alias & haec, & illas inundaret, aut saltem influeret in alveos fluviorum, si hi essent depressiores oceano.

Mediterranea alicubi altior.

6. Quoniam verò paucorum littorum altitudo major est, quam vicinæ terræ mediterraneæ, in plerisque verò minor, quia terrarum altitudo à littoribus versùs mediterranea loca solet accrescere; quod patet ex defluxu fluviorum, quorum plerique oriuntur in locis mediterraneis altioribus, & quibus ad oceanum defluunt; sunt ergo partes quaedam mediterraneæ aliquantò altiores, quam littora; quoniam ab illis ad hæc fit fluxus.

Alicubi depressior.

Quasdam autem regiones & valles esse aliquantò depressiores, quam ipsam oceani superficiem, experientiâ constat; sed illæ vel altitudine littorum defenduntur, vel aggeribus, aut aliis terris interpositis. Aggeres tamen plerique facti sunt, non propter maiorem altitudinem Oceani, in naturali suo statu, id est, tranquillo existentis; sed propter impetuosum ejus à ventis vel aliis causis concitati motum insolitum.

Non officit physicae rotunditati.

8. Nihilominus tamen omnis Aquarum superficies cum terrenâ superficie constituit unam sphaeram, sive globum Terraqueum Physicè rotundum. Sicut enim non obstant physicae rotunditati Terræ montes; ita neque oceanus, neque maria, neque fluvii, neque fontes, neque lacus, subinde mari altiores physicae rotunditati maris.

§. II.

Varius Oceani motus ab influxu siderum.

Variè motus Maris extrinseci.

SI Oceanus solo motu naturali prædicto moveretur, acquisitâ tandem sphaericâ superficie, tanquam termino suo conquiesceret; ne verò stagnando, & diutius quiescendo

com-

computrescat, natura providit, ut identidem à causis extrinsecis, etiam sideribus, agiteretur, & in varios motus impellatur, idque agitatione continuâ. Cum enim una pars oceani movetur, totus movetur oceanus, sive omnes reliquæ partes etiam moventur; sed eò magis & turbulentiùs, aut violentiùs, quò parti vehementiùs motû vicinior unaquæque fuerit. Quoniam si pars oceani movetur, necessariò locum mutat, & ideo hic locus depressior fit loco vicinæ aquæ, hæc vicina movebitur in hunc locum, & illius vicina in illius locum, & sic porrò in omnes reliquas partes, licet minùs sensibilibiter in partibus remotioribus. Horum motuum ab extrinsecis causis provenientium tres sunt præcipui & ordinarii.

Unâ ejus
parte motâ
moveretur to-
tus.

1^{us} *Motus Maris Rectus in longitudinem*, qui per se rectâ incedit ab ortu in occasum, Æquatori conformis & parallelus, à quo communiter longitudo Geographica desumitur omnium locorum orbis Terraquei.

Vel in lon-
gitudinem.

2^{us} *Motus Maris Transversus in latitudinem* appellatur transversus, quia motui Recto perpendicularis est, & à Polo utroque ad utrumque latus illi occurrit. Unde & Polaris, & in latitudinem Geographicam transversim agitatus dicitur.

Vel in lati-
tudinem.

3^{tius} *Motus Maris in omnem partem* sive *Æsus Maris*, qui se duobus motibus modò allatis commiscet, & plerumque *fluxus* & *refluxus*, sive potiùs *intumescencia* & *detumescencia* Maris appellatur.

Vel in o-
mnem par-
tem.

Ex his ordinariis motibus nascuntur cæteri plerique, ut obliqui, reflexi, refracti, speciales, proprii, contingentes, perpetui, cessantes, Periodici, circulares, extraordinarii motus.

§. III.

Motus Maris Rectus in longitudinem.

I. H^Ujus Motûs causa est *Motus solis communis diurnus*, quo

Causa sa-
mo-
tis Maris

in longitu-
dinem Sol
diurnus.

quo 24. horarum spatio ab ortu in occasum & rursus in ortum graditur; siquidem hic motus maris unà cum sole ab ortu in occasum procedit & in toto Oceano perpetuus observatur à Nautis, qui quotidie experiuntur, ex *Syriâ* & *Palæstinâ* multò citius navigari in *Italiam* & *Hispaniam*, quàm inde redeatur: item ex *Hispaniâ* Naves longè expeditius pervenire in *Americam*, quàm inde revertantur: pariter citius ab orâ *Peruvianâ* in *Philippinas*, scilicet ab ortu in occasum navigari, quàm ex *Philippinis* in *Peruviam* ab occasu in ortum

Maximè
sensibilis in
Zonâ Tor-
ridâ.

2. Maximè tamen sensibilis est Motus ille Rectus in longitudinem ab ortu in occasum sub *Zonâ Torridâ*, & propè *Æquatorem*, ubi per majorem anni partem constans permanet motus Maris *Orientalis*; eò quod ibidem Sol sit magis directus, & ab ortu progressus in occasum nativo suo calore Athmosphæram, Oceano circumfusam, rarefaciat, rarefactamque ad subjectum Oceanum impellat, & utrumque pronò cursu unà secum circumducatur.

Sub *Æquatore* subin-
de malacia.

Ob auram
à sole ni-
mis atte-
nuatam.

3. Quod verò hic Rectus Oceani motus subinde nonnihil in malaciam, & dierum aliquot quietem subsidat, causa est; quia Solis æstus, præsertim absente Lunâ, Athmosphæram vehementer attenuat, eamque insensibilem, & invalidam reddit ad excitandum notabilem in Oceano motum, unde necessariò nascitur quies & malacia Athmosphærae pariter, & Oceani; præsertim directè sub *Æquatore*, propè oras *Guineæ*, ubi per se calor est maximus. Quemadmodum etiam nobis tempore æstivo in nostro aëre & terrâ quandoque contingit, quando nullus deprehenditur motus Auræ tenuissimæ, sed diuturna quies, & quædam quasi aëris malacia.

§. IV.

Motus Maris Transversus in latitudinem.

Causa Mo-
tus Maris

I. **M**otus Transversus causa est Motus solis Proprius sive Annuus, quo quotannis per signa Zodiaci in Eclipticâ

pricâ transversâ ab uno Tropico ad alterum movetur. Dum enim *Sol* ab uno Tropico ad alterum accedit, etiam ab uno Polo recedit; & accedit ad alterum: accedendo ad unum Polum E.G. Borealem suo calore quotannis Atmosphæram circumpolarem valdè crassam & frigidam resolvit, ita ut versùs *Æquatorem* reflexa mare subiectum glacie concretum dissolvat & secum rapiat.

in latitudi-
nem solan-
nuus.

2. Qui effectus cum singulis annis fiat tunc, quando *Sol* ab *Æquatore* magis & magis ad *Cancrum* progreditur; vix alteri causæ adscribi potest, quàm virtuti solari; præsertim cum teste experientiâ, sæpius à *Gallis*, *Anglis*, *Hollandis*, & *Hamburgensibus* iteratâ, post Solstitium æstivum, *Sole* nonnihil à Polo ad *Æquatorem* recedente, sensim etiam remittat importunus ille Oceani fluxus à Polo Boreali versùs *Æquatorem*; Hi enim in suâ piscatione Balænarum singulis annis ad *Spitzbergam* institui solitâ animadvertunt à Mense *Majo* usque ad solstitium æstivum in *Junio* continuum maris fluxum suæ navigationi contrarium, à Polo Arctico versùs Austrum prorumpentem cum ingenti cumulo glacie-
rum, qui paulatim accrescente magis calore solis dissolvitur.

Tempore
Veris ple-
rumque fit
à Boreâ

3. Similem sed è converso, Maris fluxum motumque valdè vehementem notârunt *Lusitani* & *Hispani* à Polo Antarctico versùs *Æquatorem*, ad explorandas novas Regiones Australes progressi. Parem *Lusitani* & *Hollandi* experiuntur Motum Maris Australem viæ suæ contrarium, ad Promontorium *Bonæ Spei* in Africa, quando illac ex *Europâ* in *Indias* Orientales navigaturi transeunt. Hinc dum ex Eadem *Indiâ* redeunt in *Europam*, uti solent Motu Maris Australi navigationi suæ prono & congruo.

Tempore
Hyemis no-
stra ab An-
tro.

4. Econtra verò Hispanicæ naves ex eadem *Indiâ* Orientali ab occasu ad ortum redeunt in *Peruviam*, & postmodum à sinu *Mexicano* in *Europam*, utuntur motu maris Boreali, uti Diaria Nautarum memorant. Utrumque fit ex ratione oppositâ; Illi namque ab ortu ad occasum ex *Indiâ* in *Europam* redeunt intra partem Australem navigan-
tes;

Utrumque
motum ob-
servant
Nautæ
Marini.

tes; Hi verò ab occasu in ortum ex eadem *Indiâ* in *Eur-
pam*, intra partem Borealem navigant.

§. V.

Motus Maris in omnem partem sive Æstus Maris.

1. *Æstus Marini* causa est non tantum Sol sed & Luna, quia non sequitur solum ad cursum *Solis Diurnum* & *Annuum*; sed etiam ad cursum *Lunæ Menstruum* & *Diurnum*.

*Æstus Ma-
rinus tri-
plex*

Annuus

Menstruus

*Quotidia-
nus*

*Variis sed
perpetuus.*

*Non tan-
tum à Sole,
sed etiam à
Lunâ.*

2. *Æstus* siquidem, *fluxus* & *refluxus* sive *Intumescencia* & *detumescencia Maris* ratione certi temporis est triplex. *Primus Annuus* quia singulis annis bis circa *Æquinoctia* contingit; dum enim *Sol Vere* in *Ariete*, *Autumno* in *Librà* sub *Æquatore* progreditur, directius subjectas *Oceani* partes vehementius commovere solet: *Secundus Menstruus*, quia singulis mensibus bis in *Novi- & Plenilunio* magis æstuat, quem æstum *Luna* præcipue concitat. *Tertius quotidianus* quia *Mare* præter annuum & menstruum æstum intra 24. horas bis intumescit, & bis detumescit; per 6. namque ho-
ras matutinas intumescit usque ad meridiem: per 6. pome-
ridianas detumescit usque ad vesperum: rursus per 6. horas intumescit usque ad medium noctis, & per 6. horas detume-
scit à medio noctis usque ad mane. Atque hæc vicissitudo
est perpetua, licet varia sit in variis locis, tum æstus *Ma-
rini* magnitudo, tum ejusdem tempus diversum in diversis
non solum locis; sed etiam in eodem loco, cum quotidie
æstus marinus succedat unâ ferè horâ seriùs, scilicet minu-
tis 48. quibus *Luna* quotidie tardiùs cuilibet loco exoritur.

3. Hinc Præter *Solem Luna* est potissima causa æstus *Ma-
rini*; *Luna* enim nativo suo humore *Athmosphæram* repletam,
& adscititio *Solis* calore rarefactam distendit. *Athmosphæra*
autem sic dilatata vicinum oceanum sensim premit (veluti
per

per analogiam quandam halitus aquam in vase) & hic tandem depressus in omnem partem ad littora sensim assurgit per 6. horas, ac denuò subsidit per 6. reliquas. Simile quid experimur in Thermometro Aqua naturali repleto, in quo aër calore Athmosphærae rarefactus & dilatatus premit aquam; aër verò frigore condensatus succedentem aquam facit assurgere.

*Simile in
Thermo-
metro aqua
naturalis.*

*Causa di-
versitatis
æstus.*

4. Causa verò diversitatis *æstus Marini* est, tum ipsius Terræ situs diversus; regioni enim oceano & ventis Boreali-
bus expositæ major incumbit æstus, quàm aliis mitioribus ventis, uti etiam locis humilioribus & sinibus apertis, magis quàm inflexis: Tum situs varius, & combinatio diversa Planetarum. Redit enim quotannis *Æquinoctium Vernum*, & *Autumnale*: redit quot mensibus *Novi* - ac *Plenilunium*: redit quotidie *Luna* ad Meridianum, & toties ab eodem recedit; sed non redit idem semper æstus marinus, neque eodem prorsus tempore, ergo præter *Solem* & *Lunam*, aliæ quoque cæli influentiæ ad insolitos & extraordinarios motus, & æstus maris advocandæ sunt. Quænam verò adhuc alia, tum ex diversis aquarum, tum & Athmosphærae circumfusæ particulis ad eosdem motus concurrant, infra suo loco dicetur.

*præter So-
lem & Lu-
nam aliæ.*

§. VI.

Speciales motus Maris ex motibus prædictis orti.

EX Motu Maris *Recto* & *Transverso* ad se invicem refractis nascitur varius innumerus Motus Maris *Obliquus*: Ex *Recto* & *obliquo* ad varias maris oras & littora impactis oritur Motus Maris *Reflexus*, atque sic ad omnes plagas progreditur. Ex alveis diversis in mari & Fretis concitatur Motus *Imperuosus currentium* aquarum instar rapidissimi fluminis. Talium sex præcipui, quos Nautæ *correntes* vocitant, per totum Oceanum reperiuntur:

*Exrecto, &
transverso
motus ori-
tur obli-
quus, ex re-
cto & obli-
quo reflexus
impetuosus*

Loca præcipua Motuum impetuosorum Oceani.

1^{mus} *Impetuosus* in Mari *Atlantico* à Promontorio viridi versus sinum *Africæ Ferdinandi de Po*, Motui *Recto* orientali contrarius, nempe ab occidente in orientem.

2^{dus} *Impetuosus* inter Insulam *Madagascar* & *Africæ* littora, ab ortu in occasum, à Motu Generali maris adjutus.

3^{tius} *Impetuosus* in mari Indico ab insula *Sumatra* usque ad sinum *Bengalensem* ab Austro versus Boream, Motui Generali transversus.

4^{tus} *Impetuosus* in Mari *Brasilo* & *Boreali* à Promontorio S. Augustini secundum Insulas *Antillas* & oram *Floride* ab Austro in Boream à Generali motu reflexus.

5^{tus} *Impetuosus* in Freto Magellanico, & le Maire, à mari Australi in Pacificum ope venti orientalis promotus.

6^{tus} Leniter impetuosus in Mari Pacifico; ad littora Peruviana & reliqua Americæ occidentalis, ab Austro in Boream.

Alii motus vorticum & eruptionum.

Quibus motibus accensentur, sed ex aliis causis, Motus Circulares Vorticum, & eruptionum subterraneorum, ac maximorum fluminum in mare irrumpentium continuus affluxus. Quin & ipsa salsedinis qualitas, & diversarum naturarum particulæ calore solis agitatæ multum faciunt ad motum & æstum; sicut & Quantitas maris, alibi profunda magis, alibi minus.

§. VII.

Influxus Solis aliqualis in salsedinem Maris.

Maris Salsedo non tantum à fundo

I. **N**ON tantum Aquas Oceani, sed etiam reliquas omnes, quæ nunc, aut acidæ, aut amaræ sunt, olim à Mundi exordio dulces fuisse, plures arbitrantur, imò secundum Aristotelem, omni sapore ex natura sua caruisse; Mare autem, sicut & aliquæ fontium scaturigines, salsedinem suam contraxisse à suo fundo, & montibus salsis infra aquas latentibus. Major enim Salsugo deprehenditur in uno loco, quam

quàm in alio; hinc in locis pluribus ex aquis Marinis multum salis excoquitur, in aliis valdè parum.

2. Nihilominus negandum non erit, quod *Sol* suo calore multum conferat ad illam Salsedinem; cæteris enim paribus Aquæ Marinae sub *Zonâ Torridâ* magis Salsæ sunt, quàm sub *Zonâ Frigidâ*, ut Nautæ Marini testantur; quo nimirum propius ad *Æquatorem* navibus accedunt, hoc magis Salsum experiuntur oceanum; minus Salsum, quò propius ad utrumque Polum perveniunt, eò quod *Solis* fervor in *Zonâ Torridâ* plures vapores ex oceano attollat, quàm in locis polaribus; salis autem particulæ propter gravitatem non ita facile ascendant, ideo aqua relinquitur in oceano Salsa, aliis alterius naturæ evolantibus.

*Sed etiam
à solis
calore*

*præcipuè
sub Zonâ
Torridâ*

3. Deinde ipse calor aquæ Salsedinem magis sensibilem facit, quàm frigus; eadem enim aqua vel cibus salsus majorem salsedinem gustui præbet, quando calidus est, quàm quando frigidus; calor siquidem movet, & acutiores reddit particulas salis, ac eas ab aliis particulis non salsis magis separat, unde salsæ linguam acutiùs pungunt.

*Quin &
propter a-
quam magis
calefactam.*

4. Quoniam itaque aqua Oceani eò magis calida est, quò *Æquatori* propior, & contra eò magis frigida, quò *Polis* propior; etiam reliquæ aquæ extra *Zonam Torridam*, licet eandem salis copiam continerent; tamen eò magis salsæ sentientur, quò *Zonæ Torridæ* propiores, eoque minus salsæ, quo *Zonis frigidis* propiores, unde multi cum *Aristotele* existimant totam maris salsedinem esse à solo calore solis.

*Sensibilior
fit salsedo.*

5. Verùm cum neque sub *Zonâ Torridâ*, neque sub ipso *Æquatore* ubique excoquatur Sal ex aquis marinis, sed plurimum Salis ad *Insulas Hesperides & Azores*; imò etiam ad oras *Hispaniæ, Galliæ, Angliæ*, aliisque locis ab *Æquatore* longius remotis; hinc licet quidem ad salsedinem multum conferat calor solis, non tamen solus; sed simul oceani fundus, & major hinc inde copia spirituum Salinorum. Ut enim Montes plurimi falsi exstant in superficie Terræ, è quibus sal effoditur; ita etiam montes & cavernæ salsæ repertæ sunt in fundo maris, & ad littora, à quibus suam salsedinem trahit oceanus.

*ad majorem autem
salsedinem
multum
conferunt*

*Montes &
Cavernæ
marine
salsæ*

Aquæ dulces vel sunt à fontibus vel fluviis.

6. Quod subinde in Mari reperiantur aquæ dulces, hæc proveniunt, vel à fontibus perennibus, qui frequenter è fundo maris scaturiunt, vel ex fluviis majoribus, qui aquas suas dulces magno impetu & magnâ copiâ in mare profundunt. Idem dicendum est de reliquis aquis dulcibus in Mediterraneis, ut lacubus, stagnis, paludibus, fluminibus, rivis, fontibus, licet eodem vel simili fervore solis afficiantur, ut mare in eodem climate, tamen non sallescunt; hoc enim in illis accidit propter continuam dulcis aquæ successione & propter aquæ exiguitatem, respectu oceani, quæ non crassescit, sed brevi resolvitur.

§. VIII.

Influxus Solis aliqualis in lacus, stagna, paludes, fluviis, rivos, fontes.

Exsiccationes stagnorum à calore solis. Aquæ augentur à pluviis

I. EXPERIENTIÂ certum est, Lacus quosdam, stagna, paludes æstate exsiccari à sole: extenuando vapores & exhalationes eorundem, etsi habeant suas quoque scaturigines ex terra; quæ tamen tam parum aquæ largiuntur, ut ab æstu solis in halitum faciliè vertantur & dissipentur. Easdem etiam dulces aquas sæpius augeri, per diuturnas pluviarum collectiones & alluviones, quando sol frigido & denso aëre impeditus calore suo non potest tantam copiam aquarum absumere, antequam alia nix aut pluvia cadat, quæ tamen per calorem solis intra nubes rarefacta prioribus aquis copiosius affunditur.

Pariter fluviis, rivis & fontes exsiccantur à sole & à pluvia augentur.

2. Pariter multi fluviis, rivi, & fontes exsiccantur à sole, ac augentur à pluviis, & resolutis per solem nivibus, ut patet in multis Terræ partibus & quidem diversis anni mensibus ac temporibus ad cæli leges, ad accessum vel recessum solis: Sic in Americâ præcipuè in *Chilensi* & *Peruviana* regione adeò subinde parvi sunt fontes & fluviis, ut nocturno tempore non fluant, sed tantum de die, quia tunc aqua affluit ex resoluta

in montanis *Andibus* nive per diurnum solis calorem: Sic in *Africâ Nilus* plurimum augetur à pluviis & nivibus resolutis in Montibus Abyssinis, item in Regno *Gongo & Angolâ* quidam fluvii plerumque de die majores sunt, quàm de nocte eandem ob causam: Sic in *Asiâ Indus & Ganges* exundant ex pluviis & nivibus resolutis in Montanis Caucasii, item plures fluvii in Peninsulâ *Comorinensi* ad utrumque littus *Malabaricum & Coromandelium*, tempore æstatis ferè exsiccantur; hyerne autem seu pluviali tempore turgent: Sic in *Europâ* Fluvius *Wolga* Mense Majo & Junio abundat aquis, ita ut pulvini & Insulæ tunc regantur ab aquis; reliquis verò mensibus pulvini vix transirum permittant navibus onustis, ob nives per Solem resolutas in Montibus Russicis; item *Rhenus* circa finem Junii exundare solet ob nives per solem resolutas in montibus Helveticis.

ut constat
experientiâ
in Americâ
Africâ

Asiâ

Europâ

3. Diverſo autem tempore fiunt hæc augmenta fluviorum in variis regionibus pro vario solis accessu aut recessu. Etenim quia pluviae & nives hyeme frequentiores, sole magis remoto; ideo hyeme fluvii plerique augmentum accipiunt à resolutione earundem, quæ in quibusdam locis in *vere*, aliis in *æstate*, aliis intermedio tempore fit. Hinc alii fluvii in *vere* turgent, alii in *æstate*, alii alio tempore. Præterea quidam fluvii ex locis valdè remotis longo itinere descendunt, ubi *æstas*, cum in loco, per quem fluunt, sit hyems & contra, adeoque diversis temporibus exundant, præsertim sub *Zonâ Torridâ*; Plurimi tamen in *vere* id faciunt in *Zonis Temperatis*, quia tunc in plurimis locis à calore solis accedentis nives resolvuntur.

non tamen
eodem sed
diverso
tempore.

4. Idem proportionaliter dicendum de Torrentibus, rivis, & fontibus non perennibus terræ; etenim in partibus terræ elevationibus reperiuntur multæ cavitates, si in has affluat à pluviis & nivibus tanta aquæ copia, ut eam continere non possint, effluit, & in depressiora loca defluit, unde plurimi fontes, rivi & Torrentes existunt. De origine autem fontium infra suo loco dicitur.

Torrentes
subitanei
nec ordinem
temporum
servant.

CAPUT V.

*De Architecturâ interiore Terraquæ.**Structura
Terræ in-
terior.*

STRUCTURA Terraquæ, ut in ædificio, consideratur vel interior in Terræ visceribus, vel exterior in - & supra Terræ superficiem. De interiore structurâ scientificè differere, difficile est; quia nullo unquam sensu internas ejus partes percipimus; nihilominus tamen frequenter ex effectu causam arguimus, & ex iis, quæ de Terrâ prodeunt, aut intra Terram deiscunt, rationabiliter de iis, quæ intra Terram latent, discurremus, & non inutiles conjecturas facimus. Hinc fit tum ab experientiâ, tum à relatione Authorum.

§. I.

*De Centro Telluris in medio Mundi, stabili
& firmo.*

Primum, quod in interiore Terraqua considerandum venit, est centrum Terræ, sive Fundamentum omnis superstructionis Elementaris.

*Centrum
Terræ in
Medio
Mundi.*

1. PRIORE Libro Geographiæ Cosmicæ jam dictum est, centrum Terræ esse in centro Universi *physicè & opticè quoad sensum*, non tantum in *sententiâ verâ Catholicâ*, sed etiam *Pythagoricorum, Copernicanorum, Cartesianorum*, aliorumque *Neotericorum*, eoquod ob immensam cœli supremi à Terraquâ distantiam, etiamsi ipsa distaret à centro Mundi, tamen omnia cœli plœnomena, nobis in Terræ superficie extra ejus Centrum existentibus, eodem modo appareant, ac si reverâ & ipsa, & nos in centri Mundi essemus.

2. Pro-

2. Probabilius tamen videtur plurimis *Philosophis & Astronomis* Terraquam esse in centro universi non solum *physico* sensu, sed etiam in rigore *Astronomico*. Cum enim illa sit omnium in mundo corporum gravissima, ergo ex natura sua appetit centrum omnium gravium, hoc est, centrum Universi. Ergo etiam fuit à principio creationis à Deo in medio Mundi collocata, quia nulla ratio suppetit ad id negandum, suppetit verò optima & efficacissima ratio ad id affirmandum. Quoniam *Deus*, quando ut *Author nature* operatur, secundum rerum naturalium exigentiam operari solet. Ergo quoque defacto eam, ut *Author nature*, ad exigentiam gravitatis ejusdem eandem in eodem loco conservat.

*Ratione
gravitatis
ipsius.*

3. Hoc igitur Fundamentum, sive *Centrum Terræ*, supra quod ipsa fundata & stabilita miro modo quiescit. Mirum enim & vix conceptibile vulgo videtur, eam in aëre undique fluido pendulam, tam vastâ suâ mole & pondere gravem, non commoveri, non nutare, aut tandem non decidere, quin & ab *antiquis Astronomis & Neotericis Philosophis*, tam exoticis ipsa motibus concutitur, vix ut rationum pondere comprimi, vix argumentorum vi, aut Ecclesiæ autoritate cohiberi valeat. Dum alii cum *Copernico, Gilberto, Keplero, Landsbergio, Philolaum Pythagoricum, & Aristarchum Samium* secuti, Tellurem circa solem, velut Mundi centrum contorquere nituntur quadruplici motu, diurno ab occasu in ortum, annuo intra Zodiaci circulum, trepidationis ab ortu in occasum, titubationis à Septentrione in Austrum. Alii cum *Nyceta Syracusano, Heraclide Pontico, Origano, Longomontano, Argolo*, aliisque conantur eandem circumagere in medio Mundi circa proprium centrum motu diurno ab ortu in occasum. Alii denique Terraquam perenni quadam trepidatione, ac veluti fluctuatione circa mundi centrum agitari contendunt, ex centri nimirum gravitatis ejus mutatione perpetuâ, ob novam semper & continuam additionem & ablationem ponderum in terræ & marium superficie, adeoque

*{ Non circum
moveretur.*

Nec trepidat.

necef-

necessarium esse ajunt, ut toties tota Terra moveatur, ac trepidet, quoties centrum gravitatis mutatur, donec iterum centrò mundi congruat, & sic stet in æquilibrio, circa mundi centrum undique æqualiter ponderans.

Sed quies-
cis.

4. *Prima & secunda Sententia*, ut L. I. Geographiæ Cosmicæ dictum est, S. Scripturæ non convenit, nec *Tertia*, eo quòd satis clarè David confiteatur Domino in Ps. 104. *Qui fundasti Terram super stabilitatem suam; non inclinabitur in sæculum sæculi.* Et ratio firmior stet pro stabilitate Terræ firmâ & immotâ in suo centro, consentientibus *Ricciolo* in *Almagesto* novo L. 2. c. 3. *Mendozâ* in *viridario*. *Raynaudo* in *Theologiâ naturali*. S. *Gregorio* L. 2. *Moralium* c. 14. S. *Thomâ* quæst. 16. de *Malo* Art. 10. Quodvis enim pondus, quod subinde solet addi Terræ ex una parte, minorem habet proportionem ad ejus motum excitandum, quàm Ala muscæ, aut levissimus pulvisculus uni lancium manentium in æquilibrio, & sustinentium utrumque decem æqualia pondo. Terra etiam, teste *Seneca* L. 4. *naturalium Questionum*, ad montes est, ut ingens Pila ad pilum. Quod fusius probant *Ricciolus* in *Almagesto*, *Stevinus*, in *Statica*, *Mersennus* de verit. scient. & alii. Licet quidem quovis pondere Terræ addito vel ablato ex una parte Terræ videatur mutari centrum gravitatis, quia revera tunc ex illa parte fit levior, vel gravior, quàm ante fuerat; nullus tamen exindè sequetur motus aut mutatio centri de loco in locum, quia insufficiens est quodeunque pondus, quod defacto additur vel aufertur, ad motum causandum, & ingentem hanc Terraquæ molem ab æquilibrio suo dimovendam: tum quia adest impedimentum impediens talem motum, nempe ipsa Telluris gravitas, quæ ita eum ligat & affigit loco semel à Deo sibi attributo, ut ab illo dimoveri, nisi à pondere maximo, & toti Terraquæ moli proportionato, nequeat. Nam gravitas Terræ naturalis facit, ut & ipsa tota, & omnes ac singulæ ejus partes nitantur ad centrum mundi per lineas perpendiculares, & actu id fieret, nisi ab aliis cor-

Nullo ad-
dito aut ab-
lato ponde-
re moven-
dum.

põri-

poribus impedirentur. Ideoque licet pondus aliquod magnum, e. g. altissimus Mons in nostro Hemisphærio premat partes sibi subjectas, & pondere suo nitatur deprimere totam molem Terraquæ; reliquæ tamen partes omnes resistunt motui, illæ quidem, quæ sunt infra Hemisphærium & Horizontem nostrum, ne cogantur versùs cælum oppositum ascendere contra naturalem gravium inclinationem, imò contra actualem & efficacissimam detentionem Terraquæ in suo situ. Mons autem iste longè minori suo & improporcionado pondere non valet superare ingens illud totius Terraquæ molis impedimentum, ergo neque centrum Terræ à loco suo stabili dimovere.

Ob resisten-
tiam reli-
quarum
Terra par-
tium.

§. II.

De Motu gravium sublunarium versùs Centrum Terræ.

GRAVIA omnia sublunaria liberè demissa, descendere versùs *Centrum Terræ* communis est Philosophorum sententia, & experientia fatis manifestat in tot innumeris superstructionibus terrestribus. Ubicunque enim terrarum & marium perpendiculorum pondera liberè demissa, vel per aërem, vel per aquam consistentem, descendunt per lineas rectas Horizonti perpendiculares, quæ productæ reipsâ, aut imaginatione, continuantur cum Semidiametro Terraquæ, & in ejusdem *Centrum* omnes coeunt.

Omnia gra-
via tendunt
ad centrum
Terræ.

2. Præterea *Gravia* omnia secundùm gravitatis suæ *centrum*, versùs *Terræ Centrum* ita feruntur, ut centrum gravitatis eorum, si libera sint, nunquam deviet à *linea directionis*, quæ dictum *centrum* cum *Terræ centro* conjungit; quoniam naturaliter descendunt per lineam brevissimam, talis autem est sola linea directionis gravium, ergo &c.

Secundùm
centrum
gravitatis
propriæ.

3. Si *gravia* impedita sint, ut cadere non possint, naturâ tamen suâ nituntur, & tendunt deorsum, secundùm idem *centrum gravitatis*, & secundùm eandem *lineam*. Si verò

Et secun-
dum lineam
directionis.

moveantur transverſim, vehantur, raptantur, aut portentur in ſuperficie Terræ, tunc ad quemlibet motum progreſſivum hominis, aut alterius animalis, *Linea directionis* illius neceſſariò roties mutatur, quoties corpus *grave* quodcunque de loco in locum ſupra Terram fuerit promotum.

*Extra
quam ſuſ-
penſa non
quieſcent.*

4. Si *gravia* liberè ſuſpenſa pendeant, & hæreant ex aliquo puncto ſuſpenſionis, per *centrum gravitatis* illius ad Terræ centrum directâ. Sic filum cum plumbo liberè pendulum, & externa quacunque vi agiturum, tam diu hinc inde ultrò citròque movebitur continuis oſcillationibus in arcu per ſuum motum deſcripto, nec quieſcet, donec ruruſ fit in priore *lineâ directionis* gravium, ſive in puncto arcus centro Terræ propinquiore filum cum plumbo conſiſtat, ulteriuſ deſcenſurum in eadem linea, niſi detineretur à puncto ſuſpenſionis.

*Et ſuſten-
tata ca-
dent.*

5. Si *Gravia* ſint ſuſtentata à plano, tunc quieſcunt & ſtabunt, quando *Linea* è *centro Terra* per punctum ſuſtentationis tranſiens, tranſit etiam per *centrum gravitatis* eorum, extra illam cadent. Sic *Conus*, vel *Pyramis* inverſa plano ſuſtentata inſiſtet, quando *linea directionis* tranſit per *centrum gravitatis* ipſius. Tunc enim manebit in ipſâ *lineâ directionis* gravium ſine caſu, utpote impedita à plano ſuſtentante, neque in latuſ alterutrum declinabit; quoniam omnes partes circa eam lineam ſunt æquiponderantes, ac proinde nullæ alteras in partem alteram pertrahere poſſunt. Tunc autem cadet *Pyramis*, quando *linea* è centro Terræ per punctum ſuſtentationis tranſiens, non tranſit per centrum gravitatis ejuſdem, quia tunc *Pyramis* propendet ad unam partem, ac proinde pluſ ponderat ex ea parte, quàm ex altera, ergo cadet.

*Nec ſtabunt
niſi in pun-
cto conta-
ctûs Terra
ſpharicæ.*

6. In ſuperficie *Terræ* Homineſ, columnæ, bilanceſ, campanæ, muri, Turreſ, aliaque perpendiculariter erecta, etiam in planis, aut pavementis ad libellam conſtructis, non ſtant perpendiculariter erecta, niſi in illo puncto, in quo planum tangit ſphæram Terraqueam. In reliquis verò locis, non

tangentibus sphaeram, stant inclinata, & in vertice à se invicem magis distantia, quàm in pedibus aut in basi. Omnia enim hæc non habent aliam, quàm suam propriam directionis lineam versùs centrum.

7. *Pavimenta* etiam in superficie Terræ libellatim constructa, ut sit ab Architectis, necessariò sunt arcuata, licet insensibiliter, quia sphaericam Terræ superficiem quasi incrustant; si verò planum aliquod non ad libellam, sed ad regulam constratum supra *Tangentem sphaeræ Terrestris* fingatur ad cælum utrinque pertingere, homines in tali planitie ambulantes, quò longiùs abirent à puncto contactûs, quo planum istud sphaericam Terræ superficiem tangit, eò semper altius ascenderent, tandemque non possent ulterius progredi, nisi reptando quasi per longitudinem Turre cælum usque ascendentis. Globulus quoque perfectè rotundus in illo plano positus non posset consistere, nisi in puncto, in quo planum sphaericitatem Terræ tangit, & Homo in eodem plano non nisi unicus perpendiculariter erectus stare posset.

Plana ad libellam sunt arcuata.

Ad regulam vero supra tangentem Terræ, licet plana sint, non tamen nisi unus homo in eo plano stare posset erectus.

8. *Antipodes* nostri, aut naves in mari nobis opposito non possunt naturaliter cadere in partem oppositam cæli, sive *Nadir* nostrum: sicut nos naturaliter ascendere, aut elevari non possumus sursum, versùs nostrum *Zenith*; quia omnia gravia circa Terram gravitate suâ naturali ad centrum Terræ tendunt, non minùs ac nos. Paradoxum hoc olim fuit tempore *Plinii*, qui Lib. 2. cap. 5. sic refert: *Ingens hic pugna literarum, contraque vulgi, circumfundi Terræ undique homines, conversisque inter se pedibus stare &c.* Illò (scilicet vulgo) querente, cur non decideret contra siti; tanquam non & ratio præstò sit, ut nos non decideret mirentur illi. Mirum non est vulgi plebem hoc ignorare, & mirari; mirandum potius est Viros doctos in eadem perplexitate hæsisse, quæ nunc experientiâ multarum navigationum per totum orbem terrarum ablata est. Mirum magis esset, si caderent Antipodes, quia naturaliter contra naturæ ordinem ascenderent.

Antipodes non cadunt in partem cæli oppositam.

*Si ascen-
dant quis-
que versùs
suum Ze-
nith ascen-
dit.*

*Si cadant
versùs ter-
ra centrum
cadent.*

*An stellæ
habeant
proprium
gravitatis
centrum?
non ita evi-
dens est.*

*Centrum
Mundi
symbolum
est Dei uni-
us & Trini.*

9. Unde sequitur, quod duo *Nautæ Antipodes* de Navi in summitatem *Mali* ascendentes, ambo naturaliter ascendant, quisque versùs suum Zenith. & si cogitetur scala esse erecta in Diametro Terræ per ejus centrum, duoque homines à centro per eandem uno eodemque tempore ascenderent in partes oppositas, naturaliter ambo ascenderent, quia quilibet ad suum Zenith tenderet. Scala quoque tali modo erecta, in quacunque partem mota, ibi naturalem suum situm habebit, & quiescet, nec homo cadet in alterutram partem dextram aut sinistram, sed si casurus sit de scalâ, cadet deorsum versùs centrum uterque, eoquod pondere suo extra *lineam directionis* scalæ positus in suæ *gravitatis lineam* necessariò cadat.

10. Ex his omnibus collige *centrum Terra* esse commune omnium gravium, *saltem sublunarium, centrum & fundamentum*. Fortè enim quilibet *Planeta*, aut *stella fixa* habet suum peculiare centrum gravitatis, quod sit centrum gravium eorum, quæ ad systema illud pertinent. Quis enim novit, num siderum partes avulsæ non gravitent? & ad suum astrum, velut lapides in altum projecti ad Terram redeant?

11. Interim *centrum universi* sit, ubicunque sit, symbolum est **Dei unius & Trini**, creatoris hujus admirandæ Machinæ. Siquidem centrum gravitatis omne pondus sustinet, ponderisque ipsius est principium, cùm sine centro pondus subsistere nequeat. Extra centrum, in quo quies & motus sunt, & consistunt, det mihi quis quietem & motum? quod cùm fieri nequeat, in ipso centro quies & motus sint necesse est. Et quoniam extra ipsum centrum nihil omnino reperies, à quo illud suam originem capere possit, necessariò sequitur, ut centrum principio carens in se ipso oriatur. Motus certè nullus est, quicunque etiam dari possit, qui sine quiete existere valeat; unde manifestum fit, quietem à nullo alio principio derivari, sed per se ipsam existere; atque ita principio carere. Motus autem in quiete, aut
centro

centro (ut ita dicam) inhærens perpetuò, & ex eodem procedens, cùm in infinitum se expandat, quis ejus finem deprehendet? atque ita cum motu ex infinito ad centrum redibis, nil nisi *unum & Trinum* reperturus. Tria enim sunt in hâc mundi sphærâ: *Centrum, peripheria, & motus*, quorum uno negato, cætera corruunt, suntque distincta inter se, ut unum non sit alterum, omnia tamen unam sphæram constituent Universi. *Centrum* siquidem Universi *Peripheriam* ex se gignit, & in infinitum producit; semper tamen in suum *principium*, centrum ipsum videlicet redeuntem, ex quo per *radius* progreditur, & emittitur *motus* nunquam progressurus, si *centrum* & *Peripheria* non essent. *Peripheria* enim est perpetua & continua centrorum congeries, in quâ unum *centrum* ex altero natum, eidem inhæret, atque ita continuata illa centrorum series *motum* gignit, qui in infinitum se explicare cum centris ipsis infinitis valet. Admirabile igitur & adorandum SS. Trinitatis mysterium *Sphærâ Mundi* tanquam Typo adumbratur, in centro Pater æternus, origo Divinitatis: in Peripheriâ Filius, plenitudo Divinitatis: in motu, sive Radio communi, Spiritus S. ab utroque procedens. Sed sic balbutiendo de tanto & incomprehensibili *Mysterio*, Creatori omnium, utcunque satis facimus, qui ex ore infantium atque lactentium qualibuscunque laudibus contentus, humilitatem amat in centrum suum propendentem, & superbos, elatósque animos è linea directionis suæ præcipitat.

Distincta tria: centrum peripheria, & motus constituent unam sphæram.

§. III.

De iis quæ à superficie Terra deorsum intra Terraquam centro ejusdem sunt propinquiora.

- I. *Structura* convexitatis sive superficiiei *Terraque*, quam pedibus calcamus & oculis intruemur, partes tum sic,

*Superficies
Terraquæ
varie ter-
minatur.*

cas, tum liquidas terrarum & aquarum, cum admirabili varietate & diversitate corporum, ac mirâ cohæfione partium complectitur. Sicca quidem Telluris pars non unâ & æquabili superficie terminatur; sed passim in multas cavitates profundè subsidit, passim in protuberantias & montes altum elevatur. In latis & profundis cavitatibus circa terram vastus continetur oceanus, atque ideo Pars superficiei terrestris regitur aquis, Pars exstat & eminet super aquas. Quæ regitur aquis pariter non æquabili cavitare constructa later; sed hinc inde in scopulos, & partes elevatiores in medio aquarum erigitur; sicut exstans sicca Pars super aquas alibi minùs, alibi magis elevata aut depressa conspicitur. Quo fit, ut aqua ambiens totam Tellurem intra alveum suum per eminentiora littora coërceatur, ne totam Terræ continentem inundet.

*Terrarum,
& oceani
continua
est, non ta-
men omni-
um aqua-
rum.*

2. Hinc *Terrarum* superficies undique continua est, uti & *Oceani, Sinuum, Fretorum, & fluviorum*; non tamen omnium aquarum. Quia dantur quidam lacus, qui saltem superficiei tenens cum Oceano non conjunguntur. Quæ tamen discontinuitas exterior aquarum non impedit, quin intus in soliditate Terræ dentur innumeri hiatus, recessus, anfractus, cuniculi, voragines, tubuli, canales, tanquam venæ terrestris corporis, aut vasta subinde receptacula aquarum, aëris, ignium, ut in sequentibus dicetur.

*Cohæren-
tia Terræ
est ex sale.*

3. *Cohærentia* autem & *consistentia* Terræ potissimum ex sale oritur, quod multis Chymicorum experimentis comprobatum est. Artificiosa enim *resolutio* Terræ partium satis ostendit, quod in omni corpore terrestri reperiat quædam salis species, & eò plùs, quod est durius corpus, ut in metallis, marmoribus, petris, aliisque lapidibus, quorum concretionem à sale esse manifestum est, eo quod arte efficiantur Metalla & saxa è sale durissima. Si verò sal à Terra per artem separetur, non illa amplius cohærebit; sed pulvis erit, neque ad duritiem reduci poterit, nisi salis admixtione.

4. Variiſſimæ etiam Terrarum ſpecies variis modis inter ſe commixtæ in frequentibus Terræ foſſionibus reperiuntur: ut arena, ſabulum, argilla, creta, cinnabaris, ochra, terra Lemnia, Samia, Armenia, aliæque multæ Mineralium ſpecies, ſal, ſulphur, nitrum, alumen, bitumen, vitriolum, Antimonium, lapides omnis generis, metalla, aurum, argentum, *Æs*, cuprum, ſtannum, ferrum, plumbum, Mercurius, variæque terræ metallicæ, non coacervatæ, aut ab aliis ſejuñctæ; ſed tum inter ſe invicem, tum cum inutili terrâ mixtæ, ſecundum minimas particulas, ut non primo aſpectu, ſed per filtrationem & ignem, aliſque indiciis deprehendant artiſices, quid in quavis metallicâ terrâ contineatur.

*Varia ſunt
terrarum
ſpecies:*

5. Eodem modo in agris miſcetur arena argillæ, limo, ſali, &c. quod inſigni experimento didiciſſe Hollandos reſert *Varenius* in ſua Geographiâ Generali, ubi ait: cum *Amſtelodami* aliquando ad puteum faciendum effoderetur terra uſque ad ducentorum & triginta duorum pedum profunditatem, hæ ſpecies terrarum oblatae ſunt: Hortenſis terræ pedes ſeptem, nigræ ad ignem nutriendum aptæ, ſive *Torff*, pedes novem, argillæ mollis novem, arenæ octo, terræ quatuor, arenæ, ſuper quas ſolent domus amſtelodamenſes ſiſtucari, pedes decem, argillæ duo, ſabulonis albi quatuor, ſiccæ terræ quinque, turbidæ unus, arenæ quatuordecim, argillæ arenariæ tres, arenæ cum argillâ mixtæ quinque, arenæ marinis conchulis mixtæ quatuor, deinde fundus argillæ ad centum & duorum pedum profunditatem, denique ſabulo triginta pedum & unius, ubi foſſio deſiit.

*Tales inve-
nerunt
Hollandi
in profun-
do putei:*

6. Verum ordo iſte & gradus variarum terrarum non ubique ſimilis, ſed in diverſis fodinis pro diſpoſitione corporum heterogeneorum varius reperitur. Alius in terris humidis, Alius in ſiccis: Alius in pinguibus, alius in ſterilibus; Alius in arenofiſ, Alius in ſaxoſis, aut metalliferis: Alius in argenti & auri fodinis, ut in Saxonia Inferiore & Superiore, ac Hungaricâ: Alius in terris calidioribus ſub

*Ordo au-
tem ſpecie-
rum varius
pro varie-
tate terra-
rum.*

Æqua-

Æquatore & Zonâ Torridâ Indiæ orientalis & occidentalis, & Africanis: Alius in frigidioribus.

*Et dispositio-
ne par-
tium tum
externa-
rum tum
interna-
rum.*

7. Quin & tam externæ, quàm internæ Terræ dispositio-
nes, densitates, raritates, & cavitates non sunt perpetuè eæ-
dem, sed diversis temporibus diversæ. Etenim non tantum
impetus aquarum, tum fluminum, tum marium varias mu-
tationes & ruinas in terræ cortice & visceribus efficit, dum
quædam foramina, aut hiatus, advectis aliis corporibus ob-
struuntur, quædam violentiâ majore laxiora redduntur; sed
etiam Athmosphæra conclusa, spiritus, & sulphureæ sub-
stantiæ in terrâ hinc inde latitantes, cum per ignem subter-
raneum in vapores resolvi incipiunt, impetuosè partes terræ
movent, & prostruunt, ut ex terræ motibus manifestum est.
Sic verisimile est in interioribus Telluris partibus similes fieri
motus, quorum maximam partem, nos in Terræ superficie
existentes, non sentimus.

§. IV.

De Igne in Terrâ latente.

Terra est Elementum siccum in summo, & frigidum pro-
pè summum.

Ignis est Elementum calidum in summo, & siccum pro-
pè summum.

*Ignes sub-
terranei*

Dari Ignes subterraneos experientiâ certum est; ex *Vul-
canis* enim, sive montibus ignivomis apparentibus in terræ
superficie rectè arguimus complures ignes subterraneos.

*Eorum
eruclanti-
um in terrâ*

P. Kircherus & P. Massæus, Varenius, aliique Vulcanos
numerant ultra centum, hinc inde per orbem Terraqueum
dispersos, ex quibus alii continuò ignes eruclant, alii non nisi
per aliquor annorum intervalla.

numerus.

In *Americâ* ultra triginta, maximè in auriferis terris *Peru*
& *Chili*.

In *Asiâ* itidem ultra triginta, maximè in Insulâ *Javâ*, In-
sulâ

sulâ Timoris, & Insulis Bandanarum, Moluccis, Mauricis, Japonicis.

In *Africâ* ultra viginti, præter alios intermittentes effluvia.

In *Europâ* ultra octo; ex quibus notiores magisque notissimi sunt sequentes.

§. V.

Montes ignivomi celebriores Europæ.

1. **M**ons *Æthna*, Siculis Gibel, in Sicilia, cujus etiam continua sit flammarum & fumorum ejaculatio, tamen subinde majore impetu furit, qualem fusè describit *Varellus*. Anno 1537. à 1. Maji usque ad 12. tremuit tota Sicilia: deinde ingens & horrendus mugitus & fragor auditus fuit, quasi magna tormenta bellica exploderentur: secuta est multorum ædificiorum per totam Insulam ruina. Hæc sævitia, cum per 11. dies continuasset, disrupta fuit vel hiata se aperuit hinc inde terra, unde magna vis flammarum & ignis omnia circum ad 5. leucas devastans, paulò post Crater in vertice Montis per 3. integros dies tantam favillarum & cinerum copiam eiecit, ut non solum per totam Siciliam dispersa, sed etiam trans mare in Italiam delata, damnum navibus ad ducentas leucas remotis intulerit. Similis eructatio ignis contigit hoc sæculo XVIII. orbi nota.

*Æthna
Sicilie.*

2. *Vesuvius* Campaniæ, Italici monte di Soma, non procul ab urbe *Neapoli*, de quo *Dion Cassius* refert: regnante *Vespasiano* Eum tanto impetu flammam eructasse, ut cineres ex ejus penitralibus cum sulphureo fumo projecti, non modò Romanis vento deferrentur; sed etiam ultra Mediterraneum mare in *Africam* usque & *Ægyptum*: aves in aëre suffocatas decidisse in terram, pisces quoque in aqua vicini maris ebulliente necatos. Cessante verò tandem incendio, & pluviis irrigantibus, sulphureas favillas & cineres in Montis super-

*Vesuvius
Campaniæ.*

Montes ignivomi celebriores Europæ.

ficie, magnam optimi vini Falerni fertilitatem exstitisse. Quæ fertilitas usque ad hæc nostra tempora toties uberior redit, quoties Mons novis incendiis circumjectas terras, & vites absūmit, relicto cinere fertilissimo.

*Hecla
Islandia*

3. *Hecla mons Islandiæ* non minùs interdum sævit, quàm *Ætna* aut *Vesuvius*, & magnos lapides projicit, ac, ut ait *Varenius*, continui in illo ignes libero exitu carentes sæpè miros edunt sonos lamentationibus similes; inde multi creduli putârunt ibi esse infernum, & impias animas cruciari.

Russiæ

4. *Russi* referunt, *Montes* quosdam sitos in Tartaria magnâ, ad orientalem ripam fluvii *Feniscea* in *Tingasorum* regione ultra fluvium *Obyum* versùs ortum itinere aliquot Hebdomadum, vulcanos esse sive ignivomos.

§. VI.

Montes Ignivomi Asiæ.

Japonia

I. *IN Japoniâ* mons est incertæ appellationis, ut scribit *Maffæus*, flammæ assiduè evomens, in cujus cacumine (si indigenis credere fas est) certis hominibus, postquam voti causa diu se macerârunt, splendidâ circumfusum nube *Cæcodæmonem* sese aspectabilem præbere. Plures etiam Vulcanos in Insulis Japoniæ 70. milliaribus à *Firando* diffitis reperiri: quin & in parvâ, quod mirandum, Insula, quæ inter *Tanaxumam* & Insulas appellatas, 7. sorores, jacet, conspici montem interdum ardentem, reliquo tempore perpetuò fumantem.

Tandaja

2. In *Tandaja* Insulâ, unâ ex Philippinis, non procul à Promontorio S. Spiritûs, plures esse Vulcanos deprehenderunt Hispani.

3. In unâ Insularum *dos Papous*, vel potiùs continentis *Dos Papous* *Terra dos Papous*, quam *Le Maire* detexit, ex orientali littore novæ

Montes ignivomi celebriorēs Asiæ.

novæ Guineæ ignivomus Mons visus est eo tempore horrendum arsisse.

4. Mons in *Javâ Insulâ*, non procul ab urbe *Panacurâ* Anno 1586. cum antea non arsisset, primum disruptus est violentâ flagrantis sulphuris eruptione, adeo ut ad 10. millia hominum periisse dicantur in subjectis agris, atque ingentia saxa in urbem *Panacuram* eiecisse. Tribus continuis diebus hic Mons tantum fumum, atrumque mixtis flammis & favillis evomuit, ut solem tegeret, & ferè tenebras diei inferret.

*Javâ Pa-
nacuranus.*

5. Mons *Gonapi* in unâ *Bandanarum* Insularum Anno eodem 1586. mense Aprili, ut Belgæ testantur eo tempore illuc appulsi; licet, indigenis referentibus, jam à septendecim annis arsisset, tandem disruptus est ingenti cum fragore, atque tantam copiam magnorum saxorum & massæ sulphureæ, ardentisque materiæ ejaculavit in mare & terras, ut omnibus horrorem incuteret favillarum & cinerum vis ingens: saxa ardentia in mari Insulæ proximo reperta unius integræ orgyæ; minorum verò tanta multitudo, ut vix naviculis iter in mari concederet. Aqua ad littus Insulæ multis adhuc horis ebulliebat, ac si ignis ei subiectus esset: pisces plurimi enecari & fluitantes conspecti.

*Gonapi
Bandana-
nus.*

6. Mons *Ternatensis* inter Insulas *Moluccarum* diversis in locis ignivomas, in nubes assurgit, cujus inferiora densis nemoribus vestiuntur, superiora ex incendiis glabra & horrida sunt. In vertice Crater, hiatu vasto, in plures circulos, circumductos majores minoribus ad speciem amphitheatri discedit. Inde per æquinoctia, maximè flantibus ventis Borealibus, cum horrifico fremitu flammæ, atro mistæ fumo, & cum favillis erumpunt, atque omnia latè loca cineribus opulent, ubi Incolæ sulphur optimum colligunt. Teste *P. Maffæo*.

*Ternate-
sis in Mo-
luccis.*

Montes ignivomi celebriores Asia.

- In Mauri-
vis Insulis.* 7. Una ex *Mauricis Insulis*, quæ à Moluccis distant 40. leucis, sæpissimè tota terræ motibus concutitur, ignémquæ ac cineres evomit cum tantâ vi, ut rupes conflagent totæ, & magnam vim lapidum eructent cum horrendo mugitu, crebrisque tonitruis.

§. VII.

Montes ignivomi in Americâ & Africâ.

- In Peruvio.* 1. **I**N *Peruvio* propè *Arequipam* urbem, mons aliquis sulphureus continuè ignes ejaculat, ad horrorem accolarum & merum, ne aliquando disruptus, urbem adjacentem obruat.
- In eodem* 2. In eodem *Peruviano* regno propè vallem, quæ *Mulaballo* appellatur, 50. leucis circiter ab urbe *Quito*, sulphureus mons est, qui aliquando disruptus magnos lapides ejecit, & ingenti fragore loca etiam remota terruit.
- In eodem* 3. In jugo *Peruviano*, dicto *Cordillera* hinc inde rupes & montes quidam Vulcani, partim fumantes, partim ardentes & ignivomi reperti ab Hispanis.
- In Nicara-
guâ.* 4. In *Nicaraguâ* ejusdem Americæ Provinciâ, 35. leucis ab urbe *Leon* Mons altus tam amplas ejicit flammæ, tantâque copiâ, ut ad aliquot Leucas germanicas videantur.
- Montes
non ampli-
us ardentes* Similes dantur in Africa, sed non constantes, nec experientia certa est, quia nulla sunt inibi Europæorum commercia. Denique sunt etiam aliquot montes, qui jam ardere destierunt. Sic in Insulâ *Queimoda* ad littus *Braſiliæ*, non procul ab argentei fluminis ostio, olim arsit, nunc non amplius: Sic montes in regnò *Congo & Angolâ* Æthiopie occidentalis in Africâ: item in Insulis Azoribus inter Europam & Americam, in primis *Tercera* & *S. Michael*, olim in plurimis locis & rupibus Terra ardebat, & cum in pluribus adhuc aliis terris reperiantur sulphurei carbones ad ignem concipiendum & fovendum aptis-

Montes ignivomi celebriores Asia.

aptissimi, nil mirum, si novi interdum existant vulcani, quorum causa est sulphurea & biruminosa substantia.

Ignis ergo in Terræ visceribus datur, & infernalis quidem *Ignis Inferni in centro Terra.* in ipso Terræ centro, quò illum reponit SS. PP. & pius Christianorum sensus, atque ab hoc igne centrali probabiliter oriuntur & diffunduntur plurimi meatus ignei & Pyrophylacia subterranea, fovendo magis igni idonea, quorum spiracula, ostia, & æstuaria sunt Vulcani, Ignem horrificum formas eructantia.

Nec vasto huic igni pabulum unquam deficiet, cùm natura continuò Materiam generet, quæ ignem facillè concipit & diutius conservat. *Semper ardens, cui pabulum nunquam deficit.* Ejusmodi sunt nitrum, sulphur, bitumen, carbones fossiles, ipsaque tandem terra, saxa & metallalla, quæ omnia ignis iste in flammæ, cineres, & scoriam convertit. Quod verò uno in loco ignis sensim absumit, alibi iterum succrescit, atque ita novum & novum semper recipiet alimentum.

Unde autem tam terribilis Vulcanorum fragor & violentia? Ex eo, quod violenti isti vomitus procedant ex longis canalibus & receptaculis, quæ subinde per fæces & rejectamenta accumulata obstruuntur, unde sequitur atmosphæræ latentis, unaque materiæ combustæ violenta compressio, quæ subinde adhuc magis augetur per mineralium obviorem resolutionem, atque ita sensim remonentur, ac sursum protruduntur obstacula, copiosi cineres, saxa prægrandia, & *Ex Igne & aëre violentè compresso.* non rarè etiam metalla liquefacta & in scoriam conversa, quæ omnia terrifico fragore sæpè longo tempore in auras & in altum non secus ac Globi è majoribus tormentis bellicis evibrantur, atque subinde ob nimiam materiæ congestæ copiam, ignis & aër compressus quaquaversum in subjectas regiones diffundit, ut sit præcipuè in insulis propter fluctus maris identidem littora excavantis.

CAPUT VI.

De Aquis subterraneis in genere & in specie de fluminibus, fontibus, Hydrophylaciis, Thermis, acidulis.

§. I.

Aqua est Elementum frigidum in summo & humidum propè summum.

Aqua subterranea.

1. **D**antur aquæ subterraneæ, quòd manifestum quidem est, nec probatione indiget; videmus enim oculis fontes & aquarum scaturigines innumeras è terræ visceribus erumpentes, quarum aliæ fluunt jugiter, aliæ verò subinde cessant, & post certa tempora fluxum suum repetunt, etiam tempore æstivo, quando nives & pluviae longo tempore deficiunt: quæ proinde non ab illarum subsidio tantum, sed è terræ visceribus & aquis subterraneis originem suam necessariò accipiunt.

2. Unde non immeritò inferunt Geographi, dari flumina, lacus & maria subterranea, quæ cum superioribus per canales & meatus terræ connexa sunt, & propterea continuo fluxu ac refluxu aquas ab invicem accipiunt, & sibi mutuò restituunt.

Aqua ex Mari potius quam ex aëre.

3. An autem hæc congeries aquarum subterranearum generetur ex aëre in visceribus terræ contento? an ex mari per terræ meatus continuos accidat? dubitari potest.

Imum Probat Aristoteles L. I. de Meteoris. Ex aëre enim supra terram aquæ sive pluviae generantur, ergo etiam in

in Terrâ intrinsecûs, cum intra terram aër sit & eadem condensationis causa, nempe frigus.

2dum Probant recentiores Geographi, & per experientias, quia plures quàm mille fluvii in mare se exonerant & majores ex illis in tanta copia, ut aqua illa, quam per totum solum annum emittunt in mare, superet totam tellurem; itaque fieri aliter nequit, quin ex mari aqua in plurima telluris loca & usque ad fluviorum fontes emittatur, ne crescat in immensum & terras inundet. *Expertum quoque est, quod fontes prope mare sint falsi* velut aqua maris, & quod propiores mari, eò magis plerumque falsi, ut in littore *Africae, Indiae*, in primis *Coromandelio* littore, in urbe *Suez* ad mare rubrum, in *Americâ* ad Peruana littora, in *Europâ* & quidem in mediterraneis multis locis reperiuntur falsi fontes, ut in *Lotharingiâ, Lunaburgi, Hallâ &c.* itaque videtur Terra, quidquid aquarum ex ostiis fluviorum in mare emisit, rursus accipere, & occulto itinere maris aquam subire terras, & in transitu per multiplices anfractus terrarum verberatam, & per arenas atque argillam, aliaque mineralia subterranea colatam, deponere maris falsedinem, & sic in dulcem aquam transire

Quomodo autem ex humili fundo maris aqua ad altissimorum montium scaturigines possit ascendere, ut omnia flumina, quae, secundum Divinum effatum. Eccles. 1. *intrant in mare, ad locum unde exeunt, revertantur*, explicat *Albertus M.* 2. Meteor. Tr. 2. c. 11. ubi ait: aërem vaporosum in cavernis terræ attrahere sursum aquas, dum refrigeratus noctu aut hyeme densetur, & minorem locum occupet. Quâ ratione aërem videmus in Thermoscopiis, & ampullis vitreis oblongis inclusum densari, & aquam sursum attrahere, ne detur vacuum. *Scaliger & Gervaldinus* 1. Meteor. ajunt: ab aqua maris crassiore & graviore comprimî, & propelli aquas subterraneas, percolatione ipsâ leviores factas, compellique eas, ut erumpant per

Per canales angustos in altum protrusa.

canales angustiores, tanquam per phialarum collum anferinum supra Libramentum maris. *Seneca L. 7. natural. Q. c. 25.* ait: sicut pars superior animalium attrahit sursum sanguinem, sic terræ partes superiores attrahere aquas, ne nimia siccitate fatiscant; quo ferè modo spongia aut filtrum bibulâ siccitate attrahunt aquam sursum.

Ut necesse non sit recurrere ad pluvias extraneas aut nives è nubibus; profundiores enim sunt multæ scaturigines, ut experientia Terræ fossores docuit, ad quas aqua pluvia penetrare non valet, & certè ab initio, ut dicitur *Genes. 2. Nondum pluerat Dominus super terram,* & tamen *fons ascendebat de terrâ irrigans universam superficiem terræ.*

Nec opus attendere cum Aristotele

1. Meteor. ad internas pluvias, sive perpetuum aquarum stillicidium, per subterraneos ignes evaporatum, quia id quaecunque sit, non sufficit pro tantâ multitudine & mole fluviorum, rivorum, fontium, lacuum perenniter fluentium; licet hæc stillicidia, aut pluviae & nives multum faciant ad redundantiam aquarum.

*Ex subterra-
neos Mea-
tus.*

4to. Natura satis providit tot in mari vortices, ubi aquæ ingenti impetu rapiuntur infra terram, & alibi post certum aliquod horarum intervallum eadem violentiâ regurgitantur, quod sæpè experti sunt nautæ & passim restantur Geographi. P. Kircherus ejusmodi numerat ultra 60.

*Et Vorti-
ces.*

5to. Præterea in Mare Caspium intrant aliquot centena flumina, quæ tamen omnia istud nunquam exundare faciunt, quod sanè signum est alicujus subterranei meatûs ac vorticis, aquam effundentis in pontum Euxinum, idque satis confirmant herbarum, fruticum, arborum ac navium rejectamenta, quæ subinde in ponto Euxi-

*In Mari
Caspio.*

no emergunt, ubi tamen nihil eorum crescit vel conficitur.

6to. Per similem vorticem subterraneum verosimiliter jungitur mare rubrum cum Mediterræneo, quia Delphinus aliquis in mari rubro captus, & æreâ appendice cum scriptura prius notatus, iterumque in idem mare reiectus, paulò post in mari Mediterræneo deprehensus est.

Mediterræneo.

7mo. Mare mortuum recipit Jordanem, & tamen nullum aliud flumen emittit, nec exundat, unde aquas simulque Naphtam & bitumen suum per meatum subterraneum in mare rubrum effundit, in quo Naphta non crescit, subinde tamen ad ejus littora reperitur.

In Mari mortuo.

8vo. Notus est vortex sive Charybdis & Scylla in freto Siculo, quæ mare sorbent, iterumque eructant magno impetu ac periculoso, ut facilè *incidat in scyllam qui vult vitare charybdim.*

Siculo.

9no. In Mari Norwegico nota est vorago maximatium ferè leucarum, (tredecim teste Varenio) quæ per 6. horas horrendo strepitu naves, imò etiam Balænas haurit & per totidem alias horas frustra & fragmenta evomit, ipsasque aquas salientium instar fontium in altum extollit. Per quam aquæ creduntur influere in sinum Bothnicum maris Balthici; & hinc in mare album, & ex utroque per intervalla ad Moscanum vorticem regurgitari, cum in utroque ejusmodi violenta aquarum subtractio & succedanea regurgitatio notetur. Similis sed non tanta est inter Normanniam Galliæ & Angliam vorago, ad quam feruntur naves mirabili celeritate, sed jam vicinæ gurgiti repelluntur. P. Kircherus duos sub utroque polo maximos ponit vortices, in arctico qui sorbeat, in antarctico qui resorbeat aquas.

Norwegico.

Normannico.

In Polis Telluris.

10mo. Ejusmodi vorticibus etiam obnoxia sunt magna flumina & plerumque in iis locis, ubi

In fluviis.

sunt catadupæ sive Cataractæ, id est, ubi flumina ex alto per præcipitia quædam decidunt, & lapsu continuo similes voragine efficiunt, intra quos absorpta, alibi è terræ visceribus non sine strepitu iterum emergunt. In Europâ quidem notiora sunt ejusmodi flumina: **Velinus** in Ducatu Spoletano ingentem voraginem sibi efficit. **Rhenus** 6. catadupis periculosus. 1. Non procul ab urbe *Schaffbusâ* per 75. pedes delabitur. 2. Ad *Lauffenburgum* 3. Ad *Avolæ* & *Rbeni* confluxum. 4. Ad *Rheinfeldam*. 5. Propè *Bingam*. 6. Ad urbem *S. Goaris* cum vortice, ubi aqua Rheni per foramen Binganum absorpta rursus regurgitur. **Danubius** 4. catadupis & cataractis infestus. 1. Ad *Neostadium*. 2. Ad *Linziûm*, den *Saurießl*. 3. Ad oppidum *Krein*, den *Strudel*. Non procul inde ad *Turrim*, quam ob spectra vocant *Diabolicam*, est vorago in lacu Neusidlensẽ profluens, ut conjecturam faciunt fragmenta navium ad hanc Turrim demersa, & post moram in lacu Neusidlensi reperta, quæ nunquam ibi aliàs visa aut usitata.

Quadiana. **Anas** sive **Quadiana** Hispaniæ fl. propè oppidum *Medalinum* absorbetur à terra, & post fluxum subterraneum 4. leucarum propè *Emeritam* urbem iterum emergit, ut fileam *Rhodatum* prope Genevam. *Borystenem* propè Kioviam *Narvam* Livoniæ, *Mindenam*, Westro Gothiæ, *Wolochdam* Moscoviæ, *Woxen* Russiæ. In Africâ Nilum. In Asiâ Tigrin & Araxin. In America Lovisiânâ *Mississipi* *Paranam*, in nov. Hisp. *Nicagaram* in Huronia, *Pixarum* in Peruvio. *Igvaxum* in Paraquariâ, Horrendas catadupas.

Nilo Tigris. Videntur ergo fontes perpetui originem suam potissimum ducere à mari, sicut per prædictos vortices maris & fluviorum aquæ terram ingrediuntur, & egrediuntur, ita verisimile est, aquam multò majorem in fundum maris ingredi, & egredi per fontes terrestres.

Fontes perennes ex mari. Licet

Licet multum quoque aquæ generetur ab aëre terræ visceribus incluso; & exuberantiam fluviorum per accidens subinde faciant pluviae, procellae & nives.

Licet multum aquæ sit ex aëre.

Primò enim Montes, cum magnam habeant superficiem, ex nivibus, pluviis & imbribus imbibunt multum aquarum per aperturas & rimulas, quibus terra madefit velut spongia, quæ deinde aditum inveniens per aliquem meatum erumpit, fontemque efficit; hinc est, quòd multi fontes non perpetuò fluant, & multi reperiantur circa montium latera, qui hyeme fluunt magis quam æstate, & si sicca sit æstas, valde deficient, aut evanescent totaliter.

Ob rationes sequentes.

Secundò sæpè oriuntur fontes ex Vaporibus Aquarum Mineralium subterranearum, qui ascendunt ab iis, & impingentes in lapides, eorum frigiditate resolvuntur in aquas. Conati enim sunt aliqui per fossiones ad fontium originem pervenire, sed nihil aliud nisi lapides roscidos repperunt, unde si lapides hi propè superficiem terræ fuerint, ut ad illos pertingat æstus solis, deficient fontes æstivo tempore, qui hyeme fluebant frigentibus Saxis.

Tertiò multi fontes oriuntur in planitie & vallibus, ex eò quod flumina & torrentes, dum per loca altiora devolvuntur, inveniant rimulam, quâ pars aquæ elabitur, quæ deinde, ubi in loco humiliori invenit exitum, erumpit & facit fontem. Hinc etiam flumina majora, licet in medio itinere accipiant tributum aliorum fontium, rivulorum & torrentium, non tamen fiunt majora, quia talia flumina, dum defluunt, inveniunt aperturas subterraneas, quibus elabitur pars aquæ, quæ deinde alibi erumpit in fontem: similiter discurrendum est de puteis. Aquæ enim puteales aliquando generantur ex vaporibus, sicut aquæ fontanæ, aliquando verò ex eo, quod aquæ pluviae vel fluviales sese per terræ viscera insinuant.

Cur autem tum aqua maris, tum fontium habet varium colorem, odorem & saporem?

Fontium. Primò quòd aquæ habeant varium colorem est ex herbis
Color. & ipso fundo. Ita *Pontus Euxinus* ex ipso fundo obscuro
Odor. vocatur mare *Nigrum*. Ab albo fundo *Archipelagus Albus*,
à fundo lucido mare *argenteum* circa Insulam *Cubam*, à rubro
mare *rubrum*, *Russicum* à glacie & nive *album*. Mare ad
Sapor. promontorium *viride* ob herbam *Sargasso*.
Virtutes. Secundo odorem ac saporem suum *Acidulae ac Thermae*
Medicæ. *calidae* habent potissimum à sale, nitro, alumine & sulphure,
item ab auro, argento, aliisque metallis, per quorum venas
aliquousque defluunt. Cum verò metallorum ac mineralium
Acidula- *variae sint combinationes*, inde nascuntur etiam variae acidula-
rum & Therma- rum, & thermarum virtutes medicæ. Earum numerantur
rum. à P. Kirchero 8. in *Lusitanâ*. 40. in *Hispania*. 45. in *Galliâ*.
86. in *Italiâ*. In Solâ *Germaniâ* 120. è quibus probatiores
Celebriores sunt: in *Austriâ* Badenses. In *Bohemiâ* Carolinæ. In *Saxo-*
In Germaniâ. *niâ* Spiegelbergenfes. In *Archi-Episc. Trevirensi* Bassenhei-
mensens & S. Mathiæ. In *districtu Moguntino* Swalbacenses
Wisbadenses, Serpentinæ. In *Archi-Ep. Colonienfi* Dun-
steinenses. In *Alsatiâ* Salzenfes. In *Marchionatu Badensi* Ba-
denses. In *Brisgojâ* Baderwilanæ. In *Herciniâ* Cellenses.
In *Helvetiâ* Badenses piperinæ. In *Tyrolî* Bruzenfes. Ad
Aquisgranum Aquenses. In *Ducatu Wirtenbergico* Wildba-
denses. In *Bavaria* Abacenses. In *Archi-Episc. Salisbur-*
genfi Gasteinenfes. Porro incalescunt hæ Thermae alicubi
magis minusve, prout magis minusve ab ignie subterraneo
sunt remotæ. Aquæ igitur variae latent intra terræ viscera
oceanò coherentes per canales subterraneos. Unde dum
Oceanus commoveretur vehementius, plerumque etiam in
multis fontibus, lacubus, vorticibus notatur insolitus qui-
dam motus, & hoc ideo, ne, aquæ per quietem computre-
scent.



§. II.

De Aquis subterraneis in Specie

De Aquis mineralibus, Thermis, & Acidulis.

1. **D**ARI in visceribus Terræ varias species A- Varia spe-
cies Aqua-
rum.
quarum, quarum peculiares proprietates admi-
rantur non solum homines, sed etiam pro medicamentis sol-
licitè inquirunt. Tum quas natura ipsa per scaturigines è
montibus spontè protrudit, tum quas in suo gremio lati-
tantes subinde fossoribus manifestat, easque Minerales com-
muni nomine vocamus, quia insignem aliquam propieta-
tem præter vulgarem aquam habent.

2. *Harum aquarum Mineralium innumerae sunt species pro
varietate & diversitate particularum, quas participant &
continent ex diversis terræ mineralibus. Nulla enim Aqua
pura est & Elementaris, sed admixtas habet particulas, qua-
les in terrestribus corporibus, quæ transit, reperit.*

3. Hinc aliæ sunt *Aquæ Metallicae*, nempe aureæ, argen- Metallica.
teæ, æreæ, stannæ, plumbeæ, ferreæ &c. *Aliæ Salia*, nem- Salia.
pe Salis communis, nitrosæ, aluminosæ, vitriolatæ &c. *Aliæ Bituminosæ* Bituminosæ
Alia terrarum & Lapidum nempe calcariæ, cretaceæ, ochræ,
cinnabaris, marmoreæ, alabastrinæ &c. *Alia Mercuriales* &c. Mercuria-
les.

4. Singulæ vel corporeæ magis, vel minùs Magis &
minus Cor-
poreæ
corporeæ, vel spirituosæ, vel corporeæ, & si-
mul spirituosæ. *Magis corporeæ* sunt, quæ particulas
mineralium insignis magnitudinis secum vehunt, ut oculis
videri possint, quemadmodum granula auri, argenti &c.
Minùs corporeæ sunt, quæ solidas quidem particulas fossili-
um continent, sed aded exiguas, penitùsque commixtas ut
visu dignosci non valeant, sed vel arte chymica vel longo
temporis tractu subsidentes, & concrecentes in sensilem colle-

*Spirituosa
mixta.*

collectionem, five copiam redigantur. Ut sunt fontes salii, sulphurei &c. *Spirituosa* sunt, quæ volatilem tantum spiritum, nullasque fixas particulas continent. *Corporea* simul & *Spirituosa* sunt, quæ & fixas & volatiles mineralium particulas continent.

Hæ 4. Differentiæ ad singulas Mineralium aquarum species applicandæ sunt. e.g.

Aurifera.

Aquæ aureæ, argentæ, magis corporeæ sunt, ac minùs propriè minerales, quæ secum vehunt arenas aureas, argentæas; quoniam ipsa earum granula non sunt aquæ permixta, sed tantum à rapido cursu aquæ devehuntur, ut sit non solum in fontibus subterraneis, sed etiam in magnis fluviiis, ut Rheno, Danubio, Albi, Tago, Gange, Indo, Januario &c. plures auriferos fluvios videre poteris apud *Thurnheuserum* in descriptione fluviorum, & infra, ubi de fluviiis supra terram fluentibus agetur.

Argentifera.

Aquæ aureæ minùs corporeæ sunt, in quibus atomi aquæ, atomis auri subtili commixtione permixtæ, sicut Aquæ regiæ Chymicorum aurum in atomos dissolvunt, & sibi per atomos uniunt. Si nempe per aureas terras feruntur, abradunt & dissolvunt quasdam ab eis atomos aureas cum terreis.

Minerales.

Aquæ aureæ spirituosæ paucae sunt & minùs sensiles, quoniam raræ sunt terræ aureæ, nisi fortè in terris calidioribus sub Zonâ torridâ, in Peruvio, Guineâ, Æthiopîâ, Infulis Indicis orientalibus &c. quæ spiritum auri & vaporem in terris æstuantibus concipiunt, unde aurum generari solet.

Aquæ aureæ corporeæ simul & spirituosæ sunt, quæ simul & atomos auri & spiritum secum vehunt, Quales in præcedentibus locis plures dantur.

Aliud exemplum Salsarum Aquarum.

Salsæ.

Salsæ magis corporeæ sunt quæ particulas salis crassiores secum vehunt, ut plurimi fontes in Europâ, ex quibus sal-
confi-

conficitur. Item in multis oris maritimis, quibus se falsa Oceani aqua communicat, præsertim in terris sub Zonâ torridâ, ubi aut calore solis, aut æstu ignis subterranei aqua marina crassior facta est.

magis

et

Salse minùs corporeæ sunt, quæ minimas salis atomos, sibi commixtas, habent, & licet falsissimæ sint, tamen valdè pelucidæ & subtiles existunt, sicut multi fontes falsi, & aqua marina tenuis. Simile quid habet omnium animalium urina.

minùs corporeæ,

Salse spirituosæ sunt, quæ non salis particulas, sed spiritum salis continent, qualium etiam si multa dolia excoquas, nihil tamen salis accipies, ut experientia docuit in multis Germaniæ locis.

spirituosæ.

Salse corporeæ & simul spirituosæ, quæ & salis particulas & spiritum habent. Tales sunt fontes falsi ad urbem Saltzingam propè Rhenum, quorum aqua, etsi aliis aquis sit salior, tamen minùs Salis largitur; quoniam acer ejus & falsus sapor acuitur à spiritibus sive Sale volatili, qui in coctione avolat. Simile fer judicium de aliis Aquarum Mineralium speciebus, ut æreis, stanneis, ferreis, plumbeis, nitrosis, aluminosis, vitriolatis, bituminosis, sulphureis, Antimonialibus, terreis, lapidificis, acidis, amaris, calidis, frigidis, oleosis, venenosis, coloratis, ebullientibus, & corpora injecta mutantibus.

Si quæras quomodo Aquæ minerales generentur in terrâ.

§. I. Si Aqua feratur rapido cursu per subterraneos meatus, in quibus terræ metallicæ & minerales minùs densæ sunt, manifestum est, quod ab hisce aqua illa abripere possit & secum avehere granula illorum Mineralium. Quæ licet dura sint & solida, neque facillè se uniunt aquæ, longo tamen continui motûs attritu, & influxu aquæ falsæ & vitriolatæ, velut aquæ fortes chymicæ metalla, ita hæ paulatim granula dissolvunt ac sibi uniunt.

Generatio Mineralium Aquarum.

Corporearum.

que

que est generatio aquarum mineralium magis corporearum grana vehentium.

Minus corporearum.

2. Si feratur aqua per Mineralia imperfecta, & minus densa, ut vitriolum, sulphur &c. vel etiam salia, quæ suâ naturâ faciliè uniuntur aquis, faciliè quoque se iis commiscebit, ut fiat aqua mineralis corporea subtilis commixtionis secundum atomos: quæ est secunda generatio aquarum mineralium minus corporearum.

Spirituosarum.

3. Si feratur aqua per terras vaporiferas vel à calore subterraneo, vel à propriis spiritibus salis & vitrioli, ab iis imprægnatur, atque ita fiunt aquæ Minerales spirituossæ metallicæ.

Varie Illarum species.

4. Ex iisdem rationibus licet colligere, quomodo aquæ Minerales, quæ simul corporeæ sunt & spirituossæ, generentur, & quoniam variæ sunt & innumeræ Mineralium species, ita etiam variæ sunt atque innumeræ species Aquarum mineralium, pro variâ nimirum diversitate particularum, quas continent ex diversis mineralibus. Neque enim ab unâ tantum mineralis alicujus specie singulæ aquæ imprægnantur, sed simul à pluribus plurimæ.

§. III.

Acidularum Generatio, vulgò Sauerbrunn.

Acidorum Fontium generatio, & copia, & differentia.

GENERANTUR ex admixtione spiritûs vitrioli, salis, & aluminis, quæ mineralia partim simplicia, partim aliis mineralibus magis aut minus admixta in terræ cavitatibus reperiuntur; quia ubique ferè, ubi tales acidulæ prorumpunt, reperiuntur fodinæ vitrioli, salis, aluminis, quæ mineralia naturâ suâ sunt acidi saporis.

Magna est acidularum copia in variis regionibus præsertim temperatis. In solâ Germaniâ numerus earum ad millenarium ferè accedit, & reperitur in omnibus penè corporibus, ut herbis & fructibus.

Insignis

Insignis quoque Earum differentia; aliæ enim aded acida, ut aceti loco iis utantur homines, qualis fons in *Sicilia Nicana* Provinciâ invenitur. In Germaniâ fons ad *Ellebogam* insignis aciditatis. Aliæ vinosæ, quod aciditate suâ referant & juvent gratissimum vini saporem, ut sunt *Dünsteiniæ*, *Swalbacenses* &c. In agro *Lugdunensi* Galliæ fons, *Fontaine forte*, ad oppidum *S. Baldomari* vini penuriam supplet, si ejus quarta pars vino misceatur, nihil vini saporis deperit, si affundatur farinæ, fermentat statim; cibi tamen in eâ non possunt coqui, avolat enim propter subtilitatem; de cætero aded salubris est, ut oppidani ei assueti rarissimè utantur Medico.

Similis priori est fons in Aquitaniâ, *La Guienne*, non procul ab urbe *Bessa*.

In *Romano* agro acidulus fons aluminosus, vino mistus gratissimum facit potum.

In agro *Toletano* Hispaniæ propè *Valentiam* sunt fontes, qui in imo dant acidum & vinosum saporem, in summo dulcem, fortè idèd, quia acidæ & nitrosæ partes subsident, & spiritus earum ad superiorem superficiem delatus expirat.

In Germaniâ plurimæ sunt acidulæ, quæ vino mixtæ gratum saporem conciliant, & sanitatem corporibus afferunt: In Comitatu *Catimeliboci*, in *Trevirensi* Provinciâ, à *Vindeliciâ*, *Tirolensi*, *Rhetiâ*, fontes, quorum quidam in *Mosellam*, alii in *Rhenum*, alii in *Danubium* influunt. Alii aciduli fontes sunt adstringentes, & palatum contrahentes, quod indicium est ferrearum particularum, chalcanti, vitrioli, aluminis &c.

Acidulorum fontium aqua cælo nebuloso & pluvioso minus acidâ deprehenditur, quod indicium est aëris condensati admixti. Si verò aqua illa vel in vase aperro stet aliquot horis, vel longo itinere non bene recta, amittit aciditatem, eò quod spiritus avolent.

§. VI.

*Thermarum, vulgo Warmbäder Generatio.**Calidorum
fontium.**Ferventi-
um Gene-
ratio.**In Japoniâ**Yslandiâ.
Azoribus
Insulis.
Italiâ.
Germaniâ.*

Thermæ generantur admixtione sulphurearum particulæ dum aqua per subterraneos meatus aut fodinas sulphureas transit. Hæ enim particulæ continuos fumi vapores calidos exhalant, quæ aquas illuc delatas calefaciunt, maximè si ignis subterraneus accesserit. Plurimæ tamen Thermæ admixtas habent particulas, aluminis, nitri, ferri, unde etiam saporis plerumque sunt acidiusculi & adstringentis. Pleræque sine cessatione fluunt, exceptis Piperinis *Germaniæ*, præcipuè in *Rhatiâ* non procul ab urbe *Curia*, quæ præter sulphur continent etiam auri aliquid, & nitri non parùm. Erumpit harum Thermarum aqua quotannis ab initio Maji, & desinit fluere medio Septembris. Celeberrimæ sunt:

In Japoniâ est fons fervidissimus, qui ab origine stagnum efficit, quod Japones *Singacko* sive infernum nominant, tamque fervidè prorumpit, teste *Caronio*, ut ignis vehementissimi licet æstu nulla communis aqua ad eum gradum fervoris perducipossit. Fluit autem non continuè, sed bis de die per unam horam cum ingenti spiritu impetu, & proximo stagno defervescit. Fons æquè calidus scribitur esse in Yslandiâ, item in Insulis Azoribus. Postillos insignes calore fontes, Thermæ sunt in Italiâ *Apponentes*, in *Germania* Thermæ Badenses in Helvetia, Badenses in Marchiâ, plumbariæ in Lotharingiâ, Emsebadæ ad Confluentiam, In Alsatiâ ad Gebersweilam, in Ducatu Wirtenbergico, Wildbad, Blasianæ ad Tubingam, Cellenses &c. vulgarium magnus est numerus in aliis Germaniæ locis.

§. V.

*Oleosorum & pinguium fontium Generatio.**Oleosorum*

Oleosifontes nascuntur ex sulphurea & bituminosâ materiâ in terræ visceribus à calore & spiritu liquefactâ atque pro-

protrusâ. Diversitates autem similium fontium ex diversitate ipsorum pinguium mineralium cognoscuntur, ut ex vicino in terrâ succino, Ambrâ, oleo petreoli, pice, naphrâ, & vario bitumine. Quidam enim fontes bituminosum liquorem effundunt, alii aquam pinguem, cui guttæ oleosæ innatant.

In *Scotia* non procul *Edenburgo* fons scaturit, cui guttæ innatant olei nigri totâ superficiei. Incolæ eo utuntur ad leniendam & tollendam scabriciem.

In *Bavaria* ad Monasterium *Degemsee* fons est, cujus superficiei oleum innatat, & quotidie auferitur.

In *Assatiâ* non procul *Hagenoâ* ad pagum *Lampersloch* fons magnam dat olei copiam, unde etiam *Oëlbrunn* appellatur.

Celebre olim erat flumen *Cilicia*, lacus *Æthiopia*, fons *Carthaginis*, in quibus toti homines ab ipsâ aquâ inungebantur.

Fontes autem, qui non oleum aquæ innatans, sed merum pinguem seu bituminosum liquorem effundunt, sunt etiam plurimi:

In *Germaniâ* propè *Gersbachium* in valle *Lebersthal* ex antiquata fodina crassum bitumen profluit, quo Rustici illinunt axes curruum; peritiores nobile Balsamum ex eo præparant.

In *Persâ* non procul à *Schimachiâ* ad montem *Barmach* sunt fontes bituminosi seu Naphthæ triginta.

In *Summatrâ*, aliisque *Indiæ orientalis* Insulis plures sunt fontes Naphthæ, qui emanant species ambræ & Balsami. *Babylone* olim celebris erat lacus amplissimus *Limne Aspalthis*, de cujus supernatante bitumine, & latere restaceo dicuntur structi muri *Babylonici* & *Palatia Semiramidis*.

§. VI.

Fontium amarorum Generatio.

Fontes amari oriuntur ab impuro Sulphure, bitumine, nitro, atramento, cupro: Sicut aqua in vase cupreo diu

In Palaesti-
nâ Mari
mortuo.

reliâta acquirit amarum saporem, sic *mare mortuum* in *Pala-*
stinâ amarâ aquam habet propter impurum & crassum bi-
tumen, quo scater; hinc etiam tetrum emittit vaporem & odo-
rem: omnia virâ carentia trahit in fundum; animalia autem
non finit fundum perere: neque dulcescit, etiam si dulcem
Jordanem continuò in se fluentem absorbeat: venenatus
quoque est, quia Arsenicum continet.

In Coro-
mandel.

In orâ *Coromandeliâ*, aliisque Indiæ orientalis regionibus,
fontes & putei multi aquam habent amarâ, etsi ex petris
fluant & in Petris scaturiant, terra tamen interior multum
sulphurea.

In Ponto
Asiæ.

In Ponto & vicina *Asiâ minore* parvulus rivus ad *Callipa-*
dum oppidum, dictus *Exampeus*, amarus admodum, sua
amaritudine inficit *Hypanon* fluvium, cui influit, & amarum
facit.

§. VII.

Fontium valde frigidorum causa.

Frigidissi-
morum.

EST admixtio nitri & Aluminis: item Mercurii, ferri,
plumbi: profunditas scaturiginis, absentia radiorum
solis & defectus sulphurei caloris.

In Delphi-
natu.

In *Delphinatu*, non procul à *Viennâ* Gallica, fons est tantæ
frigiditatis, ut bibentibus ora intumescant.

In Arabiâ
& Æthio-
piâ.

Similiter in *Siriâ* Austriaca plures, ut potari non possint.

In *Arabia* & *Æthiopia* fontes sunt frigidissimi, licet ma-
gnus sit ibidem solis æstus.

Dantur etiam fontes, qui alternatim sunt calidi & frigidi,
hyeme tepidi, æstate frigidissimi, eò quod æstate pori tellu-
ris sint aperti, per quos calidi spiritus erumpunt, hyeme
clausi, ut vapores calidos intus coërceant. Ita quidam fon-
tes nocte calidiores sunt, quàm die per antiperistalin.

§. VIII.

§. VIII.

Fontium Lapidificorum ratio.

QUædam aquæ lapidificæ sunt; non mutant tamen ipsa ligna in lapidem, sed terreæ & lapideæ atque salinæ particulae in aquis contentæ applicant se ad ligna, atque ita lapideo quasi tegmine obducunt ligna, non verò ea revera mutant. Quædam penitiùs omnes ligni poros ingrediuntur ac lapideam duritiem toti ligno inducunt, an autem Lignum verè in lapidem mutant meritò dubitatur. *Gyvaldus* quidem & *Maginus* referunt esse in Hibernia Stagnum propè *Armaganum*, in quo hasta lignea defixa, si aliquot mensibus hæreat, pars luto infixæ erit ferrea, pars, quæ tingitur aquis, versa erit in cotem, reliqua manet lignum; sed *Brieti* ait esse fabulam. Verosimilius videtur, quod fons in *Ultoniâ* ejusdem Hiberniæ ligna per septennium immersa obduret in duritiem lapideam: item aquæ *Loquiæ*, loches in Belsia Galliæ: item *Senonenses* aquæ in Burgundia: item lacus in Cappadocia: item fons propè *Thermas Caroli* in Bohemia, & alii in pluribus locis, quorum virtutem lapidificam non pauci authores asseverant.

Lapidificorum.

In Hiberniâ.

In Hungaria.

Bohemia.

Germania.

Gallia.

Alii fontes per se ipsos lapidescunt, qualium plures dantur in Hungaria, Germania, Gallia, præsertim in quibus magna mixtura est oleosorum spirituum, sulphuris, & salis, quos per venas subterraneas attrahunt. Sal siquidem natura sua non solum alios spiritus; sed & olei constringit, unde Physiologi ex sale censent in animalibus calculos nasci. Econtra si oleo per distillationem sal adimatur, amplius non densabitur; hinc etiam vinum adustum, & alia distillata, non congelantur, quia sale per distillationem sunt exoluta. Lapidescunt præterea aquæ, quæ plurimum Gypsi, bituminis, & luti viscosi vehunt, ut testatur *Kircherus* in suo Mundo subterraneo.

§. IX.

Salforum fontium Generatio.

Salforum. Alii ex Oceano per subterraneos meatus ad superficiem terræ perveniunt & scaturiunt, quales quàm plurimi dantur in oris maritimis: alii generantur ex sale intra terram contento, dum enim aqua subterranea per terras Sale foetas transit, salinas quoque particulas & spiritum salis concipit, antequam ad fontem perveniat. Tales multi reperiuntur passim.

In Germania.

In Germania Hallæ in Suevia, Hallæ in Saxonia, Hallæ propè Cento-Pontem, Hallopoli in Stiria, in Salisburgensi Archi-Episcopatu, in Magdeburgensi, in Lotharingia ad Salzburgum, plurimique alii in aliis locis ultra centum.

§. X.

Admirandorum fontium congeries, flatorum; sed non continuorum.

Mirificorum.

Horum causæ petendæ sunt ex peculiari singulorum locorum situ & proprietatibus subterraneis diversis.

In Hispania.

In *Extremadura* regno sunt duo fontes, unus, qui omnia respuit, alter qui omnia absorbet.

Germania:

In *Suevia* est, Solino teste, fons, in vertice montis excelsi, qui sole oriente supra Horizontem scaturire incipit, alio verò tempore scaturire desinit.

Gallia.

In *Pictavia* fons est, qui hyeme nullis, in æstate verò uberrimis solet manare aquis.

Contrarius huic est fons in *Carolina* non procul *Labaco*, imò etiam lacus *Zircknitz* adeò siccus in æstate, ut in eo coloni ferant ac metant, venationes & aucupia instituant & tandem in lacum mutato campo piscentur, idque singulis annis. Novembri redit aqua cum piscibus, Majo recedit, terramque frugiferam reddit.

In

In *Italia* quidam fons potatus à bobus, eos facit candidos, in *Boëtia* amnis *Melus* potatus denigrat oves.

Italia.

Alii plures potati faciunt strumas, alii dentes ex ore decidere, alii furorem hominibus excitant, alii risum, insaniam, & lethiferos humores procreant. Alii scabiem corporibus inducunt, alii eandem abluunt.

Paderbona in Westphalia fons est, qui singulis diebus bis deficit & bis renascitur, etsi tantum aquæ effundat, ut non procul à fonte aqua circumagat trium Moetrinarum rotas, erumpitque cum ingenti strepitu, unde ab Incolis der *Bolderbrun* appellatur.

Statorum
sed non
continuo-
rum.

In *Provincia Wallis Germaniæ*, non procul à *Thermis, Leuckerbadensibus*, est Fons *S. Mariæ* dictus, qui fluere cessat ad diem ejus nativitati sacrum in Septembri, & in Majo redit.

In Germa-
nia.

In *Languedocia* propè *Bellestadium* oritur ex montibus de *Foix* fluvijs *Liria*, *Lers*, qui mensibus Junio, Julio, Augusto quater & vicies quotidie deficit & renascitur, ut refert *Bertius* ex *Papyrio*.

Gallia.

In agro *Andegavensi* *Belsiæ* supra *Salmurium* Pagus est *Varaus* dictus, ex quo rivulus bis in die fluit, bis immotus stagnat.

In *Sabaudia* est fons eximiæ magnitudinis, dictus mirabilis, qui qualibet horâ bis deficit, bis fluit, & antequam fluat, ingenti murmure prorumpit, ac tandem influit in Lacum *Burgitem*.

Sabaudia,

In *Cantabria*, *Biscaya*, fontes *Tamarici* 4. sunt, quorum tres diebus singulis ita siccantur duodecies, quasi hic nulla aqua exstiterit, ut refert *Plinius*. An autem id fiat dubitatur.

In *Lusitania* ad oppidum *Villa nova* visitur fons, qui fluit tantum à *Kalendis Maji* ad *Kalendas Novembris*, & statim cessat, ut refert *Nierembergus*.

Lusitania.

In *Hispania* similis fons reperitur, non procul ab urbe *Valladolit*, qui cum Mense Majo oritur, cum initio Novembris occidit.

Hispania.

In

Anglia.

In *Aquitania* propè fanum *S. Jean d' Angelis fons* visitur nullo penè fluente in Hyeme, æstate verò abundanti.

In *Wallia Angliæ* non procul à castello *Dineucer fons* est, qui intumescit & detumescit singulis diebus cum Maris fluxu & refluxu.

Similis intumescencia & detumescencia deprehenditur in fonte scaturiente in vertice excelsi montis in *Comaciâ Hiberniæ* Provincia.

Similis observatur in fonte *Louzara*, qui est in Montanis *Galaciæ*, viginti leucis à mari.

Similis quoque *fons* est in *Aquitania* vico *Marsaco*, qui æstus maris imitatur & simul intumescit cum Garumnæ incrementis in *Burdigala*, *Bordeaux*.

In *Wallia* propè *Sabrina* fluvii ostia stagnum est, quod absorbet marinos æstus, dum hi assurgunt, iis tamen nullo modo repletur; at detumescente æstu, magno cum impetu exurgit, & aquas revomit, quibus ripas cooperit.

Contra
Maris æ-
stum cres-
centium.

Alibi etiam fontes esse ajunt Physiologi, qui contra Maris æstum accrescunt & decrescunt, qualem in *Gadibus*, *Cadix* Insulâ, fuisse scripserunt *Strabo* & *Mela*.

Atque hæc de variis & miris fontibus sint fatis: verùm ut *S. Augustinus* L. 21. de civitate Dei monet: *istorum & similium adequatas & indubitatas causas, inter arcana sui miracula, sibi que soli reſervata, invida natura reſervavit. Ut meritò is cenſeatur: Felix qui potuit rerum cognoscere causas, & fontem lustrare boni.*

CAPUT VII.

De Àère subterraneo.

Aër est elementum humidum in summo & calidum propè summum. Aliis frigidum.

Vapores.

I. **D**atur Aër sive Athmosphæra subterranea exhalationibus & vaporibus permixta in Telluris partibus

tibus tam siccis, quàm humidis, sive terra & aqua. Cujus causa est tum Calor cœlestis, præcipuè Solis, tum calor terrestris sive Ignis subterraneus. Velut experimur supra terram omnia ferè corpora, admoto vel levissimo igne halitus & vapores emittere. Cum itaque tam cœlestis calor quàm terrestris sit igneus, necessariò quoque vapores excitat, qui partim in aëro-phyliciis subterraneis continentur, partim usque ad terræ superficiem exhalant, & exteriori Athmosphæræ commiscuntur. Quod nobis manifestant, quotidianæ evaporationes terræ & plurimorum montium flatus ac horrendi terræ motus, quos ipsa in terræ meatibus coarctata & attenuata per ignem subterraneum, non secus ac in tormentis æneis ac cuniculis compressus pulvis nitratus & igne rarefactus efficit. Ejusmodi terræ motus, & Athmosphæræ violentæ spirationes non tantùm in terram tantur, sed etiam in oceano: subinde namque è fundo maris repente assurgunt ebullitiones, quæ naves etiam prægrandes in altum attollunt, ut Lusitani Anno 1523. in mari *Cambajensi* teste *P. Massæo*, experti sunt: ubi in summa malacia, silentibus ventis, repente ab imo fluctus intumuit. Imo subinde adeo vehemens est hujusmodi maris ebullitio, ut etiam terram, cineres & saxa grandia in altum proturbet, & cumulos novasque insulas in mari struat. Ita anno 1638. octidianus terræ motus Insulam *S. Michaelis* in *Azoribus* sive *Flandricis* horrendum in modum concussit, & post eam concussionem è mari repente erupit flamma terribilis, quæ secum ingentem aquæ, arenæ, lapidumque copiam usque ad nubes evexit, unde intra dies aliquot collis primò, deinde verò etiam insula ad integram leucam extensa in medio mari coaluit.

2. In terra tamen ejusmodi tremores & motus frequentiores sunt, ut nimis testantur etiam nostrâ ætate urbes partim absorptæ, partim dirutæ & eversæ in *Natolia*, *Thracia*, sive *Romania*, *Syria*, *Palæstina*, *Italia*, *Neapoli*, *Sicilia*.

Lib. II.

Q

Quia

Soliti.

Insoliti.

Cum tremore.

Maris.

Et Terra.

Quin & in ipsa nostra *Germania* ad *Nicum*, *Rhenum*, *Mosellam*, sed sine gravi damno.

Ex Aqua

Ignis

Aëre

*Subterra-
neo.*


Compresso

3. Sunt igitur canales & cavernæ in terræ visceribus eaque aut aqua, vel igne, vel athmosphæra repletæ, cum nullo libi detur spatium vacuum ab omni corpore. Atque hæc Athmosphæra, ubi dilatatur & vehementius extenditur, tum majus spatium, aut certè exitum è loco suo quærit, quem si propter obstructos canales vel orificia non reperit, tum per diffraetæ terræ hiatus, & montium ruinas viam sibi facit; nec tamen tota effunditur, sed primogeneis in cunabulis, & naturali gremio, quantum sufficit ad naturam reparandam, remanet ac descendit ad infernum usque, ne ignis infernalis, urpote materialis, & nostro per omnia similis intra carceris infernalis angustias tandem suffocatus deficiat. Atque hinc ex pice, nitro, sulphure, aliisque mineralibus liquefactis & accensis foetorem immanem contrahit, quem identidem camini & orificia Vulcanorum ipsique non rarò terræ hiatus & aperturæ exhalant, unde postea integræ provinciæ, homines ac bestiae inficiuntur & lues pestifera, aliique morbi proveniunt, & latè grassantur.

Alibi rarò

*Alibi frequenter,
cum infestatione.*

4. Cur autem non omnes provinciæ aut corpora pari ratione afficiat Athmosphæra infecta, causâ est, quod nec omnes provinciæ, nec omnia corpora ejusdem sint complexionis, unde nec eodem modo ad recipiendas noxias qualitates sunt disposita, adeoque nec æquali modo patiuntur ab eis. Hinc aliqua loca rarissimè, alia frequenter, alia mitiores, alia vehementiores experiuntur Terræ motus, ac tremores. Et consequenter aliæ Terræ minùs, aliæ magis inficiuntur, prout pestifer halitus, vel rarior, vel copiosior ex minore vel majore concussione erumpit.



CAPUT VIII.

De structurâ Terraquæ Interioræ
Metallicæ.

§. I.

De Mineralibus & Metallis subterraneis.

Dantur Mineralia & metalla in terræ visceribus, ea enim quotidie & passim è montibus & terræ visceribus eruuntur. Metalla. Ut demonstrant variæ fodinæ auri, argenti, cupri, stanni, ferri, plumbi, lapidum pretiosorum, unionum, adamantum, marmorum, salis &c. *Auri* fodinæ & *Argenti* celebriores sunt:

1. *Peruviana & Mexicana* Castellæ aureæ omnium totius Telluris ditissimæ. Etenim per omnes *Peruvii* Provincias reperiuntur passim fodinæ auri & argenti feracissimæ; ita ut ipsi *Peruviani & Hispani* olim gloriati sint, fundum hujus regni aureum esse atque argenteum. *Girava* scriptor Hispanus testatur, circa urbem *Quito* fodinas fuisse, quæ plus auri, quàm terræ largirentur. Idèd cum *Hispani* primum in aureum hoc regnum venissent, in multis urbibus, inprimis in urbe Regiâ, *Cuzco*, plurimas ædes conspexerunt, præter Templâ solis aurea & palatia, intus & extrus obductas laminis aureis. Militum etiam Peruvianorum non tantùm loricas argenteas, sed etiam omnia armorum genera ex auro parata mirati. Auri Fodina.

Argenti fodina felicissima est in Monte *Potosi*, in quo viginti millia hominum effodiendæ terræ quotidie operam dant, descendentes per quadringentos gradus & plures. Inde ingens illa auri & argenti vis, quam singulis annis Rex Hispaniarum ad invidiam Imperatorum & Regum ex terris Americanis haurit. Similiter ex Regno *Mexicano & Chili*.

2. In *Guinea Africa* multi montes auriferi, & fodinae divites auri in *Monomotapa, Congo & Angola*.

3. In *Asia India* orientali passim aurum invenitur, maxime in *Insula Sumatra, Java, Sundicis & Philippinis* Insulis.

*Argenti
Fodinae.*

Argenti fodinae praestantissimae sunt in *Insulis Japonicis*, unde etiam *argentariae* dictae. Pariter in montibus *Potosi- nis Peruvii*. Item in montibus *Herciniis Germaniae*.

Mercurii

4. Argentum vivum plurimum suppeditat *Peruvium*, sed & *Hispania, Carinthia & cum primis Forum Julii*.

Aris

5. *Aes Cyprium & Corinthiacum* olim fuit celeberrimum, hodie copiosum effoditur in *Suecia*.

Stanni

6. *Stannum* reperitur in *Japonia, China, India orient.* & in *Europa* passim, *Anglicanum* tamen habetur praestantissimum.

Ferri

7. *Ferri* ubique magna copia. In *Asia* celebratur *Damasenum, Persicum, Sinicum, Japonicum*. In *Africa* praefertur *Aethiopicum*. In *Europa* *Hispanicum, Italicum, in Nivernia Gallicum, in Styria Germanicum*. In *America* folius ferè auri & argenti cura est, cætera tamen metalla, etsi non desint, tamen ut plurimum ex *Europa* edeferuntur,

*Gemma-
rum*

8. *Gemmæ pretiosæ*, ut *Adamas* reperitur in *India orientali*, & occidentali *Maragnone & Brasilia*. *Rubinus* in regnis *Ava, Pegu, & Insula Ceylon*. *Turcoides* in *Persia*. *Smaragdus* in *Peruvio*. Reliquæ verò *Gemmæ & uniones* passim in omnibus orbis partibus, sed orientales ut plurimum praestant occidentalibus. Quæ in *Europa* nempe *Hispania, Italia, Hungaria, Bohemia & Tirol* reperuntur, sunt longè inferioris ordinis.

Lapidum

*pretioso-
rum*

9. *Lapides pretiosi* tam in temperata, quàm in *Zona Torrida* reperuntur. Ut *Magnes, Hæmatites, Lazuli, Alabastrum, Marmor, Crystallus &c.*

*Et terreo-
rum Mine-
ralium.*

10. *Mineralia, radices, colores & bitumina*, ut sunt *Arsenicum, Auripigmentum, Ochra, Antimonium, Cerussa, Minium, Cinnabaris, Creta, Sal, Alumen, Nitrum, terra Lemnia sive Sigillata, Samia, Bolus Armenus, Sandaracha*
Borax,

Borax, Camphora, Gumilaca, Mastyx, Succinum sive Ambra, Storax, Salsaparilla, Cochenille, China, Aloë, Sulphur, Thus, Myrrha &c. reperiuntur in terris ferventioribus.

§. II.

An Mineralia ab initio fuerint.

Dubitari autem potest an aurum & argentum, cæteraque metalla, gemmæ, lapidésque pretiosi, statim in mundi exordio sint terræ concreta, an verò successu temporis à sole cæterisque sideribus perficiantur. Videntur ea jam ab initio creati mundi fuisse, sed imperfecta; si enim Alchymistarum experientia cuprum sit aurum imperfectum, & plumbum imperfectum argentum, quæ sensim, ut fieri solet in operimentis fabricarum, à solis siderumque influxu ad auri & argenti perfectionem disponuntur, probabile est etiam in locis frigidioribus, uti in fodinis Norwegicis ac Suecicis, è quibus multum cupri ac plumbi effoditur, non deesse auri argenti que venas; solum deesse calorem, qui ea ad plenam perfectionem deducat, qui in Zona torrida, & terris ferventioribus propter solis radios magis directos multò est potentior. Hinc aurum Arabiæ felicitis in Asia sub Zona torrida præstat cæteris Asiæ regionibus: Aurum Quinæ & utriusque Æthiopie in Africa pretiosissimum: Aurum Chili & Peru in America nobilissimum. Denique aurum in Europæ ferventioribus locis præstantissimum totius Europæ, ut in Hungaria & Hispania.

Argentum frigus amat, sed non nihil attemperatum, quale est in Germania, Hungaria, Polonia, aliisque Europæ temperatæ provinciis. Ut enim aurum solari influxu & amico calore semper augetur & crescit, ita argentum lunari frigore & humore multum afficitur & fovetur. Ut patet in montibus Potosinis Peruvii præter morem regionis istius calidissimæ, frigidis, & in montibus Mozambique, ac Monomotapæ, & Insula Bourbonia Africæ, unde magna argenti copia in Europam convchitur.

Aurum Peruvianum Americæ.

Æthiopicum Africa

Arabicum Asiæ.

Hungaricum Hispanicum Europæ nobilissimum,

CAPUT IX.

De structura Terraquæ superiore, superterranea Aquatica.

§. I.

De Oceano & Aquis superterraneis salis, earumque latitudine, altitudine & profunditate.

Aquæ superterraneæ Mariæ & Fluminæ,

1. Prima structura aquatica continet aquas omnes, quarum superficies cum terrena superficie constituit unam sphaeram sive globum Terraqueum. Porro aquæ universim vel sunt salæ, vel dulces. Salæ sunt aquæ oceani, uti & reliquæ marium aquæ omnes, quæ per canales & meatus notabiles oceano conjunctæ sunt, ideoque easdem cum Oceano vicissitudines & mutationes subeunt.

Salsedo Maris partim à sole partim à fundo:

2. Salsedo oceani videtur esse partim à calore solis secundum *Aristotelem*, quod enim propius naves ad Æquatorem accedunt; hoc magis salsum nautæ experiuntur oceanum & e contrario versùs utrumque polum unà cum calore decrescit salsedo maris. Partim ab ipso fundo oceani, ut enim plurimi montes salsi passim exstant in superficie terræ, unde sal effoditur, ita montes & cavernæ salæ reperiuntur in fundo maris. Ac in iis quidem partibus, ubi fecundiores sale sunt montes & cavernæ submarinæ, mare plùs habere salsedinis experiëntià deprehensum est. Nam etiam sub Æquatore & Zona Torrida inæqualis reperitur salsedo, prout major vel minor est dispositio submarinorum montium. Sic plurimùm salis excoquitur ad promontorium viride, & vicinas insulas Hesperides, sed & ad insulas Azores, imò etiam ad oras Hispaniæ, Galliæ, Angliæ, aliisque locis ab Æquatore longius remotis, ergo non solus calor solis est causa marinæ salsedinis, sed etiam ipse oceani fundus.

3. Ma-

3. Magnitudinem oceani nullus hæcenus exactè definiit. Necdum enim tota terrapolaris, nec mare polare cognitum est.

4. Nec altitudinem tam facilè quis experietur. An scilicet unum mare sit aliùs altero per effossionem periculosam Isthmorum? utrum oceanus Indicus & mare rubrum cum mari Mediterraneo per Isthmum Africanum; aut mare Boreale, cum mari pacifico per Isthmum Mexicanum conjungi sine inundatione terrarum possit? Nec an oceanus alicubi terrâ altior sit, quod experiri suo damno voluerunt Leidenenses in Hollandia ducendo fossam ab urbe suâ ad mare Germanicum; sed coacti sunt ab operatione ultra dimidium absolutâ destituisse, eo quòd notâssent oceanum ad fossæ exitum, & toto Leidensi territorio longè altiore, ac propterea præsens sibi inundationis periculum à mari irruente imminere.

5. Nec profunditatem exactam quisquam divinabit; certum quidem est, profunditatem oceani esse variam, prout varia est montium altitudo, sed quis maximam inveniet? Ad obvias tamen maris profunditates explorandas Nautæ utuntur Bolide sive massâ plumbeâ in formam pyramidalem acuminatâ librarum fermè 12. Nec unam leucam in profunditate superare ullibi compertum est.

§. II.

De variis Denominationibus Oceani.

Imo à 4. Mundi Plagis.

Oceanus orientalis, Mare del Ost, dicitur spatium illud, quod ab Africano & Arabico littore usque ad Japonicas, Marianas & Carolinas Insulas extenditur.

Oceanus occidentalis, Mare del Zur, spatium, quod intra Africæ & Americæ littora continetur.

Oceanus septentrionalis, Mare del Norr, spatium inter Europæ & Asiæ Borealis littora versus polum arcticum.

Ocea-

*Oceani
Magnitudo*

Altitudo.

Profunditas

Incerta.

*Oceanus à
4. mundi
plagis.*

Oceanus Australis, Mare del Sud, spatium à Tropico Capricorni versùs polum Antàrcticum protensum.

2do. *Oceanus à Regionibus vicinis vocatur Mare.*

*Maria à
regionibus.*

Sic à Regionibus Asiæ, Mare Arabicum, Persicum, Tartaricum, Indicum, Sinicum Japonicum &c.

A regionibus Africae, Mare Africanum, Libycum, Canarium, Æthiopicum, Ægyptiacum &c. de Guinea, de Congo, de Cafraria, de Zanguebar. A regionibus Americae, Mare Brasilum, Canadense, Mexicanum, Peruvium, Chilense, Magellanicum, Paraquarium &c. A regionibus Europæ, Mare Hispanicum, Ibericum, Gallicum, Italicum Corsicum, Siculum, Britannicum, Hibernicum, Scoticum, Norwegicum, Suecicum, Russicum.

3tio. *Oceanus à variis casibus & accidentibus vocatur Mare.*

Sic Mare glaciale à glacie. Mare pigrum & mortuum à quiete. Mare Pacificum, à securitate. A coloribus Mare rubrum, album, nigrum, viride, argenteum &c.

§. III.

De Partibus Oceani,

Partes Oceani sunt Archipelagi.

1. **P**artes ejus sunt Archi-Pelagi, sic dicti, quod multæ in iis sint Insulæ. Ad Asiam pertinet Archi-Pelagus S. Lazari, qui complectitur Insulas Indicas, Philippinas, Moluccas, Marianas, Japonicas. Ad Africam Pelagus Atlanticus, in quo Insulæ Azores, Canariæ, Hesperides. Ad Americam Archipelagus Mexicanus, in quo Insulæ Antillæ, Gigantum, Canibalum. Ad Europam Archipelagus Græciæ, in quo Insulæ Cyclades, Echinades, Sporades &c.

Sinus.

2. Sinus, sive recessus maris inter duas terras limitatus, Sinus Asiæ præcipui sunt: Sinus Persicus, Cambajensis. Gangeticus, Malacensis, Tunquinenfis, Nanquinenfis.

Sinus Americae, sinus Mexicanus, Panamensis, Pariensis, omnium SS. ad Brasiliam.

Sinus

Sinus Europæ, Botnicus, Finnicus, Livonicus, Codanus, Gaditanus, Genuensis, Veneticus, &c.

3. *Fræta sunt angustus unius maris ad alterum defluxus.*

Asia Fretum sinûs Persici ad Insulam Ormus

F. Manilhæ inter Luzoniam & Mindanao.

F. Sundicum inter Summatram & Javam.

F. Sangar inter Jezo & Japoniam.

F. Manarense inter Ceylon & Comorinum.

F. Sincapuranum inter Malaccam & Summatram.

Africa F. unicum, Babelmandel, sive fauces sinûs Arabici.

America F. Hudsonis, Davis, Forbisher ab inventoribus sic dicta.

F. Anian inter Californiam & Americam Borealem.

F. Bahaman inter Cubam & Floridam

F. Magellanicum, Mairanum, Broivers ab inventoribus nominata.

Europa F. Nassovium inter Albam Russiam & novam Zemblam.

F. Sundicum Orientale inter Zeelandiam & Scaniam.

F. Sundicum inter Zeelandiam & Fioniam.

F. Sundicum Occidentale inter Fioniam & Juthiam.

F. Britannicum inter Galliam & Angliam.

F. Gaditanum, Gibraltar inter Hispaniam & Africam.

F. Corsicum inter Corsicam & Sardiniam.

F. Siculum inter Siciliam & Calabriam.

F. Cilicium inter Ciliciam & Cyprum.

F. Hellesponti inter Thraciam & Natoliam.

F. Constantinopolitanum inter Europam & Asiam.

F. Venetum inter Dalmatiam & Neapolim.

F. Calidonium inter Moream & Achajam.

*Fræta
Oceanî per
rotam or-
bem diffusi.*



CAPUT X.

*De variis Oceani motibus in genere
& specie.*

§. I.

De Motu naturali Maris.

Oceani **M**otus Oceani naturalis à causa intrinseca, intrinsecus tantum unus est, velut omnium aquarum, quo naturaliter ex altiore loco ad depressiora loca movetur, donec sphaericam cum terra superficiem à centro mundi æqualiter distantem acquirat. Si enim vicinum corpus sit vel æqualis vel majoris altitudinis, ac superficies aquæ, tunc aqua naturaliter quiescit, nisi ab externa quadam violentia turbetur. Ut patet in vase aquis repleto vel stagno, si ejus littora sunt æqualis vel majoris altitudinis, aqua sine ullo motu quiescit; si verò quomodocunque moveatur, tam diu fluctuabit, donec nulla pars aquæ alia parte altior sit, & sphaericam tandem superficiem accipiat.

*Solum
diversus* Cùm autem Oceanus continuò moveatur tum impetu millenorum fluminum influentium, tum turbine ventorum, tum ipsa aëris pressione, aliarumque causarum concursu. Omnes ejus aquæ partes naturali nisu pergent defluere, donec ad sphaericam superficiem sese componere valeant. Motà enim una parte oceani totus oceanus movetur, quoniam si pars oceani movetur, necessariò locum mutat, & ideo hic locus depressior fit loco vicinæ aquæ, hæc vicina Aqua movebitur in hunc locum, & illius vicina in illius locum, & sic porò in omnibus reliquis partibus, licet minor ac minùs sensibilis motus fiat in partibus remotioribus, quia in locum, à quo pars aquæ mota est, irruunt aquæ vicinæ non ex una plaga, sed ex omnibus circumcirca. Sic lapis projectus in
stagnum

stagnum, trudit aquam in circulum, hic in majorem, major rursus in majorem, & eò minor ac minùs sensibilis fit aquæ motus, quò longiùs à loco jacti lapidis abest. Idem contingit in oceani malacia, in qua licet nullus videatur motus, est tamen aliquis valdè exiguus, propter ingentem distantiam à locis aquarum commotarum.

§. II.

Generalis motus maris à causa extrinseca.

Hic triplex est: 1. Continuus Rectus in longitudinem. 2. Transversus in Latitudinem. 3. Compositus ex duobus contrariis motibus, ut supra c. 4. dictum est.

I. *Motus Oceani Rectus in longitudinem* est, qui continuè fit ab oriente in occidentem. *Motus rectus.* Probatum hic motus potissimum ex motu maris illius, quod est sub Zona Torrida inter Tropicos, quia motus maris, teste Nautarum experientia, fortior est sub æquatore, quàm usquam aliàs, adeoque minùs impeditur ejus cursus directus ab aliis motibus. Deprehenditur quoque hic motus maris manifestè ab India Orientali versùs Africam & Insulam Madagascar. Item in oceano Atlantico ab Africa versùs Brasiliam. Item in oceano Pacifico à Peruvio & Mexico versùs Marianas & Philippinas Insulas. Similis motus rectus in longitudinem sed remissior à Nautis in mari Boreali deprehensus est; ex Oceano enim Tartarico per fretum novæ Zemblæ & fretum Waigats movetur mare quod tum ex ipso motu aquarum, tum ex copiosa glacie probatur, quam oceanus Tartaricus in fretum Zemblanum ejicit: item in oceano australi ad fretum Magellanicum, cujus prono decursu Magellanes ex oceano Atlantico in pacificum devenit.

Causa hujus recti motus præcipua videtur esse motus Solis communis, quo spatio 24. horarum ab oriente progressus in occidentem nativo suo calore Athmosphæram oceano circumfusam rarefacit, rarefactamque venti Generalis

impetu ad subjectum oceanum impellit, & circumducit, ac quò directius cum via solis ad partes maris accedit, ut maxime fit ad lineam Æquatoris in Zona Torrida, oceani motus eò est magis notabilis.

*Motus
transver-
sus.*

2. *Oceani motus transversus in latitudinem* qui fit à Polo uno versùs alterum. Talis quoque probatur ab experientia, quia hunc testantur annuæ piscationes Balænarum ad Grœnlandiam & Spitzbergam à Gallis, Anglis, Batavis, Danis, Hamburgensibus, institui solitæ; ubi à mense Majo usque ad solstitium æstivum in Junio animadvertunt Nautæ continuum maris fluxum à Polo arctico versùs Meridiem prorumpentem, qui ingentes montes è glacie concretos inde versùs austrum propellit. Similem maris fluxum notarunt Hispani & Hollandi à polo Antartico versùs æquatorem, unde naves Hispanicæ ex America australi, & Hollandicæ ex India orientali redeunt in Europam ut plurimum utuntur motu polari antartico. Causam hujus vide supra c. 4.

*Varietas à
ventis.*

Nihilominùs tamen utrumque morum maris directum & transversum sæpè immutant venti præsertim statim, qui motiones appellantur: hi enim spirant plerique ab Austro & Boreâ, vel ab horum collateralibus. Inde fit ut mare, quod motu Generali ab oriente tendit versùs occidentem, moveatur versùs plagas collaterales occidentis, nempe versùs Zephyro-Boream, vel Zephyro-Austrum, imò Generalis ventus, cum rarò ab ipso oriente directè, sed plerumque obliquè à collateralibus plagis spiret, immutat frequenter hunc generalem maris motum. Multò magis id faciunt venti septentrionales in mari septentrionali, adeò ut parùm ibidem sensibilis sit iste motus.

*Motus
compositus.*

3. Motus Generalis ex duobus oceani motibus modò allatis compositus, vulgo dicitur *fluxus & refluxus*, melius *Intumescentiâ & detumescentiâ* maris. Oceanus enim semper fluit ab oriente in occidentem, & unam eandemque plagam tam in affluxu, quàm in refluxu, potiùs *defluxu*, observat.

servat. Refluere autem tantum apparet, quia in uno tempore majore copia & vehementia ad certum locum affluit, deinde in alio tempore hic impetus cessat. Cæterum refluxus ideo appellatus est, quod in sinibus & littoribus mare accedere & recedere videatur juxta extensionem sinuum & littorum; quod tamen non propter ipsius motus qualitatem, sed propter situm littorum & sinuum accidit, nempe ut in contrariam plagam remeet aqua; sed quod decedat mare, hoc non à situ littorum, sed ab ipsius motus conditione provenit, ut bene notavit *Varenius*, neque debet motus maris spectari ex appulsu ad littora, quia qualiscunque sit motus maris in quamcunque plagam, fluctus semper fiunt versùs littora, propter fluidam aquæ naturam.

*Intumescentia
Detumescencia
Maris*

Quod autem tam in fluxu quàm refluxu, sive intumescentiâ & detumescentiâ oceanus moveatur versùs eandem plagam ab oriente in occidentem & neque unquam refluat, id colligitur ex eo.

*Colligitur
ex sequentibus.*

1. Quia in alto Oceani remoto à littoribus, sub Zonâ Torridâ, nullus alius motusprehenditur, quàm is, quo ab oriente fertur in occidentem. 2. Quia in fretis, quæ directè extenduntur ab ortu in occasum, ut freto Magellanico, Manilenfi, Javenfi, aliisque Sundicis inter Insulas Indicas, mare quidem intumescit & detumescit, verùm in detumescentiâ non refluit ex freto ab occidente in orientem, sed defluit per alterum freti orificium in occidentem. Quod manifestum est indicium hanc intumescentiam & detumescentiam non esse peculiarem motum; sed generalis illius motus modificationem, neque mare unquam refluere in orientem.

De motibus & æstibus Maris Annuis, Menstruis, quotidianis, eorumque variis causis suprà dictum est cap. 4. §. 4. & sequentibus.

§. III.

*Termini affluxûs sive Intumescentiæ in diversis
locis & Horis observati tempore Novi- &
Plenilunii.*

*Horæ af-
fluxus.*

HOrâ 12. ad littora Flandriæ, Hollandiæ: ad Galliam Caleti, & Doverii ad Angliam, & ad Insulas Jutlandiæ.

Circa I. ad littora Zeelandiæ, ad Ostia Tamefis Angliæ, & Insulam Anglicam Wicht.

Circa II. ad ostia Scaldis, Mosæ, & Rheni.

Circa III. Amstelodami, Roterodami, Dordraci, ante Pulvinos Flandriæ: in australi littore Britanniae Gallicæ, Gasconiae, Biscajæ; Gallæciæ, Portugalliæ & Hispaniæ.

Circa IV. ad Rupellam & Rhotomagum in Galliâ: ad finus aliquot littoris Hispanici & Lusitanici.

Circa V. in omnibus portubus australis littoris Irlandiæ, aliisque australibus Angliæ locis.

Circa VI. vespertinam & matutinam ante Hamburgum, ante Bremam, ante Texeliam.

Circa VII. inter Farwick & Vaelmuyam in Canali usque ad Briston.

Circa VIII. juxta Insulam Wicht in Canali usque ad Bevesier, & extra Flevum ad Hollandiam.

Circa IX. ante ostia Amisii, Eems, & ad omnia Frisiæ littora.

Circa X. ad littora aliquot Angliæ orientalis & littora occidentalia Galliae.

Circa XI. in fluvio Tamefi, atque aliis Angliæ & Scotiæ littoribus.

*Variantur
sequentibus
diebus.*

Si verò in aliquo loco maxima sit intumescentiâ maris die novilunii vel plenilunii Horâ diei 12. erunt sequentibus diebus Horæ incrementi sequentes in Tabella proxima descriptæ:

Ætas

Ætas Lunæ.	Horæ.	Minuta.
1. --	-- XII. --	-- 48.
2. --	-- I. --	-- 37.
3. --	-- II. --	-- 27.
4. --	-- III. --	-- 17.
5. --	-- IV. --	-- 5.
6. --	-- V. --	-- 35.
7. --	-- V. --	-- 59.
8. --	-- IV. --	-- 49.
9. --	-- VII. --	-- 23.
10. --	-- VIII. --	-- 12.
11. --	-- VIII. --	-- 56.
12. --	-- IX. --	-- 51.
13. --	-- X. --	-- 40.
14. --	-- XI. --	-- 29.

§. IV.

Varii speciales motus Maris Cessantes seu Periodici.

Omnes ferè similes motus oriuntur ex Ventis anniver- *Motus Ma-*
 riis & statis, qui certis anni diebus spirant, & deinde *ris Cessan-*
 certo dierum numero cessant, donec iterum spirare incipiant. *tes & Pe-*
 Atque his spirantibus fit maris concitatio, cessantibus Malacia. *riodici,*

Tales motus varios in variis maribus ex Diariis nautarum
 recenset *Varenius* in sua Hydrographiâ.

1. Sic ad Javam Insulam in freto, cum Zephyrus spirat *Ad Javam*
 nempe Mense Majo, fluit ibidem mare versùs orientem con-
 tra generalem motum.

2. Inter Insulam Celebes & Maduram, cum collateralis *Celebes*
 Zephyri, five Zephyro-Boreus spirat in Decembri, Janua-
 rio, Febuario, mare fluit versùs orientem ad collateralem
 Euri, five Euro-Austrum.

3. Ad Insulam Ceylan, à Martio usque ad Octobrem *Ceylan*
 dum

dum spirat Boreas, mare movetur in Austrum, reliquis mensibus, dum spirat Auster, mare movetur in Boream.

Maldivas 4. Ab Insulis Maldivis aliquot mensibus post 15. Febr. mare movetur ad orientem contra Generalem motum.

Bengalam 5. Ad littora sinus *Bengalensis*, à *Patana* ad *Malacca* promontorium mense Novembri & Decembri incitatus cursus maris observatur versus Austrum contra specialem ejus motum.

Malaccam 6. Inter *Coccinum* & *Malaccam* spirante Zephyro à Mense Aprili ad Augustum fluit mare versus orientem contra Generalem motum; reliquo verò tempore versus occidentem, adjuvantibus ventis Generalem maris motum cum tanto strepitu, ut inexperti putent scopulos adesse, ad quos aqua allidat.

Chinam 7. A *China* ad *Malaccam* Euro-Boreâ spirante mense Junio, Julio, Augusto, vehemens est maris motus versus Austrum ad littora *Cambojæ*.

Cambojam 8. Ad littora *Chinae* & *Cambojæ* Mense Octobri, Novembri, Decembri movetur mare versus Zephyro-Boream, sed Januario versus Zephyro-Austrum tam incitato fluxu versus pulvinos de champâ, ut lapidis jacti celeritatem superare videatur.

Similes & contrarii motus periodici plures dantur. Inter Insulas Indiae orientalis, ita ut inexperti navigantes sæpè periculum patiantur.

§. V.

Motus maris circulares.

*Gurgites
Maris*

PRæter motus maris enumeratos dantur etiam motus maris circulares, sive vortices, aut Gurgites, quorum triplices sunt species:

1. Quidam tantum aquam in gyrum circum agunt.
2. Quidam aquam absorbent & certis Horis absorptam refundunt & exspuunt.

3. Qui-

3. Quidam aquam penitus absorbent, ita ut nihil expuant. Tales vortices & Gurgites Germani nautæ vocant *Maelstroom*, Latini Euripum.

Sic celebris est *Euripus Chalcidius* propè Græciam inprimis propter fabellam de obitu Aristotelis. Hic recipit aquam certis horis, & aliis expuit. Notæ sunt ad *Siciliam* *Scylla* & *Charybdis*. Ad Græciam
Siciliam

Omnium celeberrimus & maximus est vortex ad *Norwegiam*, vulgò *der Maelstroom*, qui 13. milliaria in circuitu habere scribitur. Vorago hæc 6. Horis absorbet omnia, quæ illi appropinquant, Balænas, naves onerarias, & alias res, totidémque horis omnia illa eructat magno cum strepitu. Norwegiam

Inter *Normanniam* Galliæ & *Angliam* vorago est, ad quam feruntur naves mirâ celeritate, sed jam vicinæ gurgiti repelluntur. Causam horum & similibus dare difficile est motuum. Normanniam

§. VI.

Motus Concussionis maris, sive Tremoris.

Hic provenire videtur à spiritu sulphureo subterraneo, quo tum ipsa terra, tum aqua ad ebullitionem agitur. Tremor
Maris.

Talis motus quandoque deprehenditur in mari *Britannico* non procul *Bajonâ* ad Cap. de *Breton*. ubi mare subinde sine ullis ventis adeo turgescit, ut litus ipsum obrutum iri videatur, & mox iterum subsidit. In Mari
Britannico

Similis intumescencia in Lacu *Scotia*, dicto *Loumond* deprehenditur. Scotico

Horrendum tremorem aquæ inter Insulas Indiæ orientalis Mari *Chinensi* experti sunt Lusitani, quem P. Maffeus in Hist. Indica describit, ut supra memoratum est. Cambajense

Omitto alios motus maris contingentes, qui sine certo ordine modò cessant, modò incipiunt, quales infiniti sunt: Horum motuum causa præcipua est ventus, impellens mare versùs plagam vento oppositam, eoque magis hi diversi sunt, quò major est diversitas littorum, ad quæ fluctus franguntur, vel impetuosius, vel lenius. Motus Con-
tingentes
Infiniti

CAPUT XI.

De variis Aquis stagnantibus Mediterraneis. De Lacubus stagnis & Paludibus.

Lacus dicitur igens copia aquæ in aliqua mediterranei loci cavitare insignis amplitudinis & tractus, undique terris cincta.

Stagnum dicitur parvus lacus, qui nec recipit, nec emit tit fluvios.

Palus dicitur aqua in mediterraneo loco terræ immixta, exstantibus hinc inde colliculis.

§. I.

De Lacubus.

Lacus qui
nec emit-
tunt nec
recipiunt
fluvios
Parima

Lacus sunt quadruplices: 1. *quidam neque emittunt, neque recipiunt fluvios.* Talium præcipuus & maximus in tota Tellure est *Lacus Parima* in America Australi, longus 300. latus 100. Milliarum. Qui cum fluvium ullum nec recipiat, nec emittat, & tamen perpetuus sit, viderur scaturigines suas ex fundo habere, solæ enim pluviae eum conservare non possent.

Mexicanus

Similis lacus est in regno Mexicano ad urbem *Mexico* 12. Milliarum longus. Huic æqualis ferè in *China* sed rotundior. Minores verò sunt *Lychnitis* in Macedonia, *Apollonius* in My-
sia, *Hilam* in Cochinchina, in Moscovia, Finlandia *Onega*
& *Ladoga*.

qui emit-
tunt fluvios
non reci-
piunt.
In Asia
Chiamy
&

2. *Quidam emittunt fluvios, non verò recipiunt.* Hi suam generationem & conservationem habent ex fontibus in fun-
do existentibus per aquæ ductus subterraneos.

Sic in Asia Lacus *Chiamy* non procul à *Gange* versùs or-
tum emittit 4. fluvios: Menam, Axam, Cosmam, Marta-
vam, eximios magnitudine, fertilitate & inundatione in regna
Siam, *Pegu* &c.

Sic

Sic Lacus *Cincughay* in finibus Chinæ oblongus emittit magnum fluvium, qui cum alio junctus Chinarum campos late fecundat.

Cincughay

In Americæ Australis Provinciâ Lacus *Titicaca* habet 80. Leucas in ambitu, emittitque magnum fluvium, qui in par-
vum lacum terminatur, neque ulterius videtur.

In Americâ Titicaca

In Americæ Borealis regione *Canada* celebris est *Pentilim-
nis* s. lacuum, ex quibus ingens fluvius Canadensis S. Lauren-
tii profluens in mare del Nort latissimo ostio illabitur.

*Pentilim-
nis*

In Nicaragua Provinciâ, est lacus *Nicaragua*, qui tantum
4. milliaribus abest à mari Pacifico, & centum milliaribus ab
Atlantico, in quod ejus fluvius magno alveo effunditur.

Nicaragua

Minorum Lacuum, qui non recipiunt, sed emittunt flu-
vios magnus est in orbe terrarum numerus, ut *Volga* Lacus,
ex quo prima *Volga* fluvii origo, item Lacus *Osera* in eadem
Moscovia, ex quo *Sornam* fluvius profluit. Lacus *Odojum*,
ex quo *Tanais*. Adac ex quo *Tigris*. Plures adhuc in Fin-
landia & Lapponia.

*Minores
multi in
orbe.*

3. Qui recipiunt fluvios, sed non emittunt. Hi suam Gene-
rationem & conservationem habent ab ipsis fluviis, qui in eos
influunt. Et si fundus eorum sit porosus, aquæ tantum im-
bibit, quantum recipit, vel per meatum subterraneum tan-
tum aquarum defluit, ut lacus continuo influxu non ex-
under.

*Qui recipi-
unt fluvios
non emit-
tunt*

Talis est Lacus ille minor à majore *Nicaragua* generatus,
nec emittens aquas, nisi per latentes subterraneos canales.

*Minor Ni-
caragua*

Talis est Lacus *Asphaltites*, sive Mare mortuum in Palæ-
stina, qui recipit *Jordanem*, sed nullum emittit fluvium, li-
cet ad 70. milliaria in austrum protendatur, vel igitur poro-
sus fundus est, vel per alveum latentem aqua demittitur.

*Mare mor-
tuum*

Tales sunt plures minores: *Gbir* in Africa propè Atlan-
tem. *Calgistan* in Persia. *Janna* in Macedonia. *Soran* in
Moscovia, qui rivos recipiunt, sed nullos emittunt foras.

*Gbir Cal-
gistan Jan-
na Soran*

4. Qui recipiunt & emittunt fluvios. Sunt ii, qui cavita-
tem quidem habent in mediterraneis, sed non tantam, ut aquæ
influ-

*Qui recipi-
unt fluvios*

E emit-
tunt.

influentis copiam continere valeant, cujus proinde abundantiam per alterum alveum dimittit.

*Niger Ni-
lus Dwina*

Sic fluvius *Niger* in Africa facit quatuor lacus suo decur-
su. *Nilus* plurimos sed minores in suo itinere. Similiter
Dwina in *Moscovia*, & adhuc plures in *Finlandia* fluvios, an-
tequam ad sua ostia perveniant.

Zaire

Celebriores autem & magnitudine insignes sunt : In
Africa Lacus *Zaire*, Longus centum & quinque milliaria, reci-
pit quidem parvos rivos, sed tres ingentes fluvios emittit
Nilum, *Cuamam*, *Zaire*, multis enim imbribus augetur, &
fontibus subterraneis.

Zaflan

Item Lacus *Zaflan* non procul à *Zaire* longus 60. circiter
milliaria, accipit parvos fluvios, & emittit ramum in *Nilum*.

Sachaf

Item *Sachaf* non procul à *Zaire*, accipit exiguos fluvios
& emittit rivum, qui aliis auctus aquis facit fluvium magnum
S. Spiritus.

Aquilunda

Item Lacus *Aquilunda*, accipit ramum ex lacu *Zaire* & ef-
fundit multos fluvios in regnum *Congo*.

Onega

In *Europa* Lacus *Onega* *Finlandia*, Longus 40. latus 30.
circiter milliaria, accipit plures parvos fluvios, & emittit me-
diocrem in Lacum *Ladoga*.

Ladoga

Item Lacus *Ladoga*, Longus 30. milliaria, & toridem fe-
rè latus, accipit fluvium *Sueri*, & emittit fluvium *Neva* in si-
num Finnicum propè *Petersburgum*.

Sunt & alii non pauci minores lacus in *Finlandia*, *Lap-
ponia*, *Norwegia*, *Moscovia*, etiam in *Germania* Lacus *Bo-
tanicus*, qui & recipiunt & emittunt fluvios.

In *China* *Asia* sunt 4. insignes lacus, qui fluvios accipi-
unt, & in varias partes distribuunt.

In *Brasilia* *America* sunt lacus *Eupana*, & lacus *Puerto de
los Reyes*, quem permeant Fluvii, Argenteus & Omaranna.

*Plurimi
dulces,
Pauci*

Inter hos Lacus & præcedentes plurimi *dulcem aquam*
continent vel à pluviis, vel à fluminibus vel à subterranea sca-
turigine propria.

Salfi Lacus.

Pauci *salfam* habent vel ex inundatione maris, vel ex ejus
com-

communicatione subterraneâ, præsertim qui mari vicini-
res sunt, ut *Harlemensis* in *Hollandia*, & alii quidam in *Insula*
Madagascar, in *Insula Cuba*, in regno *Peru*.

Mare *Caspium Salsum*, an lacus sit? an pars Oceani? dubita-
tur. Lacum plures putant cum *Scaligero*, qui aquam collectam
ex fontibus salis & centenis fluminibus per meatum sub-
terraneum in Pontum *Euxinum* defluat, eumque auctiùs in
Bosphorum promoveat.

§. II.

De Paludibus.

Quæ nec recipiunt, nec emittunt fluvios.

Horum quædam, præcipuè majores, perpetuò permanent
aquis repletæ; quædam minores, æstate, & ubi diu non
pluit, exsiccantur. Generatio majorum aut mediocrium vi-
detur esse ex fontibus subterraneis, minorum ex copia plu-
viarum, cavitare & depressione loci, in quo talia stagna sunt,
eò enim ex locis altioribus circumquaque omnis aqua plu-
viarum & torrentium defluit; calore verò solis paulatim
exsiccantur.

Stagna frequentiora sunt in iis terrarum partibus, ubi
magna flumina quotannis exundant, & rursum intra alveum
suum reversa, complura post se stagna relinquant in locis de-
clivioribus. Sic Nilus & Niger in Africa: Indus & Gan-
ges in Asia: Danubius, Rhenus, Albis, Odera in Germania,
aliique plures fluvii in Moscovia, Finlandia, Livonia, qui sæ-
pè propter imbres, aut propter nivium & glaciei resolutio-
nem augentur; recedentibus verò fluviis partim evaporant,
partim eorum aquæ in poros terræ ingrediuntur & dispa-
rent.

Alicubi tamen etiam stagna minora reperiuntur perpe-
tuò à fontibus subterraneis conservata, quorum scaturigines
tantum aquæ continuò sufficiunt, quantum per calorem so-
lis.

lis, aut per subterraneos meatus ejusmodi stagna deperdunt; unde neque faciliè exundant, neque penitus deficiunt. Si quæ autem aliquando deficiant, fit exinde quod scaturigines parvæ parùm aquæ largiantur, & æstus solis majorem aquæ portionem in halitus dissolvat.

§. III.

De Stagnis.

Paludes plurimæ in

Paludes aliæ sunt, quasi mixta ex aqua & terra substantia, & hæ plerumque habent terram mollem, pinguem, uliginosam, sulphuream, bituminosam, quod tum ex nigro colore, tum ex cespitibus, qui ex eâ generantur & ignem faciliè concipiunt, ut compertum est in multis locis palustribus.

Germania.

Tales multæ dantur in Germania inferiore Brabantia, Hollandia, Westphalia, Marchia Brandeburgica, Prussia Polonica, Moscovia.

Aliæ sunt quasi parva stagna & plures aquarum collectiones, exstantibus hinc inde parvis terræ eminentioris colliculis.

Aliæ fontaneæ.

Tales plurimæ reperiuntur ad origines seu fontes fluviorum: unde quidam Geographi fontes hosce solent appellare paludes: ut paludes Tanais in Moscovia. Paludes Nili in Africa & Chelonides. Paludes Chaldaicæ in Asia, per quas transit Euphrates. Paludes Enarack, & Savolacenses in Finlandia. Item ad fontes Gangis & Indi.

Aliæ sylvestres.

Aliæ sunt quasi Sylvestres, quia in sylvis & desertis ericosis reperiuntur, à pluviis, imbribus, aut resolutione nivium generatæ. Quoniam pluvia illas terras irrigans & in cavitatibus hinc inde collecta non ita faciliè attolli potest à sole, cum folia arborum & Ericæ arceant ejus radios.

Aliæ fruticose.

Tales fruticose paludes multæ dantur in Germania, Polonia, Prussia, Moscovia. Hæ per artem siccari possunt vel per canalem, ut aquæ effluant, vel per aggres obstructos, ne



ne torrentes ingrediantur, vel inasperâ terræ siccae copiâ, vel igne super illas accensa. Non item priores, quæ recipiunt fontes & fluvios.

CAPUT XII.

De Torrentibus, rivis, amnibus, fluminibus.

Flumen aut *Fluvias* convenit iis aquis, quæ intra latiore alveum collectæ naves aliquantò majores suâ sponte deferunt. *Amnes* dicuntur minores fluvii. *Rivi* qui ex fontibus hinc inde confluentibus sensim grandescunt, & tandem flumina evadunt. *Torrentes* vocantur eæ aquæ, quæ ex copiosis imbribus repentè succrescunt, & nullo certo alveo discurrentes paulò post iterum deficiunt.

§. I.

De Torrentium, rivorum, amnium, & fluminum ortu.

DE fontibus & unde oriantur, jam supra dictum est inter aquas subterraneas. Torrentes autem non à fontibus, sed à copiosa pluvia, & nive resoluta oriuntur ac sine certo alveo plerumque defluunt per loca, quæ in defluxu reperiunt hinc inde decliviora, aut hiantia, & cum in montanis frequenter sint multæ cavitates, & stagna parva, si in hæc affluat tanta aquæ copia, ut eam continere non possint, effluit, & quia singulis annis sæpè hoc fit, alveum sibi facit, ac rivos, subinde amnes, longo montium tractu procurrens.

Rivi verò ac amnes perpetui plerique è fontibus manant. Flumina autem majora existunt, vel ex multorum rivorum & amnium in hunc confluentiâ, vel profluunt ex lacubus & paludibus, ut ingentes fluvii in America Canadensis.

Torrentes à pluvia, nive.

Rivi è fontibus.

ffs

Fluvii ex
confluxu.

sis & Jamarius, in Africa *Nilus & Niger*, in Asia *Ganges & Indus*, in Europa *Tanais, Wolga, Borysthenes, Danubius, Rhenus, Rhodanus, Albis* &c. negandum tamen non est flumina omnia & singula multum augeri à pluviis frequentibus, aut resolutà nive in diversis anni temporibus.

Augentur
tamen à
pluviis ni-
vibus.

Sic *Nilus, Niger, Ganges, Indus*, ita augentur à pluviis & nive resoluta, ut terras latè inundent. Ita in *Peruviana & Chilensi* regione subinde quidam fluvii ita parvi sunt, ut nocte non fluant, sed tantum de die, quia per diurnum solis calorem nives in Andibus resolutæ affluunt. Ita in *Congo & Angola* Africae fluvii die majores sunt, quàm nocte ex eadem causa. Ita in Indiae orientalis *Malabarico & Coromandelio* littore fluvii aestatis tempore ferme exsiccantur, hyeme verò seu pluviali tempore turgent; ejus contrarium accidit in locis frigidioribus ad Boream, ubi hyeme gelidà minores sunt fluvii, in aestate majores ex resolutione nivium. Diversis autem temporibus fiunt hæc augmenta, aliis in vere, aliis in aestate; plerisque tamen in vere, quia tunc in pluribus locis nives resolvuntur, nisi ex tam remotis locis veniant fluvii, ubi tunc aestas, cum in loco, per quem fluunt, sit hyems, atque ita alia erit ratio temporis & locorum.

§. II.

De fluminibus statò tempore exundantibus.

Fluvii ex-
undantes.

FLumina, quæ sine ordine, nec statò tempore exundant, multa reperiuntur passim in toto terrarum orbe. Alia sunt, pauciora sed celebriora, quæ quotannis & certo quidem tempore exundant. Talia sunt, in Africa *Nilus & Niger* exundare incipiunt circa 17. Junii & per 40. ferè dies crescunt & per totidem decrescunt, eaque inundatione ille *Aegyptum*, hic *Nigritaniam* fœcundat. Uti & *Zaire* cum reliquis majoribus fluminibus *Æthiopiæ*. In Asia *Tigris, Euphrates*

tes Indus & Ganges quotannis exundant mensibus Junio, Julio, Augusto.

In America exundant pariter *Argenteus, Parana, Orillana* Amazonum, & quædam Brasiliæ flumina.

In Europa fluvii à stasis inundationibus liberi sunt. Causam harum inundationum Geographi cum Varenio assignant aquæ copiam, quæ ad viciniam fontium à multa nivium resolutione, tum imbribus & pluviis frequentibus, accrescit, uti ad fontes Nili præsertim observatum est. Fœcundos autem facit agros inundatio, quia aqua illa pluvialis & nivosa, in se habet levitatem spirituosam, & substantiam sulphuream, quam cognoscimus, ex vermibus & putredine facili earum aquarum.

§. III.

De fluminibus, qui intra terram se condunt.

Flumina quædam in medio cursu sub terram se condunt, atque alio loco rursus egrediuntur, tanquam nova flumina. Alia sub terram perpetuò sese condunt, ita ut rursus non emergant supra terram. Alia magnam aquarum copiam intra terram medio sui alveo demittunt per voragines.

*Fluvii
Mergentes
& emergentes.*

Quæ se condunt & rursus emergunt sunt sequentes:

Anas.

1. *Anas* sive *Quadiana* in *Hispania*, totus ad urbem *Medelinam* se condit, & post octavam circiter *Leucam* rursus egreditur, unde copiosior pergit fluere in *Algarbiam*. *Aristoteles* aliique simile quid scripsere de *Pado* sive *Eridano* in Italia, sed contrarium docet experientia, cum nullibi videatur subire terram.

2. *Niger* in *Africa* occurrens montibus *Nubia* conditur sub illis, & ex altera montium plaga occidentali rursus emergit. De *Nilo* idem scribit *Plinius*, eum non tantum semel sed aliquoties terram ingredi, ejus tamen occultatio nullibi in toto ejus itinere reperitur.

Niger.

3. *Alpheus* in *Achaja* à terra absorbetur, quem *Græci*

Alpheus.

Lib. II.

T

scri-

scribunt infra terram & sub mari fluere usque in Siciliam, ibique in Syracusano littore emergere. Eò quòd *Arctibusa* ibidem quinta quaque æstate, quando olympia celebrabantur, stercora mactatorum pecorum reddebat, in alpheum projecta. Nisi & hic sint, ut solent Græci esse semper mendaces.

Lycus. *Lycus* & *Erasmus* circa Arcadiam in Peloponeso sub Terram se condunt, & emergunt. Plures similes rivos in ista vicinia testatur Aristoteles L. 1. Meteororum c. XI. sed modernis Geographis nihil prorsus de iis constat.

Tigris. 5. *Tigris* in *Mesopotamia* occurrens monti *Tauro* in specu mergitur, & ab altero ejus latere rursus emergit. Deinde postquam transit Lacum Thospitem rursus in subterraneos cuniculos mergitur & post 6. leucas denuo prorumpit.

Dan. 6. *Dan* fluvius, qui cum fluvio *Jor* confluens facit *Jordanum*, statim à fonte *Phiala* se occulit, post aliquot deinde milliaria renascitur; in ejus enim fontem conjectæ paleæ redduntur in ejusdem renascentia & nova prurptione fluvii.

Similes his Præter hæc majora & celebriora flumina dantur etiam Rivi, qui se in terram condunt, & rursus emergunt, ut in *Anglia Deveriil* sic dictus, quod se sub terram immergat, & post Milliare iterum emergat.

multi rivi. In *Northmannia Gallia Rissa* scaturit in superis larnutibus, & ad castrum *Luna* se abdit in terram & post Leucam cum media ad vicum *Gloray* è fonte, quem rapidum vocant, iterum erumpit.

in orbe. In Regno *Neapolitano* ex media Lucania defluit *Tanager*, Italis *Necro*, qui ad diverforium publicum *Pallo* se in specum montis magno cum murmure condit, & post 4. millia passuum non procul oppido *Auleta* iterum emergit apud diverforium, quod inde dicitur *L'osterie dei pertuso*.

Similes plures rivuli dantur in reliquis orbis partibus, qui aliquantum à fonte progressi in vallibus se condunt, & in altera parte montis depressiore per modum fontis e-
rum-

rumpunt; dum enim defluunt in mollibus terris facile aperturas subterraneas, & exitum quærunt alibi.

Fluvii, qui in terram se condunt, & non emergunt, admodum pauci sunt & parvi, quales ex Andibus sive Montanis Peruvianis, & Indiæ orientalis, & Africæ profluunt, qui in arenosum solum absorbentur, vel conduntur infra arenas, aut calore solis exsiccantur.

Mergentes non emergentes

Sic ad Meten urbem ante sinum Arabicum reperitur amnis alveo glareoso: sub eam glaream in æstate latices tacito cursu ita se condunt, ut nihil humoris in summo prorsus appareat.

Si verò non concedatur Rivi istis via sub terra, efficiunt paludes & lacus parvos.

Sunt tamen aliqui adeò parvâ aut lentâ scaturigine rivi, ut per exhalationem tantum ferè aquarum separetur & rarefcat, quantum à scaturigine accipiunt, atque ita in terra sistantur; neque lacus efficiunt, neque absorbentur. Quales Hondius in sua magna mappa Arctoi orbis assignat, & plures ponit in sola Moscovia.

Fluvii, qui partem aquarum intra terram medio suo alveo demittunt per vortices & voragines, sunt plerumque majora flumina, quando vel objectu montium per eorundem angustas valles liberum non inveniunt decursum, vel quando etiam in planitie terræ mollioris fundum mole sua & impetu percurrunt, & per meatus subterraneos ad interiora terræ descendunt.

Voragines partiales.

In plerisque fluviiis majoribus,

Tales voragines in suo alveo hinc inde habent In Europa Danubius, Rhenus, Albis, Tanais. In Asia Euphrates, Indus & Ganges. In Africa Zaire, Nilus & Niger. In America Rio de la Plata, Orelhana, Canadensis S. Laurentii.

§. IV.

De fluviiis tardis & celeribus.

Inprimis certum est alveos fluviorum eò esse altiores, quò *Fluvii tardis*

qui multos
habent Mæ-
andros

ſuis fontibus ſunt propiores; eoque depreſſiores, quò ſuis
oſtiis vel mari propiores. Quia aqua ex natura ſua non
fluit, niſi à loco altiore ad humiliorem. Atque ideò quævis
alvei pars, præcipuè ad oſtium fluvii, eſt humilior fonte, a-
liàs enim verſus fontem reſlueret.

Ut
Orelhana.

Madres

Toëra

Mænus

Mofella

Celeres
ſunt, qui
directè flu-
unt.

Vix tamen ullus fluvius eſt, in cujus alveo non reperi-
antur aliquæ cavitates, aut depreſſiora magis loca, & contra
pulvini & monticuli; ut adeò aliqua pars alvei remotior à
fonte, ſit altior, quàm pars alvei, quæ fonti propior. Nihilo-
minùs tamen ab hac ad iſtam fluit aqua, quoniam ea aquæ
copia ita inſluit in depreſſa loca, ut ſuperficies ejus altior
ſiat, quàm monticuli aut pulvini vicini. Exinde etiam ſit,
quod flumina iis in locis tardiùs fluant, aut in ſinuofos fle-
xus & mæandros abeant, ut ſæpè contingit in *Orelhana Ame-
rica* cum innumeris ferè curvaturis. In fluvio *Madres Na-
tolia*, cujus curvaturæ numerantur plusquam ſexcentæ. In
fluvio *Toëra Siberia*, qui tam crebris flexibus ſe curvat, ut
Ruſſi dum in eo navigant, frequenter naviculam & onera per
terram ab una curvatura ad aliam portent ad evitanda ma-
gna diſpendia. Sic tardiùs quoque Mænus & Mofella flu-
unt, quia crebris hinc inde Mæandris eorum fluxus retar-
datur.

Qui autem directo ferè curſu à fonte ad oſtium ferun-
tur, plerumque celeriores ſunt in deſluxu. 1. Ex ipſo ſui-
met directo curſu. 2. Ex altitudine fontis. 3. Ex Incre-
mento declivitatis in partibus alvei, vel fundi; ſi enim fun-
dus in ducentis paſſibus deprimatur uno paſſu, obſervârunt
Hydragogi, in eo alveo Aquam tam celeriter & rapidè mo-
veri, ut non ſine periculo navigetur. Cùm verò plerique
fluvii majores ſint navigabiles, colligitur, quòd non major
ſit alveorum declivitas, quàm uno paſſu in ducentis, & Li-
bramentum aquarum dici ſolet.

Ut *Tigris*
Indus
Malmiſta
Yrtius

Celeritate curſus celebres ſunt fluvii: *Tigris* & *Indus*
in *Asia*, *Malmiſta* in *Cilicia*, *Yrtius* in *Siberia*, *Danubius* in
Germania, *Padus* in *Italia*.

Si

Si verò ex altiore loco ad magis depressam alvei partem aqua per altum fundi præcipitum decidat, locus is catara-cta fluvii dicitur, ubi cum impetu, & rapiditate fluvius deorsum præcipitatur.

*Danubius
Padus*

Tales *Cataractas* habent hinc inde majores fluvii inprimis fluvius *Canadensis* S. Laurentii in America, ad Pentilimnem, ex quo horrendo fragore decedit. *Nilus* in Africa duobus alvei locis inter montes tanto impetu & fragore ruit præceps, ut accolæ ideò furdastri esse dicantur. Item *Zaire* fluvius in longo sex milliaribus à littore maris cataraetam habet, ubi ex alto monte decedit.

*Cataractas
habet insi-
gnes Cana-
densis Nilus
Zaire Da-
nubius
Rhenus.*

Wolgda parvus in *Russia* fluvius, non *Volga*, duas habet cataraetas propè lacum *Ladogam*.

Danubius infra *Linzium*. *Rhenus* ad *Lauffam* propè *Schaffbushum* altitudinè 75. pedum cum horrendo fragore ex alto præceps labitur, omnemque transitum navigiis prohibet.

P. Franciscus *Buffanus* S. J. in relatione Americæ ad Cardinalem de Lugo inter alia notat frequentes aquarum *Catadupas* sive *Cataractas* reperiri in America, ac valdè præcipientes & magnis montibus simul æquales. Præcipuè in supradictò ingenti flumine *Canadensi* Americæ Borealis.

§. V.

De fluviiis auriferis, aliorumque metallorum.

Superiùs de aquis subterraneis metalliferis & fontibus mineralibus dictum est, nunc de fluviiis ex iis ortis, & suprà terram manantibus pauca dicemus. Etenim quales sunt aquæ subterraneæ & fontes, tales etiam sunt eorundem fluvii, licèt per accessionem multorum aliorum mixtorum similia mineralia rariora, ac minùs sensibilia fiant; experièntià tamen comprobatum est, fluvios quosdam multas particulas variorum metallorum, mineralium, arenarum, oleosorum seu pinguium corporum secum deferre:

*Auriferi
qui grana
auriferunt*

1. Sic aliqui sunt auriferi, qui grana aurì arenis suis immixta

*Tales plu-
mixta*

res sunt,
In Mexico
Peruvio
Quianâ
Antillis
Ins. Maj.

mixta deferunt: ut plures rivi in *America* circa urbem *Mexico*, in quibus plurima grana auri colliguntur, præsertim post pluvias & imbres, quod de omnibus aliis fluviis auriferis intelligendum est, similiter in *Peruvio*, *Quiana*, *Cavibana*, *Hispaniolâ*, *Cuba*, aliisque Insulis adjacentibus, ubi incolæ solent aquæ hinc inde fluenti reticula prætereundæ & auri granula ab arenis facili negotio separare per industriam didicerunt.

In Guinea
Monomotapa,

In *Guinea Africa* Nigritani dexterrimè grana auri separant ab arena, & Europæis Nautis, qui ob solius auri mercaturam istuc navigant, divendunt aut commutant Europæorum mercibus. Batavi vocant *Graen Gold*, estque optimum, neque indiget ulteriori depuratione. Similes arenas habet rivus *Arrœ*, qui scaturit in *Monomotapa* è radicibus montium *Lunæ*, eorumque auriferis fodinis.

In Insulis
Orientalibus.

In Insulis *Indicis Orientalibus Asia*, Japonicis, *Sundicis*, *Sumatra*, aliisque pluribus.

In Europa
Tagus
Rhenus
Albis,

In *Europa* *Tagus*, *Rhenus*, *Albis* in pluribus locis imò etiam rivi circa *Alpes Germaniæ*, imprimis in Provincia *Tiroli*, ex quorum arenis aurum elicitur, etsi nulla grana in eis sint conspicua, ob raras & exiguas admodum particulas, & fere atomos auri.

Argentiferi
plures.

2. Aliqui fluvii sunt argentiferi, licet eos in particulari scriptores non annotaverint; minimè tamen dubitandum est, quin æque multi, aut plures sint, qui granula argenti deferant, quàm auri; sed quia illa non ita faciliè discernuntur ab arenis, neque inde magnum lucrum & vix operæ pretium expectari potest, hinc negligitur operosa earum particularum inquisitio.

Cæterorum
Metallo-
rum plu-
rimi.

Multò minùs curatur scrutatio eorum rivorum, qui ferrea, cuprea, stannea, plumbea granula deferunt, licet magnus sit eorundem numerus, & mirabiles subinde effectus ex potione istarum aquarum aut balneis producantur. Medicorum testimonio, & teste experientiâ, etiam in hac nostra *Franconia*.



§. VI.

De præcipuis orbis fluminibus in mare decurrentibus.

TEste *Aristotele*, montibus è magnis nascuntur flumina magna, ut eò faciliùs per terras subjectas decurrere, & usque in mare devolvi possint. Eò enim omnia decurrunt, ut ait *S. Scriptura*: *Omnia flumina intrant in mare.* Præcipua & majora hic tantùm notamus.

I. Europæ flumina in mare decurrentia.

IN ITALIA.

Padus sive *Eridanus*, ejus cursus à fontibus *Vesuli Montis* inter juga alpium ad portum *Fornacum maris Veneti* censetur milliarium *Italicorum* 350. & in suum alveum plures quàm 30. fluvios colligit præter plures rivos.

*In Mare
fluunt
Ex Italia
Padus*

Tiberis sive *Tevere* ab appennino in finibus *Arretinorum*, dum *Romam* festinat, 42. in decursu amnes admittit, tandem in *Etruscum mare* se effundit.

*Tiberis
aliique 100.*

Præter centum rivos in continente *Italiæ*, quos *Ricciolus* enumerat, ac in *Sicilia* 42. in *Sardinia* 15. In *Corfica* 25 in mare mediterraneum decurrentes.

IN HISPANIA.

Iberus sive *Ebro*, oritur apud *Cantabros* inter *Pyrenæos* & *Idubedam montes*, & decurrit teste *Plinio* milliaria 450. per *Alavam*, *Riviam*, *Navarram*, *Arragoniam*, *Cataloniam* in mare mediterraneum duobus ostiis.

*Ex Hispania
Iberus*

Tagus, sive *Tejo* ex altissimis *Orospe*da jugis auctus multis annibus per *Vetones* & *Carpentanos* *Toletum* venit, & ingreditur *Lusitaniam*. usque dum post iter 360. milliarium intra *Olyssiponam* in *Oceanum* delabatur.

Tagus.

Betis, quod Græcis profundum significat, & *Guadalquivir*, quod aquam grandem significat, inter illustria Europæ flumina computatus, ex Provincia *Carthaginensi* *Cordubam* & *Hi-*

*Betis
Quadal-
qui vir,*

& *Hispalim* præterlabitur per Baticam provinciam, donec in oceanum post 220. milliaria ad *Luciferi* templum versùs *Gades* in oceanum devolvatur.

Quadiana. *Anas* sive *Guadiana* ortus in agro *Laminitano*, fluit inter urbes *Ciudad real* & *Calatravam*; propè *Medelinum* verò terram subintrat, & propè *Emeritam* egressus, duplici ostio post 300. milliaria in oceanum ruit.

Durius. *Durius*, sive *Duero*, ortus in *Pelendonibus* ex monte *Idubeda* per mediam fluit *Castellam veterem*, & *Lusitania* Provincias *Transmontanam* & *Interamnem* profundissimus ac rapidissimus 25. amnes per *Cataractam S. Joannis* secum rapiens, tandem post 240. milliaria infra urbem *Portuensem* in Oceanum evolvitur.

Minius
alique 50. *Minius* sive *Minho* ortus ex finibus *Gallæciæ* navigatur per 100. milliaria, & bibit amnes 15. donec in oceanum ad extrema *Portugalliæ* se se immergat inter *Bayonam* & *Vigos*. Præter 50. rivos in mare decurrentes ex tota *Hispania*.

IN GALLIA & BELGIO.

Ex Gallia
Rhodanus. *Rhodanus*, La Rosne, ortus ex jugo *Sanpron*, *Penninarum* Alpium altissimo, per *Valesias* valles ruens, *Lacui Lemano* *Genevensi* miscetur, ferturque in occasum fermè *Lugdunum*, *Lion* usque, atque inde advenis aquis locupletior vertitur in *Austrum*, *Galliàm*que præterlabitur, donec post 360. milliaria in mare mediterraneum olim 3. nunc 5. ostiis illabatur.

Ligeris. *Ligeris*, La Loyre, *Gallicanorum* fluviorum Rex ex *Arvernæ* Monte ortus, currit plusquam 480. milliaria pontibus urbibusque superbus, & tandem in oceanum occidentalem illabitur.

Garumna. *Garumna*, La Garonne. fluviorum, qui è *Pyvenco* profluunt maximus & rapidissimus currit per 300. milliaria, aluens *Convenas*, *Tolosates*, *Agennos*, *Niriobriges*, *Basates*, *Bituriges*, *Urbiseos*, *Medulinos*, & sentit æstum supra *Burdigalam* ad 50. Milliaria oceano commixtus ad ostium magno freto simile.

Sequana

Sequana, La Seyne, fontem nactus ex Vogeso monte in *Sequana*, Burgundiæ Ducatu intra templum, augetur sensim, ac diu luctatus plana inter & confragosa intumescit, *Parisiis* magnas onerarias recipit, sentitque maris æstum *Rothomagum* usque ab ostio tria milliaria lato.

Scaldis, La Schelde, inter *Veromanduos* natus ad fines *Scaldis*, Galliæ, in stagna mox dilatatus, *Atrebatas* *Arvas* ingreditur & *Cameracum* abit, pluresque bibens amnes duobus magnis ostiis in oceanum effunditur, cujus æstum sentit propè *Antwerpiam*.

Mosa, Moufe; Maas, Ex monte Vogeso tam exigua scarurigine oritur, ut utraque manu possis ejus aquas sistere, sed *Mosa* progressus in Ducatum Bari & Lotharingiæ naves tolerat, multosque dein fluvios hauriens in mare Hollandicum erumpit. *aliique 30.*

Præter 30. rivos in Mediterraneum & Oceanum decurrentes.

IN GERMANIA SUPERIORE, & INFERIORE.

Danubius, Donaw, Europæorum fluminum Princeps *Ex Germania*, oritur ad montes Rhæticos propè Don-Eschingen in comitatu Fürstenbergico fluit ab occidente versùs orientem per Sueviam, Bavariam, Austriam, Hungariam, Serviam, Bulgariam, Walachiam & Moldaviam, velocissimus ac profundissimus, ubi emensus est plusquam 900. milliaria, septem ostiis in Pontum Euxinum evolvitur, cum 60. quos secum rapuit, fluviiis, dimidià parte navigabilibus. *Danubius.*

Rhenus, Rhein, post Danubium secundus, ab Alpibus *Rhenus*, ortus propè Grifones ex triplici fonte tria sortitur nomina ac dicitur. 1. *Rhenus Anterior* dum fluit ex monte *Crispalto* ad fines Cantonis *Ury* 2. *Rhenus medius*, qui fluit ex monte *Luckmannier-Berg*, seque brevi cum priore commiscet ad Monasterium *Disentis* infra *Ilantiam*. 3. *Rhenus Posterior*, qui fluit ex Monte *S. Bernardi*, *Vogelberg* & propè *Cuviam* Anteriori influit, dein lacum *Bodamicum* perfluit. In Helvetia propter montium impedimenta minùs est commoda

ejus adnavigatio; ad Cataractam verò *den Lauffen* infrà *Schaffbusum* impossibilis. Sed ab urbe *Basilea* per æquam planitiem & amœnissimos campos fluit ad *Bingam*. Inde verò per montium angustias *Bonnam* usque ita coarctatur, ut, dum sufficientem suæ magnitudine transitum supra terram non inveniat, tum ad voraginem *Bingianam*, vulgò *Bingerloch*, tum ad S. *Goaris* vorticem magnam partem aquarum in terram demittat. Tandem in mare *Batavicum*, olim quidem unico tantum ostio, nunc, ob Oceani irruptionem in campos ibidem humiles, pluribus ostiis evolvitur amisso nomine *Rheni*.

Albis. *Albis*, *Elb*, post *Rhenum* maximus, oriens ex montibus *Silesiæ* *Ribenzal* & valle *Teuffels-Grund*, *Bohemiam*, *Saxoniam* superiorem & inferiorem transgreditur leucis *Germanicis* 120. usque *Hamburgum*, ubi divisus in plurimas insulas insignem sentit maris æstum & grandi ore in oceanum effunditur.

Odera. *Odera*, *Oder* sive *Viadrus*, ortus ex *Moraviæ* & *Silesiæ* finibus, perfluit mediam *Silesiam*, *Marchiam* *Brandenburgicam* & *Pomeraniam*, tandem infrà *Stettinum* in lacum aquæ dulcis, *Frischaf* dictum, progressus, per *Insulas Vandalicas* triplici alveo abit in mare *Balthicum*.

Visurgis. *Visurgis*, *Wefer*, ortus ex *Meliboco Hassiæ* monte; in *sylva Thuringiæ* & à fonte *Werra*, dicitur *Veera*, donèc junctus fluvio *Fuldæ* sub *Visurgis* nomine uterque deinde præterlapsus *Hassiæ*, *Ducatum Brunswicensem*, *Mindam*, *Bremam*, in mare *Germanicum* evolvitur.

Anasis. *Anasis*, *Ems*, ex *Hassiæ* montibus, quos *Obmobios* *Ptolemæus* appellat, progrediens, rigat *Episcopatus Paderbornensem*, *Monasteriensem*, *Osnabrugensem* & comitatum *Embden*, ubi devolvitur in sinum *Embdanum*.

Aliique 200
In Mare
Balthicum. Præter plures rivos *Germaniæ* tum in mare *Germanicum*, tum mare *Balthicum* ingredientes.

IN PARTIBUS BOREALIBUS.

Ricciolus præter aliquot majora flumina numerat rivos fermè ducentos in mare Boreale ingredientes, ultra 80. ab *Amasius*que ad *Obium* Europæ terminum. Totidem ferè in *Norwegia*, *Dania*, *Jutlandia*, *Seelandia*, *Fionia*, *Suecia*, *Finmarchia*, *Finlandia*, *Lapponia*, *Careliâ*.

Ferè totidem in Borealibus partibus.

Præter *Borystenem*, *Tanaim*, *Wolgam* Russorum in pontum *Euxinum* & mare *Caspium* influentes.

Et *Vistulam* *Weixel*, qui *Poloniam* transiens in mare *Gedanum* ad *Dantiscum* illabitur.

IN MAGNA BRITANNIA.

In *Anglia*. *Thamesis*, *Thems*, ortus ex duobus rivis, *Tames* & *Isis*, ab occasu versùs ortum progrediens per 200. ferè milliaria, æstum sentit ad 70. milliaria, & intumescit alicubi ad 15. cubitos, tandem valdè rapidus & profundus ad portum in canalem *Maris Germanici* effunditur.

Ex Anglia
T. a. nesis.

Humber ortus ex Comitatu *Staffordienfi*, plurimosque rivos cum *Trenta* flumine deglutiens, sentit æstum ad 100. milliaria, tam vastus ad æstuarium *Abùs*, ut frætum maris *Germanici*, in quod influit, non fluvius esse videatur.

Humber.

Sabrina, *Severn*, ortus ex *Nortwallia*, à *Borea* versùs *Austrum* tot curvatur flexibus, ut sæpè reverti videatur, post 250. milliaria tandem recto cursu & magno alveo in mare *Hibernicum* devolvitur.

Sabrina.

In *Scotia*. *Tavus*, *Tay* *Sucherk*, *Scotiæ* maximus, ab occasu in ortum versùs sinum *Dundee* fertur in mare *Boreale*.

Ex Scotia
Tavus.

Bodotria, *Forth*, secundus à *priore*, pariter ab occasu in ortum progressus, infrà *Alloway* in mare *Boreale* delabitur.

Bodotria.

Glotta, *Cluyd*, versùs *Austrum* magno alveo in Mare *Hibernicum* exoneratur.

Glotta.

In *Hibernia*. *Senus*, *Channon*, *Hiberniæ* maximus, ex Comitatu *Letrim* in oceanum occidentalem lato alveo fluit.

Ex Hibernia
Senus.

Birgus, *Barrow*, ex Comitatu *Queens* versùs *Austrum* propè *Watterford* mare ingreditur.

Birgus.

Buvinda
Alique 110.
ex M. Bri-
tannia.

Buvinda, Boyne, ex Comitatu Kings fluit in mare Hi-
bernicum.

Præter hos fluvios M. Britanniae, in Anglia & Scotia nu-
merantur rivi 80. in Hibernia 30. mare ingredienti.

II. Asiae Flumina in Mare decurrentia.

Ex Natolia
Maander
aliique 12.

IN Pontum Euxinum, Maotidem & Propontidem ex Na-
tolia sive Asia minore currunt 12. flumina, inter quæ præ-
cipua: *Halys*, *Thermodoon*, *Sangarius*, *Ascanius*, *Lycus*,
Maander, à sexcentis flexibus sic appellatus, alias La Madre.

Ex Turco-
mannia
Euphrates.

In Sinum Persicum sese exonerat *Euphrates*, Turcicè *Mo-*
rat-Su, ortus in Turcomannia ex monte *Tauro* propè *Erxe-*
rum, infra urbem *Rababat* in plura brachia scinditur, sed
rursus sibi unitus, & fluvio *Tigri* adauctus infra Babylonem
dilatur in paludes ad 12. milliaria, totidémque latus in ostio
finui Persico se commiscet.

Ex Arabia
Prinus
aliique 15.
Ex Persia
Ilmentus
aliique 20.
Ex Imao
Monte
Indus.

In Eundem Sinum Persicum, seu Arabicum; Ex Arabia
fluunt fluvii 15. quorum præcipui *Osa*, *Prinus*, *Eda*, *Zibitus*.
Ex Perside in sinum Persicum & mare Indicum fluunt fluvii
20. quorum 5. sunt nobiliores: *Tiritirius*, *Basirius*, *Bia-*
dimirius, *Jesdra*, & *Ilmentus* plurimum annuum potator.

In Mare Indicum latis ostiis fluit *Indus* sive Hynd, ortus ex
5. rivis ad *Imaum* montem, unde etiam *Penjab* dicitur sive
Fünffwasser, bibit 60. Fluvios & plusquam 90. rivos in itinere.
In eo Alexander Magnus quotidie 80. Milliaria navigans &
aliquando 100. ante 160. dies ad ejus exitum non pervenit,
ut historiae tradunt. Si nunquam substitit, essent milliaria pe-
nè 1500. sive Leucæ Germanicæ circiter 300. sed à Geogra-
phis modernis non nisi 1000. Mill. notantur.

Ex Imao
Ganges
aliique 12.

Inter Indum & Gangem numerantur 12. flumina, quorum
præcipua sunt: *Padderius*, qui post cursum 360. milliarium
triplici ostio mare Indicum petit: duobus autem *Mandova*
Goam utrimque amplectens, & omnium maximus *Cuenga*
versus orientem in sinum *Bengalæ* 5. ostiis delatus post cur-
sum Mill. 630.

Gang-

Ganges, aliis *Cantam*, totius Asiae Maximus, latissimus, & profundissimus, ex montibus *Imaus*, sive *Dalanguer* percurrit milliaria 120. versus Austrum in sinum *Bengala*.

Intra Indum & Gangem.

Ex *Lacu Chiamy*, 4. ingentes fluvii prodeunt: *Caor*, *Cosmia*, singuli per 50 milliaria in eundem sinum *Bengala*: *Martabanus* per Regnum *Peguanum* in sinum *Avacenum* multiplici ostio irrui post cursum Milliarium 800: *Sionus* per regiones Regni *Siam* in *Malaccense* pelagus post milliaria penè 1000. illabitur.

Ex Lacu Chiamy Caor Cosmia Martabanus Sionus.

Sinensis Imperii Flumina multa & magna in oceanum *Sinensem* erumpunt, præcipuè autem 10. quorum maximum, teste *P. Trigautio*, est ingens flumen *Vansu*, quod filium maris sonat, multis in locis latum 3. milliaria, post iter 9000. milliarium ex lacu *Dangu* in oceanum orientalem decurrit. Ex hoc alterum flumen *Hoango* sive flavum dictum ab arena flava, derivatum est versus *Pekinum*. Huic æmulum est flumen *Kiang*, in quo lavatum *Sericum* insignem splendorem induit.

Ex China Fansu Hoango Kiang aliique 10.

Omitto alia infinita flumina *Tartariæ* majoris, tum in mare *Caspium* & *Glaciale*, tum ex *Insulis* *Indiæ* orientalis in oceanum *Orientalem* & *Australem* decurrentia.

Plurimi Tartaria in Mare Glaciale

III. Africae Flumina in Mare decurrentia.

Nilus Africa celeberrimus oritur non ex *Lunæ* montibus, ut *Antiqui* scripserunt, sed ex duobus fontibus in planitie *Sacala* inter duos montes, in regno *Goyam* ut quidam *Missionarii* *S. J. Cairo* in *Europam* scripsit Anno 1696. prout accepit à Legato Imperatoris *Abyssini*: origo *Nili* distat ab urbe *Gondar* itinere trium fermè dierum. Post ortum duplici rivo progressus, lacum *Dembea* efficit. Deinceps verò longius evagatus infra terram labitur, sed rursus emergens supra terram, tandem ingentem lacum *Zaive* ingreditur. Quæ relatio Legati convenit cum observatione, quam *P. Petrus Paëz* cum Imperatore *Abyssino* fecerat, & ex

Ex Abassia Nilus.

Non procul à Metropoli Gondar.

eo refert *P. Kircherus* Tom. I. *Oedipi Ægypti*. Deinde post Cataractas horribiles, à *Mate* usque ad *Syenem* navigabilis per 15. dies, fit majorum patiens navium usque ad *Delta*, ubi divisus in 7. alveos per 70. milliaria sepreplex in mare mediterraneum evolvitur, quorum duo *Canopicus* & *Pelusiacus* semper navigabiles sunt magnis navibus. Iter ejus rectâ Lineâ ab Austro in Boream est Graduum 35. five milliarium Italicorum 2200. sed computatis anfractibus & Mæandris multò plurium. Latitudo maxima 8. milliarium, sed ibidem haud magnæ profunditatis, excepto incrementi tempore, quod durat 40. diebus, quibus ripas supergressus, latè Ægyptum inundat & fœcundat.

Flumina in Mare Mediterraneum ingredientia ad oram Borealem Africaë.

*Ex Ægypto
Bagradus
aliique 20.*

AB Ægypto ad Tingin, sive extrema freti Herculei numerantur flumina 20. inter quæ maximum *Bagradus*, Magrado, 800. milliaria per montana Atlantica decurrens.

Flumina in mare Atlanticum fluentia ad oram occidentalem Africaë.

*Ex ora
Atlantica
Subur Ten-
sist aliique
30.*

A Tingi usque ad *Capo Verde* sive ostia fluminis *Nigri*, numerantur flumina ferè 30. inter quæ primaria: *Subur Fexam* Regiam transiens. *Phrut*, sive *Tensist* Maroccum Regium alluens & flumen *S. Joannis* propè *Argin*, *Crocodilis* referrum.

*Ex Lacu
Zambre vel
Nili fontibus
Niger
aliique plu-
res.*

Niger, accolis *Nyar*, & dictus alter *Nilus* oritur enim ex lacu nigro propè *Zambre*, quem putant aliqui per meatum subterraneum derivari ex Nili fontibus, ejus indicium est, quod eodem anni tempore *Niger*, ut *Nilus* exundet, ac refertus sit *Crocodilis* & *Hippopotamis*: percurrit ferè tot milliaria, quot *Nilus*, totidemque ostiis in mare Atlanticum evolvitur, quæ sunt. *Senega*, sive *Riogrande*, *Gambra*, *Casamansa*,

manſa, & duo alii alvei innominati, ſed magni; minores autem *S. Annæ* & *S. Dominici*.

A *Nigro* uſque ad *Æquatore* numerantur 18. flumina, quorum primaria, *Rio real* & dell' *Infante*.

Ex reliqua
ora occi-
dentali

Ab *Æquatore* uſque ad caput *bonæ ſpei* numerantur 12. quorum primaria, *Coanza* & *Zaire*, qui inſtar *Nili* creſcit ex lacu *Zaire*, nutritque *Crocodilos* & *Equos marinos*.

ſt. 30.
Ex orien-
tali ſt. 21.

A *Capite bonæ ſpei* uſque ad cabo de *Quardevuy* numerantur 21. inter quæ primaria *Rio dell' Infante* & *S. Spiritus*.

IV. Flumina Americæ in oceanum decurrentia.

IN *America Boreali* à *Freto Anian* uſque ad *novam Hiſpaniam* numerantur ultra 30. flumina, quorum præcipua ſunt: *Torontea*, *Gicachmaaco*, ſive *Rio grande del Nord*, *S. Sebaſtiani*, *Zagatula*, *Nicaragua*, *Crocodilorum* &c.

Ex Mexico
ſt. 30.

In *Florida* & *Virginia* littoribus numerantur 24. quorum præcipua ſunt: *des Auſins*, *del May*, *Rio grande*, *Rio della Cruz* &c. ſingula cum latis oſtiis in mare.

Ex Florida
ſt. 24.

In *nova Francia* ſive *Canada* numerantur 14. quorum maximum eſt *S. Laurentii*, quod ex *Pentilimni* ingenti & præalto lacu ortum, ſentit æſtum ultra 400. *Milliaria*, & in oſtio mari ſimilius, quàm flumini.

Ex Canada
ſt. 14.

In *America Auſtrali* maxima ſunt totius orbis flumina. Incipiendo enim à ſeptentrionali ejus latere, à *Terra Firma* uſque ad caput *S. Auguſtini* in *Braſilia*, teſte *Petro Martyre* in ſummario *Indiarum occidentalium*, eſt flumen *Darien* in ſinum *Urabe* fluens, maximis *Europæ* par: alterum flumen *Culata*, id eſt, *Anguli illius*, quî terminat *Urabe* ſinum, quod *Nummius Vaſquez* reperit decuplo majus *Dariene*, latum plusquam *milliaria 4.* pluribusque oſtiis in dictum ſinum decurrens.

Ex Auſtrali
America
Darien
Culata

Tertium flumen *S. Magdalene*, quod antea hauſit magnum flumen *S. Marthæ*, quorum curſus eſt *milliarium 900.*

S Magda-
lene

Quar-

Orenoque Quartum flumen *Orenoque*, five Rio di Paria propè os Draconis in oceanum del Nort evolvitur, *Columbus* ejus inventor, ait esse latum in ostiis 112. milliaria.


Orelhana. Quintum flumen *Amazonum* five *Orelhana* ortum ducit à Montibus Peruanis *Andium*, & percurrrens milliaria ferè 4000. ut vult *Thevetus* L. 2. Hist. Americanæ, at Petrus Hispalensis plùs dicit scilicet Leucas 1500. in relatione autem P. Joannis Rhaudensis S. J. Missionarii asseritur ejus longitudo Leucarum 1600. Latitudo in ostio Leucarum 84. ita ut non flumen, sed mare fluens videatur.

Maragnon. Sextum flumen *Maragnon*, æmulum est fluminis *Amazonum*, pariter ex montibus Peruanis *Andium* ortum, percurrit milliaria 2460. & tandem in oceanum erumpit adeo latum, ut navigantes per medium, nec ripas videant, imo nec montem aliquem ripæ incumbentem, ut testatur *Consalvus Occetanus*.

Paraguay
alique mi-
nores ultra
50. fl. Septimum flumen *Argenteum Paraguay*, Hispanis Rio *della Plata*, oritur ex magno lacu *Bombono* five *Xarayes*, innumerabiles magnósque fluvios in se recipiens, tandem ostio Leucarum 30. in oceanum australem erumpit inter capita S. Mariæ & S. Antonii. P. *Josephus à Costa S. J.* ait Gangem, Euphratem & Nilum simul sumptos ab hoc superari: ejus aquas dulces ultra 200. milliaria in Oceano perseverare: crescere & decrescere instar *Nili*, sed per tres menses copiosius, ita ut accolæ tunc cogantur habitare in navibus cum tota supellestie.

Omitto plurima alia flumina satis magna, ultra 50. ex America Australi in mare decurrentia.

Item flumina multarum Insularum & Terræ Australis ac Borealis adhuc incognitæ.



CAPUT XIII.

De Portubus Oceani.

PORTUS in genere est receptaculum securum & commodum navium vel à natura vel arte factum pro commerciis ad sinum maris, aut majorum fluminum; ubi Nautæ longa navigatione fessi se recipiunt, tutòque præstolari possunt motiones ventorum ac solemnes navigandi tempestates. Portus.

Plurimi tales dantur ad *naturales* sinus & littora maris, *Naturales*. quorum opportunitate usi negotiatores, arte naturam adjuvante, aut æmulante construxerunt Portus *artificiales*, ad *Artificiales*. projectis non solum navalibus ad naves fabricandas, & in promptu habendas; sed etiam molibus, arcibus ac munimentis contra impetus maris & ventorum, vel hostium insultus, ac piratarum insidias, & apothecis ac promptuariis sive *Magazinis* ad coacervandas & custodiendas merces. Felici hujus artis successu, paulatim adauctæ novæ urbes ibidem & oppida insignia, quæ frequentata diversarum nationum commerciis opulentissima & celeberrima evaserunt.

Portus meliores & optimi censentur à *Strabone*, *Timotheo*, *Vitruvio*, *Dudleo*, *Furnerio*, & aliis. Conditio-
nes boni
portus.

1mo. Si Portus alicujus situs & figura talis sit, ut nullus ventus possit infestare naves. Securitas à
ventis, pro-
funditas.

2do. Si tantæ profunditatis sit, quanta exigit navium prægrandium & onustarum gravitas, ne carinæ fundo impingant.

3tio. Si fundus sit tenax anchorarum, qualis est quando bolidi Sebo illitæ & demiussæ ad fundum, sursumque retractæ adhæserit minutissima arena, aut lutum argillaceum: si careat scopulis, ruderibus, pulvinis, seu scamnis ac Semi-fyr- Tenacitas
fundi.

4to. Si capax sit multarum navium, ita ut aliis ingredi- Capacitas.
entibus, aliæ interim liberè egredi possint, & habeat diversa
Lib. II. X recep-

receptacula pro diversarum nationum navigiis ad lites & confusiones vitandas.

Omnium horarum.

7to. Si portus sit satis patens, nec impeditus obstaculis quibuscunque, sed *omnium*, ut vocant, *Horarum*, ne expectandum sit tempus affluxûs maris.

Munitio.

6to. Si Portus castellis aut molibus à lateribus, vel ante ostia præmunitus sit contra hostiles incurfus, præsertim si mari adjaceat.

Pharus cum Navali

7mo. Si habeat *Pharum*, seu Turrim, aut columnam sublimem, unde hostes à longè prospici possint, vel unde per laternas & funalia noctu Nautis signum vicini portûs præbeatur.

8vo. Si habeat navale, five *Arsenale*, ubi fabricari, aut refici naves possint, & inde *Cylindris* subjectis commodè deduci in aquam.

Et copia rerum navalium.

9no. Si propè Portum sit copia omnium eorum, quæ requiruntur ad victum, & instructionem nautarum & navium, nempe aquæ dulcis, lignorum, ferri, cannabis, cotoninæ, picis, sebi, olei, vini, syceræ, panis biscocti, pulveris nitrati, & similium.

Vestigialium moderatio.

10mo. Si Portus nullis, aut quàm minimis vestigialibus sit gravatus; nihil enim est, quod magis absterreat mercatores à portibus quàm multitudo & magnitudo vestigialium.

Ordinata Politia Militaris & Civilis.

Denique si ordinata Politia erga omnes nationes exteras fervetur, ac tot milites & Classarii in eo detineantur, quot sunt necessarii ad arcendos Piratas, & liberum ac securum accessum Mercatorum & Advenarum præstandum. Celebriorum Portuum Catalogum hic lubet subjicere, ut omnes unico quasi obtutu videre liceat, qui disperfim adurbes notati sunt in Geographia particulari politica, quique in Mappis Geographicis, aut omitti, aut non aded bene assignati sunt, hoc brevi compendio, in quatuor orbis partes, earumque Regna ordinatè diviso, faciliè annotari & corrigi valeant.

Por-

Portus celebriores totius orbis.

§. I.

Portus in Europa.

I. Portus Hispaniæ & Lusitaniæ.

Portus Barcinonensis navale aptissimum habet, cum mole, *In Hispania.*
 & fundum tenacem, spatium amplum pro navibus, defenditur fortalicio *Mont Jovis*, sive monte Jovis promontorio.

Portus Illicitanus Alicante securus, cum forti castello.

Portus Carthaginensis realis est & optimus pro navibus & triremibus.

Portus Calpensis, sive *Gibraltar* fortissimè munitus, nunc sub potestate Anglorum.

Portus Gaditanus, sive *Cadiz*, maximus pro navibus & triremibus; sed propè cuspidem S. Sebastiani cavendæ sunt *Syrtes* & scopuli *Dadi* & *los Duercos*, item *Adamas*, tantum 4. pedibus ab aqua tectus, ubi multæ naves periére.

Portus S. Mariæ, non procul à priore, ad ostium fluminis, in quem pleno mari patet introitus navigiis ac triremibus.

Portus S. Lucae de Barrameda, realis est repagulis munitus, sive *Sharrato*, ad ostium fluminis *Bætis*, estque celeberrimus, quia classes Castellanorum inde solvunt versùs *Canarias*, & *Indias occidentales*, & identidem revehuntur merces *Hispalim* usque.

Portus Cascalis ad ostium *Tagi* cum fundo passuum 10. *In Portugallia.*
 sive pedum 50. ubi onerariæ naves tum in *Brasiliam*, tum in *Orientales Indias* destinatæ, aut ab iis reversæ stationem habent, eo quòd præ magnitudine *Ulyssiponam* accedere nequeant.

Præterea inter *Cascalim* & *Ulyssiponam* sunt quinque propug-

pugnacula, nempe *Bethleem*, ubi statio prima navium & sepulchrum *Regum Iustanorum*, deinde arx *S. Juliani* ad ipsum *Tagi* æstuarium cum præsidio militari, post hanc caput sicum, *Cabecca Secca* in medio æstuario: dein arx oppidi *Cas-calis* instructissima ad hostes fugandos.

Optimus
Ulyssiponen-sis.

Portus Ulyssiponen-sis optimus & celeberrimus totius Europæ, ubi fabricantur grandes illæ naves, dictæ *Caracæ*, *Caragues*, in quarum singulam pro armamentis, & stipendio nautarum, demptis mercibus, impendi solent *Ducati* 127500. ab hoc portu quotannis solvunt *Classes* vel *Societates* navium Martio & Septembri & quævis *Caracæ* ex *India orientali* asferre solet merces *Ducatorum* 2000000.

Reliqui sa-
tis boni.

Cæteri *portus* oræ maritimæ reliquæ tum Lusitanicæ, tum Hispanicæ, ubi caput *Raxent* transieris, & Insulæ, earumque scopulos *Barlingas*, *Bavells*, occurrunt *Lavare portus*, *Aveiro* & *Villa Condè*, Vicus, *Vigos* & *Bajona* Gallæciæ, *Ribadeo* & *Ferol*, *Favoles*, qui est portus realis & præstantissimus pro Regiis classibus. Hinc *Portus Guion* cum mole, & villa *Viciosa* Sbarrato, & *S. Andreae*, *S. Andero* in ora cantabrica, & portus *Laredi*, *Laredo*. Hinc *Machicaco*, & ad *Bilboam*, *Bilbao* duobus milliaribus ab oceano distantem pro navibus ordinariis, quarum 50 quotannis lanâ onustas dimittit ad exteras nationes. Postremò *Portus S. Sebastiani*, & *Socœa* propè *S. Joannem* de *Luz*.

II. Portus Galliæ ad oram Mediterraneam.

In Gallia
Australi
celebres.

Portus Antipolis, *Antibes* valdè profundus, passuum scilicet 25.

Portus S. Margaritæ Insulæ, capax grandium navium ac tiremium; occultat tamen scopulos.

Portus Tevoles ad continentem oppositam tutior est, quia illum à ventis defendit prædicta Insula.

Portus Toulonensis, realis est passuum 9. fundo lurulento & anchoris figendis inepto, sed naves salvante in tempestatibus à *Circio* excitatis.

Portus

Portus Massilia, Marſeglia, catena clauditur, & tanta ſecuritate naves recipit, ut nulla in eo unquam periſſe dicatur. Munitus contra hoſtes à Turre S. Joannis & à Fortalitio Regio, in colle dicto *Noſtre Dame de la Garde*. Quin & extra portum in ejuſdem plaga naves majores ſuas anchoras figunt.

AD ORAM OCEANI OCCIDENTALIS.

Portus Bajona, *Bajonne* & *Arachou* paſſ. 10. hinc navigatur ad oſtia *Garumna* undarum volutatione fluctuantia, in cujus medio Turris *Cordani* noctu ignibus accenſis oſtendit, quâ parte oſtium ſubeundum ſit; ſiniſtrum enim latus oſtii obſident pulvini in longum protracſti, quos vocant *Aſinorum*, *des Aſnes*.

In Gallia
occidentali
Eximii.

Portus Bleyanus, *Bley* paſſuum 7. ſed ſcopulis latentibus minùs ſecurus.

Portus Brovagicus, *Brouage*, licet ſit mediocris, inſignis tamen eſt propugnaculis ac promptuario bombardarum & copiâ rerum nauticarum, ac Nautarum excellentium.

Rupellenſis Portus, *La Rochella*, paſſuum 5. cum navali inſigni.

Portus Nanetanus, *Nantes*, ad æſtuarium Ligeris, *Loire*, cujus oſtia utrîmque ſcopulis ſunt obſeſſa, & cautibus, quas vocant *Les Porceaux*.

Poſt *Blaucti* portum, Britanniae armoricae portus eximii ſunt: *Morbianum* & *Brivatium* portus *Breſt* totius Galliae optimus, paſſuum 12. non obſtantibus vicinis ſcopulis, tamen ſecurus eſt, & navium maximarum capax. Eſt inſuper in hac orâ abundantia omnium rerum claſſi adornandae inſervientium, nec non nautarum peritiſſimorum.

Optimus
Brivatensis

Sequuntur *Portus Raſcou*, paſſuum 10. *Portus Blanc* 7. *Portus Brillac* paſſuum 7. *Portus S. Brioci*, *S. Brieux* paſſum ſex. *Portus S. Maclovii*, *S. Malo*, pro navibus ordinariis. *Portus Cadomum*, *Caën*, ad oſtium *Sequana*, ducit naves ad *Rorhomagum* Emporium nobiliſſimum, imò uſque ad *Parisos*.

Reliqui
commodi
& muniti.

Portus Gratia, Havre de Grace, ad finistram ostii partem eximius & arte munitissimus, cum navali pro classe Regiâ ad hyemandum aptissimo.

Portus Depanus, Diepe, celebris cum arce, & propugnaculo ad flumen ejusdem nominis collocatus.

Portus S. Valerii, S. Valery, à priore secundus.

Denique *Portus Caletanus*, *Calais*, valde considerabilis, quia præter munitiones bellicas, Oceanus ibi aded angustus est, ut appelletur *Pas de Calais*, nec possunt naves ex Anglia vel Hollandia, aut aliundè illum permeare, quin huic appropinquent.

III. Portus Belgii & oræ Germanicæ ad mare Balthicum.

In Belgio
Regio. Ca-
sareo olim
Antwerpi-
ensis cele-
berrimus
nunc *Ostenda*.

Belgii Regii & *Cæsarei* Portus & Navalia majoris nominis sunt:

Neoportus, Nieport, *Ostenda*, *Dunkerka*, *Antwerpia* Navale olim capiebat naves 1500. præter illas, quæ in ejus plaça per aliquot hebdomadas præstolabantur ingressum: sæpè eodem die navigia 500. visa sunt ingredi & egredi plena mercibus, & uno affluxu maris 400. naves aliquando appellebant *Antwerpiam*, juxta quam canales octo fluebant, singuli capaces centum magnarum navium, floruitque commercium, donec *Amstelodamum* reliquumque fœderatum Belgium accrevit.

In Zeelan-
dia optimus
Ulfinganus.

Belgii fœderati in *Zeelandiâ* portus celebrati sunt: *Flussinga*, *Midelborou*, *Briela*, *Bergen* & *Zoom*, *Zivingsea*, *Ziericksee*. *Vlissinganus* Portus optimus, Belgici maris clavis censetur.

In Hollan-
dia Amste-
lodamensis
potissimus.

In *Hollandia*, quam à *Zeelandia* *Mosa* disternat plures portus celebrantur, quorum *Amstelodamensis*, *Amsterdam* potissimus est. Ex hoc navali incredibilis multitudo navium quovis anno in Oceanum mercaturæ causa dimittitur. *Rotterdamensis*, *Roterdam*, *Delft*, *Haven*, *Fuer*, *Horn*, *Edom*, *Encuysen*, unde naves circiter 400. quotannis dimittuntur in mare *Scotiæ*. Item *Tessel* portus prænobilis.

In

In *Frisia* portus notabiles sunt: *Sturia*, *Stavern*, *Emuda*, *Emdden*, *Hamburgum*, *Staten*, *Ripen* &c.
 In *Ora Germanica* maris *Balthici*, *Stralsunda*, *Stettinum*, *Demuinda*, *Colberga*, *Elfsinga*, *Dantiscum*.

Post eum
Hamburgensis &
Danti Scanus.

IV. Portus Daniæ, Norwegiæ, Sueciæ, Livoniæ, Russiæ.

SUECIÆ PORTUS.

Stockholmiensis, *Stockholm*, cujus Portus in finum tutissimum ita recedit, ut non sit opus anchoris, sed solum dexteritate ad vitandas aliquas rupes hinc inde exstantes quando glacies liquefcit: trecentæ circiter naves hunc portum facile ingrediuntur. Tanta verò est abundantia lignorum, ferri, æris, &c. ad instruendas naves, ut Rex Sueciæ plura navigia possit construere mille aureis, quàm alibi quispiam decies centenis millibus aureorum, & brevi tempore sex mille nauticæ artis peritissimos ex suo regno possit congregare.

In *Sæcia*
Stockholmiensis tutissimus & capacissimus.

Hiefnablensis, *Hiefnablen*, alter *Sueciæ* Portus in ora *Sudermanniæ*.

Portus Novus, *Nympha* dictus, priore nunc celebrior est, unde *Gustavus Adolphus* Rex Sueciæ trajecit cum exercitu in *Alemanniam*.

DANIÆ PORTUS.

Haffniensis, *Coppenhagen* in freto *Sundico* Portus insignis & totius maris *Balthici* optimus, quem ferè quotidie frequentant trecentæ naves diversis mercibus onustæ.

In *Daniæ*
Haffniensis optimus.

Bergensis, *Bergen* in *Norwegia* portus est magni commercii.

RUSSIÆ PORTUS.

Petroburgensis novus, *Petersburg*, nunc ob residentiam Imperatoris Russici, aut Imperatricis celeberrimus.

Item *S. Archangeli Michaelis*, *Archangel*, & Portus *S. Nicolai* ad mare album.

In *Russia*
Petroburgensis novus celeberrimus.

Item *Narvensis* & *Rigenfis* portus in *Livonia* Russica.

V. Por-

V. Portus magnæ Britanniae, IN ANGLIA.

- In Anglia* *Dubrinensis*, Douuer, cum mole pro mediocribus navigiis, *Calemano* Galliae oppositus.
- Plimuthensis optimus*, *Rocesvriensis*, Rocester, portus realis & catena clausus, ubi classis Regia navium plerumque 50.
- Plimuthensis*, Pleymouth, Portus realis, Anglicanorum optimus, cavendus tamen est scopulus *Ediston* eidem proximus.
- Bristolensis*, Bristow Portus valde bonus pro navibus ordinariis.
- Harvicbius*, Harwich, Portus realis pro quacunque navi.
- Famuthensis*, Famouth, Portus realis pass. 10.
- Perinensis*, Perin, extra passuum 25. intra 6.
- Darmuthensis*, Darmouth, Portus realis pass. 12.
- Portsmuthensis*, Portsmouth, Portus realis pass. 4.
- Southamptthoniensis*, Southamptthon, Portus realis.
- Item *Poolensis* & *Foi Sbarrato*, *S. Margarita* &c.

IN SCOTIA

Portus potissimi sunt:

- In Scotia* *Neocastellanus*, Newcastle, magni commercii.
- Lithensis*, Lith, passuum 5. duobus milliaribus distans ab Edemburgo, capax integræ Classis.
- S. Andrea Portus*, & *Slanes* & *Montrosse*.

IN HIBERNIA

Portus celebriores sunt:

- In Hibernia* *Kensalensis*, Kinsäel, Portus realis.
- Watterfordensis*, item Portus realis.
- Dublinensis* Portus valde bonus & *Roxfordensis*.

VI. Portus Insularum Italicarum Siciliae.

- In Sicilia* *Messanen- sis Princeps* *Amertinus* sive *Messanensis*, di Messina superat omnes reliquarum Insularum, imò & *Italia* totius portus, pulchritu-

chritudine, securitate à ventis & hostibus, capacitate navium, fundique æqualitate, nitore, profunditate, & tenacitate anchorarum, denique navali amplo & percommodo ad Turrin S. Salvatoris cum arce munita.

Syracusanus Portus prioris æmulus, olim *Dionysii* Regis munificentia capax erat 350. navium, ut scribit *Diodorus Siculus*.

Panormitanus, Palermo, Portus sat commodus.

Mylatanus, Milazzo, Portus fortiter munitus.

MELITÆ.

Melitenfis, Maltha, Portus realis & catena præclusus multiplici sinu navium omnium capax Castro S. *Elmi* munitus, duobusque oblongis terræ cuspidibus inclusus, nullius venti furoribus patet.

*Melitenfis
munitissi-
mus.*

SARDINIÆ.

Calaritanus, Cagliari Portus opportunus.

Castri Arragonensis, Castel Arragoneſe Portus fortiter munitus.

*In Sardinia
Calarita-
nus commo-
dissimus.*

Algeriensis, Algeri, Portus sat commodus.

CORSICÆ.

Bastienſis, di Bastia, Portus bene munitus.

Ajaciensis, d' Ajazzo, Portus pulcher.

Rbopicus, Calvi, Portus fortiter munitus.

*In Corsica
Bastienſis
præstans.*

Item S. *Florentii* & S. *Bonifacii*, duo Portus insignes pro navibus & Galeris.

VII. Portus Italiae ad oram Ligusticam.

G*enuensis*, di Genova, Portus ventis quidem obnoxius, sed peridoneum habet navale, ad quod naves anchoris fortiter adhærent, & molem murorum grandem & fortem admodum. In eo respublica servat ordinariè 6. grandes Galeras, aliæque navigia in promptu pro cujusvis expeditionis necessitate.

*Genuensis
à Navali
Nobilis.*

Delphini Portus, Porto Fino, navibus & Galeris idoneus est & securus à ventis.

Luna Portus, del Golfo di Spezza, ut ait Strabo, Maximus juxta ac pulcherrimus, plures includens portus, omnes propè littus profundos.

Veneris Portus, æquè profundus & commodus.

Lericensis, Lerice, Portus amplus & munitus.

Naulum Portus, Noli, Bonus cum arce.

Sevestensis, Sestri di Levante, sat idoneus.

PORTUS AD ORAM TOSCANICAM.

Liburnus à Commercio celebris.

Liburnus Portus, Livorno, confluxu Mercatorum, & variarum nationum celeberrimus, tenax Anchorarum in fundo passuum 5. cum commodo recessu, ubi cum mole est Navale catenâ clausum, & arx cum duobus castris. Sex inde miliaribus est syrtis cum scopulis, quibus evitandis præluceat Phanale Turris Meloriæ.

Ferrajus Portus, Ferrajo in Insula *Ilva*, Elba, cum navali capaci validæ classis, ubi Dux Hetruriæ ordinariè 6. Galeras habet.

Portus Longonius, Longone in *Ilvæ* Insulæ parte australi, castro munitus, & ventorum impetu immunis.

Pisanus Portus cum navali & Galeris 12. armatis, Galeatiis 5. Galeonibus 2. & 3. castellis.

Item *Portus Plumbinus*, *Bavallus*, *Talamone*, *Portus Herculis*, *Orbitello*, *Portus S. Stephani* &c.

PORTUS AD ORAM ROMANAM.

Archæopolitanus à Castro.

Archæopolitanus Portus di Civita Vecchia castro prævalido munitus loco portus Romani Veteris, sed mare ibidem fluctuans ita exæstuat, ut tempestate sæviente vix eum ingredi liceat.

Offiensis Portus à Gregorio Pontifice demolitus est, ne Turcis deserviret pro arce contra Romam, ab eo nuncia Tiberim versùs Romam ascendunt naves, sed non nisi cum affluxu maris.

PORTUS AD ORAM NEAPOLIS AUSTRALEM.

Neapolitanus à mole.

Puteolanus Portus, Pozzuolo, olim celeberrimus, nunc etiam optima statio pro navibus.

Portus

Portus Gajetæ, di Gaëta, dicitur clavis ad Neapolim.

Neapolitanus Portus, di Napoli, insignis mole, ac substructionibus, fundoque passuum 5. capax magnarum navium.

PORTUS AD ORAM NEAPOLIS ORIENTALEM.

Tarentinus Portus, di Taranto, capax grandium navium & Galerarum, sed ostio nimis aperto ad sinum Tarentinum scopulis infestum. *Tarentinus à capacitate.*

Brundisius Portus, di Brindisi, multiplicitate sinuum caput cervinum cum cornibus imitatur, unico tamen ostio ingressum præbet.

Barius Portus, di Bari, tenax Anchorarum, sed in minori ejus profunditate lapides & scopuli anchoras impediunt.

Barlettanus Portus, di Barletta, forti castro munitus, navale habet commodum & fundum passuum 8. tenacem anchorarum.

Manfredonius Portus, di Manfredoni, commodus cum Navali idoneo.

PORTUS AD ORAM DISTATO DELLA CHIESA SEPTENTRIONALEM.

Anconitanus Portus, d' Ancona, inter optimos & celeberrimos Italiæ censetur, naturâ & arte sic munitus, ut sit securus à ventis & hostibus. *Anconitanus securissimus.*

Ariminensis Portus, d' Arimini, olim celeberrimus ab *Augusto* marmoreis molibus exstructus, nunc arenarum pulvis ita obstructus est, ut vix paucarum navium sit capax.

Ravennatensis quoque portus ab *Augusto* ædificatus, ac sublimi Turre, Pharum Ægypti æmulante, illustratus & repletus ingenti Romana classe, nunc vix ulla tantæ magnificentiae vestigia servat; licet non sit incommodus navibus.

PORTUS AD ORAM ILLYRICAM MARIS ADRIATICI VENETI.

Venetus Portus, di Venetia, nobilissimus, cum Navali armamentario, Arsenalè, totius Europæ celeberrimo & instructis. *Venetus Nobilissimus.*

structissimo, de quo, ait Ricciolus, præstat silere, quàm minus digna loqui.

Lefinus Portus Insulæ Lefinæ, in qua duo Portus, unus dictus, *Porto Palerino*, immunis à ventis, nec in eo anchoris opus est, cùm scopulis naves alligari queant: alter *Porto Greco*, priori angustior.

In *Lissa* Insula Portus *S. Georgii* optimus, item Portus *Camise* anchorarum tenacissimus.

Ragusanus Portus, catena clausus, & uno ferè milliari ab eo distat *Portus S. Crucis*, capax Galerarum 50.

Coryramus Portus, Sidari, commodus.

Temo Portus, Timone, hic cum priore censetur clavis navigationis orientalis.

Cephalenius Portus, Insulæ Cephaloniæ, dictus *Argostoli*, commodus & passuum 9.

Chieto & *S. Nicolai* portus in Insula *Zazyntus*, Zante, ambo anchoris aptissimi.

Longus Portus Insulæ Sapientiae, valde profundus passuum 12.

PORTUS IN PELOPONESO MOREA.

Navarino Portus eximius 20 Milliarium in ambitu, ac duobus castris munitus propè urbem *Pylon*.

VIII. Portus in Achaja & Græcia.

In Græcia
Thessalonien-
sis.

Ægæticus Portus, ad Golfo di Engia, tempore Sabinarum Megarensium notissimus, & Armamentario Instructus.

Pyræus Portus Athenarum olim celeberrimus, nunc non ita celebris, dicitur Portus Leonis, à Leone marmoreo in ejus margine singulari artificio spectabili.

Thessalonicensis Portus nunc celebrior & portus *di Sabioni*.

PORTUS IN INSULIS GRÆCIÆ.

Rhodus
Cyprius
præstan-
tiores.

Caneensis Portus, Canea, scopulis impeditus, hinc naves ablegantur ad navale Tur-Lurù, purioris fundi & 2. castris munitum.

Rhodus

Rhodus Portus, cum navali, catenâ clausus & ab 18. Molendinis dicitur Porto de i Molini.

Cyprius Portus, *Famagosta*, navale habet amœnum, & percommodum, cum Turri seu Pharo lucente.

Item Portus *Paphi*, seu *Baffo*. Item in *Lesbo* *Metelino* Geminus portus cum arce. Item in *Cbio* Insula, Turcis *Sagues*, passuum 15.

PORTUS CONSTANTINOPOLITANUS.

Propè littora sua adeò profundus est, ut naves 1500. doli-
liorum prorâ ad illa possint appellere, fundoque semper ni-
rido, & ex una parte ab urbe *Constantinopoli* munitus, ex al-
tera à colle, supra quem est *Galata*: præter hunc alii sunt
Portus circa urbem, & in canali dispositi, ac securæ navium
stationes, si *Becham* excipias. Porro Portus *Constantinopo-*
litanus distributus est in diversas stationes pro diversis natio-
nibus. Navale autem Imperatoris Turcici 130. Tectis, sub
quibus naves reversæ ex Archipelago, & mari nigro hyemant,
circumcluditur.

Constanti-
nopolita-
nus multi-
plex com-
modissimus
pro omni
natione.

§. II.

Portus in Africa ad oram Barbaria.

A *Alexandrinus* Ægypti, Turcis *Scanderia*, Portus interior
catena concluditur, passuum 10. utrimque duobus cas-
tris, quæ *Tarillon* dicuntur, munitus, estque omnium ma-
ris mediterranei portuum præstantissimus à natura, & *Ale-*
xandri Magni artefactis, & celebritate mercimonii, cum illuc
advehantur merces omnes, quæ ex India per mare rubrum
congregantur. In eo plures sunt stationes cum apothecis di-
stinctis pro Gallis, Venetis. Genuensibus, Raguseisque na-
vibus, & in Pharo Insula est celebris illa Turre à *Softrato Gni-*
dio jussu *Ptolomæi* erecta, ut ad cavendos scopulos navibus
præluceat.

In Ægypto
Alexandri-
nus statio-
nibus pro
exterioris ce-
lebris.

Tripolitanus Portus, *Tripoli* di *Barbariâ*, licet sit magni

In Ora
Barbaria

com-

Tripolita-
nus.

commercii, & Triremium capax, non tamen à ventis securus est.

Carthaginensis Portus, olim famosissimus, sed nunchu-
jus loco successerunt *Urica* sive Biserta, & *Tunetum*, Tunisi.

Uricensis Bisertæ portus duobus propugnaculis munitus
est, & in ejus portu *Farina* obiit S. Rex *Ludovicus*, cum ex
terra sancta renavigaret in Galliam.

Tunetanus

Tunetanus Portus & non procul ab urbe *Portus Goulette*
fortiter munitus.

Algeriensis

Hipponensis Portus *Bone*, piscaturâ coralliorum celebris.

Algeriensis Portus *Algier*, olim *Cæsarea Mauritanica*,
duobus castris fortiter munitus, & muro usque ad parvam
Insulam circumdatus.

Oranensis quoque Portus, nunc sub potestate Hispano-
rum, non ignobilis in eadem ora Africana, & *Lotophagum*
Insula.

PORTUS IN AFRICA AD ORAM OCCIDEN- TALEM & AUSTRALEM.

Tingitanus Portus, *Tanger*, olim Anglorum, nunc Mau-
rorum munitus.

Lixanus Portus, *Larache*, olim Hispanorum, nunc Mau-
rorum, fortiter munitus.

Salensis, fa-
môsâ Pira-
taram re-
ceptacula.

Salensis Portus, *Sale*, valde profundus, & famosum re-
ceptaculum Piratarum.

Saffianus Portus, *Azuffi*, Gallis mercatoribus frequens,
post promontorium *Cantin*. Item post promontorium *Blan-*
cum Portus *delle Gave* & de *Riscate*.

S. Vincentii Portus inter *Hesperides* Insulas, valdè pro-
fundus, securus & anchorarum tenax.

Sierra Liona Portus, ad caput *Leannæ*, satis bonus, sed
cavenda vicina syrtis *S. Annæ*. Sequuntur ad *Guineam* Por-
tus *Mina* & *Nassau*, nunc Hollandorum.

Pannosanus ad Insulam *S. Thomæ*, Portus egregius.

Loanda di S. Paolo Portus optimus, olim Lusitanorum,
nunc Hollandorum. Item *Saldaniæ* & ad caput *B. Spei*.

Mozam.

Mozambicus Portus, Lusitanorum realis, & clavis ad Indiam orientalem, commodissimus euntibus & redeuntibus.

§. III.

Portus in Asia ad Syriam & Palestinam.

A *Alexandrinus* Portus, Alexandræ in Syria, Magni commercii, & optimus totius oræ.

Tripolitanus Syriæ portus, Turcis Tarrapolos, olim magnifico & forti muro concludebatur, sed nunc Turcarum incuriâ ruderibus & arenis admodum repletus est, ut naves procul à continenti cogantur anchoras jacere.

In Syria
Alexandri-
nus opti-
mus.

Berytensis Portus, de Baruti, satis frequens.

Sidonius Portus, Saido, bonus, sed ob nimiam solitudinem infrequens famam amisit.

Joppensis Portus, Jaffo, omnium antiquissimus perhibetur, dicitur enim à *Japheto* ante Diluvium constructus, bis à Romanis instauratus, & iterum à *S. Ludovico* Galliæ Rege Turribus circumdatus, ut ab occidente illuc navigantes possent à longè portum prospectare. Nunc autem tantum supersunt duæ Turres, & reliquæ murorum.

Cæsareensis Portus, dictus *Sebaste*, contra naturæ situm ab *Herode* constructus jactu arborum, fascium, lapidum & teluris, adversus ventos munitus, cum Turribus, marmoreisque molibus; sed tandem tempore *Balduini* ad impetu maris æstuantis omnino destructus.

Pelusinus Portus, de Damietta, securus est, & percommodus.

PORTUS AD RUBRI MARIS LITTUS.

Assab & *Asiongaber* Portus, ambo celebres sunt ob classes *Salomonis* & *Hirami*, quæ inde in *Tbarys* & *Ophir* solvebant, ut scripsit *Hieronymus* in Epist. ad Fabiolam.

Asiongaber
à classibus
Salomonis
celeber.

PORTUS AD ORAS ASIÆ AUSTRALEM
ET ORIENTALEM.

Aden Portus ad Arabiam, sub potestate Turcarum.

In Asia
Australi.

Arma-

Armutius.

Armutius Portus, Ormuz, maximi commercii, in illum enim confluunt, hinc ex Mediterraneo merces, quæ ex *Tripoli* Syriæ per *Aleppum*, *Bagadetam* & *Balioram* Caravanis convectantur, inde verò ex toto oceano Indico, Insulisque orientalibus per naves huc devehuntur.

Diu Portus ad Imperium M. Mogoris, percommodus & arce munitissimus.

Cambajensis.

Cambajensis Portus, commerciis frequens, unde quotannis 400. & amplius naves solvunt, auro, serico, aromatibus, aliisque mercibus refertæ.

Goanus.

PORTUS AD COMORINAM PENINSULAM.

Post Portus *Chaul*, *Daul*, & *Daman* ponè sequitur.

Goanus Portus, realis & mercimoniis frequens, qui tempore hyberno aggeribus obseptus clauditur, ne lutulentis arenis impleatur ab imbrium copîa, & torrentium è montibus decurrentium.

In eadem orâ occidentali post *Goanum* portum *Calecutanus* & *Cocinensis* Portus præcipui sunt, item *Columbus* Portus in Insula *Ceylano* vicina.

Bengalensis.

Palicatta Portus in ora orientali *Narsinga*, & *Mujaram* & *Muslipatan* Bisnagarîi celebres sunt.

*Malacensis.**Maximi**Commercii.*

Bengalensis Portus satis bonus & frequens est, sed reliqua sinus ejusdem ora ferè importuosa ob syrtes & brevia, seu vadosa loca & fundi incommodam inæqualitatem.

Malaccensis Portus, præmunitus à Lusitanis, & magni commercii, in potestatem Hollandorum devenit cum urbe *Malaccâ*.

PORTUS AD CHINAM, JAPONIAM, ET INSULAS INDICAS.

*In China**Macænsis.*

Patanensis Portus, *Patane* in regno *Siam* habet eximium portum, magnitudine duorum milliarium Italicorum.

*In Japonia**Nangasackiensis**optimi.*

Macænsis Portus, *Macao* & *Liamo* inter plures alios Imperii *Sinensis* sunt præstantissimi.

Nangasackiensis in Japonia occidentali, *Ginoximanus* in Japonia orientali. *Uxacanus* in media, sunt omnium optimi.

Insu-

Insulæ quoque oceani Indici multæ suos, ac magni commercii portus habent, ut

Achimus in Insula Summatra.

Borneas in Insula Borneo.

Mindanaus in Insula Mindanao.

Bantanamus in Insula Java majore.

Jacatramus in Insula nova Batavia.

Cabisenus in Insula Luzonia *Manilam*.

Præter insignes Portus *Maduræ*, *Gilloli*, *Celebes*, *Panay*, *Moluccarum*, quarum maxima pars Hollandis cessit: ac *Philippinos* & *Marianos* Portus Hispanorum.

In reliquis
Insulis ori-
entalibus
ferè omnes
Mercimo-
niis celebrae

§. IV.

Portus Americae Borealis.

Portus Realis in nova Francia.

New Plymouth in nova Anglia.

New Amsterdam in novo Belgio.

Jamestowne in Virginia.

S. Augustini & *S. Helenæ* in Florida.

In America
Boreali In-
signiores.

PORTUS AD INSULAS ANTILLAS MAJORES.

Havana Portus realis ad Insulam Cubam celeberrimus & munitissimus, in quo classes Hispanicæ, *Gold* und *Silber* Flotte, congregantur Julio & Augusto, ut Septembri solvant in Hispaniam.

In Antillis
Havana.

S. Dominici Portus, ad Insulam *Hispaniolam* celebris.

S. Joannis Portus, ad Insulam *Riccam* capacissimus.

PORTUS AD ORAM BOREALEM MEXICI.

Nominis Dei Portus, *Nombré de Dios*, cui successit.

Bellus Portus, Porto Bello, profundus, securus, salubris, & ab arce *S. Philippi* defensus.

Verae crucis Portus realis, omnium versùs Boream excellentissimus, & Portus realis.

In ora Bo-
reali Mexi-
ci *P. Bellus*
& *S. Jo-*
annis.

S. Joannis de Ulloa, munitissimus tum à duobus castris, tum ab Insula vicina In hunc portum deonerantur merces ex nova Hispania, & Insulis Philippinis advectæ, ut in Hispaniam per *Havanam* deferantur; sed difficilis est introitus ob scopulos.

PORTUS AD ORAM AUSTRALEM MEXICI.

In ora Australi Mexici Aquapulco & Nativitatis.

Portus *Vetus*, *Vejo*. Portus *Panama*. Portus *Truxillo* de Honduras, *Perico*, *Los Cavallos*.

Portus *Velorum* de Velez. Portus *Fonseca*. Portus *Gatulco*. Portus *Lexo*, sed his omnibus præstant. Portus *Realis Nativitatis*, & Portus *Realis Aqua Pulchræ Aquapulco*; in hos enim se colligunt naves ex Philippinis, & Sinenfi Imperio, priusquam appulerint ad portum *S. Lucae* de California. In hos quoque portus novæ hujus Hispaniæ Anno 1579. advecta sunt ex Insulis *Salomonis* 4000. auri frustra præter aromata pretiosa.

PORTUS AMERICÆ AUSTRALIS CELEBRIORES.

In America Australi Carthagena.

Carthagena Portus, septentrionem versùs, præcipuus est & realis, in quem ex Peruvio congregatur ingens, auri, argenti, aliarumque mercium copia per *Havanam* in Hispaniam transportanda.

IN BRASILIA.

Pbernambuco omnium SS.

Pbernambuco Portus, ubi Sacchari cannis molendis, sunt 70. molæ, quas vocant *Ingenios*. SS. *Omnium* portus, *Todos Los Sanctos*, ubi similes Molæ 40.

Securus Portus, Porto seguro. *S. Spiritus*. *S. Vincentii* & *Roderici*.

IN PARAQUARIA.

Boni aëris.

Portus *Boni aëris*. Buenos Aires ad ostium Januarii. Portus *Leonum* ultra flumen Argenteum, ita dictus à Leonibus marinis, *Liones*.

Portus *Desideratus*, *Desire*.

Portus *S. Juliani*, Magellanica classe celebris.

IN

IN ORA CHILENSI ET PERUANA.

Portus *Castri Chilenfis*, Castro de Chile.*Castri
Chilenfis.*Portus *Lobos* in Insula ejusdem nominis.Portus *Quintero & Conceptionis*.Portus *Coquimpo*, & *Copyapo*.*Limanus.*Portus *Arica*, horum omnium optimus, ubi navibus imponuntur Argenti massæ *Panamam* devehendæ.*Aricanus
omnium*Portus *Limanus*, di Lima de Los Reyes, ubi maximi commercii statio.*optimi.*Portus *Cano*, in Insula ejusdem nominis.Portus *Angræ* in Tercera Insula Azoridum.Portus *Sanctus & S. Crucis* in Teneriffa Insula.Portus *Palma* in una Fortunatarum.Portus *Paraibo* in Insula Trinitatis Boreali.

CAPUT XIV.

De locis Marium infamibus ob scopulos, Syrtes, pulvinos, procellas & naufragia.

CAusa Naufragiorum in mari sunt vel *scopuli*, qui si sint acuminati instar spinarum vocantur ab Hispanis *Abrolhos*, vel *Syrtes* & brevia, ac loca vadosa scopulis referta, *Baixos*, vel his affines *Pulvini*, *Banchi*, in quibus subinde hærent naves, vel *venti & tempestates*.

*Infames
scopuli ad
Brasiliam.*

Famosissimi sunt *Abrolhos* sub Æquatore in itinere ad *Brasiliam* vel *Indias orientales*, quos ubi Nautæ transierint, diem festum agunt, & dimensum vini generosi iis distribuitur.

Baixos de India inter oram Natalis & Insulam *Madagascar*, adjecto ingenti pulvino versùs finem ejusdem Insulæ.

Ad Madagascar.

Scopuli Chagos dicti, aliique innumeri in Oceano Indico versùs *Maldivas* Insulas & contra Sinum *Bengalæ*.

*Ad Maldivas Insul &
Bengalam.*

*Ad Flori-
dam.
Ad Norwe-
giam.*

In Oceano del Nort infames sunt Scopuli *Bivoras*, *Serræ*, *Nila* & *Martires* ad caput *Floridæ* & circa oram *Norwegiæ* scopuli *Pater noster*.

In *Mediterraneo* *Acroceraunia* propè montes, aliique plures.

Omnium autem periculossimi sunt scopuli, qui latent sub aquis, sed tam modico interstitio, ut carinæ in eos impingant. Plerumque etiam maria Insulis propioribus referta, scopulis quoque abundant, ut in ora *Dalmatiæ*, *Norwegiæ*, *Sueciæ* & in Archipelago *S. Lazari*. Contrà verò mare *Pacificum* raris præditum Insulis rariores habet scopulos & fyrtes. Nomen *Parcel* propriè significat loca maris modicæ profunditatis.

Loca tempestatibus & naufragiis infamia.

*Unicum
Mare Paci-
ficum im-
mune à
Naufragiis*

In *Mari Mediterraneo* circa montem *Athos*, & propè *Cbalcidis* furnos, seu concava *Bæotiz*. Propè *Maleam*, caput *Malio*, & *Symplegadas* in Freto *Siculo*, & mari *Mamertino*.

In sinu *Tarentino*. Ad oram *Tusciæ* propè *Capreas Bocche di Capri*, & oram *Genuensem* flante Austro: Ad oram *Narbonensem* flantibus *Euris*, & in ea parte, quæ à furore procellarum dicta est sinus *Leoninus*, *Golfo di Lione*.

In *Mari Germanico* *Canalis Anglicus*, & mare inter *Hiberniam* & *Insulas Azores*.

In *Mari Atlantico* & del Nort ora *Cantabrica* & *Britannica*. Sinus *Gaditanus* & *Equarum* dictus ab earum naufragio.

*Reliqui tres
Oceanii
tractus in-
fames,*

In *Mari Americano* ora vicina *Floridæ*, ora *Guiana*. & Sinus *Mexicanus*.

In *Mari Ethiopico* ora *Guineæ* ad *Sierra Liona*, & mare circumlatrans caput *Bonæ spei*.

In *Mari Australi* ora *Natalis*. Fauces *Rubri maris*, ad *Caromandeliam*, *Narvingam*, *Bengalam*. Inter *Malaccam* & *Sinas*. Inter *Sinas* & *Japones*.

*Præcipue
ad caput*

Quamvis autem ferè nulla pars sit maris, excepto *Pacífico*,

fico, quæ non fit obnoxia naufragiis; sed omnium infamiam superant tres oceani tractus: 1. circa caput Bonæ spei (quod ideò magnum Leonem vocant) ubi tot naves perière, ut vocetur sepulchrum & barathrum nautarum cum navibus. 2. Inter Coream Chinæ & Japoniam, ubi rabies procellarum, integras sæpè naves, aut sublatas in aërem disjicit, aut allidit ad scopulos, aut deturbat in undas. 3. Circa ostium utrumque Fretri Magellanici, quod ideò non tam faciliè amplius trajicitur, invento Freto Le Maire.

Bonæ spei.
Inter Chi-
nam & Ja-
poniam.

Inter ostia
Fretri Ma-
gellanici.

CAPUT XV.

De Sinibus oceani insignioribus.

SINUS Græcè *καλπος*, hinc Italicè *Golfo*, est Pars maris sive laxa curvatura sive Angusta se in terram insinuans. Hispanis *Bay*, aliis *Bay*.

SINUS MARIS MEDITERRANEI AD ORAM HISPANIÆ.

Sinus Virgitanus di Vera, sive di Carthagera inter Cabo di Gates & Cabo di Palos.

Sinus Mediocres.

Sinus Illicitanus, di Alicante, inter Cabo di Palos & Cabo S. Martini.

Sinus Sueronensis, di Valenza, inter Cabo S. Martini & Cabo Lunæ.

AD ORAM GALLIÆ AUSTRALEM.

Sinus Gallaticus, di Narbona, inter Narbonam & Marfiliam.

Sinus Latiores.

Sinus Leonis, di Lion, cujus portio sunt Sucronensis & Gallaticus.

Sinus Samblacitanus, di Grimault, & Antinopolitanus, di Antibes.

AD ORAM ITALIÆ AUSTRALEM.

Sinus Rapallicus, G. di Rapallo, inter Delphini portum, & Sestum orientale, Sestri di Levante.

Partim Latiores.

Sinus

Partim
Mediocres.

Sinus Spedius, G. di Spetia, inter Portum *Veneris* & caput Corvi.

Sinus Pisanus, G. di Livorno. *Sinus Formianus* G. di Gaëta. *Sinus Neapolitanus*, G. di Napoli.

Sinus Salernitanus, G. di Salerno.

Sinus Faus, G. di Policastro.

Sinus Lamerinus, *Terineus*, sive *Hipponiates* Golfo di S. Euphemia.

AD SARDINIAM.

Sinus Calaritanus, G. di Cagliari, unicus.

AD CORSICAM.

Sinus Talanicus, G. di Talano.

Sinus Adjacenus, G. di Adiazzo.

Sinus Ginercius, G. di Ginerca.

Sinus Casalus, G. di Calvi.

Sinus Nebiensis, G. di Nebio.

AD SICILIAM.

Sinus S. Teclæ, G. di S. Tecla.

Sinus Catanensis, G. di Catana.

Sinus Xiphoniis, sive *Megarensis*.

Sinus Syracusanus, G. di Siracusa.

Sinus Segestanus, G. di Castell' amare.

AD ORAM ORIENTALEM ITALIÆ.

Sinus Locrensis, G. di Calabria ultra.

Sinus Scylactus, G. di Squillacci.

Sinus Tarentinus, G. di Taranto.

Sinus Urias, G. di Puglia.

AD MARE ADRIATICUM.

Sinus Venetus, Golfo di Veneria.

Sinus Tergestinus, G. di Trieste.

Sinus Jargonicus, G. di Jargon.

Sinus Planaticus, G. di Carnario.

Sinus Bizoniis, G. di Cataro.

Sinus Lissicus, G. di Lotrin.

Sinus Oeneus, G. della Linguetta.

Parvi ad
Insulas Ita-
licas Au-
strales.

Ad oram
orientalem,
Tarenti-
nus Ma-
gnus.

Venetus
Maximus.

Sinus

Sinus Butrotius, G. di Bottrinto.

Sinus Ambracius, G. di Latta, nunc Figalo.

AD GRÆCIAM.

Sinus Corinthiacus, G. di Lepanto.

Sinus Chelonires, G. di Capo Tornefe.

Sinus Cyparissius, G. di Arcadia.

Sinus Messeniacus, G. di Corone.

Sinus Laconicus, G. di Colochina.

Sinus Argolicus, G. di Napoli.

Sinus Saronicus ab Ægina, G. di Engia.

AD THESSALIAM & MACEDONIAM.

Sinus Thessalonicensis, G. di Salonichi.

Sinus Toronaicus, G. di Amiano.

Sinus Singiticus, G. di monte Santo circa Athos.

Sinus Strymonius, G. di Contessa.

Sinus Abderiticus, G. di Asprosa.

Sinus Margaritius, G. di Marizza.

Sinus Candianus, G. di Candia ad Thraciam Chersonesum.

AD ASIAM MINOREM.

Sinus Melanes trans Hellespontum contra Trojam.

Sinus Adramytenus inter Lesbum & Asiam.

Sinus Smirneus, G. delle Smirne.

Sinus Mylassius, G. di Melasso.

Sinus Halicarnassus, *Issicus*, *Pamphilius* &c.

AD ORAM BARBARICAM AFRICÆ.

Sinus Tripolitanus, G. di Tripoli.

Sinus Gerbitanus, G. de Caps.

Sinus Satalicus, inter Palestinam & Ægyptum.

Sinus Tunetanus, G. de Tunis.

Sinus Algerianus, G. de Algier.

AD ORAM OCCIDENTALEM HISPANIÆ

& GALLIÆ.

Sinus Gaditanus, Golfo di Cadix.

Sinus Aquitanicus, G. de Guienne.

*Corinthia-
cus latior.*

*Thessalo-
nicensis
longior.*

*Smirneus
latior.*

*Halicar-
nassus
longior.*

*Sinus Me-
dicres.*

*Sinus cele-
bres ad oc-
cidentem.*

Sinus

Sinus Britannicus, G de Bretagne.

Sinus Sequanicus, Golfo five Bay de Seyne.

AD ORAM MAGNÆ BRITANNIÆ.

Sinus ad ostium Thameſis & Sabrina in Anglia.

Sinus Salomicus, Salorn Bay.

Sinus Murray & Cantyr in Scotia.

Sinus Galvaicus, Bay of Galwey in Hibernia.

Sinus Dingesicus, Bay of Dingle in Hibernia.

AD ORAM HOLLANDIÆ.

Sinus Roterdamenſis Zeelandiæ.

Sinus Amſtelodamenſis ad Zuyderſee.

Sinus Groninganus & Emdanus.

AD ORAM MARIS BALTHICI.

Sinus Codanus inter Jutlandiam & Sueciam.

Sinus Bothnicus ad Bothniām.

Sinus Finnicus ad Finlandiam.

Sinus Livonicus ad Livoniam.

AD LAPPONIAM RUSSICAM.

Sinus Bella more, five Maris Albi.

SINUS CELEBRIORES AD ORAS ASIÆ ORIENTALIS & AUSTRALIS.

Sinus Nanquinenſis, Enſeada de Nanquin.

Sinus Liampoicus, Enſeada de Liampo.

Sinus Siamieus inter Malaccam & Cambodiam.

Sinus Gangeticus di Bengala.

Sinus Perſicus, Arabicè Elcatif.

Sinus Arabicus, five Mare rubrum.

SINUS INSIGNIORES AD ORAS AFRICÆ ORIENTALES & OCCIDENTALES.

Sinus Magadoxus ad oram Africæ orientalem.

Sinus S. Auguſtini ad Inſulam Madagaſcar.

Sinus Catambale, ad oram Africæ occidentalem.

Sinus de Toro, de Vacas, Muſcarum, Equarum, Damarum
propè Canarias Inſulas.

Celebres ad
orientem.

Celebres ad
Africam.

SINUS FAMOSIORES AD ORAS AMERICÆ AUSTRALIS & BOREALIS.

Sinus Freti Magellanici ad Patagones.
Sinus Argenteus ad Paraquariam.
Sinus Omnium Sanctorum ad Brasiliam.
Sinus Forsanus ad oram Guianæ.
Sinus Parix, Baya di Paria, sive os Draconis.
Sinus Venezuela, *Uraba*, Honduræ.
Sinus Mexicanus Famosissimus.
Sinus Chesapeake ad Virginiam.
Sinus Francorum ad novam Franciam.
Sinus S. Laurentii ad ostium fl. Canadensis omnes ad oram orientalem Americæ.

Celebres ad Americam

zum Orientalem

RELIQUI AD ORAM OCCIDENTALEM MARIS PACIFICI.

Sinus Coronatorum ad oram Chilensem.
Sinus de Penco ad oram eandem.
Sinus Benius ad urbem conceptionis.
Sinus de Coquimbo, *Tongor*, *Copajapo*.
Sinus Refugii de Nuestra Sennora del Soccorso.
Sinus Angamæ, *S. Matthæi* ad oram Peruvii.
Sinus de Bonaventura, *S. Miguel* ad Panamam.
Sinus Salinarum, de Quatemala, de Marques.
De reliquis ad Californiam & ultiores partes Boreales dubitatur, an sint freta vel maria.

tum Occidentalem.

CAPUT XVI.

De Fretis marium nominatioribus.

FRetum, quasi fremitus maris, est portio duorum marium inter angustias terrarum ab uno in alterum mare erumpens. Italis *Stretto*, Hispanis *Estrecho*, Gallis *Destroit*, Anglis *Lib. II.* *A a* & Hol-

Freta ad unam partem defluunt.

Euripi ultro citroque currunt.

& Hollandis *Straet* appellatur. Freta autem, quæ reciproco æstu ultra currunt *Euripi* vocantur.

FRETA MARIS MEDITERRANEI.

Freta celebriora sunt Gaditanum.

Fretum Gaditanum, sive Stretto di Gibraltar. Inter Africam & Europam decurrens. Dicuntur à *Philostrato* æneæ, à *Strabone* aureæ *duæ Columnæ Herculis*, cubitorum 8. in urbe *Gaditanâ* erectæ, ad has Nautæ progressi *Gades* usque sacrificabant *Herculi*, nec ulterius tendebant, ut habet *Nonius* de Hispania l. 9. Alii tamen censent columnas illas fuisse duos montes, *Abylam* in Africæ littore, & *Calpen* in Europæ littore. An verò ipse *Hercules*, vel potius Oceanus in terram arietando viam hanc mari fecerit, an ab initio orbis conditi talis fuerit, naturæ scrutatoribus relinquitur.

Siculum.

Fretum Siculum, Italici *Faro di Messina*, inter *Messinam* & *Rhegium*. An verò *Sicilia* olim per Isthmum *Italiae* conjuncta fuerit, necne? variè disceptatur. Pro affirmativâ stant plures antiqui, pro negativa recentiores cum *Cluverio* & *Brietio* in *Parallelis* parte I. L. 5. c. 12.

Fretum Corsicum inter Corsicam & Sardiniam.

Fretum Cretense inter Candiam & Moream.

Fretum Cilicium inter Ciliciam & Cyprum.

Fretum Calydonium, Stretto di Lepanto.

Fretum di Negroponte, inter Eubœam & Achajam.

FRETA AD PROPONTIDEM.

Helleponticum.

Fretum Helleponticum inter *Sesson* & *Abydon*, nunc *Stretto di Dardaneli*. Hæc *Xerxes Persarum Rex*, constrato in navibus ponte duxit exercitum in Europam, ut scribit *Plinius*.

Fretum Callipolitanum inter *Callipolim* & *Lampsacum* in eodem Helleponto.

Fretum Bosphori Thracii inter *Constantinopolim* & *Scutavi*. *Bosphorus* autem dictus à bobus meabili transitu.

Fretum Bosphori Cimnerii inter *Mæotidem* & *Euxinum*, Stretto di Caffa.

FRETA AD ANGLIAM.

Anglicum.

Fretum sive *Canalis Anglicus*, *La Manche* inter *Belgium* & An-

& Angliam, maximè inter *Dubrin* Angliæ & *Caletum* Galliæ.

Fretum Hibernicum, inter *Hiberniam* & *Scotiam*.

FRETA AD DANIAM.

Fretum Danicum inter *Seelandiam* & *Sconiam*.

Danicum.

Fretum Sundicum inter *Seelandiam* & *Fioniam*.

Fretum Sundicum inter *Fioniam* & *Jutlandiam*.

FRETA AD ASIAM.

Fretum Naffovium inter novam *Zemblam* & *Samojedam*.

Sundicum.

Fretum Nanquinense inter *Chinam* & *Coream*.

Fretum Manila inter *Luzoniam* & *Mindanao*.

Fretum Sincapuranum, inter *Sumatram* & *Malaccam*.

Fretum Sundicum inter *Sumatram* & *Javam* &c.

FRETA AD AMERICAM.

Fretum Magellanicum & *Mairanum* ad australem.

Magellanicum.

Fretum Bahamæ inter *Floridam* & *Cubam*.

Freta Davis, *Hudson*, *Forbisber*, *Anian* ad Americam Borealem necdum satis cognita sunt.

CAPUT XVII.

Indiæ occidentalis Navigationes & intervalla Locorum.

I.

Americani littoris circumnavigatio.

EX summario & historia Indiæ occidentalis Francisci Lopez, Petri Martyris, aliorumque qui asserunt Cosmographos Regios nullius Naucleri relationem recipere, nisi testibus præsentibus jure jurando firmatam.

Hi itaque ajunt Americæ littus Boreale è regione Grœnlandiæ & Islandiæ usque ad flumen *Nivosum* continere leucas Belgicas 200. hinc ad finem *Malvasum* 200. hinc ad caput

Leuca Belgica circa Americam Borealem.

Leuca Belg.
circa Ame-
ricam Au-
stralem.

put *Martium* 50. hinc ad caput *Delgado* 50. hinc ad flumen *Canadense* S. *Laurentii* 200. cujus ostium latissimum transnavigatur 200. itidem leucis. Hinc ad cuspidem *Baccalaos* 200. hinc ad *Floridam* 860. inde ad flumen de *Nieves* plūs 200. hinc ad finum S. *Spiritus* plūs 30. hinc ad flumen *Piscatorum* 70. hinc ad flumen *Palmarum* 200. Inde ad urbem veræ crucis 100. & sic ordinatim sequendo ad caput rotundum 200. ad caput *Jucatanum* 90. ad flumen *magnum* 110. ad caput *Camaronis* 150. ad *Nomen Dei* 230. *Cartbagenam* usque 154. ad Caput *Vela* 100. ad Caput S. *Romani* 120. ad flumen *Amazonum* plus 240. cujus ostium patet 50. leucis. Hinc ad *Maragnonem* fl. 100. cujus ostium patet 15. leucis. Hinc ad *Terram Fumorum* 100. ad caput S. *Augustini* 270. quod distat à Promontorio *Viridi* 500. à capite S. *Augustini* ad caput *Frigidum* 300. ad flumen S. *Augustini* 200. ad flumen *Argenteum*, Rio de la Plata 150. ad C. *Album* 295. ad Promontorium undecim mille *Virginum* 140. Longitudo *Freti Magellanici* 110. à Capite *Desiderato* ad flumen *Salinarum* 225. ad Caput *Formosum* 110. ad flumen S. 180. ad flumen *Desertum* plūs 200. Hinc ad urbem *Limam* 230. ad Promontorium *Blancum* 140. ad *Quigeminum* 130. ad Portum fluminis *Peruani* 100. ad Sinum S. *Michaëlis* 70. qui occupat 50. inde *Panamam* 55. Isthmus *Panamae* & *Nombre de Dios* 17. à *Panama* ad *Boricam* 170. ad Sinum *Fonsecae* 215. ad *Guatimalam* 95. ad *Tocoantepecum* 108. ad *Colimam* 100. ad *Chiametlanum* 160. ad flumen *Mirastorum* 250. ad cuspidem *Californiæ* 220. ad Sinum *Abbatís* 100. ad Promont. S. *Crucis* 150. ad montes *Nivium*, *Sierra Nevada* 260.

II.

Navigatio Magellanica Victoriæ Navis.

Relatio L.
frani.

Ut refert Lusitanus, qui cum *Odoardo Barbosa* fuit in *Victoria* navi. Solvimus à Portu S. *Lucia* *Hispalenfi* per *Lybi-*

Lybicum ad Portum *S. Crucis* in *Teneriffa* Milliaria Italica 900. Inde per *Austrum* ad 4. Gradum Latitudinis Borealis 1680. Hinc per *Lybicum* ad Caput *S. Augustini* 1200. hinc per quartam *Lybici* ad Gradum 20. latitudinis Australis 864. hinc per *Lybicum* ad flumen Argenteum, *Rio de la Plata* 1500. cuius ostia occupant milliaria 108. hinc inter *Lybicum* & *Favonium* ad cuspidem *Laporum* marinorum sub Gr. 48. sitam 1638 inde ad Portum *S. Juliani* 350. inde per *Zephyrum* ad flumen *S. Crucis* 100. inde inter *Lybicum* *Zephyrum* que ad *Magellanicum* Fretum 378. Freti Longitudo 400 sive 100. Leuc. ab occidentali hujus Freti inter *Zephyrum*, & *Magistrum* navigavimus milliaria 9858. propè 1000. Leucas, usque ad *Æquatorem*. A *Linea* hac ad *Insulas Latronum* 2046. *Latronum* *Insulæ* distant à *Moluccis* 1000. *Moluccæ* à *Banda* 300. à *Malacca* 2000. hæc à *Calecuta* 2000. hinc in *Lusitaniam* supersunt 1400. sive *Leuca ferè* 3000. à Capite *Bonæ spei* usque ad *Insulam S. Helenæ* 2400. hinc ad *Æquatorem* 1600. ab *Æquatore* usque ad Gradum 39. Latitudinis Borealis 3534. ab hoc gradu usque ad *Tertiariam Azoridum* 590. & hinc in *Lusitaniam* 1100.

Columbus à Portu *Hispalensi* ad *Hispaniolam* numeravit Leucas 1200. iter dierum circiter 40. reditus autem dierum circiter 50.

Columbi.

P. Bressanus *S. J.* bis profectus ex *Gallia* in novam *Franciam* edè devenit per 2. menses, sed reditum absolvit uno circiter mense.

Bressani.

Antonius de Herrera ait, ab *Aquapulco* novæ *Hispaniæ* ad *Moluccas* perveniri mensibus 2 $\frac{1}{2}$. rediri mensibus 4. circiter.

Herrera.

Robertus Dudley de arcanis maris, censet omnem circuitum *Americæ* cognitæ esse Leucarum 37200. Terræ vero septentrionalis incognitæ circuitum putari Leucarum 23000. Recentiores eundem Borealem circuitum plurimum Leucarum esse arbitrantur, eo quòd Freta nova priore sæculo inventa existimentur esse sinus terrarum longius procurrentium.

Dudlei.

III.

Navigationes famosæ per totum Orbem
Terraqueum.

1. *Navis*
Magellani
Victoria
Caroli V.
Hispanica. 1. Prima fuit *Victoria Navis*, impensis *Caroli V.* Imperatoris & Regis Hispaniarum, *Ferdinando Magellano* tradita, hæc anno 1519. Aug. 10. à Portu Hispalensi solvit cum 4. aliis navibus, virisque 237. superato post binas procellas mari occiduo. trajecit Fretum *Magellanicum* à die 6. Novembris anni 1520. ad diem 28. Novembris, ac felicissimo cursu per mare Pacificum Insulas *Latronum Marianas* invenit, aliasque plures in Archipelago *S. Lazari*, tandem cum in Insula *Zubut* *Magellanus* pro Rege *Zubuti* converso fortior dimicaret gloriose occubuit in Insula *Mariana* Anno 1521. Reliqui ergo ex sociis tantum 8. unica navi *Victoria* per *Moluccas* & caput *Bona spei* reversi sunt *Hispalim*, confectisque leucis 14460. ut ipsi computabant, post navigationis per orbem annos 3. & dies 28. tandem die 8. Septembris Anno 1522. ad portum Hispalensem appulerunt, ubi tota ad insolitum spectaculum effusâ urbe, Basilicam 18. superstites ingressi nudis pedibus, soloque indusio amicti, præferentesque singuli accentam facem, ægri omnes vota sua Deo exsolverunt.

2. *Draci*
Anglica. 2. *Secunda Navis* fuit *Francisci Draci*, Equitis Angli, qui Anno 1577. à *Pleymuth* Angliæ portu 15. Novembris solvens, *Fretum Magellanicum* Anno 1578. 6. Septembris superavit, inde per mare *Pacificum Moluccas*, & caput *Bona Spei Plimutbum* reversus est Anno 1580. 3. Novembris, post annos 2. & menses ferè undecim, cum prædis ingentibus & tribus tantum ex sua navi viris amissis.

3. *Candisci*
Anglica. 3. *Tertia Navis* fuit *Thomæ Candisc*, Nobilis Angli, quæ Anno 1584. Julii 21. cum aliis duabus discessit à *Plimutbo*, & Anno 1587. Jan. 6. ingressa *Fretum Magellanicum*, egressa 24. Febr. in mare *Pacificum*, per *Philippinas*, *Javam*, & caput

caput *Bonæ Spei* reversa est in Angliam Anno 1588. 5. Septembris post annos 2. & mensem 1. ac dies 17.

4. *Quarta Navis* fuit *Simonis Cordevii* Roterodamensis, ^{4 Corderii}
quæ Anno 1597. Jun. 27. solvit à Portu *Goëreano* cum aliis, ^{Hollandica}
& Anno 1599. Apr. 6. introivit Fretum *Magellanicum*, in
quo hælit usque ad 23. Aug. & inde per Mare *Pacificum*,
& *Moluccas* renavigavit in *Hollandiam*.

5. *Quinta Navis* fuit *Oliverii* à Noort, quæ Anno 1598. ^{5. Oliverii}
Sept. 13. solvit à portu *Goëreano* & Anno 1599. Nov. 25. ^{Hollandica}
Frerum *Magellanicum* ingressus, Anno 1600. Febr. 29. exi-
vit ab illo in mare *Pacificum*, deinde per *Javam* & caput *Bonæ Spei*
rediit ad *Mosæ* ostium Anno 1601. Aug. 25. post
annos 2. & Menses 11 $\frac{1}{2}$.

6. *Sexta Navis* dicta *Amsterdamum* fuit *Jacobi Maire* & ^{6. Le Maire}
Wilhelmi Schouten quæ Anno 1615. Junii 14. *Texeliâ* sol-
vens, Anno 1616. Jan. 25. unico die pertransivit Fretum ^{& Schou-}
Maire, deinde per mare *pacificum* devenit ad *Moluccas*; in ^{ten Am-}
reditu obiit *Le Maire*, sed *Schoutenius* per caput *Bonæ Spei*
rediit in *Zeelandiam* Anno 1617. Jul. 2. post annos 2. dies 18. ^{sterdam.}

7. *Septima Navis* *Gemina* fuit *Concordia* & *Hernana* cum ^{7. Heremi-}
9. aliis *Jacobi Heremita*, & *Joan. Hugonis* quæ Anno 1623. ^{ta & Hu-}
April. 29. solvens ex Portu *Goërensi*, Anno 1624. Febr. 2. ^{gonis con-}
transivit Fretum *Maire*, *Moluccas* & *Javam*. Mortuis licet ^{cordia,}
ambobus *Admiraliis*, *Naves* tamen reversæ sunt in *Hollan-*
diam Anno 1625. Jul. 9. post annos 2. Menses 2. dies 10.

IV.

Tempus Navigationum per Oceanum ad In-
diam orientalem ex *Lusitania* &
reditus.

Ex *Naucleorum Diariis*.

1. *Ulyssipone* perveniri potest *Goam* navigando inter *A-* Ex *Lusita-*
fricam & *Madagascar* Mensibus 5. vel 6. si navigatio ineatur *nia Goam*
May- ^{navigatur}

5. aut 6.
mensibus.

Martio, si verò feriùs, ita ut exeunte *Julio* non superetur caput *Bonæ Spei* navigandum est regulariter extra Insulam *Madagascariam*, nec *Goam* pervenitur nisi mense septimo. Ordinaria via est *Ulyssipone* per *Canarias* extremas sive *Palnam* 6. vel 7. diebus, inde ad caput *Viride* 7. vel 8. diebus. Hinc usque ad *Æquatore*m Mense uno; vitare autem debent Nautæ duo extrema: imum oram *Guineæ*, ejus enim tum malaciæ, tum cursus aquarum versùs Boream naves remorantur, ut vix intra dies 60. tres quatuorve *Leucas* promoveant.

2dum Oram *Brasiliæ* propter *Abvolbos*, sive scopulos latitantes sub aquis ad Gradum 18. australem.

Superatis Scopulis intra mensem pervenitur ad caput *Bonæ Spei*. Hinc flectitur ad oram *Natalis* infamem procellis, quarum infallibiliter signum est nubecula vix pugno major, quam vocant *oculum Bovis*, quæ quam primùm creverit, repentè procella incautos obruit, aut ad vicinas syrtes *Judaicas* allidit. Inde tandem intra mensem reditur ad *Æquatore*m, & diebus circiter 20. ad Portum *Goam*.

Goâ in Japoniam non tam citò ob motiones ventorum.

2. Goâ verò *Malaccam* & *Pejuvium*, & inde *Macaum* hinc demùm *Nangasackium* Japoniæ, non ita celeriter, aut continua navigatione provehuntur naves, quia expectandæ sunt Motiones ventorum, quas vocant *Moussomes*, quæ satis temporibus incipiunt, desinuntque, nec nisi magno temporis intervallo reviviscunt.

V.

Tempus Navigationum ad Indiam Orient. ex Anglia & Hollandia.

Ex Angliâ
Goam ferè
mensibus.

1. *Plimutbo* Angliæ Portu solvitur *Februario* aut *Martio* versùs *Goam*, *Aprili* verò versùs *Coccinum* aut *Calecutum*, ut eodem anno ad Indiam orientalem perveniatur, à *Plimutbo* ad *Canarias* pervenitur 10. aut 12. diebus, & via reliqua servatur ad Methodum *Lusitanorum*.

2. A

2. A *Texelia* Hollandiæ, aut Portu *Goërano*, Zelandiæ ad *Canarias* pervenitur diebus 16. aut 18. ad caput *Bonæ Spei* tribus mensibus; hinc extra Insulam *S. Laurentii* ad *Javam* mensibus 4 $\frac{1}{2}$. à *Java* porrò ad *Moluccas* mense uno, adeoque ab *Hollandia* ad *Indias orientales* octo circiter mensibus.

Ex *Hollandia* paulò *serius*.

VI.

Renavigationes ex India Orientali in Europam.

1. Ex *Japonia* solvitur *Januario*, aut *Febr.* & veniri potest *Macaum* ad *Chinam Australem* diebus 18. à *Macao* mense uno *Malaccam*, altero *Goam*, unde caput *Bonæ Spei*, superari potest mensibus 2. & dimidio. Porrò à capite *Bonæ Spei* ad Insulam *S. Helenæ* navigatur intra dies 19. hinc ad æquatorem intra dies 15. totidem ferè inde ad *Hesperides*, ab his ad *Canarias* 10. & porrò 10. ad portum *Ulyssipona*. Sed à *Canariis* ad *Texeliam* Hollandiæ non nisi intra 40. dies, quia navigatur contra aquam ex *Borea* currentem Itaque ab *India orientali* in *Lusitaniam* reverti possunt naves 4. mensibus cum semisse, quia utuntur ventis in occasum flantibus.

Renavigatur ex *Japonia* *Goam* 2. mensibus & dimidio.

Goa *Ulyssiponam* 4. mensibus. In *Hollandiam* 4 $\frac{1}{2}$.

Ex his collige *Navigationem* intra *Tropicos* ab *Africa* ad *Americam* & ab *America* per Frætum *Le Maire* ad *Philippinas*, *Moluccasque* duplo ferè breviorē esse versùs occidentem, quàm ab occidente in orientem, quia *navigatio* occidentalis secundo vento *Orientali* perpetuo utitur, *Orientalis* verò contra ventum *Orientalem* perpetuum niti debet. Hinc ab *Europa* in *Philippinas* & *Moluccas*, per Frætum *Mairanum* mensibus 8. aut 9. perveniri potest, absque necessitate expectandi *Motiones* ventorum, at econtrario *navigantibus* illuc per caput *Bonæ Spei* observandæ sunt *tempestivitates* sive *motiones* ventorum, nec iter absolvitur nisi

Navigatio occidentalis duplo brevior est quàm orientalis.

mensibus 15. aut 16. & tolerandæ sunt præter crebras tempestates, aliaque pericula, multæ ægritudines, adeò ut aliquando vix dimidia pars vectorum eò veniat.

VII.

Navigaciones per oceanum Borealem, & Australem sive in Orientem sive in Occidentem frustra tentatæ.

*Tentata
quidem na-
vigaciones
Polares.*

Utiles quidem sunt navigaciones septentrionales, quæ quotannis ex Gallia, Anglia, Belgio, Dania & Suecia & urbibus Hanseaticis Germaniæ fiunt vel ad Groënlandiam & Spitzbergam halecum & Balænarum causa, aut per mare Album legendo littora Norwegiæ, Finmarchiæ, & Lappiæ, usque ad emporium S. *Archangeli* ad Dwinam fl. celeberrimum; tamen quæ ad novam *Zemblam* & Fretum *Waigaz* susceptæ sunt annis 1594. 95. 96. uti navigatio per oceanum Tartaricum ad *Cbinas* & *Moluccas* inutilis fuit, & impervia ob mare glaciale. Similiter etiam navigaciones in Occidentem, etiamsi per eas sint inventa aliquot freta Borealia & littora; sed ex iis nil nisi mera nomina retulerunt.

*Sed non
superate
difficulta-
tes;*

Sic *Nicolaus Zenetus* Venerus Anno 1380. viam per mare glaciale versùs Boream tentabat, sed miserè circumactus, redire coactus fuit. Anno 1506. *Gaspar Cortesius* Lusitanus & Anno 1506. *Christianus Cabottus* Venerus jussu *Henrici VIII. R.* Angliæ, idem tentârunt, sed à Glacie retroacti. Anno 1524. *Joannes Verrazzanus*, nomine *Francisci I. R.* Galliæ, ulteriùs quidem progressus, terras invenit, sed cùm suis à Barbaris incolis in frustra dissectus & devoratus est. Anno 1525. *Sebastian Gomez* novam *Zemblam* detexit, sed re infecta, & glacie impeditus rediit. Anno 1553. *Willongby* Eques Anglicus cum pluribus ex suis nimio frigore periit. Anno 1556. *Stephanus Barrouve* sævitiam frigoris vix evasit. Anno 1576. *Martinus Forbisber* Anglus ultra 75. Gradum mare

mare glaciatum penetrare non valuit. Anno 1585. *Joannes Davis* Fretum quidem nomine suo insignivit, sed quousque istud extendatur experiri non potuit. Similiter *Hudson. Buttons*, & *Baffins* finibus inventis nomina dederunt, sed terras incognitas reliquerunt, & an continentes, an Insulae sint, aut quid terrarum aut marium infra polum arcticum, nemo hucusque detexit.

Similiter adhuc priore saeculo plures Navarchi versùs Polum Antarcticum novas inquisierunt terras, sed vix ad circulum Antarcticum pervenerunt inter extrema pericula horrendorum fluctuum & procellarum, ut testati sunt *Maggellanes*, *Le Maire*, *Tasman*, & *Dampier*, qui multas quidem oras Australes à nova *Hollandia*, *Carpentaria*, *Terra Diemens*, *Peroquets*, sive *Papagey*, *Quiri*, usque ad Terram *del Fuego*, detexerunt, sed non ingressi sunt, frigore, inedia, & ventorum turbine terrii, nihilque ex iis commodi sperantes, ad notas & meliores terras redierunt.

*Hinc manent imper-
via maria
glacialia.*

Autumant aliqui sub utroque Polo, ob vehementissimas in vicinia maris commotiones, ingentem esse Terrae hiatus, unum absorbentem aquas in uno, alterum resorbentem eadem in altero per vastum canalem subterraneum, qui aut naves appropinquantes impediat, aut secum abripiat. Sed quis credet inexpertis?

CAPUT XVIII.

*De Acu Magneticâ monstrante viam
per Oceanum, & ad quævis terrarum littora.*

§. I.

Acus Magnetica inventio.

Mirabatur olim antiquitas, siquis Navarchus ausus fuisset longius à littore navigando recedere & sulcare fluctus

*Acus Ma-
gnetica.*

alti maris. Hinc exclamabat Horatius: *es illi circapetus triplex erat, primus qui fragilem truci commisit Pelagoratem.* Obstupefceret profecto, si audivisset nostris temporibus jam sæpius orbem totum, non more veterum extrema radendo littora circum navigatum, sed novum à Veteri orbem per medios marium sulcatos fluctus esse detectum. Non enim jam amplius continuata per oras littora leguntur, sed in altum provectæ naves inaccessos, nec de nomine quidem olim notos subintrant portus, quin vel in itinere allisæ diffuant, aut præstitutum prætervolent locum. Atque felicissimum hunc navigationis tam periculosæ quondam & formidandæ successum solius Acus Magneticæ beneficio, virtutique debemus. Compassus Nauticus ab Europæis adjunctus, sive *Pyxis*, ex cujus fundo stylus perpendiculariter erectus sustinet *Verforium* magneticâ virtute imbutum, cum *Rosâ Ventorum*, in qua æquis intervallis designatæ sunt tot *Rhomborum* radii, quot sunt plagæ ventorum, in quas dirigibilis est Prora Navis secundum carinæ Longitudinem. Porro ut planum *Rosæ*, sit semper æquidistans Horizonti, *Pyxis* tota inserta est circulari Armillæ per duos Cardines mobiles librata. Cujus Nobilissimum inventum Alii tribuunt *Marco Paulo Veneto* cum Italis, alii cum Gallis *Joanni Gira* vel *Goja*, alii cum Neapolitanis *Flavio Amalfitano*, ut innuit *Panormitanus*: *Pri- ma dedit nobis usum Magnetis Amalpbis* ab anno Christi 1302.

Acus enim sic *Pyxidulâ* coercita, suo sese imperio, & ductu in eandem plagam constanter vertit, ut vix ullis, aut Solis, aut siderum observationibus sit opus, sed inspectione *Compassi*, ejusque declinatione jam cognitâ. Qualium Naucleri excellentes in eadem navi solent habere plures, tum ejusdem, tum diversæ speciei. Unum habet Clavi Moderator, alterum Nauclerus, ut clavi rectorem moneat de mutatione venti, aut Rhombi. In *Caracbis* verò *Lusitanorum* ab altitudine puppis, medio loco inter Nauclerum, & Gubernatorem est Tertius, qui jussu Naucleri refert Gubernatori, habetque suam *Pyxidem*, estque velut oculus Naucleri.

Ita

Inventio
perutilis.Cum Rosâ
Nauticâ.

Ejus usus

Et Modus.

Ita ut acclamare liceat istud: *nec te spectare Bootem, aut Helicem jubeo, strictumve Orionis ensen: Hæc Duce carpe viam.* Hujus fiducia, ait *Snellius*, Itali primum, inde etiam Hispani externa maria tentare instituerunt.

Præcipuum tamen, quod hæc in re curare oportet Nauticorum, est inspectio Mapparum Hydrographicarum & Plagarum orbis totius notitia, quæ eò deservit, ut habitæ maris motuum cognitione, in quam videlicet plagam fluctus & mare ferantur, prudenter & cautè præpedire possit, ne naves aliò dejectæ abripiantur. Quantum verò à tam necessariâ hujus rei notitiâ, antiquiores deflexerint Navarchi, è præposteris, fallacibusque non raro modis plagas investigandi cognoscendum. His ferè Antiqui utebantur: *Noctu* per observationem stellarum circumpolarium, præsertim *Helices* & *Cynosura*, quarum hæc in minoris, illa in majoris *Ursæ* cauda est extrema; *interdiu* verò per orientem & occidentem solem; viso enim Ejus ortu & occasu, sciebant, quâ parte esset septentrio, quâ plagæ reliquæ.

*Fallaces
Antiquo-
rum obser-
vantias.*

2do Per littorum, Promonteriorum, Montium, Insularum, non procul à continente dissitarum, aliorumque signorum in oculos incurrentium contemplationem; quia enim vel per experientiam propriam, vel aliorum relatione cognoverant, quâ in plagâ signa prædicta essent, visis illis, non ignorabant, in quâ & ipsi plagâ consisterent. Verùm quò hæc omnia longiùs ab oris & littoribus abreptis, altumque mare ingressis profundius, quibus nec oræ, nec littora apparent amplius, nec cælo, nubibus, & cæcâ tempestatum nocte obducto, sol, aut stellæ conspiciendæ prostant? tum quid fieret, si per orbem & circulum ad stationem priori vicinam navis redeat, aut per mæandricos maris anfractus eandem, aut cerè æqualem sæpiùs plagam repetat? multum fanè, quod hisce navigantium miseriis non sit obnoxia ars Nautica hodierna, confert *Compassus Nauticus*; hoc enim solo instructi non dubitant Nautæ nostri peregrinis, & nunquam antehac fulcatis maribus se ratésque suas committere,

Detexit

et

emendavit.

*Compassus
Nauticus
admiratio-
ne dignus.*

multorum mensum, imò etiam aliquot annorum spatio oceanum universum quaquà versum tranare, ignotos tentare portus; remotissimas adire regiones, securi, ad loca se, unde digressi, dormiente etiam subinde ad Clavum remige, feliciter redituros, dummodò, qui *Compassum Naucerus* curat, clamore noto exciter, jubeatque, docente sic *Acu Magneticâ*, monstratam inquirere plagam. Cujus artificii, quam commodus, quamque felix hætenus fuerit usus, tum ex toties repetitis per totum orbem terrarum navigationibus, supra recensitis, tum ex aliis creberrimis jam ad has, jam ad illas, vel ad Ortum, vel ad Occasum, vel ad Austrum, vel ad Boream sitas regiones liquidò est manifestum.

Ita ut *Cardanus* L. 17. de artibus & artificiosis rebus, audeat dicere: Pyxidem Nauticam inter omnia, quæ homines fabrefecerunt & usurpârunt, instrumenta, maximè omnium admiratione dignam esse: *quippe quâ tot sulcantur Maria, veteribus nec navigata, nec nota, & cui tot hominum salus, tantæ varietates mercium, tanta pecuniæ vis creditur. Ipsorum Regum & Principum vita committitur vasculo tam parvo, virgulae, imò acui modicæ. Nec solùm sufficeret hoc credidisse, nisi ea nos regat, doceat, lapisque sensus expers tot viris sapientissimis oculatis atque auritis præstat.* Huic suffragatur *Bodinus* c. 7. Meth. Hist. inquit: *In tota rerum natura nihil est admirabilius Magnete, estque usus ejus planè Divinus.* De cujus virtute mirificâ multa & admiranda experimenta inferiùs traduntur C. XXVII. hujus Libri.

§. II.

De varia Acus Magneticæ Declinatione.

In aliquibus Terra locis non declinat.

HÆc tam Horologiographis & Geodætis, ad Horologia & Ichnographias rectificandas, quàm Hydrographis & Nautis ad dirigendas quaquaversum naves debet esse perspecta. Declinatio autem est Acus magneticæ à Linea Meridiana

diana Austrum versùs, & Boream protensâ nonnullus recessus. Et si enim versùs utrumque Polum semper vergat virtus Magnetica, rarò tamen in quovis loco sive Terræ sive maris, ita directè Polum respicit, ut non aut versùs Orientem, aut versùs Occidentem declinet.

Primo. In Terrâ ubique declinat, paucis locis exceptis, qualia assignant Hispani & Hollandi *Javam* majorem inter Insulas orientales, & Insulam *Corvi* inter Insulas Azores occidentales, ubi ad amussim acus Magnetica cum Meridianâ coherere dicitur, ut proin occasionem Geographis dederint, Primum Meridianum, sive initium longitudinis regionum inde sumendi. Quamvis ne in his quidem Insulis eandem directionem Acus observet, si Batavis credimus, qui, teste Boyle, observarunt, eandem Acum sub primo quidem Meridiano dictarum Insularum directè Polum respicere, sed in parallelis oppositis tum Borealibus, tum Australibus ejusdem Meridiani declinare.

*Ut in Javâ
& Corvi
Insula.*

2. Sub Polis ipsis licet nulla videatur esse declinatio, tamen in cautibus Insularum Borealium, quas *Ferroenses* nominarunt, & tres insignes ibidem vortices deprehenderunt, Acus Magnetica in gyrum movetur instar vorticis turbinata.

Nec in Polis

3. Acus Magnetica non observat eundem Declinationis Gradum in omni loco, sed plùs hic, alibi minùs declinat: in uno loco versùs Occidentem, in alio versùs Orientem, ut experientia fatis demonstrat.

*sed reliquis
ubique de-
clinat.*

4. Quin & in eodem loco, E. G. Londini, Parisiis, Romæ, & alibi Plurium Mathematicorum experimento deprehensâ est mutasse Declinationis gradus & ordinem pristinum.

*Etiam in
eod. loco
variat.*

5. Eadem Acus ad eundem Magnetem pari modo ductæ, & formâ affictæ declinant dispari gradu ac modo; verùm in nonnullis locis & regionibus, sive ad eundem sive ad diversum Magnetem magnetismo imbutæ, declinant pariformiter. Utrumque confirmat propriis experimentis P. *Fran-*

*Pluras eod.
Magne-
& modo
affictæ*

ciscus de Lanis, idem refert *Petrus Borellus* de Acu Magnet.

Opti-

Variant

alibi.

Alibi non

Optimā inòd supersticiosissimā curā viri celeberrimi atque doctissimi in Astronomiā & Arte navigandī illiniverunt Acūs Nauticæ Pyxidis uno eodemque tempore plurimas, una eademque manu parili, id est, nec magis leni, nec magis gravi pressurā, uno eodemque Magnete, & ut omnia dicamus, uno eodemque modo in singulis & omnibus observato supersticiosissimè; sed tamen nullas unquam acus pariles omnino, & similis declinationis fabricare & facere valuerunt, quin semper aliquid differrent omnes. Sed cūm omnes illæ acus variantes delatæ fuerunt in Promontorium magnū Africæ Meridionalis in loco, qui inde dicitur Lusitanis Cabo de las aguillas, omnes illæ, inquam, perpetuū variantes acus sive Pyxides inter se tunc eodem in loco conveniunt, & sine varietate ullā omnes septentrionem, id est Polum Arcticum, & contraria parte Antarcticum Polum absque discrepantiā ullā respiciunt. Si à dicto, Cabo de las Aquillas, decedas sive in orientem, sive in occidentem, omnes uniformes demonstrationes istæ evanescent, & Pyxides recedunt in errores, & contrivietates veteres, ut antea. Hæc Ille.

In medio
Oceani At-
lant. non
declinat.

Secundo. In Mari Acus Magnetica ubique declinat excepto medio oceano Atlantico, ut testatur P. Miliet de Chales Lib. 2. Navig. ubi ait: In medio Oceano, nempe in isto tractu, qui inter Europam & Americam situs est, nulla est declinatio Magnetica; at, si accedatur ad Americam, extremitas septentrionalis ad occidentem deflectit; si verò fias Europæ vicinior, ad orientem declinabit.

Similia confirmat propriā experiētiā P. Taillandier ex Galliā per mare Atlanticum & sinum Mexicanum, deinde per mare Pacificum in Indias orientales profectus, qui ex Pondichery Anno 1711. 20. Febr. sic scripsit Parisios: Declinatio Magnetis, quæ in Gallia à Polo versùs occidentem declinat, donec inter Canarias & primas Americanas Insulas declinationem planè amittat. Eadem quò propiùs devenitur ad Americam usque ad veram Crucem 6. Gradibus versùs ortum acus declinat: ad urbem Acapulco 3. Gradibus: ulterius versùs

versus pulvinos S. Bartholomæi 14. Gradibus : ad Marianas Insulas 8. Gradibus : ad Lembocadero de S. Bernardino tantum 2. Gradibus : ad Manilam vix uno declinat : deinceps versus Malaccam rursus Occasum versus declinat.

2. Quod longius sub eodem licet Meridiano ab Æquatore recesseris, eò majorem declinationem reperies. Idem testatur P. Julius Alenis, quando cum celebri Nauctero Vincentio Roderico ex Lusitaniâ Chinam versus navigabat.

3. In reliquis Oceani partibus hanc velut universalem Regulam tenet acus magnetica, ut se convertat ad continentem sibi propinquiorem, vel in majus spatium expansam, præcipuè si in eâ reperiuntur Montes Magneticis ac ferreis fodinis insignes; ferrum enim mirabilem habet cum magnete sympathiam, ut experientia patet. Sic ad Caput Bonæ Spei parum aut nihil declinat, quia tota Africæ continens æqualiter & directè extenditur versus Septentrionem. In Insula S. Helenæ Gradibus 5. Græcizat, id est, ortum respicit, cum ad eandem partem habeat Africam & Dauchis montes in eadem directione sibi proximos. In Insula Ferdinandi similiter Græcizat Gradibus 4. quia respicit ea directione Africam cum iisdem montibus, alterâ verò Americam Australè. Propter eandem rationem respicit Orientem ad Insulas virides & Canarias, aliasque proximas. Sed ad Insulam Bermudam 11. Gradibus Magistrizat, hoc est, Occasum respicit, quia ibi Americam Borealem sibi proximam respicit. Ad Insulas S. Jacobi & S. Joannis pariter Magistrizat versus Occasum, quia cum istæ Insulæ sitæ sint inter Americam Borealem & Australem, alterâ cuspide acûs priorem respicit, alterâ posteriorem pro situ utriusque regionis, & sic de reliquis.

Hactenus dicta confirmat observatio à quodam Patre Missionario S. J. facta in itinere maritimo, de quo P. Miliet de Chales ita scribit: Hic Pater cum ab America Boreali in Europam cum multis navigaret, in medio ferè tractu validissimis ventis & tempestate sat periculosâ correptus fuit, ita ut abjectâ itineris curâ vento obsequendum fuerit; ubi verò vis

Eo major declinatio quò major recessus ab æquatore. Plerumque se convertit ad Continentes propiores.

Hujus exempla varia.

Et observatio cujusdam Missionarii Soc. Jesu.

venti & tempestatis remisit, gravis orta est inter Nautas disceptatio de loco navigii, aliis se regressos longo intervallo asserentibus, aliis econtra se progressos dicentibus: Pater ita litem diremit: jussit ut quàm diligentissimè acûs magneticæ declinatio observaretur, quæ inventa est Norroftizare, seu ad Orientem deflectere, & consequenter definivit Europam non ita longè abesse. Eum à vero non aberrâsse, ostendit eventus; Sequenti enim die Hispaniam viderunt.

§. III.

De ratione universali & particularibus motionis magneticae.

*Ratio uni-
versalis
Motionis
Magnetica*

HOrum omnium experimentorum circa declinationem Acûs magneticæ compertorum, etsi una eademque ratio Physica non sit, ab iisdem tamen radicibus omnes ac singulæ rationes petendæ. Advertendum enim est, præter virtutem Magnetis intrinsecam, & ab isto acui communicatam, universale principium omnis Magneticæ motionis esse effluvia magnetica, non ab aquis, aut igne, aut coelo, sed à Terra provenientia, ita tamen ut Polares regiones iis magis abundant, quàm reliquæ Terræ partes. Unde etiamsi effluvia è vicinis continentium terris advenientia directionem versùs Polos tentare valeant, ac versùs Orientem vel Occidentem detorquere aliquot Gradibus, nequeunt tamen prorsus immutare, Polaribus semper prævalentibus. Itaque quod

*nam in
Linea*

1. Acus Magnetica sub Æquatore aut in medio oceano Atlantico nihil declinet, ratio est, quod spiritus Magnetici paribus viribus ad acum Magneticam excurrant ex Polis mundi, aut interpositis continentibus.

*Quàm aliis
oceani
locis.*

2. Quod verò deinceps declinet versùs Ortum vel Occasum, est pro ratione plus vel minus extensarum, magis aut minus vicinarum, & ei directioni correspondentium terrarum latitudine vel longitudine, ac inde erumpentium efflu-

viorum

viorum Magneticorum copia. Nam cum tam spiritus Magnetis congeniti, quos Magnes naturali motu & ex suamet entelechia spirat, quam advenæ ex Polis Terræ, ex se acum obelo impositam extendant secundum lineam rectam Meridianam, tum fit, ut ista eadem obelo Horizontaliter imposita à vicinioribus Magneticis spiritibus moveatur quoque, & tantisper seducatur, utpote vegetioribus ob viciniam, quibus non respuunt se jungere advenæ è Polis longè distitis; veluti Magnes parvus, vicinior acui, quam major, eandem citius, etsi in hujus activitate adhuc constitutam, ad se rapit, observato tamen principali & prævalente versùs Polum tractu.

3. Quod autem pro varietate temporum, Acuum, & auræ, aliæ atque aliæ fiant in eodem etiam loco rationes particulares sunt:

Prima, quia ex iisdem regionibus loci non semper spirant eadem effluvia magnetica, sicut nec semper manant eadem fontium origines, nec fodinarum venæ semper apertæ sunt, nec iidem venti, etsi Nationales, ex eodem semper loco spirant, sed prout diversa terræ ostia aperiuntur, aut clauduntur. Sic animadversum esse scribit P. Kircherus, quod posteructationem ignivomam *Vesuvii* acūs magneticae passim Neapoli declinationem mutaverint.

2da Quia in ipsis Acubus est diversitas temperamenti, unde aliæ aliter recipiunt virtutem magneticam, aliæ diutius retinent, aliæ facilius dimittunt: sicut Instrumenta multa in eodem loco & modo confecta, v. g. cultri, inter se sunt in scindendo diversi. Quod verò in certis locis omnes acūs Magneticae eodem tendant, ratio est robustus influxus spirituum magneticorum ex tali plagâ aspirans; ita ad magnetem à longè positum acūs diversimodè accedunt, at si fiant proximæ, uno impetu omnes rapiuntur ad magnetem.

3tia Quia situs respectivus loci & aura circumambiens varia est. Aliæ enim acūs patiuntur ab igne: aliæ ab aëre li-

*Rationes
particula-
res varia
declinatio-
nis.*

*1ma ab ef-
fluvii re-
gionum
tantibus.*

*2da à tem-
peramento
acuum.*

*3tia ab au-
ra & situ.*

bero & madido: aliæ sunt vicinæ rebus ferreâ & magnetica virtute imbutis; aliæ remotiores.

4ta à tar-
bine aqua-
rum &
spirituum
Magn.

4ta In Insulis Ferröensibus ad Boream, de quibus supra dictum est, ob vorticem aquarum turbantur spiritus Magnetici, & plexus eorundem; hinc fit, ut sicut reliqua Arthrosphæra in gyrum circumagitur, aut vorticaliter cum aquis absorbetur, ita hunc raptum sequantur spiritus Magnetici: unde & circumvolvuntur, aut prorsus cum aquis in abyssum abripiuntur.

§. IV.

De Directione Magnetis & Rhomborum.

Magnetis
declinatio
non turbat
sed dirigit
Nauclerum

Sed inquires, si tam varia est Magnetis declinatio, nec in ullo ferè loco sibi constans? quomodo Nauclerum & Navem diriget? R. Nauclerus, rei nauticæ peritus, cum experimento didicerit varias acus declinationes, & habeat notitiam Rosæ, & Rhomborum ejus, latitudinem & longitudinem loci, unde digreditur, correspondentis latitudini, & longitudini illius, ad quem pergit, ac ventorum & maris cujusque motuum, Plagarumque mundi, quarum unam si ritè compererit, tutissimè properabit ad metam: nam ab una v. g. Boreali, factâ ritè divisione graduum, & intersectione Rhomborum ad alias faciliè deveniet. Quilibet enim Rhombus, seu quælibet cuspis Rosæ Nauticæ novam plagam indicat, quæ à quatuor primariis nomen compositum trahit. Cum verò acus magnetica aliquot duntaxat gradibus 5. 10. vel 15. ad summum declinet, & semper ex aliqua parte Polos respiciat, faciliè Nauclerus inventa & semel signata ritè lineâ Meridiana, & observatis ab illa declinationum gradibus, hoc ipso fidum habet ducem, & signum plagas manifestans. His cognitis, si

Si Terminus à quo
& ad quem
sunt sub eod.

1. Locus ad quem cogitat navigare, cum illo, à quo discedit, habeat eandem longitudinem (quæ ex mappis Geographicis cognoscenda est) & consequenter eundem Meridia-

dianum, tum navis debet semper dirigi vel versùs Septentrionem, vel versùs Meridiem prout scilicet illa duo loca se invicem mutuo respiciunt.

*Merid. ad
hunc navis
dirigenda.*

2. Si uterque locus sub Æquatore vel eodem Parallelo est situs, atque ita eandem latitudinem habet, dirigenda est navis vel versùs Orientem vel versùs Occidentem. Quod quidem facile est sub Æquatore, quia ibi locus unus alteri directè correspondet, in parallelis non ita, quia loca in iis opposita alias respiciunt plagas, quàm orientalem & occidentalem. Attamen, quia Rhombus orientalis & occidentalis cum quibusvis Meridianis eundem facit angulum, mox apparebit, quod navis à tali Rhombo ad alterum locum protenso dirigenda sit.

*Si sub eo-
dem paral-
lelo ad hunc
per Rhom-
bum diri-
genda ad
orientem
vel occiden-
tem.*

3. Si uterque locus diversam longitudinem & latitudinem habeat, atque ita nec sub eodem Meridiano, nec sub eodem Parallelo jaceat, ut plerumque fit, signandæ sunt utriusque latitudines, & longitudines vel in globo vel in Mappa. Circumspiciendum dein, num Rosa nautica, & ibidem Rhombus procedens versùs alterius loci latitudinem se dirigat, eamque interfecet, quo casu Nauclerus verum habebit Rhombum, indicantem plagam, versùs quam navis dirigenda. Si verò nullum comperiat Rhombum rectè in alterius loci latitudinem tendentem, tum medium sumendum inter duos supernè atque infernè protensos Rhombos, unde rursus desideratam plagam & locum comperiet. Res clariùs patebit si quis Geographiæ aliquantum peritus, Globum aut mappam Geographicam, vel Nauticam inspexerit, ac pictas ibidem Rosas Nauticas cum Rhombis ad varia loca deductis consideraverit. Hæ enim non tantùm ad dirigenda navium itinera maritima, sed etiam ad indicandas primarias Terræ plagas apprime deserviunt.

*Si nec sub
eod. paral-
lelo nec Me-
ridiano ad
hunc per
Rhombum
dirigenda
quid ducit.*



CAPUT XIX.

De Structurâ Terraquæ terrestri.

§. I.

De ejusdem figura spherica.

*Terra &
Aqua sphae-
rica est ex
natura.*

QUam primùm Deus congregaverat aquas, quæ sub cælo sunt, in locum unum, apparuit arida, ita ut Terra cum Aqua unum globum Terraqueum constituerit, figuræ tam quoad aquas, quam quoad Terram sphaericæ. Cum enim in creatione aqua adhuc Terræ esset confusa, fuit procul dubio humida & Mollis tellus; humidorum autem & liquidorum figura sphaerica est, ergo etiam talis figura telluris post congregationem aquarum, sive separationem aquarum, sive separationem humidi à sicco permansit. Præterquam quod omnes partes terræ, utpote graves, ut postea dicetur, tendant ad idem centrum, ergo partes illæ constituent figuram globosam capacissimam & perfectissimam.

*Ex Appa-
rentiis cæ-
lestibus &
Terrestri-
bus.*

Eandem demonstrant tum *cælestes apparentiæ*, qualis est elevatio Poli diversa, diversa Solis altitudo ejusdem diei in diversis regionibus, umbrarum ratio, dierum longissimorum differentia & incrementum versùs polum, Stellæ plures vel pauciores apparentes circa Polos, diversum tempus ortûs & occasûs fiderum, umbra Terræ Sphaerica in Lunæ Eclipsibus &c. tum *apparentiæ Terrestres*, ut navigationum directio, & circumnavigatio per totum orbem sæpiùs repetita, apparitio & occultatio Montium, Turrium, Navium, distantiae locorum, plagæ, venti &c. neque alia figura excogitari potest, quàm sphaerica, quæ eadem præster, ut ex consideratione variarum figurarum patescit. Ergo sphaerica est.

*Sphaerici-
tati physi-
cæ non ob-
est inæqua-*

Nec obstant Montes & valles Terrestres Globi Sphaericati ejusdem physicæ, nam altissimi etiam montes, si cum tota orbis terrestris mole conferantur, vix aut ne vix quidem

dem veruacæ dici queunt. Maximorum enim montium altitudo ſupra valles plerumque non eſt major, quàm unius milliariſ Germanici ad perpendicularum, & multò minor minorum reliquorum. *Diameter* verò Terræ eſt talium Milliarium 1720. proximè. Sume igitur ſi experiri placet, Globum ligneum, cujus *Diameter* ſit 1720 particularum; & illi ſuper impone grana aliquot, vel monticulos cereos, quorum altitudo ſit æqualis uni talium particularum, & videbis oculari experimento, eorum quantitatem nihil obſeſſe phyſicæ rotunditati Globi.

licas montium.

§. II.

De ſitu Telluris in medio totius Mundi.

TERRÆ Globus eſt in centro univerſi, quia omnia gravia tendunt ad centrum univerſi, ergo & Terra, quia eſt omnium ſublunarium graviffima.

Tellus eſt in Centro mundi.

Unde non eſt mirum, quod Terræ Globus in medio æris hæreat, nullis ſuffultus fundamentis; imò potiùs mirum eſſet, ſi inde dimoveretur. Quia ſi hoc fieret, tunc terra aſcenderet; aſcenſus ſiquidem nihil aliud eſt, quàm motus centro mundi quaquaverſum promotus.

Hinc centrum gravitatis Terræ omnium coïncidit cum centro univerſi; quia Globus Terreſtris ſecundùm ſuam gravitatem occupat centrum Univerſi; & ſi extra illud quacunque cauſâ vel impetu collocaretur, eò ex natura ſua ferretur, illudque ſecundùm gravitatem ſuam occuparet, ibique quieſceret. Quod non fieret, niſi centrum ſuæ gravitatis haberet in centro mundi, ergo Globus Terreſtris eſt revera in medio mundi, ejusque centrum gravitatis coïncidit cum centro Univerſi. Imò & centrum magnitudinis Terræ eſt idem cum centro gravitatis ejusdem, ac conſe-

Et gravitatis.

Et magnitudinis.

*Nec ei di-
versa cor-
porum gra-
vitas præ-
ponderat.*

in contraria recompensatur. Accedit, quod nec maria tam profunda sint, nec montes tam alti, ut respectu molis Terræ, possint facere aliquod præjudicium æquilibrio ejusdem: neque obstat, quod Terrestris Globus constet partibus Heterogeneis, seu diversæ gravitatis. Illæ siquidem ad reliquam partem homogeneam seu ejusdem rationis & gravitatis, insensibilem habent proportionem & insufficientem ad præponderandum ad alteram partem leviolem. Deinde omnes illius partes, quantumvis Heterogeneas, Deus & omnia illarum in numero, pondere & mensura disposuit, ita ut omnia undique sint æqualia circa centrum ipsius.

§. III.

De Immobilitate Telluris.

*Immobilis
Ex ratione
& scriptu-
ras Sacra.*

Globus Terrestris immobilis est in suo centro. Primò ratione gravitatis suæ. addò ratione scripturæ: Ps. 104. *Qui fundasti Terram super stabilitatem suam, non inclinabitur in sæculum sæculi.* Porro Globus Terrestris videtur habere hanc suam immobilitatem circa suum centrum per virtutem Magneticam sibi à natura inditam, ratione cujus ita Polis correspondet, ut nulla vi naturali ab hoc situ dimoveri valeat. Non minùs enim decuit, Terram esse immobilem circa suum centrum per aliquam qualitatem naturalem, quàm ut natura sua sit immobilis ad centrum vel in centro; nulla verò qualitas est in eum finem magis idonea, quàm virtus magnetica: hæc siquidem præstât omnia illa in subjecto, quæ ejusmodi immobilitati sunt necessaria. Et hanc virtutem certum est Terram defacto habere, multoque magis certum est, *Terrestrem Globum* nullo motu *Copernicano* moveri, ita ut stante Sole, Terra circa illum moveri dicatur; talis enim motus repugnat S. Scripturæ, cujus autoritas firmior est omni ratione. *Eccle. 1.* ait: Terram in æternum stare, Solem autem oriri, occidere, & ad locum suum rever-

*Quo Polos
& fixa cæli
puncta re-
spicit.*

ti, gyrari per medium, & flecti in Aquilonem & lustrare universâ in circuitu. *Josue 11.* Solem & Lunam stetisse, & non festinâsse occumbere spatio unius diei. *Isaie 38.* Solem retrocessisse decem lineis per gradus, per quos descenderat: ergo juxta Scripturam Sol, Luna, & Astra circa Terram, non verò Terra circa Solem movetur. Nec terrestris Globus moveretur motu trepidationis, seu titubationis circa suum centrum, idque non tantum ad saltum pulicis, ut somniârunt multi, sed nec ad unius montis, aut cujuscunque ponderis casum, vel ad cujuscunque demum mobilis motum, ac impulsus. Si enim Terra esset motu trepidationis mobilis, posset undecunque agitari in orbem, vel à reciprocante maris æstu, vel ab ipso ventorum impetu, quod tamen non fit, ergo.

§. IV.

De subita Terræ exterioris concussione.

NEc obstat Terræ immobilitati circa centrum, quando Terra exterior, vel potius illius partes subinde moventur eo motu, quem communiter *Terræ motum* dicimus, & plenâ terroribus experienciâ didicimus. Causa enim hujus Terræ motus non à motu centri Terræ, sed à copia aëris, ventorum, & halituum inclusorum, ac in terra calefactorum & rarefactorum oritur. Hæc enim rarefacta quærunt sibi majus spatium, quod ut acquirant, ipsas vicinas terræ partes rumpunt & commovent, non secus ac fortissima sæpe mœnia concutiuntur, & dirumpuntur, si cuniculi fiant, & pulvis pyrius mœnibus suppositus accendatur.

Causa Terræ motus non est à motu centri.

Potest hujus rei, in re obvia, certa capi experientia: nam si fiant parvi globuli ex vitro, magnitudinis cerasorum, & usque ad medietatem aquâ nitrosâ impleantur, carbonibus ardentibus super imponantur, ex vapore intus rarefacto (quia hic ad majus spatium quærit exitum) fragorem diffundunt.

Sed ab balitibus inclusis.

Probatur à simili.

rupti excitant, ut sonitum sclopi, si non superare, saltem adæquare videantur.

Non omnis tamen Terræ motus fit per ruptionem Terræ & fragorem. Nam aliquando, halitus illi subterranei, majorem locum sibi quærunt intra Terræ viscera & cavitates ejusdem, tantumque exteriores superficiei partes concutiunt & tremefaciunt, donec rursus locum competentem sibi inveniant, vel intra terram sese insinuando, vel extra terram per canales & meatus exeundo.

Signa.

Signa venturi Terræ motus. 1. Est aqua puteorum turbidior facta, citra ullam aliam causam, & tetræ exhalans odorem. Oritur siquidem hæc turbatio, odorque ex multo spiritu, qui ex cavernis exire conatur, & terram sulphuri admixtam eructat.

*Venturi
Terræ Mo-
tus.*

2. Aqua Puteorum aut fluminum ebulliens & intumescens, alterum Terræ motus præsagium est. Bullas enim has & tumores aquarum ab halitu erumpente ex fundo concitari, nemo est, qui dubitet.

3. Serenitas & tranquillitas aëris magna, & intempestiva, per longum tempus durans, tertium est futuri terræ motus præsagium; quia tunc halitus in terræ sinu continentur inclusi, nec evaporare possunt aërem, internum per solita spiracula, igitur vi erumpant, & terræ motum efficiunt.

*Licet non
evidentia.*

4. Insolita maris intumescencia & ebullitio extra consuetum ejus fluxum & refluxum, si repente nullo existente vento attolli incipiat; tunc enim in illa fundi subjecti parte halitus inclusus per violentiam erumpere conatur, ut sufficiens transpirationi suæ spatium acquirat.

5. Insolitum in media æstate frigus ingruens; tunc enim per antiperistasin halitus in terra collecti & calefacti, dum per oclusos à frigore circumstante terræ poros sufficienter egredi non valeant, violenter erumpunt.

Hæc tamen signa non omnia sunt certa & evidentia, præsertim singillatim sumpta; quò plura verò ejusmodi concurrent, eò majorem de futuro Terræ motu facient certitudinem.

Paf.

Passim observatum est Terræ motus contingere vel in vere, vel in autumnno; quia his temporibus facilius halitus calidi includuntur in terrâ, quàm in æstate vel hyeme; nam in æstate per calores solis, Terra valdè est aperta, in hyeme verò propter frigus est valdè constricta, ne facilè rumpi possit, aut concussione suo loco moveri.

*Contin-
gunt.*

*Plerumque
in vere &
Autumno.*

In illis regionibus, in quibus sunt multi ignes subterranei, ut in Campania, Sicilia, Insulis orientalibus & Americâ, frequentiores fiunt Terræ motus. Per hos siquidem ignes, facilè inclusi halitus accenduntur, ac consequenter rarescunt, & sic ex angustiore loco, locum ampliorem sibi quaerendo, prorumpunt, & terram sæpè magno fragore dirumpunt.

*In regioni-
bus calidio-
ribus.*

In illis etiam regionibus, in quibus sunt multa loca cava & fungosa non rarò eveniunt, quia tali modo disposita terra maximam habet ad generandos halitus commoditatem.

*In locis
fungosis.*

Montosa quoque loca, sæpiùs Terræ motum patiuntur, quàm plana; quia illa magis similibus halitibus abundant & cavernis. Contingit tamen ut quædam plana loca ob particulares causas sæpè concutiantur.

*Montosis
cavis.*

Insulæ etiam frequentius Terræ motu agitantur, quàm regiones, quæ sunt in continente; quia hæ utpote mari circumdatæ, multam materiam, eamque uliginosam, per meatus subterraneos subministrant igni subterraneo alendo aptissimam.

Insulis.

Terræ valdè calidæ & simul arenosæ, uti & ex limo compactæ rarò concutiantur. Illæ quidem, quia spirationes æstu nimio facilè dissolvuntur, hæ verò, quia receptaculis carent, in quibus vapores, & venti recipiantur.

Similiter in regionibus Borealibus rari fiunt Terræ motus; quia in illis non tanta copia halituum suppeditatur. Ob nimii siquidem frigoris vehementiam in illis terris, non ita facilè exhalationes generantur.

*In locis Bo-
realibus
rarò.*

Terræ motus modò major est, modò minor. Provenit hæc diversitas, partim ex majore, vel minore quantitate ter-

ræ, partim ex minore vel majore resistentiâ, partim ex majore vel minore præparatione materiæ; partim ex majore vel minore compressione halituum, partim ex majore vel minore obstructione meatuum, partim ex amplitudine vel angustia loci, in quo conclusi sunt halituosi spiritus.

Varii effectus concussionis.

Terræ motu ædificia quandoque corrunt, muris à perpendiculari remotis: aliquando in orbem versata locum locum mutant, subterraneo turbine in contrarias plagas verso. Sæpè relinquitur vastus hiatus, subsidente terrâ. Aliquando verò lacus, vicinis aquis in cavitatem præparatam defluentibus. nonnunquam integræ urbes ac montes absorbentur, hiatus rursus concluso, eo quod tractus terræ circumambiens ab omni parte per declivem in cavitatem ruit. Econtra nonnunquam novi montes & insulæ efformantur, unam partem terræ attollendo, alteram deprimendo. Quandoque novi fontes, & rivi exoriuntur, aut qui prius erant, exsiccantur, novis meatibus per concussionem apertis, aut veteribus obstructis. Interdum scaturigines antea calidæ, postea fiunt frigidæ & contra quia perturbatis venis calidæ in frigidas derivantur, & frigidæ in calidas, unde fit, ut hæ incalescant, illæ autem refrigerentur.

Non rarò per Terræ motum Terra eructat ignem, nempe vel illum, qui in subterraneis cavernis continetur, vel qui accensis exhalationibus, aliaque materiâ ad concipiendum ignem apta, in flammam abit.

Subinde absorptis urbibus aut montibus in eorum locum lacu succedunt, eo quòd infra terram magna aquarum copia in cavernis subterraneis lateat, in quam incidens mons aut urbs, utpote aqua gravior descendit, & aqua levior per hiatus expressa subsultat, & rursus subsedit in lacum.

Quandoque terræ motu repenti mare intumescit, multus enim halitus subterraneus elevat aquas, imò fortassis ipsum fundum maris attollit.

Nonnunquam Pestilentia vel pestilens halitus ex Terræ motu procedit, eo quòd aër subterraneus Sulphureo, bituminoso,

minoso, crudo & crasso halitu ita inficitur, ut pestilens fiat animantibus.

§. V.

De variâ Terra naturâ.

TERRA est sicca in summo, frigida in remisso, apta siquidem est ad vim caloris temperandam. Gravis etiam in summo, hinc partes quæcunque multum gravitatis habent, multa terra constant, & vicissim. Ut aurum & Hydrargirum &c. hæc verò gravitas non est à particulis ignis vel æris, quæ his mixtis insunt, cum hæc sint elementa levissima, nec à partibus aquæ, quia & hæc in simili mole longè est levior, igitur à partibus terræ summa illa gravitas. Item quæ multa terra constant, modò solida sint & dura plurimum igni resistunt, quia difficulter rarescunt, ut ferrum, æs, saxum, aurum. Mercurius verò statim ad ignem avolat, quia non est durus. Plumbum etiam citò liquefcit, quia non est durum.

*Sicca &
gravis.*

Porro Massa illa Terræ primigenia tam quoad figuram suam, quàm quoad virtutem seminativam tam varia est, ut secundum varias sui partes sibi ipsi maximè dissimilis sit & Heterogenea. Aliter enim se habet terra, ubi in colliculos, aliter, ubi in montes excelsos assurgit: Aliter ubi in valles subsidit, aliter in plano decurrit: Aliter se habet ad oras maritimas & ad magna flumina: Aliter in mediterraneis: Aliter ubi ventis australibus, aliter, ubi Borealibus opposita est. In plano siquidem & in vallibus ut plurimum ferendis frugibus aptior est terra: in asperis montibus Mineralia & Metalla rectius proveniunt: in colliculis vina meliora succrescunt. In maritimis & ad magna flumina plerumque terra fecundior est, quàm in mediterraneis & in partibus à mari aut flumine remotis.

*Heteroge-
nea.*

2. Præcipua verò diversitas provenit à variis seminibus quæ provida rerum Mater in vasto Terræ gremio disseminavit. Hinc alia est terra samia, eaque duplex una Collyria oculorum medela, alter Aster sistendo sanguini apta: Alia Lem-

*ab intrin-
seco.*

nia, five Terra figillata, præfens antitodum contra venena: Alia Armena, five Bolus Armenus, multorum morborum medicina: Alia Melitensis, serpentum exterminatrix: aliæque centenæ prorsus inter se diversæ. Sic Agricola uni agro inspergit hordeum, alteri filiginem, tertio avenam, doctus experientiâ quod non omnis ferat omnia tellus. Sic Hortulanus uni Areolæ inserit salviâ, alteri asparagum, tertiæ lactucam: pariter ipsa natura varietatis studiosissima uni Terræ parti inseruit semina Abietum, alteri Cedrorum, tertiæ Palmarum, quartæ Quercuum &c. Uni regioni indidit Germana vitium, alteri lupulorum: uni montium impressit venas Auri, alteri Argenti: tertio Cupri, ferri, stanni &c.

*Et extrin-
seco.*

3. Nihilominus tamen etiam ab extrinseco hæc ipsa varietas multum variatur, ut à diversa solis aliorumque siderum influxu: aliter enim sol influit & agit per radios magis directos in Zonam torridam, aliter per obliquos in Zonam temperatam, aliter per obliquissimos in Zonam frigidam. In Zona namque torrida ad directos solis radios terra producit Aurum, aromata pretiosa, fructusque nobilissimos, cum econtrario in nova Zembla & montibus Spizbergicis aut Grönländicis in Zona frigida ad radios solis valde obliquos per dimidium annum Terra nihil horum producat; quin & in nostra Zona temperata, hyemali tempore, ubi radii Solis obliqui sunt, modica etiam de die Solis præsentia, planè sterilis & infructuosa apparet Terra, quæ tamen æstivo tempore & ad longiorem Solis præsentiam fructus affert uberrimos.

4. Verum ubicunque deficient in Terra rerum semina, nihil efficit cœlestis influxus: sic sub eodem climate sita sunt Hungaria, Austria, Bavaria, Suevia, Franconia, Alsatia, Lotharingia, & quanta inter has Terras rerum differentia? in sola tamen Austria crocus, in aliis non proficit. Herba The in sola China & Japonia: Caphe Turcicum in Sola Arabia & Ægypto. Cakao, five Chocolata in sola Mexico America. Noces Muscatæ in Insulis Bandanis & nova Qui-
neæ.

nea. Cariophylla in Insulis Moluccentibus & Philippinis. Balsamum in Abassîâ, hæc tamen in alias regiones transplantata, vel non crescunt, vel ad justam maturitatem non perveniunt.

Ex dictis colligitur 1. cur non ubique sibi similis sit terra? quia sub aliquibus terræ partibus latent vel subterranei ignes, vel aqua, vel venæ metallicæ &c. sub aliis alia diversæ naturæ. Item quod aliæ habeant hunc situm cœli, aliæ alium.

2. Cur quædam terræ arenosæ, aliæ lapidosæ? arenosæ sunt, ubi pinguedo in particulas diffuens, nimbi instar particulas terræ seorsim colligavit: Laposæ ubi majora frustra conjunxit.

3. Cur in quibusdam terris nihil nascatur? quia vel habent subiecta metalla, quæ acres halitus evaporant, vel sunt falsæ, vel siccæ, vel nimium humidæ, vel nimium calidæ.

4. Cur sterile scat terra sale vel aqua maris conspersa? quia & sal & aqua marina sunt naturæ igneæ, ideo terræ dulcorem ad fecunditatem idoneum suo acore exurunt.

5. Cur aliqua terra modico imbri vertatur in lurum? quia talis est rara, hinc citò pluviam imbibit.

6. Cur alia potius post imbrem indurefcit? quia talis est densa, supra quam aqua diutiùs moratur, nec imbibit, ideoque fit durior. Sic etiam fundus arenosus maris propter salem aquæ marinæ magis constringitur & indurefcit.

7. Quænam terra reliquarum sit optima? quæ nimirum est pinguis rara, & mollis; quia ut pinguis multum succum fegetibus suppeditat: ut rara facîle subigitur, atque humorem nimium egerit: ut mollis succo præparato & excocto constat.

8. Cur non omnis fert omnia Tellus? quia diversa semina diversis nutriuntur, foventur, maturantur, quæ non ubique habent; alia enim sunt quæ calido, alia humido, alia copiosiore succo gaudent. Ratio etiam hujus diversitatis peri solet, à diverso situ partium Terræ ad cœli partes.

§. VI.

*De varia divisione Terræ respectu cœli.**Zona.*

TOTUS Globus Terraqueus ratione variarum cœli influentiarum dividitur in 5. Zonas : Torridam unam , duas temperatas , & duas frigidas , quæ nihil aliud sunt , quàm spatia terræ , respectu variarum partium cœli , quibus correspondent. De quibus fusiùs in Geographia Mathematica agitur. *Zona Torrida* est spatium intra duos Tropicos inclusum. Vocatur Torrida ob imminentem sibi ex vertice Solem , ejusque radios fermè semper perpendiculares. Unde fit , ut perpetuo æstu torreatur. *Zona Temperata* , sunt spatia intra Tropicos & Polares intermedia , quarum una Borealis , altera Australis appellatur. Dicuntur autem temperatæ , quia medio quodam frigoris & caloris temperamento sunt præditæ. *Zona Frigida* sunt spatia inter Arcticum & Antarcticum conclusa circulos. Dicitur utraque Zona frigida , quia procul à Sole utraque distans , longissimo tempore ejus radiis caret , & quando iis fruitur , non nisi obliquè ab iis perfringitur , adeoque quasi perpetuò frigore riget.

Omnès habitabiles.

Veteres Zonam Torridam propter intolerabilem æstum , & Zonas frigidas propter nimium frigoris rigorem inhabitabiles prorsus , sed falso judicarunt ; experientia enim docuit , Torridam incolì in Asia ab Indis , in Africa ab Æthiopibus , in America à Brasiliæ & Peruanis. Nam divina Providentia sic ordinante , æstus Zonæ torridæ mirè temperatur , tum vaporum copiâ & ventis frequentibus eam perflantibus , tum tepidis noctibus & roridis in media Terræ umbra. Zona etiam frigida , saltem Borealis , inhabitatur , Incolæ enim hyeme pellibus & igne contra frigus foventur , æstate verò longiore morâ Solis supra Horizontem suum recreantur.

Climata.

Dividitur etiam in certa Climata , id est , spatia inter duos parallelos ab Æquatore , in quibus dies solstitialis maxima dimidiâ horâ crescit , usque ad Gradum 67. quorum sunt 24. ultra

ultra quos dies maximi creſcunt, non jam horis ampliùs, ſed diebus, ſeptimanis & menſibus.

§. VII.

De variis terrenæ ſuperficie, continentibus ſcil. Inſulis, Peninſulis, Promontoriis, Iſthmis.

1. *C*ontinentes ſunt 4. Terræ majores partes Aſia, Africa, Europa, America ſic dictæ, quia continent valde notabilem terræ portionem, ſibi cohærentem & continuam, atque ab aliis diſtinctam.

2. *Inſula* ſunt pars terrenæ ſuperficie aquis undique circumfuſa. Tres earum ſunt Clafſes. 1. Inſularum turmas & congeries continet, ut in Aſia Inſulæ Latronum, Japonicæ, Philippinæ, Sundicæ, Maldivæ. In Africa, Canariæ, Hesperides, Laurentianæ circa Madagaſcar. In America, Azores, Canadenſes, Bermudes, Antillæ, Caribum, Carolinæ, Salomonis. In Europa Danicæ, Anglicæ, Zeelandicæ, Francicæ, Balears, Liparæ, Echinades, Cyclades, Sporades.

Clafſes Inſularum.

2. Cl. Inſularum ſolitariorum majorum. Pulcherrima habetur Ceylon, ditiffima Sundica, Mercimoniis frequentes; Maxima California, frigidiffima Islandia.

3. Cl. Scopulorum tam infra Mare latitantium, quàm ſupra mare eminentium. Scopuli acuminati periculofiſſimi ſub Æquatore vocantur ab Hiſpanis Abrolhos: Syrtes autem, Brevia, & Loca vadofa ad oram Norwegiæ minoribus ſcopulis reſerta vocant Baixos; Tumulos verò arenæ congeſtæ & indurata appellat Banchi, Banck apud Batavos.

3. Peninſulæ ſunt pars continentis in mare procurrens, eidemque tenui tantùm ſpatio adhærens. Tales ſunt præcipuæ. Malaccenſis ſive Cherſoneus aurea Indiæ. Corea China. Morea Græciæ. Jutia ſive Cherſoneſus Cimbrica. Precopenſis ſive Cherſoneſus Taurica.

4. Isthmus est angustum & montosum Terræ spatium, quo majores terræ partes inter se cohærent. Tali Isthmo America Borealis, jungitur Australi: Asia adhæret Africæ: Morea Græciæ: Japonia Terræ Jedso: Tartaria minor reliquæ Tartariæ.

5. Promontoria sunt partes Terræ in mare procurrentis cum aliqua elevatione. Ab his Navarchi deducunt suos Rhombos & itinera maritima, & super illis Geographi stabiliunt suas delineationes Geographicas, utpote super locis, quorum situs ut plurimum per cœlestes observationes est inventus ac stabilis. Ejusmodi sunt *In Asia* Rasum sive Capo Raz Arabiæ Comorinum Indiæ. Sincapura Malaccæ. Liampo Chinæ. Tabin Tartariæ. Falsum novæ Quinæ.

In Africâ Bonna Barbariæ. Capo Verde Nigritaniæ. Capo Sierra Liona Guinææ. Capo Bonæ Spei Cafrariæ. Capo Quardafuy Zanguebariæ.

In Europa Capo Nort Finmarchiæ. Lezart Angliæ. Sinder Scotiæ. Finis Terræ & S. Vincentii Hispaniæ. Capo Otranto Calabriæ. Durazzo Albanæ. Matapan Moreæ.

Terræ necdum penitus cognitæ.

Novæ regiones detectæ.

In Asia Terra Jedso ad Japoniam. Terra societatis ultra terram Jedso. Nova Quinea ad Insulas Moluccas. Nova Hollandia ad Insulas Sundicas. Pars Tartariæ Borealis.

In Europa Nova Zembla, Spitzbergia, Grönlandia.

In America Boreali Nova Britannia. Wallia Nova Dania Terra laboratoris. Estotilandia. In Australi Insulæ Salomonis. Terra del Fuego. Nova Zeelandia &c.

§. VIII.

De structura montium eorumque varietate.

1. **M**ontes, quasi columnæ Terræ structuræ, reliquam ejusque superficiem transcendunt, & Teste S. Damasceno suppleant spatium illud, quod per aquas & Oceanum

ter-

terrenæ superficiei ademptum est. Juxta illud Gen. I. Congregentur aqua, quæ sub cælo sunt in locum unum & appareat arida.

2. Montes alii saxosi & steriles, alii sylvestres & infœcundi. Saxosi & steriles ferè reperiuntur in regionibus valde frigidis, aut nimium calidis; frigus enim & calor excessivus terram indurat & exsiccatur, unde parum aut nihil iis in locis crescit. Idemque montes secundum oppositas facies varii sunt, sic Alpes Germaniæ, quâ parte Italiam & Meridiem spectant, saxosæ ut plurimum & steriles sunt, ubi verò Germaniam & Septentrionem spectant, arboribus vestiuntur & herbis.

*Varietas
Montium.*

Alii Sylvestres & Fœcundi, ut Montes Germaniæ, Hungariæ, Bohemiæ & universim earum regionum, quæ in utroque Hemisphærio à latitudine graduum versùs utrumque polum usque ad 60. gradum recedunt. Quia in partibus Zonarum temperatarum superabundat humor & moderatus est calor.

3. Celebriores totius orbis Montes à Geographis recensentur: In *Asia imo.* Generali nomine *Taurus*, qui in 4. brachia dividitur, primum Boreale inter Pontum Euxinum & mare Caspium assurgens, appellatur Caucasus. 2dum Australe Syriam & Arabiam petræam transit, & quasi ossa hinc inde exerit in Syria, Montes altissimos Thabor, Hermon, Carmelum, Libanum. In Arabia Horeb. Sinai Montem S. Catharinæ. 3tium Occidentale, quod per Natoliam porrigit Montes, Ida, Tmolus, Casius, Pelion, Olympus. 4tum Orientale, quod per Armeniam & Persiam surrigit Montes Niphates & Ararat, in quibus teste Scriptura confedit Arca Noë post diluvium. 2do *Imaus*, qui reliquam Asiam in modum crucis distinguit, unum cornu versùs Tartariam, alterum versùs Promontorium Comorinum, 3tium ad Persiæ confinia, quartum ad Chinam excurrit. Singula in complures ramos divisa, variis majorum montium nominibus insigniuntur.

*Celebriores
Montes
Asiatici.*

Africani.

In Africa 1. Atlas qui superiorem Africam in longum & latum per varia brachia dividit. 2. Montana Quinæ quæ à Nigri fontibus Occasum versùs longissimo tractu ad promontorium Leonum procurrunt. 3. Montes Lunæ qui ingentes duos lacus Zaire & Zaflam ambiunt, & superiorem Æthiopiam ab inferiore disterminant, in formam Semilunæ formati. 4. Montana Cafrariæ, quæ ramos extendunt in omnem partem, præcipuè verò ad postremum Bonæ Spei promontorium tribus montibus altissimis insigne.

Americani.

In America Boreali eminet Mons Nevada nivofus, novæ Hispaniæ, ad cujus fastigium vix biduo ascenditur.

In America Australi Andes Montes altissimi totius orbis, qui ab Isthmo Panamensi ad Fretum usque Magellanicum longissima serie descendunt.

Europæi.

In Europa eminent montes Riphæi, qui Albam Russiam à Tartaria Asiatica disterminant. Montes Norwegiæ. Pyrenæi, qui Galliam ab Hispania. Alpes qui Galliam & Italiam à Germania. Vogasus, qui Alsatiam à Burgundia & Lotharingia. Crapack sive Carpathius, qui Hungariam à Polonia separant.

Extra Alpes celebra sunt Montana Herciniæ, Ottoniana, Spessartica, Westerwaldica, Vicanensia. Sunt quoque famosa antiquorum acroceraunia Epiri, Athos Macedoniæ.

Insulari.

In Insulis quoque Altissimi reperiuntur montes, ut Pico Teneriffæ inter Canarias. Pico S. Georgii inter Azores. Æthna in Sicilia. Hecla in Islandia. Pico de Adam in Insula Ceylon & S Thomæ. Figeno jammo in Insulis Japoniæ. Quorum vertices supra nubes attolluntur, eorumque ascensu curiosi defectu respirationis ob aëris subtilitatem periisse dicuntur. Per hos non tantum natura vallavit littora contra fluctus & intumescens Oceani procillas, sed etiam in iis veluti tot gazophylaciis Thesauros suos, Aurum, argentum, gemmas aliæque orbis pretiosa recondidit.

§. IX.

De variis Montium thesauris.

Mirabiles eosque varios Terræ thesauros, quos Natura præcipuè in Montibus, tanquam Gazophylaciis, recondidit, Fodinæ illustres aperiunt, & mundo ostentant, ut sunt Auri & argenti Fodinæ, Gemmarum & unionum fodinæ, Cupri, stanni, ferri, plumbi fodinæ, marmoreæ diversorum marmorum fodinæ, Sulphuris, Vitrioli, Antimonii fodinæ &c.

Celebriores orbis fodinas breviter enumerat Varenius, quas hic referre placuit ob auctoritatem Viri de Geographia bene meriti.

1. *Aurifodina Peruviana, & Castella aurea*, omnium totius Telluris sunt ditissimæ, cum tota ferè ibidem terra sit auri feracissima; hinc fundum aureum appellarunt, cum experti essent circa urbem Quito plus auri, quam terræ reperiri, & conspexissent in multis urbibus, in primis Regiâ, Cusco dicta, plurimas aedes tum privatas, tum publicas intrus & extus laminis aureis obductas, & militum arma auro fulgentia.

Auri & argenti Fodinæ in America.

Argenti fodinæ pariter in omnibus Peruviae provinciis felicissimæ sunt, præcipuè in Monte *Potosi*, in quo ordinariè viginti millia hominum effodiendæ terræ operam dant. Nec desunt in reliquis Americæ locis fœcundæ aliorum metallorum venæ.

2. *Aurifodina* divites reperiuntur in Africa, præcipuè *Guinea, Angola, Monomotapa*, ubi non tantum aurum effoditur, sed etiam grana auri ex fluviis, aliisque modis colliguntur.

In Africa.

3. *Aurifodinæ* plures sunt in Insulis multis *India Orientalis, & Arabia felici*, quæ tamen olim uberiores habuit fodinas & præstantioris auri, quam hodie.

In Asia.

Argentifodina præstant in *Japonia*, in *China*, in *Persia* montanis.

In Europa.

4. Ex Europæ Provinciis Germania superat reliquas copia fodinarum, quarum quædam auri aliquantum largiuntur, multæ argentum egregia naturæ liberalitate, plurimæ cuprum, stannum, ferrum, plumbum, vitriolum, antimonium &c.

Cuprifodinas omnium hactenus cognitarum feracissimas habet *Suecia* præcipuè in vasto monte, quem *Kopperberg* vocant. Anglia stanno puriore præstat: *Bohemia* & *Misnia* Magnete fortiore.

*Gemmeæ
fodinæ pre-
tiosiores.*

5. *Gemmeæ fodinæ* præcipuè reperiuntur in *Ceylano* Insula, in Regno *Congi*, in Regno *Peru*, & *Chili*, in *Quiana* & adjacente Insula *S. Maria*, in Imperio *M. Mogolis* & *Peguano*.

*Salisfodi-
næ purio-
res.*

6. *Salis fodinæ* reperiuntur in *Polonia*, inprimis candidi non procul à *Cracoviâ*, in *Transylvania*, in *Tyrolensi* *Dirione*, in *Russia* propè mare *Caspium*, in *Montanis Persicis* in *Asia minore*, in *Ormus* Insula, quæ ferè tota sale *CrySTALLINO* constat, in *Hispania* & *Hispanicis* terris *Americanis*, præcipuè in *Peru*.

7. *Marmoreæ fodinæ* Præcipuæ sunt *Italicæ*, marmoris multi coloris, cujus species sunt: Marmor antiquum album cum venis rubeis & viridibus. Marmor puniceum, cum venis albis, rubeis & Saphirinis: Marmor rubeum cum venis subnigris: Marmor flavum cum venis albis & viridibus: Marmor viride cum venis flavis & subnigris: Marmor cæruleum, Lazuli, cum venis aureis.

Olim celebria erant marmora: *Augusticum*, *Tibericum*, *Hymetticum*, *Thebanicum*, *Carysticum*, *Synnadicum*, *Laconicum*, *Corinthiacum*, *Paricum* &c.

Nunc etiam in multis Germaniæ locis, ut in *Salisburgensibus*, *Saxonis*, & *Nassovicis* *Montanis* similia effodiuntur marmora, æmula prioribus.



CA-

CAPUT XX.

De mutatione Terræ in superficie terrestri & Aquatica.

§. I.

De mutatione Terræ ex decremento Montium, incremento planities, & Variatione littorum.

I. **D**Ecrefcere montes, faltem terræ mollioris, ait Job. c. 14. *Alluvione paulatim terra confumitur.* Et conftat experientiâ à multis sæculis per traditionem obfervata. Aquæ enim pluviales, fluviales, torrentium, niviumque liquatarum latera montium fenfim corrodunt aut avehunt; unde fundamenta ædium in montibus denudata cernuntur, aut ædes ipfæ è fummis montium ripis pendentes, jam jamque cafuræ, aut femirutæ. Hinc fundamenta Capitoli Romæ nunc apparent, de quibus *Agricola* L. 3. de fubterraneis. Occultis autem iufidiantium aquarum cuniculis perterebrantur paffim, ac fuffodiuntur iidem montes, donec fatifcant & labantur magnæ terrarum moles, quas Itali *Labinas* à labendo vocant; tantæ aliquando, ut pagos integros, & oppida fecum in fepulchrum traxerint. Quod Pago *Piavo* in finibus Helvetiorum priore sæculo accidit, obftructo inde *Clavena* fluvio.

Montes alluvione decrescunt.

2. Contra verò Planities fubjectæ montibus ex eorum arenis & glebis, aquarum vi devectis, crefcunt fubinde, ita ut rotunditas terræ, quæ in vertice montium decrefcit, crefcat ad radices eorum, ita ut antiqua ædificia, quæ tota olim exftabant, nunc lateant magna fui parte. Sic Roma prifca in Moderna Roma nunc quærenda eft: Arcus *Septimii* fubterraneus jam pons factus: In Ecclefiam *Pantheon* della ro-

Plana accrescunt.

tonda,

tonda, nunc descenditur, in quam olim ascendebatur gradibus: *Murina*, *Ravenna*, *Beneventi* per tellurem tempore aggestam multæ fenestræ & valvæ ædificiorum cernuntur obstructæ.

*Exsurgunt
littora.*

3. Ex eâdem alluvione & comportatis paulatim ad mare aggeribus, terræque à fluminibus, ac torrentibus protrusa, crescunt littora, nec valles solum, sed æstuaria maris, & Maria opplentur. Sic teste *Aristotele* & *Plinio*: Pars illa *Ægypti* vocata *Delta* per *Nilum*, pars agri *Ferrariensis* per *Padum* accrevit: sic urbes multæ, quæ olim in littore maris erant, nunc multis stadiis à mari distant: ubi nunc *Geldria*, ibi olim mare erat.

*Opplentur
æstuaria.*

Sic mare recessit à Portu *Ambraciæ* Milliaria 10. ab *Athenis* 5. Patavio 25. *Barcinone* 30. *Ravennâ* 6. & olim erat mare supra *Memphim* usque ad *Æthiopum* montes, ubi nunc campi.

Sic intumescente & elevato ex ingesta humo mari æstuaria *Veneta*, *Balthica*, *Hollandica*, *Prutenica* oppleta sunt, & inde exundans mare aut absorbit insulas quasdam, aut peninsulas, aut illis imminet, aut minuitur, ut cum *Plinio* sentiunt tum antiqui, tum recentiores Geographi.

*Nascuntur
Insulæ.*

Econtra ex additione Telluris occulta & moliente id natura sub aquis maris, Insulæ novæ enascuntur, quæ olim erant velut occulti colles, aut tumuli aquarum. Subinde etiam Insulæ olim separatæ continenti adjunctæ sunt, ac veluti agglutinatæ, terrâ intervectâ à fluminibus & torrentibus, aut prolapsu promontiorum. Sic *Antissam* *Lesbo*, *Zephyrum* *Halicarnasto*, *Ebusam* *Minos*, *Dromiscon* & *Pernen* *Miteto*, *Nartheclusan* *Parthenio* Promontorio junctas, narrat *Plinius* C. 89. L. 2. præsertim quando Terra congesta constat radicibus arborum, juncis, algis, aliisque herbis prolixioribus; ex quibus magnæ quandoque moles exsurgunt & solidantur, ut postea diceretur.

§. II.

De exsiccatione Amnium & Rivorum.

EX dictis colligitur superficiem Aquæ, ut etiam Terræ *Modò aqua non esse omni tempore ejusdem magnitudinis, sed modò majorem, modò minorem. Dum enim augetur superficies aquarum, diminuitur superficies Terræ, illâ diminutâ, hæc crescit. Sic flumina & maria modò hîc, modò illic in terras exundantia, illas sensim abradunt, & secum ave-*
ubi terra fuit.
hunt, atque ita augetur aquarum superficies magis aut minus, prout magnum vel parvum terræ tractum inundaverint. Econtra aqua sæpè deserit locum Telluris, quem ante occupaverat, ita ut terra appareat arida, ubi aqua aut fluvius aut mare antea fuerat, adeoque nova terra videatur generata.

Sic nonnunquam fluvii antiquum alveum, aut partem alvei relinquunt & novam terram præbent. Si nimirum *Modò Terra ubi aqua fuit.*
multum terrestris materiæ, arenæ & sabuli secum devehant, quæ in fundum subsidentia progressu temporis ita augent alvei altitudinem, ut non sit magis depressus, quàm iste locus, unde è vicinia fluxerat; hinc ad decliviora subinde loca deflectit.

Exempla fluviorum, quorum alvei hodie exsiccati sunt *Fluvii subinde mutant alveum.*
ex toto vel ex parte, passim afferunt Geographi. Sic *Rhenus* in multis hinc inde locis priorem alveum deseruit. Memorabilis est alveus Brachii istius Rheni, quod Leydam, sive Lugdunum Batavorum præterfluens olim in oceanum Germanicum effluebat, jam ante aliquot sæcula ab aqua derelictus, hodie terra est.

Littora quoque nova ab aquis fluviorum detegi, & alveo angustiore quosdam decurrere fluvios, quàm olim fecerint, ex plurimis exemplis constat. Quidam enim hodiè *Et fiunt minus navigabiles.*
minùs navigabiles sunt, quàm olim, ut patet in Scaldi fluvio

propè Antwerpiam, ad quam non amplius ob aggestos pulvinos majores oceani naves valent ascendere.

Magni autem fluvii non nisi multis annorum sæculis exsiccantur, eo quod multi minores fluvii ex diversis partibus in eos influant, & alveus profundior sit. Objectus quidem pulvinus efficere potest, ut fluvius alium alveum decurrat, & prior exsiccet, ipsum tamen fluvium non tollet, nisi vel fontes, vel brachia illius obstruantur, quod nonnunquam per naturam & artem factum esse *Varenius* autumat: imò nec Nilum, nec Tanaim, nec Albim, nec Rhenum, nec alios fluvios semper fluxisse vel perperuò futuros, sed terram & fuisse quondam, & futuram olim, ubi ipsi jam fluunt.

§. III.

De exsiccatione Paludum & Lacuum.

Modus exsiccandi paludes per artem.

Paludes exsiccati possunt, ita ut appareat arida, ubi antea stagnum erat, aut aqua fluens, vel per subductionem aquæ sive per naturam, sive per artem, facto alveo, aut aggere in circuitu, relictis tantum quibusdam, canalibus & aperturis. Tum adhibitis Moletrinis aquariis ad expellendas & educendas aquas, tum super injecto fimo, talibusque seminibus, quæ celeriter radices agant, ut semen Sinapi, Brassicæ. Hoc modo Belgæ lacus & paludes exhaurire solent & fecundos in eo fundo agros efficere. Sic multæ *Paludes* exsiccatæ sunt in Hollandia, Brabantia, Geldria, Westphalia, Prussia, Moscovia, ita ut multis in locis nunc sint agri fertiles, in quibus *Paludes* ante aliquot sæcula fuere. Vel etiam per exsiccationem naturalem, sive evaporationem aquarum ex calore solis diurno progressu temporis factam, aut per exsuctionem spongiosi fundi, & bibulæ terræ.

Majores quoque *Lacus* simili ratione exsiccati posse probatur, vel enim sunt *Lacus* ab influentibus fluviis constituti, hi mutationem accipient vel per abductionem fluviorum,

rum, vel per eorundem cessationem, & simul per evaporationem aquarum: vel sunt *Lacus*, qui per subterraneos meatus à mari aquas accipiunt, tunc fiet lacuum istorum mutatio, si subterranei meatus fuerint obstructi. Et sic *Lacus* primò mutantur in *Stagna*, dein in *Paludes*, denique in terram aridam. Perspicuum enim est, inquit *Aristoteles*, quod, quia *Limum* aut quippiam ejusmodi influentium aquarum vis intulit, ideo *Lacus Stagna* facta sunt, & tellus arida, quoque inibi relicta stagnansque aqua, successu temporis assiccata jam prorsus evanuit. Sic quæ ad *Mæoticum Lacum* pertingunt terræ *Amnium* convectione in tantum excrevere, ut naves multò minores nunc, quàm anno ab hinc sexagesimo, quæstus gratiâ ingrediantur. Sic *Argivorum* regio in *Pelopponeso Trojanis* temporibus pauculos incolas alere poterat, propterea quod *Palustris* esset; sed *Aristotelis* tempore exsiccata erat & admodum fertilis.

Vel natu-
ram.

§. IV.

De exsiccatione Fretorum & Sinuum.

Freta subinde, præsertim angustiora & minùs profunda, in *Isthmos* converti, aut terras continentes, non improbabilis est conjectura; fieri enim potest, ut post continuam terrestris materiæ subsidentiam longo tempore factam, *Freti* alveus tam altus evadat, congestis pulvinis & tumulis, ut mari ulteriorem transitum neget. Atque ita paulatim sicabitur fundus, ac *Sale* marino magis indurefcet.

Freta per
pulvinos.

In multis profectò fretis hodie minor maris altitudo, & major alvei alitudo à Nautis deprehenditur, ac olim; quod non leve indicium est, *Freta* illa aliquando sine aquis futura esse, & in *Isthmum* aridum mutatum iri. Sic *Fretum* per quod oceanus *Germanicus* efficit sinum *Hollandicum Zuydersee* & *Fretum Texel*, hodie non capit majoris formæ naves onustas, & profunditas maris singulis annis minor evadit,

dit, ac Terra five fundus altior. Idem Fretum *Flie* ad Insulam *Flielandiam* accidere perhibent, ita ut post aliquot sæcula aridam fore Terram augurentur, & series Insularum ibidem vicinas in unum tractum conjungendas. Sic *Isthmum* inter *Africam* & *Asiam* coagulatum & olim Fretum fuisse, quo mare *Rubrum* & *Mediterraneum* conjuncta fuerint, admodum verisimile esse *Varenius* cum aliis existimat.

Uti & finis
Maris.

Imò etiam sinus Maris, quos oceanus medias inter terras facit, exsiccati progressu temporis, & fieri arida & sicca loca, ubi nunc undæ fluctuant. Idem censet *Varenius*, & infert Mare *Mediterraneum*, *Rubrum*, *Persicum*, *Balticum*, atque alios sinus oceani aliquando defituros esse maria & in terram convertendos. Eo quòd progressu temporis oppellantur arena & Sabulo fauces eorum sinuum ac paulatim in iis tumulos aut *Isthmos* constituent, ita ut ex sinu lacus, deinde stagnum & palus fiat, tandemque per exsiccationem Terra, ita ut aqua nulla ibidem amplius conspiciatur. Maxime si alveus sinus propter defluentes in eum fluvios & arenam secum deferentes altior fiat, ut mare non recipiat: sic paulatim mare recedet à littoribus illius finis.

§. V.

De exsiccatione orarum Maritimarum.

Recensentur ora
maritimæ
exsiccata.

Multa nunc sunt Terræ & littorum loca, de quibus constat olim ab Oceano fuisse perfusa, ab eoque paulatim derelicta, ita ut modò terra sit, ubi ante Oceanus erat. Sic *Aegyptus* ubi est, ibi mare olim fuit Antiquorum testimonio. *Aristoteles* testis est præter alios, cujus hæc verba sunt: Locustis istæ totæque Regio *Aegypti*, quæ fluminis tantum invasa nata est, semper aridior effici videtur. At propterea, quòd paulatim arefcentibus paludibus vicina loca incolæ cœpere, temporis longitudo initium obliteravit. Omnia igitur *Nili* ostia, præter unum *Canobicum*, manu instituta, non ab amne facta videntur. Plus dicit *Seneca*, dum ait: *Aegyptus ex limo*
tota

tota concrevit. Homerus etiam addit: Tantum aberat à Continenti *Pharos*, quantum Navis diurno cursu plenis lata velis potest; sed Continenti admota est. Turbidus enim defluens *Nilus*, multumque secum limum trahens, & eum subinde apponens prioribus terris, *Ægyptum* annuo incremento semper ultra tulit.

Ganges & *Indus* celebres in India fluvii, inundationibus suis idem effecerunt, quod *Nilus* in *Ægypto*. Fluvius quoque *Zaire* in Africa Occidentali, & fluvius *Argenteus* in America Australi. *Chinam* etiam hoc modo auctam fuisse licet conicere, propterea quod impetuofus fluvius *Croceus* ex *Tartaria* in *Chinam* fluens & sæpissimè inundans, tantum arenæ & sabuli habeat, ut tertiam aquæ ipsius partem faciant. Quin & aliqui à *Rheno*, & *Mosa* advectam *Geldriam*, *Hollandiam* & *Zeelandiam* esse existimant, quod multæ passim in clivis repertæ conchæ marinæ testantur. Similiter *Prussia* per *visulam* accrevisse dicitur, & *Holsatia* per *Albim*.

Causæ hujus mutationis & exsiccationis littorum videntur hæ: I. Quia per aquæ allabentis ad littora frangitur impetus ab exstantibus hinc inde in littore vel sub mari clivis, pulvinis, aut scopulis. Impetu enim illo imminuto, subsident partes terrestres aquæ, & augment illorum pulvinorum altitudinem & magnitudinem; unde fit, ut magis magisque frangatur Oceani impetus, & tandem adaucti pulvini excludant Oceanum.

Varia causa exsiccationis littorum

II. Quia sæpè littora sunt arenosa & petrosa, ita ut Oceanus parum possit separare vel secum auferre; semper autem deponat quasdam particulas, ideo progressu temporis altiora fient littora, & Oceanum à consueto loco arcebunt.

III. Quia vicina littora subinde habent terram minus solidam, mollem, levem & cavernosam, à quibus Oceanus terras abradit, & abreptas defert ad littora duriora, quibus fortius adhærentes, terram efficiunt.

IV. Quia alicubi in regionibus præsertim annuæ inundationi subjectis, Fluvii deferentes secum multam arenæ &

sabuli

fabuli copiam, ubi ad ostia, quibus in mare se exonerant, perveniunt, deponunt illam, partim quia alveus laxior & latior ibi fit, partim quia mare resistit illorum fluxui; hinc fundus attollitur.

V. Quia Venti vehementes frequenter è mari ad littus spirant petrosam petrosam & tenacis terræ, ubi paulatim advectæ arenæ & terræ uliginosæ accumulantur.

VI. Quia in multis locis celer & vehemens est affluxus maris ad littus, tardus autem & lenis defluxus; tunc enim materiam, quam celer affluxus advexit, lenis refluxus non aufert secum, eandem subsidere finit & remanere.

VII. Quia subinde littora exigua declivitate in mare descendunt ad longum spatium, nec directe & quasi perpendiculariter deorsum vergunt; sic enim impetus illabentis maris hebetatur & deponit saburram.

§. VI.

De accumulatione Pulvinorum, vulgò Bänck.

*Pulvini
maxime in
ostiis flumi-
num ac-
crescunt.*

Pulvini sunt arenosi tumuli seu clivi in aqua existentes vel supra alveum fluvii, vel supra fundum consuetum maris, ad eam altitudinem, ut navium transitum impédiant, easque sæpè detineant. Differunt à scopulis, quòd scopulorum partes firmiter cohæreant, ac densæ sint & duræ; Pulvini verò ex arenâ gravi conflati partes habeant dissolubiles & vagas pro vario impetu aquarum.

Pulvini frequentes dantur in alveis magnorum fluminum, præcipuè ad ostia eorundem, vel propè littora maris, vel magis in alto, quamvis rariùs. Accumulantur eo ferè modo, quo fluviorum alvei attolluntur aut siccantur, & mare littora deserit. Antequam enim partem aliquam terræ relinquit, priùs deponit pulvinos, atque ita paulatim magis & magis recedit, donec hi pulvini fiant pars continentis. Idem fit in latis ostiis magnorum fluminum, post quam illa rapido suo cursu

curſu per alveum multas ſecum partes terreas avexerunt, eas propter obſiſtentiam vaſti maris ad oſtia deponunt; ibi enim remittit motûs violentia, & ſaburra ſua ſponte ſubſidit, novisque ſemper partibus aucta pulvinos efficit.

Qui niſi ſedulâ magiſtratuum curâ tum in alveis, tum oſtiis fluminum extrahantur cum irreparabili ditiffimorum aliâs Emporiorum damno accreſcunt, ita ut via navium impediatur. Senſerunt hoc celeberrima olim Emporia: *Antwerpia* Brabantiae, *Arnemuda* Zeelandiae, *Dordracum* Hollandiae, *Stavora* Friſiae, *Stada* Bremenſis, *Portus Texel* & *Elie* Emporii Amſtelodamenſis aliâque plura ad Albim, Ode-ram, Viſtulam & mare Balthicum.

Tales *Pulvini* & infames à naufragiis plures reperiuntur ad littora marium: ad *Flandriam* & *Friſiam*, ad *Normegiam*, ad *Braſiliam*, ad *Guineam*. Inter Inſulam *Madagaſcar*, *Africam*, & *Arabiam*, ad Inſulas *Maldivas*, ad *Bengalam*, ad *Chinam* aliâque plura littora. In quos delatae naves non ſine magno periculo & labore deducuntur, plurimisque diebus non raro detinentur.

§. VII.

De generatione Inſularum novarum.

Inſulae novae in magnis fluminibus & Mari eodem ſerè modo producantur, quo *Pulvini*, imò ex *Pulvinis* poſſunt fieri Inſulae. Etenim ſi in aliqua parte ſive fluvii, ſive maris, tanta arenae, *Sabuli*, *Limi*, argillae copia progreſſu temporis aggregetur, ut altior evadat, quàm ſuperficies fluvii aut maris apparebit Inſula, quae paulatim calore ſolis fecundata & exſiccata indureſcit ad conſiſtentiam. Vel ſi mare irrumpens in terras, tantum partes humiliores tegat, non verò altiores & colles, plures hinc inde facit Inſulas.

Inſulae fluviorum ex pulvinis.

Ex *Pulvinis* in fluviiſ Inſulas eſſe factas ſatis experientia comprobavit in *Danubio*, *Rheno*, *Albi*, *Tanai*, *Wolga* Europae:

pæ: in *Gange & Indo* Asiæ: in *Nilo & Nigro* Africae: in *argenteo & S. Laurentii* fluminibus Americae. Subinde etiam quod hi fluvii hinc inde pulvinis impediti, quo minus pleno alveo ex una parte decurrerent, ex alia parte brachia sive ramos emiserunt, ut facilius, factâ Insula, ad antiquum alveum regrederentur.

Plures tamen fiunt Insulae per irruptionem maris in terras. Sic *Siciliam* ab Italia maris violentia divulsam restantur antiquitatis Scriptores. Item *Ceylanum* ab India, *Sumatram* à Malacca.

Maldivas à Malabaria, imò omnes *Insulas Orientales* per maris violentiam, disruptis terris, esse separatas *Indi* perhibent. Idem sentiunt Americani de *Antillis* Insulis in sinu Mexicano.

Plurimæ verò Insulae ad vicinia continentium per subsidentiam materiae ab aliis terris per maris violentiam divulsæ & ad pulvinos advectæ verosimilius exstiterunt, quod fodientibus ad exiguum terræ profunditatem in prædictis Insulis indicant repertæ arenæ & conchæ marinæ, maxime in Insulis *Zeelandicis, Hollandicis, Danicis, Japonicis, Indicis*, quas olim pulvinos fuisse antiqui tradiderunt.

§. VIII.

De Mutatione Lacuum & Marium.

Novi Lacus SICUT oceanus novas subinde Insulas facit, ita etiam multas continentium partes abripit, & nunc partes Telluris occupat, quas ante non occupaverat. Similiter reperiuntur nunc Lacus, paludes, stagna, ubi olim erat arida terra, vel per inundationem maris, vel ejus irruptionem per occultos terræ meatus. Ut lacus *Zaire, Parima, Mæoticus, Ladoga, Onega, Bodanicus, Lemanus*, alique plures tum lacus tum paludes in *Moscovia, Prussia Polonia, Marchia Brandeburgica, Westphalia Helvetia, Italia.*

Novi

Novi quoque sinus per ulteriorem progressum maris, ut *Novi Sinus. Hollandicus, Mediterraneus, Arabicus, Persicus, Bengalensis, Cambojensis &c.*

Nova freta à perruptione maris, ut fretum *Herculeum, Nova Fret. Siculum, Eubæanum, Danicum, Magellanicum, Mairanum, Sumatrense, Manilense, & plurima inter innumeras Insulas Orientales, & Occidentales sinûs Mexicani.*

Complura littora per mare abrafa: sic mare Balthicum *Novæ Mariæ ad littora.* Pomeraniæ littora invasit, perdiditque celeberrimum Emporium *Vinetam.* Sic Oceanus Borealis à littoribus oræ Norwegicæ plures Insulas abstulit, seque ipsum inter has & continentem immisit. Sic Oceanus Germanicus multa Hollandiæ littora vastavit, & hodie dum minitatur ruinas vallis obiectis. Sic in eadem Hollandia propè *Cattorum* vicum magnam terræ tractum occupavit, ita ut rudera Arcis Britannicæ, *Britten,* Romanorum olim castellum, jam procul à litore sub maris undis jaceat sepultum. Sic memorant Indi à *Ceilano* Insula oceanum australem plusquam 20. milliaria terræ abstulisse.

Quin & *Americam,* à tribus reliquis orbis partibus per *Problema.* oceani inundationem esse avulsam multi autumant, ut facilius originem gentium Americanarum ab Adamo derivent. Aut saltem magnam terræ partem, ut *Ægyptii* olim *Soloni* Atheniensi narrarunt, immani terræ motu, ingentique unius diei ac noctis illuvione, sub vasto gurgite fuissemersam.

An autem oceanus continua abratione terrarum tandem possit omnem terram obtegere? an verò tandem Terra per continuam pulvinorum accumulationem possit totam telluris superficiem occupare, ita ut omnis aqua totusque oceanus in cavernis terræ vel subterraneo alveo contineatur, & à terra tegatur? nostrum non est divinare; sed ejus qui appendit fundamenta terræ, & libravit fontes aquarum, qui fecit flumina & cardines orbis terræ, qui circumdedit mari terminum suum & legem posuit aquis, ne transirent fines suos, qui certa lege & gyro vallavit Abyssos.

§. X.

De Terrenæ superficiæ vario ornatu & fecunditate.

Quemadmodum provida rerum natura Montibus Insularum ripas, & continentium littora vallavit, ita etiam eos aptè disposuit in Mediterraneis, ut inde facilius fecunda defluerent flumina, & florentissimam tot collium, sylvarum, agrorum, camporum, vinearum, hortorum, arborum ac fructuum scenam adornarent.

1. Per sylvas natura mortalium necessitati consuluit, supeditando ligna ad coquendos cibos, ad fabricandas Domos, adstruenda navigia, ad parandas mille machinas & instrumenta humanis usibus servientia, easque præsertim in Zonis frigidis ad moderandum hyemale frigus, aut temperandum calorem in Zona Torrida diversissimæ speciei adornavit.

Sylvæ celebres.

In Europa quidem frequentes inveniuntur sylvæ ex Abiete Quercu, Alno, Fago, Pinu, Junipero, Acere, Populo, Fraxino, Ulmo, Betula, Castaneo. Germaniæ potior pars olim sylva ferè continua fuit, quæ tamen successu temporis multum excisa fuit, & ubi prius stabant densa nemora, nunc agri & vineta consistunt, ipsaque tellus assidua incollarum cultura longè mitior evasit, magisque fructifera. Idipsum in aliis etiam orbis partibus succedit, quò Europæi colonias suas deducunt, præsertim in America, nova Francia, nova Anglia, novo Belgio, Brasilia, Paraquaria, ubi multæ olim ac sylvestres erant regiones, nunc sensim ab Hispanis, Gallis, Belgis, Anglis excultæ feraces supra modum ac mites evadunt.

2. Sylvæ pretiosiores ex ligno Cypressino, Cedrino, Ebenino, Sandalo, Brasilo, Calambuco, Aquila, Cocco, Granadilla, Palma reperiuntur solum in locis calidioribus, ut in Syria Monte Libano olim ingentes Sylvæ Cedrorum, quorum ligno utebatur Salomon ad Fabricam templi & Palatii Regii, hodie

hodie tamen ibidem non reperiuntur amplius Cedri nisi valde pauci. In China tamen & Japonia hodie magna est Cedrorum copia, quibus Regum ac Magnatum palatia construuntur.

In Insula Zeylon sylvulæ ex arboribus cinamomi cortice coopertis.

In Insulis Moluccis Sylvulæ ex arbusculis, cariophylla odorifera & aromatica producentibus.

In Insulis Bandanis Sylvulæ ex arbusculis, nuces muscatas gignentibus.

In reliqua Asia & America plures sylvæ ex lignis Aquilæ, Calambuc, Fernambuc, Brasilo, eoque odorifero & colorifero.

In Africa Sylvæ ex Palmis Dactyliferis pro cibo quotidiano incolarum.

Oliveta passim in Asia, Africa & in ipsis etiam Europæ provinciis calidioribus Lusitaniæ, Hispaniæ, Galliæ & Italiæ. Nulla tamen Aromata, ut Piper, Zingiber, cariophylla, flores, nuces muscatas producant, quæ ex tribus reliquis orbis partibus in Europam devehuntur, maximè ex locis orientalibus, uti & Saccharum ex cannis, quarum succus ope Molendinorum exprimitur, & illico ad ignem excoctus in pyramidales figuras formatur; sicubi verò uno alterove die succus non excoquitur, mox suam dulcedinem deperdit, & in acetum convertitur.

3. Pascua uberrima habet utraque America tum Borealis in Mexico, tum Australis in Paraquaria, ubi passim campi latissimi & toto anno virentes nutriunt immensam boum, vaccarum, vitulorum, equorum multitudinem, ita ut intra breve tempus eorum aliquot centena millia colligi possint. Multò uberiora, quàm sint pingua licet Europæ pascua in Helvetia, Hollandia, Frisia, India, Podolia, Stiria, Hungaria.

4. Frumentorum variæ sunt species: Oriza frumenti genus universale totius orbis est, multo tamen humore ac calore indiget, ut benè mature scat. Maiz Indorum Miliu

*Frumen-
torum.*

& Frumentum Turcicum Barbarorum panis est. Radix Juka Americanorum & Afrorum, cujus succus venenatus prius demitur & radix in farinam conteritur ac panis inde tandem pinfitur. In Europa Siligo, Triticum, Hordeum, spelta, avena feruntur, quæ in alias etiam orbis partes translata citò maturefcunt, in Insula quidem Hispaniola intra duos menses triticum & feritur & maturefcit.

*Et vini cul-
tura maxi-
ma in Eu-
ropa.*

5. Vini & vitium nullibi major copia & cultura, quàm in Europa. Reperiuntur quidem passim in cæteris orbis partibus vites & uvæ sylvestres, quas ipsa natura plantavit, quæ, si colerentur ab indigenis, meliùs quàm in Europa proficerent, ut experientia docuit Europæos in illis locis; quia verò indigenæ assueti sunt potui ex melle, saccharo, herbis, fabis, The & Caphe, vina non æstimant, sicuti Europæi Boreales contenti sunt decocto ex Tritico, hordeo, & lupulis, vulgo cerevisia.

CAPUT XXI.

De Architectura Terraquæ Super- terranea.


§. I.

De ærea varietate æris.

*Varietatis
Athmos-
phære Cau-
sa.*

EXperientia, constat exhalationes continuas fieri à Terra ex multiplici, ignium Mineralium ac metallorum subterraneorum apparatu, atque ab aqua è vastissimo tot fluminum, lacuum, ac marium gremio vapores diffundi, unde ex utriusque commixtione varia prodit in variis locis Athmosphæra, sive ær exhalationibus & vaporibus permixtus ac Terraquæ circumfusus. Alia namque est Athmosphæra ubi multum Terræ, alia ubi multum sulphuris, alia nitri & aluminis, alia quoque ubi multum auri, alia ubi mul-

tum



tum ferri ac plumbi; hæc enim mineralia & metalla, tum ab igne subterraneo liquefacta, tum à sole ac sideribus excitata innatas sibi qualitates identidem expirant, & aëri huic nostro commiscunt. Unde Athmosphæra evadit alicubi subtilior, alibi crassior, sicciior aut humidior, calidior aut frigidior, varioque animantium temperamento magis minúsve noxia, aut salubris, utpote à quibus intra viscera perpetuò hauritur, iterumque respiratur. Ad varietatem hanc Athmosphæræ multum faciunt. Diversa solis supra Horizontem elevatio, vel infra eum depressio. 2. Lunæ diversa ætas, atque ejusdem supra Horizontem ascensio & descensio. 3. Reliquorum planetarum & stellarum, ortus, occasus, & supra Horizontem constitutio. 4. Ipsa diversitas in ipsis Telluris partibus. Aqua enim & humida loca copiosiores emittunt vapores, quàm terrea & sicca, ita ut exhalationes interdum plures, interdum pauciores extollantur è Tellure, aliæ facilè, aliæ difficiliùs. Spirituosæ magis & Salinæ propter tenuitatem ex aqueis locis promptè exhalant; arguunt hoc animacula in aëre magno numero & incredibili copiâ generata. Item spiritus Sulphurei ex siccis locis, quod ostendunt Meteora ignea, fulgura, ignes fatui, tonitrua.

§. II.

De Athmosphæræ diversâ altitudine & figurâ.

Totum Athmosphæræ spatium, à superficie Terraquæ usque ad cælum Lunæ extensum, jam supra cap. 2. definitum est.

In Infima Athmosphæræ regione, quæ à superficie Terraquæ incipit, & ad mediocrium montium altitudinem confurgit. Aër Regionibus cæteris gravior est, quia terræ vicinior, & mineralium ac metallorum exhalationibus magis imprægnatus, animantium respirationi ac usibus deservit.

Figuram, ex ea parte, quâ globum terraqueum continet, eandem retinet semper, quam ipse globus terraqueus,

*Infima
Athmos-
phæræ
regio.*

*Ejusdem
figura.*

fed, quâ parte Mediæ Athmosphæræ contigua est, eam identidem immutat pro varia sui rarefactione, aut condensatione modò ad figuram sphæricam, modò ad Ellipticam sese conformans. Cum enim Athmosphæram frequenter videamus commoveri radiis solaribus magis aut minus, prout radii solis ad Terræ superficiem magis aut minus directi, magis aut minus obliqui sunt. Sic Sole Oriente nebulas etiam densissimas sursum ad secundam usque æris regionem attrahi, nullo subinde sui vestigio relicto, quæ tamen inibi plerumque in aquas resolutæ paulò post iterum per pluvias in terram defluunt.

Rarefactio.

Itaque talis Athmosphæræ rarefactio aut condensatio continuam patitur vicissitudinem, per quam constanter in talem figuram mutatur, qualis ex annuo Solis motu ab uno Tropico ad alterum oritur. Sic Sole in Æquatore, tempore utriusque æquinoctii, existente, athmosphæra populis sub Zonâ Torrida, per radios solis directos rarefacta versus cœlum magis assurgit & extenditur; sub Zonis temperatis minùs, sub polaribus minime, propter radios solis tunc maximè obliquos. Aliter fit sub Zonâ temperata Boreali, quando Sol est in Tropico Cancrici, tunc enim quia radii Solis magis directi sunt, etiam athmosphæra magis extenditur, contrarium fit Sole existente in Tropico capricorni.

A simili.

Ut habeas aliquam hujus variabilis Athmosphæræ similitudinem, considera Thermoscopium communi aquâ partim, partim aëre repletum. In hoc enim sive per manum sive per fornacem calefacto, aut radiis Solis exposito, videbis aquam illico descendere, adeoque comprimi ac condensari, aërem verò rarefactum extendi & aquam deorsum premere. Econtrario, si spongiam aquæ frigidaë intinctam eidem superius admoveris, vel auræ frigidaë Thermoscopium exponas, illico assurgit in eo aqua, & aër superior condensabitur. Simile contingit in detumescencia & intumescencia maris, ob athmosphæræ superioris rarefactionem & condensationem

con-

concurrente non tantum Sole, sed & aliis Planetis, præsertim Lunâ.

2. In Media sive secunda Athmosphæræ Regione, quæ ab Infimæ extremitate incipit & ad nubes usque pertingit, alterationibus aëris nostri deserviens; aër densior est infimâ, quia magis frigidus. Huc enim vapores aquei potissimum assurgunt, utpote leviores exhalationibus partium terrenarum, ex hoc ipso magis idonea efficiendis alterationibus pluviarum, grandinum, ac nivium, quæ ex frigido & humido generantur. Cumque inter ipsos vapores aqueos multæ exhalationes sulphuræ, nitrosæ, aliorumque mineralium, utpote leviores, magis ascendant, hæ frequentes per antiperistasis à frigore circumstanti concentratæ, atque à calore Solis accensæ in tempestates, fulgura & fulmina, ignes fatuos, aliasque apparentias & meteora definunt.

3. In Suprema sive tertia Athmosphæræ Regione, quæ à media incipit, & ad cælum lunare assurgit, duabus præcedentibus purior ac subtilior est aër, quia ad hanc regionem vapores aquei, non pertingunt multò minus terrenæ exhalationes graviores. Nisi fortè quidam halitus sulphurei, ex quibus subinde Cometæ, aliæque phænomena cœlestia coalescunt.

§. III.

De diverso aspectu siderum per Athmosphæram variatam.

Inprimis Athmosphæra facit; ut Sol, Luna, & stellæ reliquæ prius videantur, quàm in Horizonte oriantur. Item ut videantur adhuc aliquantulo temporis, postquam occiderunt. Item ut videantur altiores, quàm sint, & in alio cœli loco, quamdiu non sunt altiores 20. gradibus ab Horizonte. Eo quod radii Solis & Lunæ, reliquarumque stellarum ex *Rarefactio* *radiorum,* *Æthere per Athmosphæram* *Æthere densiorem ingressi, de-* *flectunt*

flectunt vel refringuntur, atque ita refracti ad oculos nostros perveniunt, & sidus conspiciendum præbent. Experientia siquidem testatur, radios à quovis visibili vel corpore progressos, si ex uno medio incidant in aliud medium, quod vel densius, vel subtilius sit priore, illos ubi ad hoc medium progressi sunt, à directo itinere deflectere, sive refringi.

A simili.

Cape hujus refractionis exemplum in vulgari experimento: depone in fundo vasis vacui nummum aureum & recede à vase, donec propter laterum vasis obstaculum non amplius videre possis aureum in fundo. Tunc infundatur ab alio in vas aqua: quo facto, iterum conspicias aureum in eodem loco, in quo ante non videras. Ex hoc itaque sequitur, cum ab aureo nullus radius directè potuisset pervenire ad oculum propter interpositionem laterum vasis, & nihilominus post infusam aquam radii ad oculum perveniant, sequitur, inquam, ex hoc, quod radii ab aureo progredientes, ubi ex aqua in aërem ingrediuntur, deflectere & refringi à directâ viâ, & sic per media diversa refractos ad oculum pervenire. Sic stellæ apparent, etiam si adhuc sint infra Horizontem, quia non videntur per radium directum, sed refractum. Hæc siquidem est natura refractionum, ut radii ex rariore medio in densius incidentes, ex æthere scilicet in Atmosphæram, refringantur vel declinent versùs perpendicularem; ductam per punctum incidentiæ ad superficiem incidentiæ sive medii. Secundum Regulam Opticorum.

§. IV.

De Varietate ventorum.

Venti à calore

VEntus, Geographis, est Atmosphæra commotio tactu sensibilis. Orta vel à calore elementari, vel sidero. Ignis enim subterraneus, uti noster usualis, minimè otiosus est, sed fortiter agit in partes terræ & aquæ subterraneæ, easque in vapores & exhalationes resolvit, quæ sensim adauctæ

adauctæ & à calore rarefactæ per subterraneos meatus jam apertos, aut vi effractus in altum erumpunt & Athmosphæram superterraneam in flatus ventosque impellunt, & sensim longiùs eundo crescunt, ea ferè ratione, quâ solent crescere fluctus, impellendo proximam partem, illaque rursus aliam; & sicut in alto apertoque mari mitiùs agunt fluctus, minùsque desævire Oceanus, quàm inter rupes & saxa collisus, atque ad littora percussus; ita in propatulo & campis apertis minùs furunt ac strident venti, quàm inter angustias & ad frequentia obstacula reflexi.

Siderei etiam influxus, præsertim Solis & Lunæ, multum conferunt ad ventos. A Sole quippe commoveri Athmosphæram nemo ignorat, cùm experiamur ad exortum Solis aspirare Zephyros, nutare arundines, & fluctuare segetes, idem experietur de Luna, qui sæpiùs ejus ortum maximè æstivo tempore observat. Tot autem sunt venti, ut enumerari aut distingui vix possint: Geographi eos in 5. classes distinguunt, ac denominant.

Ab influxu
siderum.

Imo A Mundi Plagis dicuntur *Orientales* ii, qui spirant ab ortu Solis potissimum in Zona Torrida, ubi ferè incedunt directi. *Occidentales*, qui spirant ab occasu Solis, & plerumque sunt venti *Orientales* reflexi. *Polares*, qui ab utroque polo spirant, quorum alter dicitur *Borealis*, qui rectè procedit à Septentrione versùs Austrum, alter *Australis*, qui à Meridie versùs Septentrionem procedit. Medii inter hos 4. mundi cardines, vocantur venti *Laterales*, quorum 32. Nautæ in sua rosa describunt, ut sciant quò navim in medio mari dirigere debeant.

Denominantur à
Mundi
plagis.

2do A tempore appellantur venti *Diurni*, qui de die tantum spirant, ut ad littora Novæ Hispaniæ, Brasiliæ, Cambajæ, Malabariæ &c. *Nocturni* qui tantum de nocte spirant, ut ad mare Pacificum, ad littora Chile & Peruvii, Congi, Havanæ, similiter *æstivi*, qui æstate, *Hyberni*, qui Hyeme, *Anniversarii*, qui quotannis redeunt.

A tempore.

3tio A Loco Venti dicuntur *universales*, qui in omnibus Lib. II.

A Loco.

Hh

orbis

orbis Terraquei partibus spirant. *Particulares*, qui in certis tantum locis notantur. *Marini*, qui à mari ad Terras, *Terrestres*, qui à Terra ad mare procedunt.

Effectibus. 4to Ab effectibus vocantur *Calidi*, qui vel sunt in Zona torrida, vel ab eadem aliis regionibus aspirant. *Frigidi*, qui vel sunt in Zona frigida, vel ab eadem proveniunt. *Humidi* ab Oceano vicino. - *Sicci* per longiores terræ tractus decurrunt. *Salubres* veniunt à regionibus frugiferis. *Noxii* à regionibus paludosis, sulphure, nitro, aliisque mineralibus gravibus.

Eventibus. 5to Ab eventibus Exoticis varii denominantur: *Præster*, qui cœlo etiam sereno magno impetu cum fulgure aut flammâ è nube atrâ prorumpit, & primo quidem Maris fluctus sternit, inde verò in gyrum actus mare attollit, & quidquid obvium habet, secum rapit. *Ecnephias* à Præstere non differt, nisi quod flammâ & fulgure careat, è parvâ nubeculâ, quam oculum Tauri Nautæ vocant prorumpens.

Typhon sive Orcan 24. horarum spatio à vertice irruens, in circulum ceu turbo agitur, terrâ marique frequens. *Exhydrias* *Wolfsenbruch*, ventus impetuofus ingentem aquarum molem è nube gravidâ effundit.

§. V.

Ordinaria ventorum & Atmosphæra commotio ex resolutione Terræ & aquæ à nivæ & glaciæ condensata.

IN Gr. 30. latit. M. Jan. fit resolutio in Africæ Barbaria, Ægypto, Asia, Syria, Persia, Mogoli, China.

In 40. Gr. Febr. in Hispania, Italia, Græcia, Natolia. Congelatio mense Decembri.

In 50. Gr. Mart. in Germania, Gallia, Anglia, Hungaria. Congelatio mense Novembri.

In 60.

In 60. Gr. April. in Dania, Suecia, Lithuania, Moscovia.
Congelatio mense Octobri

In 70. Gr. Majo in Norwegia, Suecia Bor. Alba Russia, Tart.
Congelatio mense Septembri.

In 80. Gr. junio in Islandia, Zembla, Spitzberga, Grönland.
Congelatio mense Augusto.

In 82. Gr. Julio in Mari glaciali propè polum arcticum
Congelatio mense Augusto.

Ubi enim aqua congelata radiis solaribus incaluit, terra resolvitur, & erumpit Athmosphæra, impellitque aërem nostrum, unde nascuntur venti frigidi & pluvii, ut verno hic tempore experimur.

Sed cur etiam hæ commotiones ac resolutiones in prædictis locis non constanter redeunt, cum Sol quotannis eodem motu ac influxu ad illa redeat? Respondetur præter Solem, cum etiam 6. alii Planetæ per eandem Solis Eclipticam variè assurgant atque descendant; Saturnus quidem singulis 30. annis hanc viam absolvat. Jupiter annis ferè 12. Mars 2. ferè. Venus & Mercurius 1. ferè, Luna mense 1. meritò his etiam partem in commovenda athmosphæra & concitandis ventis tribuimus.

Ponamus enim Saturnum descendere ex III in ♄ Lunam assurgere ex ♀ in ♃. Jovem, Venerem & Martem ex ♀ in II. Mercurium ex II in ☿. Solem in ☉. posito hoc cœli systemate, Saturnus Solus tunc præerit Hemisphærio australi, & cum sit frigidus ac siccus Athmosphæram Australem contrahet ac frigidam efficiet. Contra verò 6. reliqui Planetæ fortiter agent in Athmosphæram Borealem, continuus ergo ejusdem erit motus: unde vernum tempus erit ventosum ac frigidum, æstas humida ac tempestuosa.

Sequenti autem anno, sole iterum in eodem ☉ existente, cæteris autem Planetis, locum suum, ut quotannis fit, mutantibus, mutabuntur quoque 4. anni tempora; idque toties, quoties alia succedit Planetarum combinatio: cum verò ejusmodi combinationes sint ferè infinitæ, non erit ulla

hyems, neque æstas, neque ullus annus, qui alteri secundum omnia respondeat, quod est admirandum naturæ omnipotentis artificium.

Porro ita temporum ac ventorum diversitas consequitur

1. ad diversum Planetarum naturam. Sol enim siccus est & calidus. Mercurius siccus & frigidus. Venus humida & frigida. Jupiter humidus & calidus. Luna humida & frigida. Saturnus frigidus & siccus.
2. Ad diversam stationem situmque Planetarum ad se invicem & ad Zonas diversas; ubi enim planeta magis applicatus est, ibi potentiùs agit.
3. Ad motum proprium in Zodiaco, qui in Saturno est tardissimus, velocior in Jove, adhuc velocior in Marte, longè velocior in Sole, Venere & Mercurio. velocissimus in Luna.
4. Ad variam distantiam Planetarum à Terra, quæ in Saturno est maxima, minor in Jove, adhuc minor in Marte, Sole, Venere & Mercurio, minima in Luna.
5. Ad magnitudinem, quæ maxima est Solis, minor Saturni, adhuc minor Jovis, Veneris, Martis, Lunæ & minima Mercurii.
6. Ad variationem luminis, quod Sol quidem semper retinet, Luna verò identidem variat, & aliter apparet lumine crescente quàm deficiente. Lunam imitantur cæteri quoque Planetæ qui omnes, dum Soli opponuntur, plus habent lucis.
7. Ad diversitatem temporis, aliter enim in eadem distantia ab Horizonte Sol agit hyeme, aliter vere, æstate plùs efficit, quàm Autumno.
8. Ad diversitatem loci, plus enim virtus Solis efficit in Italia, quam in Moscovia: plus in Zona torrida quam in frigida. Atque hæc sunt, quæ non tantum ventis, resolutionibus Terræ & condensationibus, sed & cæteris etiam rebus sublunaribus tantam varietatem inducunt, quantam singulis annis, annique tempestatibus, & mensibus, aliàmque semper, & aliam, ac nunquam sibi constantem, nec prioribus temporibus similem experimur.

§. VI.

*De statis Ventorum Motionibus, Moussonnes,
in certis Terra locis.*

Alii statim venti sunt *Generales*, alii *particulares*. *Generales* sunt, qui multis in locis longo Telluris tractu per totum ferè annum in mare spirant, ut sunt *Orientales*, sub Zona torrida Euræus vel Euri collaterales, constantissimi in mari Pacifico, ita ut naves, quæ à regni Mexicani portu, *Aqua pulco*, solvunt versùs Philippinas ab ortu in occasum, sæpè, testibus Nautis, sexaginta diebus navigent sine ullâ velorum mutatione. Minùs constantes sunt ad Africæ procurrentis partem, à capite Bonæ Spei versùs Brasiliam, nisi dirigant directè navim versùs Insulam S. Helenæ. Inter Oram Mozambique Africæ & Indiam Orientalem maximè vigent Mense Januario, Febuario, Martio, Aprili, reliquis mensibus alii venti spirant, eo quod tunc Generalis Orientalis à variis fretis & Insulis Indicis impediatur, uti etiam fit ab aliis partibus maris Terræ vicinis, & vaporibus terrestribus.

Venti Orientales anni Generales.

Particulares sunt, qui non simul pluribus locis per totum annum spirant, sed certis mensibus, aut diebus spirant, & deinde certo dierum numero cessant, donec iterum spirare incipiant, quos Belgæ *Moussons* vocant, sive Motiones ventorum, & *Varenius* recenset, alique.

Venti particulares mensuarii.

1. In Oceano Indico Motio Orientalis versùs Occidentem incipit cum Januario & durat fermè usque ad Augustum; ab Augusto verò incipit motio contraria ab Occidente in Orientem. Hæc uti & reliquæ intelligenda sunt de Mari Medio; si enim naves ab Insulis Indicis solvant petentes Mogolim, Persiam, Arabiam & Africam continentes & littora, ut ante dictum, multum variant motionem Orientalem.

Motiones celebriores.

2. A Zeylano Insula, Java, aliisque ad Moluccas solent navigationes instituere Mense Septembri, quia tunc incipit motio Occidentalis, contra ventum Orientalem.

3. A Coccino ad Malaccam solvunt in Martio, quia Martio occidentalis tunc ibi incipit versùs Orientem propellens.

4. Belgæ ex Java plerumque solvunt mense Januario, quando Europam repetere volunt, quia tunc vento Orientali secundo navigant usque ad Promontorium bonæ spei; denique utuntur Austro.

5. Econtra in itinere à Mozambico versùs Goam solvunt mense Majo, cum Zephyrò-Austri sub Æquatore spirent.

6. A Malacca ad Macao Emporium Sinense solvunt mense Julio, quia tunc Austro-Zephyrus spirat. A Java in Chinam mense Majo. A China in Japoniam mense Junio; à Japonia verò ad Chinam Februario, quia tunc contraria motio spirat.

7. A Philippinis ad Americam mense Junio, Julio, & Augusto, quia tunc venti Occidentales, sed admodum debiles spirant; debent autem vitare Zonam torridam, & Americæ Borealis littora legere, ut vident ventum Generalem Orientalem vehementiorem.

8. Universim sub Zona torrida plerumque dominantur venti orientales, eisque collaterales. Ad oram Peruanam & Chilensem semper Austri versùs Panamam ad Fretum Le Maire & Terram del fuegos spirant plerumque occidentales venti, uti & in mari mediterraneo à Martio usque ad Septembrem. In mari Atlantico varii contrarii. In Boreali oceano plerumque Boreales ob frequentem nivium resolutionem. In oceano Australi plerumque Australes frigidi, ob eandem causam.

*Malacia
celebris ad
Guineam.*

Quando nulli venti spirant in mari, dicitur Malacia, sive Kalm, quæ frequens est ad oram Guineensem Africæ, hinc nautæ eam vitant, ne per duos aut plures menses ventum exspectare cogantur.



CA-

CAPUT XXII.

De variis Atmosphæra Meteoris.

§. I.

De Nubibus & Nebulis.

Nubes est copia vaporum terrestrium spissorum & condensatorum cum multis exhalationibus commixtorum. *Nubium Generatio.*

Ex terrenis enim effluviis oriuntur & condensantur nubes, quæ vel per calorem vel per ventos vehementer commota & dissipata, de terra assurgunt, & congregantur in aëre, atque sic efformant Nubes tanto spissiores, quanto plures sunt evaporationes; tantò rariiores, quanto pauciores. In æstate eas calor magis elevat, & dissipat, in hyeme frigus eas magis congregat, & spissat. Ventiquaque verum eas, præsertim vehementiores commovent & exsiccant.

Aliæ sunt steriles & sicciiores, quæ tandem agitatione ventorum in aërem resolvuntur, aliæ fœcundæ & humidiores, quæ non nisi in pluviam, vel nives, aut grandinem solvuntur.

Color nubium oritur vel ex incidentia lucis varia, vel ex copia vaporum, quorum majorem habent nigræ, quam albæ. *Color & ef. fœtus.* Nigræ sunt generandis fulminibus aptæ, quia præter vapores continent exhalationes terreas, sulphureas, bituminosas, crassas & pingues: fortiter tonant, quia densæ, intra quas, si accendatur, exhalatio invenit resistantiam magnam, eoque fortius erumpit. Rubræ nubes plerumque fulminant, præsertim cum nubes aliqua intra ardeat & accensa materia diutius frigore circumstante remorata fuerit, tandem maximo impetu cum fulmine prorumpit. Subcinericæ refrigeratæ abeunt in pluvias, sicut halitus exceptus laminâ gelidâ. Altitudo earum quadrantem milliaris Germanici vix excedit.

Nebula


*Nebularum
Generatio.*

Nebula est nubes crassior & gravior, humifera & rorida; hinc terræ insidet, nec assurgit nisi calore rarefiat, & multum humectat loca, quibus incubat. Solet oriri post rorem & pluviam; quidquid enim remanet post resolutionem roris & pluviae, dicitur *Nebula*. Fit etiam per elevationem vaporis crassi, qui repercutitur versùs terram frigore noctis, & si ascendat convertitur in nubes pluviosas, si descendat purgatur aër, & vocatur hæc *Nebula caligo*. Ex locis palustribus, uti & ex fluminibus eorumque concursu præsertim inter collium angustias facilè assurgit, urgente scilicet calore mediocri, quo nec ita arefcit, ut sursum in nubem avolet; nec tamen in ea densitate ampliùs est, quæ illam in aquis detineat. Opaca est plerumque nebula, & eminùs spectata opacior propter humoris copiam; coram verò spectata aliquid perspicuitatis habet, quia radii visuales & luminosi alicujus corporis per nebulam trajecti refringuntur, & valdè distrahuntur, ita ut corpora majora oculis appareant, quàm in se sint; si verò nimia sit distantia, objecta planè evanescunt.

*Earum ef-
fectus.*

Frequentiores & spissiores ordinariè sunt *Nebulae* circa finem veris & initium Autumni, quàm reliquis anni temporibus, quia tunc multum roris spargitur, ex quo nebula confurgit.

Paulatim vi Solis rarefcunt, dum calore solari sensim humores consumuntur. Pars una *Nebulae* sursum subinde ascendit, alia deorsum cadit: ascendit illa, quæ rarior est, cadit ea, quæ crassior est: pars etiam quandoque in dumetis & locis humilioribus concrefcit & adhæret, unde teneras subinde spicas & vitium propullulationes adurit sua acrimonia, quam ex putrida palustrique aqua diu stagnante cum frigore attraxit. Alioquin nebula humidior & calidior agros & vineas impinguat, uberiore rore fecunda.



§. II.

De Pluvia, Imbribus, Nimbis.

Pluvia est Nubes paulatim in aquam conversa, & guttatim decedens. Generatio Nubium. Generatur pluvia in regione nubium eo ferè modo, quo super ollam bullientem aqua plenam in cooperulo vapores elevati resolvuntur in guttas, & recidunt in ollam; vapores siquidem terrestres à sole attracti densantur à frigore secundæ regionis aëris in globulos, qui statim ac nati delabuntur, ac sibi alios agglomerant juxta nubes profunditatem, atque sic in aquam graviores dissolvuntur, ut stillent. Si venti sicciiores & frigidiores interveniunt, parcius pluit: si verò calor nubes congelatas penetrat, uberior pluvia decedit, & subinde procellæ: si partes exiguae cadant, vocatur *Irroratio*: si copiosæ, *Imbres*; si totæ simul ruant, *Nimbus*.

Pluviae calidæ fecundant magis agros, quàm aqua fluvialis aut fontana, propter admixtas pingues, & calidas Terræ exhalationes, ideoque citius putrescunt aquæ pluviarum. Earum effectus.

Pluvia, quæ subinde cadit fervente Solis æstu, & *Uredo* dicitur, cariem fructibus & segetibus affert; tunc enim acida quædam corpuscula in flore fructuum ac segetum relinquunt, quorum acrimoniâ vel exuruntur, vel exsiccantur, vel cariem, aut aliud vitium contrahunt.

Pluviae in vere & æstate, inter tonitrua & fulgura fertilissimæ sunt, quia tunc guttæ largiores multas secum deferunt particulas sulphureas, bituminosas, pingues. Contrarium accidit in pluviis hyemalibus, quia tunc vel frigore particulae, etiam bonæ, constringuntur, vel ventorum vehementiâ disturbantur.

Pluviae subinde prodigiosæ aut portentosæ decidunt: sic varia insecta cum pluviis decidisse memorant Historiæ: Pluvia prodigiosa aut portentosa. imò & vermes, serpentes, mures, ranas. Variæ hujus rei insolitæ ab authoribus assignantur causæ: fortè semen ver-

mium, aliorumque similium insectorum cum vapore in aërem attractum per calorem & putredinem ea in nubibus generavit.

Anno 645. Romæ conditæ fuit per tres dies Romæ pluvia lactea; forsân erat vapor collectus ex locis ceraceis; quia aliis etiam temporibus creta cum pluviis decidisse scribitur.

Anno 1553. tempore belli inter Margravium Brandenburgensem Albertum & Ducem Saxonem Mauritium. Item Anno 1631. inter Cæsarem & Gustavum Adolphum Sueciæ Regem; visâ fuit pluvia Sanguinea. An portentosa fuerit, an naturalis ex locis rubricatis, non tam faciliè deciditur.

Livius L. I. Histor: Lapidibus pluissè memorat in monte Albano, & alii anno Romæ conditæ 556. item Anno 159. & Anno 1510. aqua cum vapore in nubes subvecta fuit, quæ spontè natura sua liquefcit. Omitto alias plures, quia incertæ.

In aliquibus locis nunquam pluit, vel rarissimè ut in Ægypto, Arabia felice &c. alibi semper aut frequentissimè, ut in Andibus Americæ.

§. III.

De Rore & Pruina.

Generatio
roris &
pruina.

Ros & Pruina, nihil aliud est, quàm vapor quidam exiguus & subtilis, à Luna vel debili Sole evocatus è terra, qui, cum non possit multùm in altum assurgere, in humili loco manet, etsi aëris moderata temperies fuerit, in rorem cogitur; si verò frigus vehemens fuerit, in Pruinam congelatur.

Ros autem idèò non multùm potest ascendere, quia calor temperatus, quem requirit, talem vaporem excitans, imbecillior est; alioquin si vehemens foret, eum altius eveheret vel omnino absumeret. Luna enim multum confert, ad rorem, quod manifestum fit in pleniluniis, in quibus major

roris

roris copia invenitur, humor enim lunaris multas colligit humoris particulas; maximus autem humor Lunæ est in ejus plenitudine.

Ros verno & autumnali tempore maximè oritur, quia tunc multa humoris copia in vaporem abit, & calore temperato, qualis tunc est, fovetur. In æstate verò & hyeme roris penuria est. Vel enim in æstate ab excessu caloris vapor altius extollitur, aut æstu consumitur, vel in hyeme parùm humoris educitur, aut frigore condensatur & pruina fit.

Hinc potissimum in locis humidis, ut sunt littora fluminum, loca palustria, profundæ valles & specus, major est roris copia; in locis verò aridis & siccis, ut sunt loca arenosa & vertices montium, præsertim in æstate & hyeme, rarus est ros.

Ros Majalis salubrior est, quàm æstivus, quia ros à Majali aëre temperato temperatior est, ab æstivo autem calore terra calcinatur, ac proinde acrior halitus ex ea educitur. Hinc & sæpè nocet fructibus, herbis, & animalibus propter acrimoniam halitus admixti, qui nisi prius à Sole fuerit excoctus, pecora emitti non debent in pascua.

Roris effectus.

Pruina generatur sereno & tranquillo tempore, quia turbato & infestato imbribus aut ventis cælo concreescere vapor non potest in pruina. Hinc in humilioribus ferè locis, non in montibus concrescit, quia vapor, ex quo generatur, non nisi ex locis cavis, & humidis exhalatur; in montibus verò, quia magis ventis perflantur, consistere non potest, sed facile distrahitur, ut concreescere non valeat.

Pruina potissimum Hyeme vel ejus initio, aut fine generatur, quia non nisi magno frigore incumbente concrescit. Subinde prodest arvis, præsertim hyemali tempore, quia calorem subterraneum intus concludit, & in radices agit. Aliis verò temporibus plurimum nocet, quia frigore & acrimonia sua, primos florecentium germinum oculos, & teneriores partes plantarum ac stirpium adurit. Hinc in tempestitiva pruina nive perniciosior est, quia nix rarior ob

Pruina effectus.

aëris commixtionem minùs compacta est, adeoque minùs premit ea, quibus incubat, & consequenter minùs adurit.

Pruina augetur per accessionem majorem plurium roris partium, quæ à contactu priùs congelatarum partium, & frigore externo congelantur.

Nihilominùs tamen *Pruina* quasdam herbas, ut sunt caules, teneriores facit; quia frigore suo humorem caulium condensat, facitque ut multæ partes humoris in crassioribus partibus stirpium concrecant, teneriores autem dissolvit; unde superveniente calore etiam crassiores illæ facilè dissolvuntur, & à fibris suis solutæ mollescent, uti etiam caro congelata mollescit.

§. IV.

De Nive, Grandine, & Glacie.

*Generatio
Nivium.*

Nix est vapor congelatus in aëre priusquam coiret in pluviam; mediocri enim frigore concreta nubes mediocri calore solvitur in floccos, qui sic coagulati per frigus terrestre usque ad terram conservantur, si verò major aëris calor nubes congelatas colliquaverit, etiam nix in aëre liquefcit & abit in guttas pluviae.

Hinc etiam antequam ningat, frigus remittit; intenso verò frigore, aut planè non ningit, aut valdè parum, minutissimis & vix sensibilibus floccis, quia siccae partes minùs cohaerent.

Hinc quoque nives ex siccioribus nubibus decidunt, quàm sint eæ, ex quibus pluvia decidit; quia illæ valentior frigore constinguntur. Frigus autem dum stringit, humorem exprimit, adeoque sicciores reddit.

Aliquando dum in vallibus pluit, in montibus ningit; quia montes sunt propiores secundæ regioni aëris, quæ est frigida, adeoque in montibus majus est frigus, quàm in vallibus; hinc vapor, qui est in montibus, concrefcit in nives, antequam ad vallem vel planitiem humiliores per calidum medium

medium descendat, liquefcit & convertitur in pluviam. Hinc etiam fit, ut montium quorundum juga, etiam calidiffimis aliis regionibus subiectis, toto anno obsideant nives, ut in *Andibus* Americae, Atlante Africae & Lunae montibus, aliisque pluribus eminentioribus.

Nives terram fecundant per suas particulas terreas pingues, quas in se continent. Hinc multitudo nivis agris multum prodest; Nix enim colliquefcens, paulatim terram subit, ficque terra fermentatur optimè & semina suis firmanur fibris, Terrae respiratio comprimitur, ejusque calor retro agitur in vires & radices frugum. *Earum effectus.*

§. V.

De Grandine.

Grande, sunt guttae pluviales inter cadendum in aëre congelatae; dum enim pluvia guttatim descendit ex alto, stillae illae interim frigore intenso secundae regionis aëris, per quam transeunt, concrefcunt & congelantur. *Generatio grandinis.*

Atque sic congelatae decidunt aliquando grandiores, quando nimirum ex aëre terrae propinquo cadunt; minores verò, quando ex alto delabuntur, & longo casu deteruntur.

Plerumque sunt figurae sphaericae; quia cum motu recto descendant, partes aequaliter in tota superficie colligunt, unde sphaerica figura conficitur. Interdum tamen ab ea deficiunt, partim a vento, cujus appulsus particulas extimas grandinis excutit, aut si calidus est, liquefacit, aut si humidus & roridus novas partes super inducit: partim a mutua collisione, quae potissimum facit, ut in angulos & polygona formentur.

Aliquando in summa aestate, etiam dum est intentissimus aestus, tamen horrendè grandinat: hoc fit per antiperistasin, quando enim ex media regione aëris frigida decidunt per infimam *Etiam in summa aestate.*

finiam intensè calidam, tunc guttæ illæ naturâ suâ frigidæ propter calorem circumstantem congelantur, efficiuntque grandinem tantò grandiorem, quantò plures guttæ pluviales circumfunduntur. Hinc in montibus quandoque pluvia est, quando in vallibus grando cadit, atque de die sæpiùs grandinat, quàm de nocte; nocte enim gelidâ guttæ singillarim cadunt; de die verò solares radii repercussî à terra, eas quodammodo detinent, atque sic interim magis ab innato frigore condensantur, pòst congelantur, novisque particulis in via assumptis decidunt. Citò liquefcunt, quia calidam terram inveniunt, nisi à magna copia sese conservent, aut in loca umbrosa cadant.

*Grandinis
effectus.*

Grando quocunque cecidit & tangit spicas, uvas, fructus arborum, partes contactas suo gelu enecat, & nonnunquam suâ magnitudine & mole homines & jumenta lædit & vulnerat, aliaque plura damna regionibus infert. Plerùmque tamen longiorem tractum terræ, minùs verò latum infestat, quia nubes grandinosa à vento in unam partem agitur, ac provehitur.

*Ec insolite
magnitudi-
nis.*

Grandines insolitæ magnitudinis & maximè nocivæ quandoque ceciderunt in aliquibus locis memorabiles. Sic Anno 375. in Julio, tempore Valentis Imperatoris, ceciderunt grandines magnitudine pugni.

Anno 1395. variarum figurarum, & monstrosarum imaginum in iisdem. Similiter anno 1444. in Silesia, ibidemque rursus Anno 1593. item in Helvetia propè Bernam & Tigurium Anno 1502. item in multis Germaniæ locis Anno 1524. quam grandinem Bellum rusticum subsecutum est.

Denique Anno 1693. Grando insolitæ magnitudinis & copiæ totam fermè Europam pervasit, & damnum immensum multis regionibus intulit.

Quod autem aliquando in frustis grandinum inveniantur, pili, paleæ, frusta ligni, aliæque leviora, non adeo mirum est, eo quod omnia hæc, vel ventus, vel Sol cum vapore eleva-
ta,

ta, inter decedentes ex nube guttas, involuta, congelantur simul cum reliquo vapore.

§. VI. De Glacie.

Glacies est aqua frigore congelata; ita tamen ut ad illam congelationem non solum frigus, sed terrena etiam quædam concretio, & exhalatio concurrat, quod magis indurefeat. *Generatio Glaciei.*

Aqua in fontibus non congelascit, etiam aëre frigidissimo, quia continuis tum terræ, tum propriis exhalationibus calidis fovetur, ut pori ejus aperti maneant. *Aqua in fontibus non congelatur.* Hinc etiam aqua marina non faciliè congelatur, quia in ea multa est exhalationum calidarum copia, quæ frigoris activitatem impedit; nisi vehementia frigoris sit excessiva, ut fit in utroque Oceano Polari, propiore polis.

Aqua verò five fontana, five fluvialis, aut marina separata in vase & calefacta, si frigori intenso exponatur, citius congelatur, quàm frigida, quia aqua quæcunque calida rarior est & subtilior, atque sic particulæ frigidae aëris illam faciliùs subintrant, & vehementiùs agunt in omnes illius partes interiores. *Aqua quæcunque calida faciliè glaciatur.* Aqua autem frigida cum sit magis densa, & pori ejus constricti, non potest statim frigus extrinsecum eam subingredi.

Sic si quis brevi tempore glaciem velit habere in æstate aut cubiculo calido, fundat aquam calidam in scutellam & in ea ponat cantharum stanneum niverepletum, cum mixtione salis, aut nitri, vel vitrioli, nivemque bacillo bene subigat & commoveat, experietur aquam effusam statim in glaciem converti.

Aqua currens in fluviis & rivis concitatoribus non tam faciliè congelatur, quia fluxus & motus aquæ concretionem impedit. In stagnis verò faciliùs, quia aqua quiescit.

Observatum est glaciem puram, quæ est crassa duos digitos, *Robur glaciei.*

gitos, hominem sustinere, quæ tres digitos, Equitem armatum, quæ palmum & dimidium habet, plures turmas, quæ quatuor palmos, integrum exercitum posse sustinere. Econtra aqua congelata in vasis, ea disrumpit, cum extensionem per poros undique quærat.

§. VII.

De Tonitru.

*Generatio
Tonitru.*

Tonitru est sonus, quem exhalatio calida, & sicca in nubibus inclusa excitat.

Diversitas

Variae autem sunt hujus sonitus aut Tonitruorum differentiae: Proveniunt hæ potissimum ex diversitate concretionum ipsius Nubis, vel ex densitate, raritate, aut multitudine evaporationum, unde varii ac dispares soni existunt, ita ut modò crepent, modò strideant, modò tumultuentur, modò ut tormenta bellica explosa vehementius mugiant.

*Vel per
ruptionem
nubis.*

Potissimum fiunt tonitrua, quando exhalationes calidæ & siccae ascendentes in nubem aliquam magnam & lateribus crassis densam, includuntur, tunc enim accidit, ut per nubis undique conclusæ cavitatem, huc illucque diffugiant, & vel motu vel antiperistasi, vel simul ex causa utraque magis incallescant ac rarefiant, quæ rarefactæ majorem locum appetunt, utque hunc acquirant, omni vi erumpere conantur, ac vehementer in partes interiores nubis impingunt, eamque tandem maximo impetu disrumpunt cum sonitu terribili, quem *Tonitru* appellamus.

*Vel Solam
ejus collisionem.*

Non tamen semper hæ exhalationes nubem rumpunt, quando nimirum non est tanta exhalationum copia, aut quando tantum incallescunt, rarefiunt, non verò ignescunt; tunc enim inclusæ nubi, ejus solùm cava latera impellendo, sonum obrusum edunt, & minus murmur efficiunt. Quod etiam ex solo nubium vehementi concursu, & collisione fieri potest.

In æstate frequentiora & vehementiora sunt tonitrua, quia tunc magna copia halituum igneorum ex terra educta est, quæ faciliè accenditur. Si hujus materiæ partes omnes simul flammescunt, crepat Tonitru; si per materiam immixtam humidam accensæ partes discurrunt, stridet; si partes diversis in locis accenduntur, tumultuatur; si partes collectæ versùs aërem inferiorem directè impellant, per quem sonitus ad nos defertur, tunc vehementius tonat, velut tormentum majus Bellicum in vicinia explosum.

*In æstate
frequen-
tius tonat.*

In Hyeme rariora sunt tonitrua; quia tunc parùm halituum igneorum, aut calidorum, & sicci aëris materia ascendere ac nubibus immisceri potest. Si verò subinde Hyeme contingant, ex majore & insolito Terræ halitu ac sulphureo oriuntur.

*In Hyeme
rarius.*

In quibusdam etiam regionibus magis frequens est, quàm in aliis, Tonitruorum vehementia, præsertim in calidioribus regionibus, quia ex iis major vis halituum igneorum educitur, maximè in iis terræ tractibus, qui sulphure, petrolio, & bitumine abundant, ac proinde ignes subterraneos fovent. Quin & ipse situs locorum multum facit ad frequentiam tonitruorum. Quando enim loca montibus præaltis quaquaversum circumcincta, faciliè nubes tonitruo & fulmine fortas colligunt, & velut intra gremium suum diutiùs detinent. Simile quid experiuntur subinde fossores in metalli fodinis, quando exhalationes subterraneas contingit accendi.

*Loca Toni-
tru infesta.*

§. VIII.

De Coruscatione & fulgure.

Coruscatio est inflammatio exhalationis rarefacta in nube, quæquaversum momentaneo fulgore diffusa. Fulgur est similis inflammatio exhalationis tenuissimæ, sed collecta in punctum, fluxuque puncti continuo & anguloso è nube erumpens, non tamen usque ad terram perveniens.

*Generatio
Corusca-
tionis &
fulguris.*

Lib. II.

Kk

Ura-

Utraque accensio oritur vel per antiperistatim, vel ex collisione vehementi exhalationum ignearum, ad cavitatem laterum nubis impulsarum, vel ex ipsarum nubium imperuoso inter se conflictu, & allisione, quemadmodum filices inter se collisi, solent ignem elicere.

Effectus.

Coruscatio flavo-rubra periculosa est, præcipuè si deorsum versùs terram cadat; cervas enim ad abortum disponit, & conchas, aliàque ejusmodi. *Coruscatio* intensè rubra adhuc periculosior, quia etiam inter medios imbres accendit. *Coruscatio* verò subnigra fumosa, quæcunque objecta dirumpit.

Halitus accensus in fulgore aliquando majorem, aliquando minorem tractum aëris occupat, vel propter majorem vel minorem copiam accensorum halituum, vel propter majorem vel minorem quantitatem nubis, seu materiæ, in ea accensæ.

Cum tonitru licet non audiat, vel saltem ferius.

Coruscatio plerumque fit unà cum Tonitru, licet hoc ferius audiat, quia sonus, cum successivè transeat aëris medium, non item lumen aut visibiles species, ferius ad aures venit, quàm lumen ad oculos, licet simul fiat fractio nubis & coruscatio.

Quandoque tamen neque post visam coruscationem auditur Tonitru, vel quia tum magna est raritas nubium, quæ inflammatae exhalationi priùs cedunt, quàm violenter lacerentur, vel quia supra nubem fit sonus, qui propter nimiam distantiam non auditur, vel quia nubes ex obliquò valde à nostra regione distat, ut sonus audiri non possit, coruscatio tamen visui in immensum perrecto pateat.

Subinde auditur Tonitru, coruscatio non videtur.

Econtra verò quandoque auditur Tonitru, nulla tamen videtur coruscatio, vel quia Tonitru non semper fit per exhalationes accensas, sed tantum per incalescentes & rarefactas: vel quia densius volumen nubium visui nostro interponitur, quo minùs videre possimus coruscationem, licet sonum transeuntem auribus percipere valeamus: vel quia eruptio exhalationis accensæ sursum fit cælum versùs, &

non

non versum terram; hinc audimus sonitum & Tonitru, nihil autem videmus de coruscatione ob medium densius interpositum. Sicut audire possumus in una extremitate longæ trabis sonum pulsantis in altera ejusdem trabis extremitate, licet digitum pulsantis videre non possumus.

Si fulgurat ab Austro, imbres sequuntur; si ab Occidente, tepor; si à Septentrione, grando; si ab Orru, venti sicci, ob variam commotionem humidi, sicci, caloris & frigoris.

§. IX.

De Fulmine.

Fulmen est exhalatio ignita densa è nube magno impetu excussa. *Generatio fulminis.* Materia enim fulminis est exhalatio Terræ spirituosa & sulphurea, quæ sublata intra nubes accenditur per motum seu attritionem exhalationum nubibus inclusarum, per antiperistasin, per refractionem luminis solaris, aliæque ignita Meteora è superiori aëris regione in nubes inferiores dejecta.

Tres autem sunt fulminum species: aliud est siccum, aliud humidum, aliud clarum. Siccum tenuitate suâ dissipat humidum, & infuscat res à se tactas; humidum sternit quidem aut diffundit res tactas; sed non adurit, Clarum autem adurit, pervadit, penetrat universa, ad quæ venit, & mira operatur, quæ intellectus humanus penetrare non valet.

Differt à fulgure, quod fulgur quidem sit exhalatio ignita, sed non cum tantâ vi è nube erumpit, ut fulmen, nec pertingit usque ad infimam regionem aëris, extinguitur enim, antequam ad illam perveniat; fulmen verò non tantum totam pervadit infimam aëris regionem, sed etiam objecta rerrea solidissima penetrat.

Unde colligitur Fulmen non esse lapidem igne è nubibus, *Fulmen non est lapis.* velut globus è tormento, excussus, ut vulgus putat; alio-

quin non esset tam subtile, ut corpora sine læsione, ut sæpè fit, trahat: nec occuparet tantum spatium: nec tam facile in varias partes moveretur: nec tam citò evanesceret nihil duri post se relinquendo.

*Et si quis
decidat
fulminis
effectus est.*

Fieri tamen posse videtur, ut exhalationes calido-siccæ intra nubem concrecant in lapidem, velut humidæ pluviarum stillæ in grandines, qui cum fulmine vibretur in terram, quia Sal nitri, aut Sulphur, aut alia viriosa diversarum rerum exhalatio, materia satis apta est, ut vi flammæ fulminæ condensari possit & concrecere, partim intra ipsam nubem, partim in descensu per aërem, particulas sibi homogeneas acquirendo. Verùm lapis iste, quicumque demum sit, non tam fulmen est, quàm effectus fulminis.

Nec lapides fulminei, quales subinde visuntur in curioforum Odæis, ejusdem semper sunt speciei, sed pro varietate materiæ diversi, alius siquidem est sulphureus, alius lapideus, alius ferreus, aut quasi ex alio metallo confectus, qui tamen molliri, aut elaborari non potest.

Varii effectus Fulminis.

Fulmen nunquam est sine tonitru, per quod etiam distinguitur à fulgure, quod sine eo fieri nonnunquam potest. Fulmen enim exhalatio ignita crassa, densa, quæ diutius flammam nutrit, nec facile diffatur, hinc magno cum impetu è nube excutitur, quod non potest fieri sine fragore aut tonitru; fulgur verò est accensio exhalationis raræ & tenuissimæ, adeoque non indiget tam violenta è nubibus eruptione. Sicut pulvis pyrius in patente aëre accendi potest sine strepitu, sed explosio materiæ accensæ in sclopo non potest fieri sine strepitu aut fragore.

Fulmen ordinariè in res duras vim suam exerit, mollioribus salvis: sic gladium intra vaginam absument, vaginâ illæsâ: aurum & argentum in cineres redigit, marsupio inviolato: aliaque metalla liquat, ligno cui sunt inclusa salvo. Quia in duris corporibus, quæ transitui fulminis resistunt, necessariò aliquam moram facit adeoque vim majorem exercet; in his verò, quæ mollia sunt & non resistunt, nullo modo

modo hæret, sed subito sine applicatione virtutis suæ, & consequenter sine læsione rei mollis, quam ferit, pertransit.

Subinde tamen rem molliorem corrumpit, duriorē salva, ut cum infantem in utero enecat, Matre illæsa. Quod potest fieri à languida aliqua exhalatione & valde subtili, quæ foetum ob teneritudinem suam facilius, quam Matrem afficit. Quamvis id probabilius ex subiro terrore matris infanti eveniat; cum & aliàs absque fulmine ex eadem causa terroris Matres foetum immaturum, eumque sæpè exanimatum effundant.

Sic aliquando vinum in dolio consumit, vase salvo; & in pristino situ permanente, dolium consumit. Primum non aded mirum est, eo quod dolium vi fulminis laxatum & rarefactum faciliè spiritum, ignemque transmittit, qui relicto dolio, vino se applicat, sibi magis contrario & resistenti ob spiritus contrarios, totam suam vim in illud convertit, dissipat & absumit. Alterum, si contingat, magis mirum; interim hujus ratio dari potest, eo quod fulmen materiam secum deferat viscosam, & tenuem, ideo combusto vase, viscosa hæc materia valet aliquamdiu continere liquorem, ne effluat, sicut alicujus ovi tenuis pellicula, quæ est intra corticem, etiam deperdito cortice ejus, illud intra se continet.

Aliquando exurit pilos aut vestes hominis, non adusto homine; quia quandoque flamma fulminis, valdè est dispersa, cujus activitas cum sit exigua, obvia tantum corpora faciliè combustibilia adurit, cujus modi sunt pili, vestes, & alia similia.

Subinde interimit hominem nullo omnino vulnere aut signo relicto; quia sæpè fulmen aded tenue, subtile & rarum est, ut faciliè penetret corpora porosa sine aliqua læsione extrinseca, sic in homine per poros cutis & carnis faciliè subit usque ad interna vitalia, quæ minimo tactu suo causant mortem, ut nullum exterius signum ingressus appareat.

Quandoque hominem solo afflatu suo in terram prostermit, quasi mortuum; potest hoc provenire à similibus

Et admirandi.

fulminis qualitatibus nocivis, vel etiam à terrore, vel ab impulsu aëris per fulmen commoti & impacti. Subinde tantum denigrat propter fuliginem afflatam.

*Terrifici
& nocivi.*


Aliquando fulmen res etiam duriores, ut sunt ligna, lapides, muri &c. terebrat per subtilia foramina, quando nimirum subtile, aëreum & flammeum est, cui per angustissimam tantum viam effugium est, ob ignis tenuitatem.

Aliquando dissipat & turbat res tactas, quando scilicet halitus crassior est, & non tam facile eas permeare valet, collectis viribus, obstitens corpus validissimo impetu dirumpit, ac dissipat in omnem partem.

Aliquando res tactas comburit & in cineres redigit, quando nimirum magis igneum est, quam fulmineum: aliquando leviter tantum accendit, aut amburit; potest enim aliquid uri, & tamen non ardere, & aliquid combustum esse, quod non sit accensum; licet nihil ardere possit, quod non uratur, & nequeat esse aliquid accensum, & non combustum.

Aliquando per Turres, templa, & domos discurret variis flexibus; quia cum ejus ignea subtilitas facile sit mobilis ab omni venti vel aëris appulsu, statim rapitur, eorumque motus sequitur. Et quia materia illa, cui flamma adhæret in fulmine, continuo ferè æquilibrium mutat, unde jam ad hunc, jam ad alium motum determinatur, velut pyroboli accensi, qui eodem ferè modo discurrunt.

Flamma fulminis per aquam difficulter exstinguitur; quia constat ex multo bitumine, cujus viscositas aquæ ingressum intra se non admittit, quo minus partes etiam late accensas separare valeat; absque enim tali separatione flamma non exstinguitur. Lac tamen præsertim caprinum prævalet, quod suo glutine se facilius affigit rei accensæ ac poro intra poros flammam fulmineam suffocat.



§. X.

*De reliquis minoribus Meteoris igneis è terra
provenientibus.*

PRæter Fulgur & Fulmen videntur quandoque alia minoris momenti meteora ignita in aëre, quæ materiam suam primigeniam de terra sumpserunt, ideoque ad Geographiam adhuc pertinent. Minora
Meteora i-
gnea.

Talia Meteora varias denominationes sortiuntur ex variis figuris exhalationum accensarum; nam si accendatur exhalatio oblonga & jacens, appellari solet *Trabs*; si cuspidata, *Faculum* vel *Lancea*, eo quod horum omnium referat imaginem sive similitudinem: si exhalatio stat erecta, dicitur *columna*, quæ si circa basin paulò latior, & amplior sit, *Pyramis* nuncupatur: si rotunda *Clypeus* vocatur atque sic de cæteris ejusdem generis meteoris ignitis. Trabs Ja-
culum Lan-
cea colum-
na. Pyra-
mis Clype-
us.

Varietas autem figurarum materiæ, ex qua generantur & accenduntur hæc meteora, desumitur ex multiplici dispositione halituum; nimirum secundum raritatem, densitatem, subtilitatem, crassitiem, magnitudinem, parvitatem, & majorem minorémve levitatem eorum; ex his enim provenit diversitas sitûs & molis eorundem, atque ex hac diversa varietas figurarum. Materiæ
varietas.

Porro accenduntur hæc exhalationes à variis causis; potissimum tamen à radiis solaribus, & particulis Aëris sulphureis, ac per antiperistasin circumobstantium particularum frigidarum, quin & per ipsum earundem motum. Generatio.

Præmarium ex his est *Chasma*, coruscationi simile, quod nihil aliud est, quam repentinum lumen exhalationis magnæ sub nubibus incensæ, quo quasi cælum aperiri videtur; quando enim nubes crassa disrumpitur, in partibus rupturæ vicinis rarioribus, colorem exhibet lucidum, tunc cælum tanquam ex incendio dehiscere videtur. Chasma.

Aterum *Draco volans*, est nubes accensa, quæ circa medium co volans. Quid Dra-
cium co volans.

dium crassior intumescit, circa extrema autem contrahitur, ita ut similitudinem Draconis præferat. Fit autem hæc efformatio tali modo: Nubes halitu non admodum calido, sed valdè coagulato & compresso facta, dum in sublimè fertur, & frigidam nubem impingit, retruditur ab eadem, ejusque impulsu reflectitur ac incurvatur tanquam Draconis venter, partibus extremis, utpote coarctatis, capitis & caudæ vices referentibus. Hæc ubi vel motu, vel radiis solaribus vel per antiperistasin accensa fuerit, quia ex parte anteriore rarior & subtilior est, videtur velut ex ore scintillas evomere.

Quid capræ saltantes.

Tertium *Capræ Saltantes*, sunt flammæ subsultim commotæ; evenit autem hoc Meteorum tunc, quando materia exhalationum in longum magis, quàm in latum, eaque non per partes continuas, sed valde propinquas inæqualiter protensa accenditur; sic enim fit, ut ignis motu quodam inæquali, & quasi transultu per ita dispositam materiam procedat, & quasi saltet, ut capræ.

Quid Fax

Quartum *Fax*, sive flamma quæ contingit, cùm exhalatio valde subtilis, in longum & latum æquè extensa, subito & momentanè tota accenditur.

Quid sidus volans.

Quintum *Sidus volans*, & *stella cadens*, & *sidera discurrentia*. Hæc nihil aliud sunt, quàm exhalationes igneæ, continua consecutione accensæ, atque hinc moveri videntur, non secus ac pulvis pyrius per longam lineam ordine dispositus, si is in uno fine accendatur, ignis per totam lineam procurrere videtur. Talis exhalatio accensa, si progrediatur in altum, dicitur *Sidus volans*, si deorsum versùs terram moveatur, *stella cadens*, si ad latus vergat, *Sidus discurrens* appellatur.

Quid stipule ardentes.

Sextum *stipule ardentes*, sunt scintillæ in aëre, quas format accensa exhalatio longè lateque sparsa, & multis intercepta spatiolis vacuis à simili materia.

Quid ignis fatuus.

Septimum *ignis fatuus*, est exhalatio sulphurea, crassa, bituminosa, non procul à terra, quam Sol de die rarefacit; madore verò noctis accenditur. Dari frequenter tales ignes, expe-

experientia constat, & frequentius in locis pinguioribus, ut in cæmeteriis, locis palustribus, propè cloacas, aliaque loca similia, inde enim major sulphuris ac pinguioris halitûs copia educitur. In æstate autem maximè accenduntur & in locis sub Zona torrida, in quibus non rarò hujusmodi ignium turba per agros vagatur atque discurret, ob majorem scilicet solis activitatem, licet de die non videantur, quia lux diurna major, minorem hujus ignis obruit. Ignis fatuus est facillimè mobilis, quia omnes etiam levissimos aëris motus sequitur, hinc viatorem insequentem fugit, fugientem insequitur; dum enim per mediûm aërem ambulat, aër, quem ante se pellit facto circuitu, statim locum à viatore relictum occupat, motûmque aëris cœuntis insequitur, & turbat phantasiam hominis, ut deviet.

Similes ignes fatuos experiuntur Nautæ in Mari circa *Quid Helena* naves, & sæpè adhærent vel antennis, vel malo, vel velis, *Castor, & Pollux?* nempe propter pinguedinem vel uliginem, quâ constant, & motum navis sequuntur. Si unus tantûm ignis adhæret, vocatur *Helena*, si duo, appellantur *Castor & Pollux*. Præfagiunt tempestatem, quia sub illo aëris tractu multûm halitûs esse colligitur, eumque heterogeneum; si verò inter ipsam tempestatem adhæreant, prænunciant brevi secuturam ferentatem

CAPUT XXIII.

Dereliquis Meteoris Aëreis & Aqueis.

§. I.

De Iride.

IRIS est Arcus multicolor in nube roridâ & opaca, à radiis solis oppositi depictus.

1. Colores Iridis non sunt veri colores, sed apparentes tantûm, & in re nihil aliud sunt, quàm ipsi Radii diversi *Varii colores Iridis.*

Lib. II.

L I

fimo-

simodè incidentes in nubem roridam. Sic si quis ex adverso solis aspiciat fontem in altum salientem, aut situlam sursum effusam, apparent in guttulis aquarum varii colores, non secus ac in ipsa Iride: sic etiam immissi per vitrum Trigonum radii solares eosdem omnino repræsentant colores, maximè intra cubiculum obscurius.

2. Colorum Iridis primariorum sunt 4. Extremus sive summum in peripheria locum obtinens est *Ruber*, huic, mediantes flavo, succedit *Vividis*, post quem sequitur *purpureus*, qui tandem in cæruleo colore finitur.

*Eorum
Cause.*

3. Causa hujus diversitatis, est vaporis inæqualitas. Lumen enim in vapore, jam stillante in guttas, refractum dissimilibus coloribus pingitur. Nam umbræ ex guttis dissimilibus sparsæ, & intermixtæ lumini aggregato & refracto dissimiles colores exprimunt, quos radius, reflexus secum ad visum nostrum deferret. Item quia radius lucis, ut in aliis etiam experientis advertitur, cum exigua opacitate efficit colorem rubeo flavum, cum mediocri viridem, cum majori purpureo cæruleum; sed opacitas nubis exigua est in parte extrema, mediocris in media, major in parte inferiore, ergo etiam in tam diversâ opacitate nubis radius lucis incidentis prædictos varios colores efficit.

Causa Materialis.

4. *Causa materialis Iridis* est Nubes, in qua generatur, non densa. nec continua, sed instar vaporis roridi liquescentis, & in minutissimas stillas sive guttulas resoluta; ultra quam quædam opacitas est, rationem quandam plumbi in tergo speculorum habens, ut nimirum expressiores imagines appareant.

Causa Efficiens.

5. *Causa efficiens Iridis* sunt radii Solares per purum ærem ad illam oppositam nubem liquescentem delati. Hinc etiam figura Iridis rotunda imaginem solis in nube refert, qui similiter est figuræ sphaericæ.

Causa Formalis.

6. *Causa formalis Iridis* est multiplex radiorum solarium in nube rorida partim refractionis, partim reflexio ad oculum spectatoris. Non enim generatur Iris nisi materia aliqua

trans-

transparens & diaphana ex adverso Sole collocetur, quæ radios excipiat quidem, sed tamen rectâ penetrare prohibeat. Unde necesse est prius fieri refractionem radiorum, quia lumen fertur per medium rarius; simul autem fit etiam reflexio, quia fertur in medium densius infinitis guttulis seu stillicidiis roridæ nubis contiguum, sine sensibili ab invicem separatione, hinc pro uno continuo quasi speculo habetur reflexionibus apto. Nec etiam semel tantum sed aliquoties in singulis, etiam minimis stillis prius & refringitur radius illapsus, quàm exeat, & ad visum nostrum perringat, sicque non tantum collectione radiorum fractorum copia Luminis in profunda vaporis superficie augetur, sed etiam ipsa reflexio eam auget, & magis intendit.

*Refractione
& Reflexio
radiorum
solarium.*

7. Quia verò, ut Iris videatur, necesse est ut centrum Solis, Iridis, & oculus in una recta linea consistant, multiplicabitur Iris, pro multitudine intuentium ex diversis locis, adeoque quot sunt oculi, tot lineæ visivæ, tot Irides diversæ erunt. Sic si apparente Iride, aliquot myriades hominum adessent spectatores, singuli tamen singulas, & quilibet peculiarem cernerent; quemadmodum in omnibus speculis contingit, ut diverso loco intuentes, imaginem diversimodè sitam aspiciant: vel quemadmodum vox una pro multitudine audientium, absque sui imminutione multiplicatur, & tamen aliter atque aliter pro diversa ratione loci percipitur. Sic etiam aspectus Iridis alius & alius pro diverso loco intuentium. Siquidem spectatores, qui secundum longitudinem loci tantum differunt, id est, qui rectâ à vapore versùs Solem longius distant, majorem acquirunt basin, majorem ad visum angulum, longiores radios, concursum reflexorum radiorum longius ab Iride remotum, adeoque etiam majorem Iridem vident: minorem, qui ad vaporem propius accedunt, ob causas his à prioribus contrarias. Qui verò secundum latitudinem loci tantum differunt, & ad latera deflectunt, æqualitatem quidem radiorum, angulorum, basium, & Iridis conservant; sed diversos axes, diversa cen-

*Multipli-
cacio ejus-
dem Iridis
primæ.*

*Vel ejus-
dem imagi-
nis in spe-
culo & e-
jusdem vo-
cis in aere.*

*Sic etiam
Iridis pro
diversitate
intuentium*

Ex locis
diversis.

tra acquirunt, diversamque in diversis locis Iridem intuentur. Qui denique tam longitudine, quam latitudine loci differunt, omnia diversa habent, & radios, & angulos, & bases, & axes, & centra, ac modò majorem, modò minorem arcum, diversumque, & inæqualis quantitatis Iridem necessariò intuebuntur.

Geminæ
Irides
quandoque
videntur
ab eod. oculo.

8. Præter primam Iridem quandoque etiam alia secunda vel subinde tertia conspicitur. Primæ semidiameter est graduum 45. Secundæ 56. grad. 15. Min. adeoque hæc ambit primam, & octava parte recti anguli, hoc est, 11. gradibus & 15. minutis primæ est altior. Quando igitur Sol ab Horizonte non est altior 45. gradibus, tunc in rorida nube duæ Irides cerni possunt.

Prima non
generat secundam
per reflexionem
Primæ.

An autem *prima* generet *secundam* per reflexionem? valdè dubium est. Sunt, qui putant, *Iridem secundam* oriri ex reflexione *primæ* tum ob colores secundæ languidiores, horum argumentum est, quia radii lucis & coloris, quò magis protenduntur, eò magis debilitantur; *secunda* autem *Iris* formatur per radios magis protensos, hi enim non procedunt directè ab ipso sole, sed per reflexionem à *prima* nube rorida, & soli opposita, ad *alteram*, & ab hac reflectuntur ad oculum nostrum, adeoque ob duplicem reflexionem redeunt longiori itinere ad oculum, quàm à *prima*, quæ fit per unicam reflexionem. Tum ob colores in *secunda Iride*, contrario modo dispositos, quia *secunda Iris* formata à radiis solis à *prima* reflexis, & quidem in contraria guttarum parte, ita ut color, qui in *prima Iride* fuit infimus, in *secunda* sit summus, & qui fuit in illa summus, in hac sit infimus; cujus causam petendam ajunt ex natura & ratione speculorum, in quibus res per imaginum reflexionem videntur, & dextra apparent in sinistra, & è converso infima summa, & vicissim summa infima.

Aliàs non
santum colores sed &
arcus in-

Sed si *secunda Iris* esset imago *primæ*, quæ oriretur ex reflexione *primæ*, ergo non tantum colorum ordo inversus cerneretur, sed etiam cornua à se averfa, quod est contra mani-

manifestam oculorum experientiam, præterea, qui fieri posset, ut absente *prima* (quando scilicet sol altior est 45. gradibus, & humilior 65. Gr.) cernatur *secunda*, imago sine imaginante, quod tamen in æstate frequenter accidit.

Unde verosimilius est, *secundam Iridem* immediatè quæ à Sole generari, non secus ac *Primam*. Et dicendum has duas *Irides* fieri potiùs, per duas nubes roridas Soli oppositas, ac radios Solis ex illis immediatè ad oculum reflexos, esto in nubibus illis refractos, non verò per reflexionem radiorum à *prima* ad *secundam*. Quod etiam colores *secundæ* sint languidiores primæ, patet ex eadem ratione, quia radii Solis à *secunda* sunt magis protensi; adeoque magis debilitati.

Singulis autem temporibus invenitur cujuslibet *Iridis* tam *Primæ* quàm *secundæ* semidiameter hoc modo: Cape altitudinem tam Solis, quàm Iridis Quadrante, vel alio aliquo Idoneo Instrumento: ambarum altitudinum arcus conjunge, quorum junctorum sinus est semidiameter Iridis.

Unde ex altitudine *Iridis Primæ* etiam altitudo Solis cognosci potest, pariter ex altitudine *Iridis secundæ*, si nimirum altitudinem *secundæ* à 56. Gradibus & 15. Minutis abjicias, relinquetur altitudo Solis.

9. *Figura Iridum* semper est circularis. Licet quidem tota superficies roridæ nubis Soli expositæ irradietur, quoniam à singulis punctis, in quæ directi Solis radii incidunt, fit reflexio; de irradiato tamen vapore nubis non plùs cernitur, quàm forma Arcûs. Oculus enim non percipit ullius rei formam, nisi in illo puncto *Axis illuminationis* consistat, ad quod radii in vaporem incidentes ad æquales angulos reflectuntur: quæ reflexione secundum æquales angulos *Pyramidem reflexionis* conformatur, cujus *Basis* Arcu circumscribitur, & tantum formam Arcûs oculus exhibet, quæ *Iris* vocatur, in quâ semper duæ Pyramides constituuntur: una *Illuminationis*: altera *Reflexionis* ac *Visionis*. *Pyramis Illuminationis* verticem suum habet in Centro luminosi corporis *Solis*, ex quo radii ad superficiem roridæ nubis egrediuntur,

verterentur.

Sed immediatè à sole.

Utriusque semidiametri inventio.

Figura utraque circularis.

Basis enim utriusque Pyramidis tam Illuminationis quàm reflexionis ad æquales

*Angulos
circulum
terminat.*

quorum alii oblique incident; Unus verò ad angulos rectos perpendiculariter, sive *Axis Pyramidis Illuminationis*, ad cuius certum punctum radii oblique incidentes, ad æquales angulos reflectuntur, & *Pyramidem Reflexionis* constituunt, cuius *Basis* etiam in superficie nubis, vertex verò in oculo est; *Axis* autem utrique communis.

*Sicut omnes Rectæ
æquales à
centro per
peripheriam
circuli.*

Cùm igitur ratione Mathematica manifestum sit & etiam sensu comprobatum, si ab uno puncto in diversas partes, rectæ lineæ æquales protrahantur, quod *Linea* extremitates harum connectens sit *Peripheria* circuli, etiam *Lineam* puncta reflexionum in superficie nubis connectentem *Peripheriam* circuli esse necesse est.

*Hinc centrum
Solis,
Iridis, oculi,
sunt in
eadem recta*

Unde etiam sequitur *Oculum* necessario in una recta *Linea* inter centrum *Solis* & centrum *Iridis* esse, ita ut centrum trium corporum, *Luminis*, *vaporis* & *visus* in una recta linea consistant.

*Quare Iris
Hemicycli-
ca tantum
videatur.*

Quod autem non integro circulo formatam *Iridem* videamus, sed tantum *Hemicyclicam*; id non *Iridis* sed *Oculi* in Horizonte sensibili consistentis, & intersectorum impedimentorum vitio contingit, quæ partem inferiorem circumferentiæ *Iridis* desideratam nobis abscondunt. Atque hoc fit, quando summa *Solis* altitudo vel mane vel vespere supra Horizontem est Graduum 45. qui gradus constituunt dimidium rectum Angulum, per quem omnes radii æqualiter ad oculum reflectuntur. Quantum verò *Sol* supra Horizontem elevatur, tantundem deprimitur centrum *Iridis* infra Horizontem, hinc varia solet esse *Iridis* altitudo, prout est varia & nubis & *Solis* tum altitudo, tum depressio; adeò quidem ut *Sole* 45. Gradibus altiore nulla *Iris* naturalis cerni possit, uti nulla unquam cernitur *Sole* circa meridiem altius elevato, quia tunc oculus noster medius inter *Solem* & *Iridem*, scilicet in eadem recta, utrequiritur, esse non potest.

*Fam altior
jam de-
pressior.*

Si verò *Oculus* supra Horizontem sensibilem in altissimo monte aliquo constitutus esset, ut 45. gradibus deorsum spectaret in vallem, ubi rorulenta nubes est, tunc non truncatam,

*Ubi inte-
gra ejus
peripheria
cerni possit.*

catam, sed totam & integram perfecti circuli *Iridem* intue-
retur, uti videre est in aliis artificiosis Iridibus: si enim in
conclavi opaco, in quod per fenestrellam apertam Solis radii
ingredi possint, limpidam aquam ore affatim haustam, aut
per situlam in adversam Solis plagam guttatim exspuas;
tunc videbis aliquam Iridis imaginem, non arcuatam aut
mancam tantum, qualem natura nobis ostentare solet, sed in-
tegrè rotundam, vel eà solùm sui parte mutilam, quâ corporis
sui interpositi umbra illam pertransit.

10. *Tempus Iridum* solet esse plerumque *Hyemale*; in *Tempus Iridum cre-
brius est in
hyeme.*
hyeme enim crebrius, quacunque ferè horâ generari possunt
Irides; Quia tunc *Solis* altitudo minor est, & ideo minor
etiam radiorum solarium rectitudo & minor vis, quàm ut
vapores dissipare & consumere valeat; unde eo tempore
plus est vaporum, qui æstatis calore consumuntur.

In *Æstate* verò rariùs & quidem tantum circa ortum aut
occasum *Solis* generari possunt, nunquam tempore meri-
diano. Sole enim Oriente & Occidente vapores non ita fa-
cilè dissipantur, ac in meridie, ubi tum major radiorum recti-
tudo & vis, tum nimia *Solis* altitudo eam impedit, ut supra
dictum.

11. *Locus Iridum* semper est oppositus *Soli*: Sole circa *Locus sem-
per Soli op-
positus.*
ortum versante, Iris circa occasum spectatur, & vicissim,
ita ut semper tergum *Soli*, faciem Iridi obvertamus. Sic Sole
circa Austrum versante Iris in parte septentrionali conspicitur.

Cùm autem *Sol* in nostro sphaeræ situ nunquam ad Se-
ptentrionem declinet, nos *Iridem* nunquam versùs meridiem
videmus, nisi forè radii solares incidunt nubi solidæ aquosæ,
& è regione *Solis* positæ, & ab hâc in nubem roridam ad latus
Solis collocatam reflectantur, atque hinc tandem ad visum
nostrum reverberentur.

12. Quod *Iris* fugientem sequi, accedentem fugere, & *Cur Iris
fugientes
insequi, se-
quentes su-
que*
ad latus progredienti, etiam Iris ad latus moveri videatur,
mirabilis hujus apparentiæ ratio est; constat enim *Iridem*
semper majorem ei apparere, qui ab hâc recedit, ergo quo-

gere videatur.

que ejusmodi continuâ augmentatione *Iris* recedentem sequi videtur; accedenti verò *Iris* minuitur & decrescit, unde recedere & quasi fugere videtur. Qui accessus & recessus inde apparet, quod majora melius videantur, & ideo propinquiora putentur, quàm minora. Et contra quod minora minùs & imbecillius visum afficiant, ideò longius ea distare existimantur.

Cur ad latum accedentis accedat.

Si quis autem ad latus declinat, *Iris* quoque ad latus accedit, quia cum Eo ad idem latus murabitur *Axis* Pyramidum, punctum superficiei corporis luminosi, seu *vertex* Pyramidis Illuminationis, *Circulus* altitudinis, & aggregatio radorum, vel *vertex* Pyramidis Reflexionis, ergo & *Iris* ad idem latus moveri conspicietur.

Naturaliter pluviam indicat.

13. *Iris* ordinariè naturaliter indicat pluviàm brevi secuturam, quia fit in nube roridâ, quæ proximè est disposita, ut solvatur in pluviàm. Ideoque eandem æquè ante diluvium, ac posteris temporibus indicavit; cùm enim *Iris* sit naturale quoddam Mereorum, cujus causæ sunt *Lux Solis*, & *nubes rorida*, & hæ causæ etiam fuerint ante diluvium, non minùs, quàm defacto, potuerunt, imò & naturaliter debuerunt aliquando concurrere ad formandam Iridem.

Lunares Irides rara, nec tam vividæ.

Denique dantur etiam subinde *Irides Lunares*, sed valde rarò, nec tam vividæ, nec tam coloratæ; cùm enim ad Lunarem Iridem rarissimè concurrant requisita ad eandem, scilicet vapor idoneus, Luna plenilunio vicina, Oriens vel Occidens radiis Solis infra Horizontem demersis, manifestum est rarissimè *Lunares Irides* conspici, præsertim in locis magis australibus, in quibus materia *Iridis* ab æstu Solis consumitur.

§. II.

De Pareliis Solis & Parascelenis Lune.

Parelium Solis requi-

1. *Parelium* est imago *Solis* in nube, quando scilicet crassior ad latus Solis posita, instar speculi imaginem ejus reflectit

fleret ad visum nostrum; in aëre enim puro & raro nunquam videtur, alioquin semper sereno Sole *Parelia* conspicerentur, quæ tamen rarissimè solent contingere, & non nisi aëre crasso. Nec quævis nubes ad *Parelia* efformanda sufficit; debet enim esse nubes ex densiore vapore, & tenuioribus exhalationibus composita, ita ut ex parte *Solis* objecta sit *Diaphana* & aquea, ut *Solis* imaginem admittat, velut aqua pellucida; ex altera verò parte, quasi terminata obscurior & densior, ut imaginem *Solis* ad visum nostrum reflectat, sitque instar vitrei speculi, quod aversâ parte plumbo obducitur, ita ut loco vitri specularis vaporem aqueum diaphanum *Soli* obijciat, ex altera autem parte obscuris exhalationibus tanquam bractea terminetur. Talis enim solum apta est, ad debitam pro hoc *Phænomeno* per refractiones & reflexiones ad radiorum solarium exhibitionem efformandam. *Parelium* siquidem non videtur nisi per radios vel refractos, vel reflexos, aut per utrosque. Nam cum radius visualis directus adversum *Solem* terminatur, *Parelium* repræsentare non potest, ut per se clarum est.

rit nubem
ex una
parte pel-
lucidam,

Ex altera
termina-
tam specu-
lum vi-
treum.

2. *Parelia Solis* plerumque apparent Sole Oriente vel Occidente; quia tunc *Sol* est minus potens dissipare vapores, & impedire, ne concrecant ea densitate, quæ requiritur ad *Parelium*, quàm dum est in meridie, aut circa meridiem. Atque hæc etiam ratio est, cur tempore verno facilius formentur *parelia*, quam aliis anni partibus, quia tunc defæcatiores sunt halitus & vapores, virtusque *Solis* non adeò valida, ut vapores dissipet, nec ita debilis, ut non excitet. Hinc in partibus Borealibus frequentiora sunt *Parelia*, quia ea pluribus abundant vaporibus.

Apparet
plerumque
vel in ortu
vel occasu
in vere
precipue.

3. *Parelia Solis* non contingunt infra *Solem* ita ut propinquiora sint Horizonti vel Orientali, vel Occidentali, quia radii solares tunc propter reflexionem à terra dissolvunt densitatem vaporum requisitam ad *Parelium*. Nec fiunt supra *Solem* in majore elevatione supra Horizontem, quia tunc radii *Solis* versùs illam partem nimium disperguantur, adeoque

Parelia
non fiunt
valde pro-
pinqua Ho-
rizonti aut
Soli.

Neque re-
motiora ab
utroque.

Sed in mo-
dica di-
stantia.

Apparent
plures So-
les quam
tres.

Ratio mul-
tiplicati
Parelii.

Et colorum
variorum.

Naturalis

que non sufficiunt ad repræsentandam Solis imaginem. Neque existunt valdè propinqua Soli, quia sic Sol radiis valdè directis, adeoque vehementioribus dissolvit consistentiam vaporum ad parelium requisitam. Neque apparent in magna à Sole distantia, quia tunc nubes, valdè distans à Sole, non potest perfectè reflectere ad oculum lucem & imaginem Solis distinctam. Fiunt ergo in modica tantùm distantia à Sole, & ad latera Solis, vel versùs partem Borealem, vel Australem, vel utramque simul, quia sic nubes sunt in medio, adeoque requisito situ ad efformanda Parelia.

4. Quando tres Soles apparent *medius est verus*, qui ad latera videntur, tantùm apparentes; tunc enim Solis radii ad utramque partem in nubibus refringuntur. Similiter quando plures apparent quàm tres: sic in morte *Ludovici* Regis Hungariæ Anno 1525. & eodem anno sub *Sigismundo* Rege Poloniæ quinque Soles sunt visi, & Anno 1600. quatuor in Transylvania, & alibi aliis temporibus plures.

Quorum ratio est, quia possunt plures nubes ad hunc effectum præstandum aptæ Soli obijci, possunt etiam plures similes ita disponi nubes, ut radii Solis perpendiculariter incidant in unam, & ex hac rursus trajiciantur in aliam, vel alias plures, quæ ipsi primæ non sint parallelæ, sed inclinatæ ad illam; sic enim, ut in polygono vitreo idem objectum toties repræsentatur, quor sunt latera, sive partes illius ad invicem inclinatæ.

Hinc etiam aliqua *Pavelia* coloribus *Iridis* tincta videntur, quia tunc radii paulò distractiores ob refractiones factas in nube Soli oppositâ oculis incidunt; subinde non tincta, quia tunc radii Solis sic colliguntur, ut non distrahantur, nec perturbentur, sed eundem ordinem in transmissione servant, veluti vitreum *Polygonum*, aut *Prisma*, aut *Trigonum*, aliqua objecta exhibet coloribus *Iridis* tincta, alia sub proprio tantum colore exhibet, prout oculus iis vel directè, vel indirectè, & lux incidens opponitur.

5. Multi quidem talia phænomena pro sinistro omine acci-

accipiunt, quod eventibus quibusdam tristibus confirmare nuntur, qui post *Pavelia* visa subinde acciderunt, & per multa saecula à variis Authoribus consignati & annotati sunt; sed Alii plures, causis eorum naturalibus innixi, omnia illa *Paveliorum* praesagia, quae perperam ad res contingentes & politicas traducuntur, nugae esse existimant. Illud certius est, quod pluviae imminenti praesagia sint, quia fiunt in vapore, valde condensato; condensatus autem vapor in proxima dispositione est, ut resolvatur in pluviam, ergo.

6. Similia quoque *Pavelia* uti *Solis*, ita & *Lunae* contingunt, & tunc *Parascellena* vocantur, apparent autem raro & non nisi in *Plenilunio*, quia tunc corpus Lunare forius est ad evibrandum majus lumen à Sole opposito acceptum, duratque diutius *Parascelene*, quam *Pavelium Solis*, eo quod *Luna* sustentet potius nubes, quam dissipet. Reliqua conveniunt ex iisdem causis *Paveliorum* modò allatis.

Parascelene
ne fit in
Plenilunio.

§. III.

De Halone seu coronâ Solari & Lunari.

1. *Halo* five *Corona* est Lux vel *Solis*, vel *Lunae*, vel alterius Planetæ splendidioris per nubem circumjectam dispersa, quae si non ambiat totum astrum, propriè *Halo* dicitur; si verò absolutum circulum circa Astrum conficiat, *Corona* nuncupatur, eo quod sic suâ figurâ circulari Astrum ad modum Coronae cingere videatur.

Distinctio
Halonis &
Coronae.

2. Quod autem non semper integer circulus circa astrum cernatur, id provenit vel ex defectu materiae nubis circumjacentis, non satis undique dispositae ad hunc effectum, vel quia illa secundum aliquem sui tractum crassior est, quam ut per illam lux astri dispergi queat, vel quia aliquod impedimentum inter Astrum & partem nubis interponitur, vel ex interventione Venti, qui aliquas partes hujusmodi nubis distrahit. Quae impedimenta si absint, & partes nubis

Ex variis
dispositio-
ne nubium.

circumpositæ sint magis homogeneæ, perfecta circularis Corona videbitur.

Distinctio
æriusque
ab Iride.

Ratione
Medii.

Ratione
nubium.

Ratione
Colorum.

Corona cir-
ca Lunam
est signum
pluvie.

3. Porro *Nubes*, quæ *Halonem*, aut *Coronam* repræsentat, debet esse rorida, ac inter astrum & oculum nostrum interjecta: rorida quidem, quia talis apparentia fit per refractionem radiorum Astrî in nube eo ferè modo, quo *Iris*. Media tamen debet esse inter astrum & oculum, *Halo* enim & *Corona* è converso apparent circa *Solem* aut *Lunam*, adeoque in loco intermedio inter nos & *Solem*, aut *Lunam*; quod *Iridi* non convenit, hæc siquidem apparet in loco opposito *Solis* aut *Lunæ*, ita ut nos simus medii inter *Iridem* & *Solem* aut *Lunam*. Differentia etiam quædam est ratione nubis roridæ, quia sphaerulæ sive guttulæ roridæ nubis, quæ *Halonem* aut *Coronam* generat, longè minores sunt, quàm quæ efformandæ *Iridi* subserviunt. Nam nubes rorans, in qua *Iris* arcuatur, tales sphaerulas habet, quæ sua gravitate descendunt in aërem sibi subjectum, & ordinariè solvuntur in pluvias; nubes autem illæ rorantes, in quibus *Halo* vel *Corona* efformatur, nondum in pluviam liquescunt; sunt enim adedò tenues, ut facile ab aëre sustineantur, non secus ac pulvis & Atomî in aëre fluctuantes.

4. Ulterior distinctio est ratione colorum. *Iris* enim semper apparet variis coloribus distincta, non item *Halo* vel *Corona*, quæ plerumque est alba solum & lucida, circumdante eam circulo subnigro, & rarissimè alios colores, eosque confusos, admittit. Candor autem hic nihil aliud est, quàm collectio radiorum solarium, quæ alborem facit, cum tenui circulo subnigro, quia pars illa nubis, quæ albedinem sequitur, obscurior est, & habet rationem speculi reflectentis aut refrigentis lucem.

5. Apparentiæ *Halonis* & *Coronæ* fiunt frequentiores circa *Lunam*, quàm *Solem*, quia fervor *Solis* non tam facile finit condensari halitus, sed eos dissipat & absûmir; *Luna* verò ad eorum dissipationem minore vi pollet, multò minore ad eorundem consumptionem. Hinc circa *Lunam*

existentes certius praefagiunt imbres, quàm circa *Solem*, quia Luna nubem humore factam dissolvere non valet, ut Sol, adeoque sensim collecto humore decidit imber.

6. Si *Halo* vel *Corona* circa *Solem* paulatim absque distractione sensibili evanescat, serenitatis est indicium. Talis enim evanescencia vaporis non potest causari, nisi ab exhalationibus calidis, superantibus vaporem nubis; ejusmodi autem praevalentia calidarum exhalationum, est causa serenitatis.

*Circa so-
lem sereni-
tatis.*

7. Si *Halo* vel *Corona* subito distrahantur in partes fingnum sunt venti, & quidem ex illa parte flantis, ex qua fit notabilior distractio hujus vaporis, vel etiam ventorum à pluribus partibus flantium, si à pluribus partibus dissipetur. Quia distractio talis non potest provenire ab alia causa, quàm à vento uno vel pluribus, igitur jam tunc in illo loco vaporis incepit ventus, licet adhuc non inceperit in loco, in quo nos sumus.

*Aut venti
secuturi.*

8. *Halo* vel *Corona* circa aliud astrum minùs indicant mutationem aëris; quia cum lumen aliorum Astrorum sit debile, nubes causans *Halonem* vel *Coronam* necessariò est valdè tenuis; nam si esset densior, non posset eam penetrare lumen Astris, atqui tenuis concretio vaporis minùs significat mutationem aëris, quam concretio densior, ergo &c.

*Circa ali-
ud Astrum
nullius ex
bis.*

§. IV.

De Virgis Solaribus.

1. *Virga Solares* sunt radii Solares per foramina nubium erumpentes, quando nimirum lateribus Solis sese offerunt nubes inaequalis concretionis, alias videlicet partes densiores, alias rariore continentes; tunc hujusmodi nubes radiis Solis penetrantur, iidem distracti protenduntur, vel etiam refringuntur, & refracti ita disperguntur, ut virgarum similitudinem referant.

Quid sint?

2. Plerumque *hae Virga* sunt candidae, nihil enim sunt aliud, aut?

*Quos colo-
res habe-
ant?*

aliud, quàm purum lumen Solis; lux autem pura spectatur candida, ergo & illæ candidæ apparebunt. Aliquando tamen varios exhibent colores, quæ colorum varietas oritur ex inæqualitate raritatis aut densitatis nubium in suis partibus Heterogeneis, & ex commixtione lucidorum Solis radiorum. Quando enim nubes inæqualiter se habent, tum ratione densitatis & raritatis, tum ratione situs diversi ad corpus lucidum Solis, mira colorum varietas depingitur.

*Quomodo
generentur?*

Sic quando nubes in una parte est aquosa ac magis densa, in alia verò est rarior & minus aquosa, tunc lumen Solis in una parte magis obscuratur & exhibet colorem obscuriorem; in altera autem minus obscuratur, & exhibet colorem minus obscurum ac clariorem, atqui color clarior est rubeus, Puniceus, Croceus, obscurior purpureus, cæruleus, mediùs viridis; croceus verò, cum est positus juxta viridem vel nigrum apparet flavus, atque hic juxta lucem videtur albus

*Quando fi-
ant? quid
presagi-
ant?*

3. Rarissimè circa meridiem spectantur Virgæ, Sole verò Occidente, aut Oriente frequentius, quia tunc radii Solares magis obliqui faciliùs in longum protenduntur, quàm si sint directi, solentque presagire proximè imminentem pluviam; fiunt enim in nube torida, quæ faciliè solvitur in imbrem. Simile phænomenon protensionis virgarum exhibere poteris in obscuro conclavi, si Lumen Solis per aliquod foramen immisissum, chartâ pluribus majusculis foraminibus pertusâ texeris.

§. V.

De miris aliis simulacris in Nubibus.

*Varie ima-
gines quan-
doque in
nubibus vi-
dentur.*

I. **M**ultiplici experientiâ compertum est, varias imagines formas, figuras, animantium, hominum, equorum, urforum, Leonum, Draconum, avium, curruum, domorum, turrium, arcium, regionum, aliarumque similium rerum, in nubibus stupenda metamorphosi variatas videri. Licet verò circa horum aut aliorum simulacrorum apparentiam plurimùm

rimum operari possit phantasia hominis, imaginantis sibi nubes sub tali vel alia figura; quod vel inde patet, quod ab aliis easdem nubes etiam ex eodem loco aspicientibus, sub nulla earum, vel sub aliis certè formis conspiciantur; nihilominus ejusmodi simulacra in nubibus contingere posse non implicat, & quandoque fieri ex rationibus physicis, opticis, experientis, & autoritate Historiographorum comprobatur.

Primo quidem ex ratione physica. Cum enim aer halibus & vaporibus nunquam sit vacuus, inde fit ut halitus hi & vapores, vel fortuito, vel naturali concursu, aut sparsim divulsi, hinc inde ex intervallis, varias figuras, cohaesione tamen aliqua, efforment; accedente praesertim vario nubium colore, vaporum, & fumorum exhalatione, ipsaque corporis ejusmodi effigati respectu *Solis* aut *Lunae* incidentiae.

Harum ratio physica.

Secundo ex ratione optica. Certum enim est, quod omne visibile ope lucis radiet à quolibet sui puncto per medium diaphanum in omne oppositum punctum, quod recta finita duci potest, ergo etiam reflexio radiorum ejusdem lucis operari poterit, ut fit in corporibus specularibus, quorum similitudinem habet aer & nubes. Ergo quoque similia simulacra apparere possunt in aëre & nubibus, velut in aethereis speculis, certa earum dispositione, ac situ debito ad objecta, quae in eas species suas visibiles transfundant, & in oculos intuentium reflectant. Licet non à diversis spectatoribus, & ubivis locorum videantur, quia quae per specularem nubium qualitatem repraesentari solent, ea non nisi certis, & determinatis locis, ac temporibus contingunt, nec nisi ex certis & determinatis locis videntur, nec durant nisi ad breve tempus: debentque objecta illa, quae in iis, tanquam in speculo, repraesentantur, re ipsa, & tali situ existere, ex quo ad illas species sui visibiles, possint lineam rectam diffundere, atque in oculos intuentium easdem reflectere, ut fit in speculis artefactis.

Ratio optica.

Tertio ab experientia, quam *P. Marinus Szentivany* *Experientia* *pro-*

Oculati
Testes.

propriis oculis hausisse scribit in sua dissert. de cometis, his verbis: *Contigit & nobis Tyrnavia in nubibus quadam vice contemplari aërem cum omni symmetria portarum, turrium, cubiculorum, tectorum, ac propugnaculorum, idque multis simul hoc phasma intuentibus, reque postea diligenter examinata ex situ, atque speculari qualitate nubis, deprehensum est illud, aliud non fuisse, quam specierum sibi oppositæ arcis in oculos intuentium reflexionem.* Idem Author refert de pluribus testibus fide dignis, quod vice quadam in *Hungaria* visa sint in aëre simulacra confligentium inter se militum, conspectæ equitum turmæ, ac in æthere effigiarum arcium expugnationes. Simile quid vidit *P. Kircherus*, nocte quadam *Herbipoli*, ipsomet testante.

Authoritas
historico-
rum *Plinii*.

Quarto ab authoritate *Historiographorum*. *Plinius* memorat intra *Imaum* in *Scythia*, regionem esse, in qua, quotannis in vasta planitie appareant varia spectacula rerum, sub figura hominum, animaliumque diversorum.

Agrippa.

Agrippa L. 5. *Philosophiæ occultæ* adducit plura, dum inquit: *& nos videmus quomodo Austro flante aër densatur in tenues nubes, in quibus velut in speculo, reflectuntur imagines valdè distantes castrorum, equorum, montium, hominum, ac aliarum rerum, quæ decedentibus nubibus mox evanescunt.*

Seneca
aliorumque
recentio-
rum.

Seneca in quæstionibus naturalibus similia plura portenta recenset, multique alii non solum antiquorum, sed & recentiorum temporum historici. Qui referunt ad *Fretum Mamertinum*, eo tempore, quo *Sol* æstu fervoribusque *Mare* illud concoquit, derepentè in aëre *Theatrum* quoddam aperire se solet, in quo plurimorum castellorum ornatissima dispositio, Palatiorum, ædificiorumque, ad omnes perspectivæ regulas fabricatorum multitudo, umbrosarum sylvarum tractus, campi immensi, hominum turmæ, boum armenta, ovium greges, vivis gestibus, tanta colorum varietate, tam artificiosa lucis & umbræ mixtura tepræsententur, ut humana industria nihil simile producere posse quid videatur.

Alia Por.

2. Quod verò ea attinet portenta & spectra, quæ subinde variis

variis in locis fiunt & durant sæpe multis diebus, ac videntur à variis & locis à se valdè diffitis, nec existentibus objectis, quæ reflecti aut repræsentari valeant, aut saltem non in debito situ existant ad talem repræsentationem efformandam, qualis est duorum exercituum tempore pacifico in aëre congressus: strepitus & fragores tormentorum, sonitus tympanorum ac tubarum clangores, aëre sereno, nec ad tonitrua & fulmina disposito;

tenta & spectra alias habent à prioribus causas.

Qualia contigisse scribit *Eutropius* L. 6. Hist. cum nimirum *Cæsar* adversus *Pompejum* dimicaret, tantum in aëre strepitum fuisse, ut *Antiochia*, quasi ad adventum hostium, in muris concurreretur. Item 2. *Machab. c. 5.* similia referuntur: *Contigit autem per universam Hierosolymorum civitatem videri diebus quadraginta per aëra discurrentes equites, auratas stolas habentes, & hastis, quasi cohortes, armatos, & cursum equorum per ordinem digestos, & congressiones fieri comminus, & scutorum motus, & galeatorum multitudinem, gladiis districtis, & telorum jactus, & aureorum armorum splendorem, omnisque generis loricarum. Quapropter omnes rogabant in bonum monstra converti.* Ejusmodi pariter contigisse postmodum Hierosolymis antequam *Titus Imp. & Romani* obsiderent & caperent Hierosolymam die 21. Maji, testatur *Josephus* L. 7. de bello Judaico c. 12. ante Solis occasum armatas acies in aëre visas fuisse. Simile accidit *Romæ* tempore *S. Gregorii P. M.* cum *Longobardi* armorum strepitu invaderent Italiam.

Qualia fuerunt Antiochia.

Hierosolymis.

Denud Hierosolymis.

Romæ.

Causa, inquam, eorum physica sufficiens & convincens hactenus à nemine, quantum scio, allata est, dari tamen aliqua utcunque potest.

Causa igitur materialis, ex qua fiant hæc Portenta, spectra, monstra, possunt esse evaporationes tum crassiores, tum tenuiores, cæteris mixtis facile solubilibus intermixtas, quæ diverso modo formatæ & accensæ, vel illuminatæ, condensatæ, aut rarefactæ, diversos illos colores, diversasque ostendant formas & figuras. Sic enim *Cabeus* ratiocinatur: si ex

Portentorum causas materialis.

nubibus diversæ formantur figuræ, cur non possint etiam di-
cti halitus ita efformari, ut nobis & equites, & homines &
exercitus, & classes repræsentent? &, si diversa lucis tem-
perie alios ostendant colores, cur non etiam auratas vestes,
& splendentes umbones, & galeas, poterunt nobis repræ-
sentare? si fulmina, tonitrua, & alii fragores resultant ex
vaporum & spirituum agitatione, cur non etiam strepitus
armorum, & bombardarum poterunt imitari?

*Causa effi-
ciens.*

*Causa fina-
lis.*

Causa efficiens talium Portentorum sunt vel boni vel mali
Angeli, quorum ministerio Deus in iis efformandis utitur.

Causa finalis ejusmodi Portentorum est, ut Deus his, quasi
prodromis, homines excitet à torpore vitæ, ad debellanda
vitia, ad placandam humiliatione & oratione iram Divinam,
& præparationem ad sustinenda majori cum conformitate
nostræ voluntatis cum divina, mala imminencia: vel econ-
tra ad erigendos animos fidelium adversus infidelium & im-
piorum hostiles incursiones. Adeoque cum Machabæis ro-
gemus omnes, in bonum hæc monstra converti. Quid ve-
rò de cometis sentiendum, sequens caput edocebit.

CAPUT XXIV.

De Cometis.

§. I.

Quid sint Cometa? & ex qua materia fiant?

*Cometa
non sunt
Planetae
extraordi-
narii.*

1. **S**unt ex veteribus Ægyptiis & recentioribus Astrologis,
qui dicunt Cometas esse *extraordinarios Planetas*, per
longiora temporum intervalla, nobis apparentes, &
certis annorum intervallis ac periodis redituros. Eo quod
Planeta illi extraordinarii moveantur per proprios Epicyclos,
& tunc solum nobis reddantur conspicui, quando sunt in
Perigeo nobis vicinissimi; reliquo verò tempore, quo nimis
à Peri-

à *Perigæo* recedunt ad *Apogæum*, reddantur nobis ob nimiam distantiam à terra invisibiles.

Sic *D. Cassinus* in monumentis Academiae Parisiensis Anni 1702. asserit *Cometam* eundem, quem *Aristoteles* Anno ante Christum 372. viderat, rursus visum esse Anno 1668. & iterum Anno 1702. atque ita orbem suum jam ultra sexages à tempore *Aristotelis* usquehuc emensum esse periodo 34. annorum.

Certa temporum periodo redeuntes.

Similiter idem *Cassinus* ait, *Cometam* Anno 1680. à se visum & observatum esse eundem, qui à *Tychone Brahe* Anno 1577. fuerat observatus, ideoque iterum Anno 1783. appariturum esse, per 103. annorum periodum.

Alii cum *Ricciolo* in *Almagesto* L. 8. c. 8. ajunt plures *Cometas* statuto ordine & periodo perfecta à pluribus sæculis, sæpius rediisse in conspectum.

Quæ si vera sunt, & ex his enumeratis duos saltem observari contingeret, qui relationem haberent congruam ad motus *Cometarum* eis correspondentium, ex iis qui jam apparuere, non aspernandum id esset principium ad confirmandos diligentes *Astronomos*, ut omni studio atque conatu observationes facerent, quo ex novis hujusmodi cognitionibus progredierentur ad nova detegenda, non solum in *Astronomia*, verum etiam in *Chronologia*, *Physicisque* disciplinis.

Quod hactenus certè non est observatum.

Sed quia primus *Aristotelis* & *Cassini* *Cometa*, qui debebat redire Anno 1736. non rediit, nullusque alius prorsus apparuit, alterum verò rediturum Anno 1783. valde incertum sit, nec alius alterius periodi certò rediisse constet; tantorum virorum authoritati & observationibus nihil demendo, ab eorum placitis non nihil recedimus, donec certior experientia verum probaverit.

Futurum etiam incertum.

Præterea, si *Cometæ* essent *Planetæ* extraordinarii, ab *apogæo* descendentes ad *perigæum*, & contra, ergo apparerent nobis primò valde exigui instar stellæ sextæ magnitudinis, deinde proportionaliter, descendendo ad *perigæum*, viderentur paulatim majores & majores; acquisita verò in *Perigæo*

Sic essent Planetæ deberent paulatim majores videri & minores.

rigæo Epicycli maxima magnitudine apparenti, reascendentes fursum ad *Apogæum*, paulatim decreſcerent per omnes ferè gradus, donec evaderent æquales ſtellæ minimæ magnitudinis, nec ante tale decrementum noctu evaneſcerent; atqui plerique *Cometæ* ab initio ſtatim, aut paulò poſt, maximi apparuerunt, cùm ante nuſquam comparuiſſent, & deſierunt eſſe derepentè, & non per talem diminutionem proportionalem, ergo &c.

*Epicycli
eorum ma-
jores ſphæ-
râ Fixa-
rum.*

Neceſſe etiam eſſet hujusmodi *Epicyclos* eſſe majores totâ *Fixarum* ſphærâ, quia in eorum ſummitate non eſt viſibilis *Cometa* tam magnus, ut etiam Solo capite ſine caudâ ſæpè videatur major *Venere*, aut *Jove*, & aliquando etiam *Soli* ferè æqualis; non eſt, inquam, viſibilis ob nimiam diſtantiâ à terra, quando eſt in *Apogæo*, vel propè *Apogæum Epicycli*, cùm tamen *Fixarum* longiſſima diſtantiâ non obest, quo minùs videantur in firmamento ſtellæ etiam ſextæ magnitudinis.

*InfinitiLa-
byrinthi
motuum.*

Denique cum non compareant, nec recurrant iidem prorſus *Cometæ*, ut patet ex diverſitate figurarum, motuum, propriique motûs viarum, diſtantiarum à terra, locorum in quibus, temporum quibus durant, & de novo conſpicui redundantur, deberent eſſe numero innumerabiles tales orbes, vaſtitatis immenſæ, ſitu verò ac poſitione incombinabiles ob flexus, ac labyrinthos, & vias ſeſe mutuo interfecantes, quas *Cometæ* cum *Cometiſ* comparati ſuo motu deſcribunt.

*Quid ſit
Cometa in
genere.*

2. *Videtur igitur Cometa in genere nihil aliud eſſe, quàm vel exhalationum Planetariarum, vel exhalationum Elementarium copia conſtipata, ac incenſa, vel à Sole illuminata.*

*Quid ſit
cæleſtis?*

Dicitur vel exhalationum Planetariarum, ut habeatur diſtinctio Cometarum cæleſtium ab Elementaribus, quia vapores terreſtres & exhalationes Elementares non aſcendunt ultra ſupremam Athmoſphæræ regionem, ergo Cometæ Cæleſtes, Lunâ ſuperiores, ex iis fieri non poſſunt.

*Quid Ele-
mentaris?*

Dicitur vel exhalationum Elementarium copia, ut habeatur materia Cometarum Sublunarium; Hi ſiquidem Lunâ inferiores

res

res faciliè fieri possunt ab exhalationum Elementarium copia, accensa vel à Sole illuminata, sicut omnes reliquæ impressio-
 nes igneæ Cometis similes, nimirum *trabes ardentes*, *Dracones volantes*, *faces & stellæ cadentes* seu *discurrentes*, *capra saltantes*, *ignes fatui*, *ignis Tyndaridum circa antennas*, aliaque his similia (de quibus suprà actum est) phænomena fiunt ab exhalationibus Elementorum calidis, siccis, sulphureis, nitrosis & incensis, vel à Sole illustratis. Nec enim talia à Cometis sublunaribus differunt nisi magnitudine, figurâ, & duratione, nec ab iis differrent, si exhalatio illa esset durior, & meliùs compacta, ac pinguior, aut congruum Cometis subministraretur pabulum; ergo sicut illæ impressiones igneæ ab exhalationibus calidis Elementaribus in Athmosphæra generantur, ita & Cometæ sublunares.

Cometæ sublunares generantur ab exhalationibus elementaribus sicut reliquæ impressiones igneæ in Athmosphæra.

Dicitur copia incensa vel illuminata à Sole, ut Cometæ tam superlunares, quàm sublunares contradistinguantur ab aliis phænomenis aqueis, quæ in mera apparentia luminis reflexi, ac refracti consistunt, ut sunt suprà dicta *Pavelia*, *Irides*, *Virgæ*, *Halones* &c. quæ non sunt diuturna, sed cirò dilabuntur aut in alias brevi formas abeunt. Cometæ autem non sunt mera apparentia luminis reflexi aut refracti, sed ignem continent, ac sub eadem præcipua sui specie, quâ priùs apparuerunt, diu per multos dies, aut etiam menses apparent.

Alia aquea phænomena non tam diu durant, quàm Cometæ.

Phasmata etiam, quæ sunt simulacra Solis, Lunæ, aliorumque siderum, connexionem habent cum suo prototypo, ut ejus motum sequantur, vel eandem partem versùs, si per meram refractionem fiant, ut *Halones*, vel in oppositam partem, si fiant per reflexionem simul & refractionem, ut *Irides*, quæ descendente Sole ascendant, ascendente Sole descendunt. Sed motus *Cometarum* sui juris est, & modò ab Oriente in Austrum progreditur, modò ab Austro in Septentrionem deflectit, adeoque connexionem illam non habet cum motu Solis, reliquorumque siderum proprio.

Connexio nem habent cum suo prototypo; Cometæ sui juris.

Denique quæcunque per reflexionem. aut refractionem visa, Per reflexionem videntur ab oculo, in determinato tantùm situ collocata, non

*visa non
videntur à
diversis;
Cometa ab
omnibus.*

autem ab omnibus, nec æqualiter etiam in eodem regno habitantibus, esto aliunde nihil obstat. Neque enim dum nos videmus *Wirceburgi Iridem* aut *Halonem*, vident eundem, qui sunt *Norimbergæ* vel *Moguntia*; ad hujusmodi enim imagines videndas requiritur, ut oculus sit in linea reflexionis, quæ æquales angulos in materia speculari efficiat cum angulis incidentiæ. Sed *Cometa* absque harum legum necessitate apparent eâdem forma & figura omnium oculis, in regionibus etiam valde dissitis, ergo &c.

*Superluna-
res Cometa
ex effluviis
Solis &
Planeta-
rum.*

3. *Cælestes* verò sive *superlunares Cometa* generantur ex *Solis*, aliorumque superiorum *Planetarum* effluviis, & exhalationibus collectis per intervalla temporum, ac perpur-gatis, illustratisque à *Sole*. Ut colligitur ex analogia *Globi* terrestris ad superiores globos cælestes; omnia siquidem cælestia corpora, non secus ac terrenum, ita à natura constituta sunt, ut perpetuò quædam effluvia emittant pro ratione fideris & qualitate, sive illa sint vaporosæ expirationis, sive exhalationes calidæ & siccæ. Inter cætera verò cælestia corpora *Solaris* potissimum *Globus* tantò abundantius dicta expirat effluvia, quantò cæteris in virtute igneâ efficacius, & æstûs proprii vehementiâ corpus est potentius. Quæ ubi evehuntur in remotissimam illam regionem ætheris, ejus motu agitata, in ingentem amplitudinem extenduntur, & cum opaca sint, solarem lucem, quâ tinguntur, ad *Terrigenarum* oculos reverberant, atque sic *Cometam* nobis ostendunt longiori tempore durantem, eo quod ex viscosa & tenaciori materia, nempe ex glutinosis ac bituminosis vaporibus sit compactus & condensatus.

*Ejus macu-
lis & ob-
scuratione.*

Emitti autem à cælestibus corporibus talia effluvia, testatur quotidiana observatio macularum ac facularum *Solis*, quarum multæ in medio *Solis disco*, antequam ad margines venerint evanescunt, aliquæ ibidem de novo apparent, quæ non fuerunt visæ circa margines, unde eas à *Sole* effluere colligitur. Præterea ex hujusmodi effluviis, tanquam nebulis, à *Sole* reliquisque *Planetis* exhalantibus, oriuntur aliquæ illæ

illæ Solis obscuraciones, quæ longè à novilunio sæpiùs observatæ sunt.

§. II.

De variis formis & figuris Cometarum.

1. *Cometa* ratione 7. *Planetarum*, à quorum influentiis oriuntur, septena quoque nomina accipiunt; hinc plumbei à *Saturno*, argentei à *Jove*, rubei à *Marte*, aurei à *Sole*, flavi à *Venere*, cærulei à *Mercurio*, pallidi à *Luna* dicuntur. Nomina Cometarum à Planetis.

2. *Cometa* ratione *Formæ & Figuræ* vocantur *Criniti*, qui radios inflexos repræsentant. *Barbati* qui radios directos emittunt breviores. *Caudati*, qui radios directos longiores evibrant. *Ensisformes*, quorum jubar brevius in mucronem desinit. *Hastiformes*, quorum jubar longius Veru repræsentat. *Corniformes*, quorum flamma in modum cornu intorquetur. *Faciformes*, qui per modum lampadis ardentis lumen sursum attollunt. *Disciformes*, qui latè rotunditate fulgentes, raros in margine radios diffundunt. Et à figuris varia.

3. Hæ tam variæ *Cometarum* figuræ oriuntur à varia dispositione exhalationum, quibus constant, quæ quia modò instar macheræ extenduntur, modò in orbem circumvolvuntur, inque aliam atque aliam radiosam stellarum figuram formantur; aliæ denique in longitudinem condensantur, fit, ut etiam *Cometæ* sub tam variis spectentur formis. Et à dispositione exhalationum.

4. Quòd autem *Cometæ* caudam longiorem habeant semper à *Sole* averfam, ratio est, quia caput *Cometæ* non semper ita opacum, ut non aliquid diaphaneitatis habeat. *Sol* itaque illud radiis suis transiens, posteriore *Cometæ* parte caudam exhibet, non secus ac in *Pila Crystallina* *Soli* opposita, quam radii *Solis* transeuntes in conum terminant lucidum. Deinde etiam si *Caput Cometæ* non sit penitus densum & opacum, tamen partes illæ tenuiores à *Solis* radiis illustratæ, quæ *Caudam* Et luminis *Solis* incidentia. Que efficit caudam à *Sole* averfam.

dam constituunt, eam ex opposita Solis parte & non ex parte *Soli* obversa repræsentabunt. Quia exhalationes hujusmodi anteriores radii Solis obruuntur, vel omnino consumuntur; eæ verò, quæ post *Cometam* sunt, nec absumentur à radiis Solis, nec majori splendore obruuntur, opacitate *capitis Cometæ* obstante.

Vel Conoidalem.

5. Quod *Cauda Cometarum* subinde formentur in *Conum* ad finem cuspidatum, ideo fit, quia tunc *caput Cometæ* minus est & remotius à Sole; quò enim corpus illuminatum est minus & remotius à corpore illuminante, eò magis ejus umbra aut radii per illud transeuntes vergunt in conum circa finem cuspidatum.

Vel Calathoidalem.

6. Quod *cauda Cometarum* aliquando in fine latiores sint per modum scoparum, inde oritur, quia tunc *caput Cometæ* majus est Sole, eidemque vicinius; quò enim corpus illuminatum est majus & vicinius corpori illuminanti, eò transparentes radii per illud latius diffunduntur, prout utrumque tam hoc, quàm prius demonstratur in optica.

Vel plures
vel unam
figuram.

7. Denique quod tota figura *Cometæ* subinde in plures scindatur partes, ideo fit, quia materia illarum exhalationum congregatarum, & accensarum, vel illuminatarum à Sole, in plures discerpitur partes: subinde verò in unum coalescat, ideo accidit, quia viscosæ & bituminosæ partes ob similitudinem materiæ sibi occurrentes faciliè mutuò sibi coherant.

§. III.

De Motu Cometarum.

Motus Cometarum
communis.

1. *Motus Cometarum* est duplex: alius *communis* omnibus sideribus ab Oriente in Occidentem, alius *proprius* ab Occidente in Orientem.

2. *Motus communis* sive *primi Mobilis* ex eo deprehenditur, quod *Cometæ*, qui *matutini* sunt revertantur in aurora vel paulò ante auroram, nec Sole occumbente, aut nocte
crefcent.

crescente videantur, ubi mane visi sunt; quod tamen fieri deberet, si eodem loco consisterent, aut proprio tantum motu moverentur.

Sic & *Cometæ*, qui *Vespertini* sunt, plerique post occasum Solis ita apparent, ut non obstante motu proprio in consequentia, tamen alii ante mediam noctem, alii saltem ante ortum Solis infra Horizontem occiduum descendant.

3. *Motus proprius* ab occasu in ortum colligitur ex eo, quod Idem *Cometæ*, qui primo die erat cum stella in eodem puncto cœli, altero die in eodem puncto temporis non sit cum illa, sed magis aliquantò recessisse videatur ortum versùs, & sic continuò reliquis diebus fiunt Orientaliores stellis fixis - *Cometæ*. *Proprius.*

4. Moventur autem *Cometæ* motu non uniformi, sed dif- *Difformis.*
formi, sive inæquali, nunc circulari circa terram periodo, nunc relicto tramite longè etiam ultra Tropicos in Boream Austrumque, nunc declivi motu in hanc vel illam mundi plagam deferuntur. *Circularis.*

Circulari quidem propter ætherem simul cum perenni diurno cœlestium globorum circa terram revolutionem agitatum, cum quo etiam Cometæ moventur. *Inæqualis.*

Inæquali verò cum motu Solari annuo, qui præcipua causa est generationis cometarum cœlestium, & post certam annorum revolutionem, sive ex maligno aliorum siderum aspectu, sive coacervatione, veluti ulceris (ut *Metaphorice loquitur Szentivany*) malignis humoribus tumentis, aut febrilis cujusdam materiæ ad erumpendum pronæ, suos patitur paroxismos, non secus ac terrenum corpus, terræ *Ob Solaris Corporis eructationem.*

motus, inundationes, atque ignivomorum montium sævas eructat tempestates. Hujusmodi itaque Paroxismo Solare corpus arreptum, mox ruptis naturæ claustris, continuò & successivè ingentem fumosorum halituum copiam effundit, sitque ut uno alterum trudente, prior ordine tenaciori materia compactus, atque aliis, aliisque identidem exhalationibus auctus, intra Solaris verticis ambitum contineri nescius, in peregrina regionis æthereæ vastitate exulare cogatur, cir-

Et motum
ætheris va-
rium.

Fam præ-
cedens.

Fam sub-
sequens so-
lem.

Proprio
motu Lunæ
tardior, eâ
est altior;
Lunæ velo-
cior eâ in-
ferior.

Sic Come-
ta Anno
1680. in 81.
quia Lunæ
tardior, eâ
superior
erat.

cumvectusque *Cometa*, juxta motum partis ætheris, in quam propellitur, & ipse moveatur. Hacque ratione, quàm diu est in parte ætheris, circularem motum habentis, moveretur & ipse circulariter; sed hac parte semel derelicta, ex una Mundi plaga in aliam æthere transversò, declivi, recto, præpostero, velociori, vel tardiori motu *Cometa*, fertur, vel stationarius, aut retrogradus evadit, juxta qualitatem ætheris, in quo versatur. Unde nunc solem præcedit *Cometa*, nunc sequitur; quando enim ætheris commotio est *Soli* vicinior, tantò velocior; tantò tardior, quantò ab eo remotior est, sicque *Cometa* ætheris vehementia in anteriora *Solaris* semitæ promotus, semper solem anticipat, tantò velocius, quantò liquidissima aura, *Cometaque* exhalatio corpore solari levior est, donec languescente virtute impulsiva ab ætheris violentia exsolvatur. Quando autem materia exhalationis *Cometicæ* in eam *Solaris* cursus semitam evibratur, quæ *Solem* sequitur, tunc necessariò illi tractivus competit motus, unde post occasum *Solis*, supra Horizontem *Cometa* Terrigenis apparet, fluxum ætheris sequens.

Denique quando *Cometa* suo proprio motu tardiùs movetur, quàm *Luna*, tunc est supra *Lunam*, & cælestis; quando verò velociùs movetur in consequentia, est infra *Lunam* & est Elementaris. Quod manifestum est in Planetis, quorum quantò quis altior est, tantò tardiùs; quantò inferior, tantò velociùs motu proprio movetur, ut apertè docet *Aristoteles* Lib. 2. de cælo, textu 58.

Sic ultimum insignem *Cometam* Anno 1680. in annum 1681. à multis modò adhuc viventibus visum, *superlunarem* fuisse constat, tum ex ejusdem tardiiori motu proprio ab occasu in ortum; à 24. enim Decembris Anni 1680. usque ad 19. Februarii Anni 1681. ab *Antinoo*, per *Pegasum*, *Andromedam* versùs non nisi Gradus 126. proprio cursu confecit, dum interim *Luna* totum ferè circulum absolvisset. Tum ex ejusdem vix sensibili, aut saltem longè minore quàm *Lunæ parallaxi*; quò autem minorem *parallaxin* habet aliquod Sidus,

Sidus, & aliud & superius esse ab Astronomis demonstratur.

§. IV.

De Prognosticis & causa finali Cometarum.

I. *R*icciohus Almagesti L. 8. bene ait: *Nec multis Astrologorum opinionem de praesagiis Cometarum prosequi aut proficui, me aut decet, aut vacat, nec omnino tamen dissimulanda est.* Eò quod à multis ævis inveterata ac pertinax mortalium opinio sit, Cometas fatali omine diras calamitates, Bella repentina, subitas irruptiones hostium, mortes Principum, regnorum mutationes, pestes populorum, famem, terræ motus, morbos, contagiones, horrendas tempestates, aliaque mala certissimo tempore prænuntiare. Multi namque secuti Ptolemai centiloquia, qui in ultimo suo centesimo Aphorismo sic concludit: *Cometa intercapedine undecim signorum à Sole, si apparuerint in cardinalibus regni alicujus, Rex, aut ex Principibus regni aliquis moritur. Si in loco succedente, bene se habebunt, quæ ad thesauros suos pertinent, suam tamen gubernationem mutabit. Quod si in loco declinante, morbi, aut repentine mortes erunt. At si ab occasu moventur in ortum, exterius hostis regnum incurfabit. Si non moventur, Provincialis hostis erit.* Similia plura funesta certò eventura credunt: sed & vulgus Astrologorum etiam nunc ex Cometarum apparitione, eorumque vana & superstitiosa observatione, futurorum eventuum signa colligit, & innumerabilibus, ac plerumque falsis terroribus facillè credulorum animos implet. Si quis enim Cometarum acinacem, machæram, gladium, vel veru, vel cornu, vel jubam referat, illum Bellorum ajunt esse signum: si is lætus ac fulgidus appareat, & Solis gerat similitudinem, illum magni alicujus Principis ortum natalem; si tristis ac pallidior, obitum; si verò Ater ac perfusus sanguine videatur, funestum ac tragicum finem prælagire tum Principi, tum Populo.

Prælagia funesta Cometarum vana sunt credulorum terri-culamenta.

Multò magis superstitiosæ Astrologastrorum observationes.

Ex forma figura.

Coloribus
Planeta-
rum simili-
bus.

Quin & insuper observant ipsos solos colores *Cometa-
rum* respectu omnium Planetarum. Siquis color *Saturninus* plumbeus ac lividus est, pestem portendit; si *Jovialis*, argenteus, fertilitatem; si *Martialis*, rubicundus, Terræ mortuum; si *Solaris*, aureus, Principum mortem, aut saltem tumultum populi, & mutationem statûs; si *Veneris*, flavus ac subrutilus, famem; si *Mercurialis*, varius, Mercatoribus pericula & infortunia; si *Lunaris*, pallidus, muliebri populari statui aliquid mali imminere opinantur. Mixtis denique *Cometis* ex effluviis duorum aut plurium Planetarum, mixtos quoque adscribunt effectus.

Cometa
qualescun-
que nullam
de se vim
habent ta-
lia signifi-
candi,

2. *Vcrum* saniores, qui rem hanc ex suis causis ponderant, & rationum momentis, prorsus existimant *Cometas*, qualescunque tandem ii, quoad figuram, formam, colores existant, nihil planè virium, *secundum se*, ad effectus supra memoratos, vel causandos, vel significandos habere: nec plus posse, quàm nubes, quæ terrestrem Atmosphæram ambientes, in multiplices non rarè formas transformantur, omnique colorum genere tinguntur. Quis autem credet, nubes in Draconis, aut alterius terrifici animalis formam efformatas, regioni alicui ingentia mala inflixisse? quis sibi ex maligno virgarum, trabium, hastarum, gladiatorum, quibus subinde nubes induuntur, influxu magnopere metuit? cùm figuræ similes, quotidiano penè aspectu evanescant & vilescant, ac proinde in animis hominum nullam vim prognosticam habeant; si turbines, grandinem, tonitrua, fulgura, & fulmina excipias, quæ tamen merè naturalia sunt.

Potius fau-
sti sunt,
quàm in-
fausti ex
ratione
physicâ &
similitudi-
ne corporis
humani &
terreni.

3. *Stabilitur hæc sententia rationibus physicis*: Cùm enim generatio *Cometarum* sit omninò naturalis, in bonum universi à Deo & Natura ordinata, *Cometæ* potius fausti sunt, quàm funesti; quia per eos tractus illæ regionis, in qua existunt, à suis sordibus purgatur, quæ quasi in unum cumulum mirificâ naturæ arte, hoc est, in unum corpus *Cometæ* congestæ, comburantur, & tandem prorsus consumuntur. Sicut humanis etiam corporibus accidit, quæ concepto intra
se

se noxio sensim humore contabescunt, nisi supremo naturæ conatu exhalentur & extrahantur; ita & terreno huic, reliquisque cœlestibus globis evenit, qui nisi per effluvia à malignis halitibus liberarentur, vigorem suum perderent: quæ dein in unum cumulum conglobata comburuntur, & consumuntur. Quod nisi fieret, rursus novo emergente malo, tota illa regio ætheris, aut atmosphaeræ, opacaretur nimis tor halituum & evaporationum particulis in gravissimum rerum tum superlunarium, tum sublunarium detrimentum.

4. *Experientia constat*, quod *Cometa* totam Tellurem circumeat motu diurno communi, motu verò proprio in consequentia signa magnam illius & cœli partem, quomodo ergo certæ tantum Terræ parti, & non potius toti orbi, & cur potius huic, quàm alteri hostili regioni tristitia prænunciabit? cur non æquè læta ac prospera?

Ab experientia motus circa terram.

5. *Observatione celebrium Mathematicorum* deprehensum est, quod quandoque *Cometa* tam vastæ magnitudinis fuerint, præsertim superlunares, ut totam Telluris magnitudinem superaverint, quomodo cogitari poterit? quod *Deus* tantum ac tam vastum corpus producat in signum v.g. Mortis unius Principis, aut Regis, sæpius ætate jam provecti, aut aliunde debilissimæ complexionis, quem fides docet moriturum, communis opinio hominum æstimat non diu victurum, iudicium Medicorum decernit morti esse vicinum, & rem communissimam, ac quotidie contingi solitam, tam inusitato spectaculo terrigenis velit indicare: aut quo fundamento quis *Deum*, qui terraqueum hunc globum, non adeò magnum, pro vitâ tot myriadum millionum hominum, qui sunt, fuerunt, & erunt, creavit, rectè ad præsignificandam unius hominis mortem, tantæ vastitatis corpus de novo formare iudicabit?

Ab observatione Magnitudinis Cometarum.

6. Porro sunt, qui putent inter *Europam*, *Africam*, *Asiam*, & *Americam* novum orbem eam esse quoad magnitudinem proportionem, quæ est inter numeros 1. 3. 4. 7. ita ut *Africa* sit triplo, *Asia* quadruplo, *America* septuplo major *Europa*.

A diversitate populorum fidei, & Infidelium.

*Equè vel
magis Co-
metis sub-
ditorum.*

Si jam totus orbis terrarum in triginta æquales partes dividatur, earum quinque saltem obtinebunt Christiani: sex Mahometani: novendecim Ethnici, quos inter sunt plurimi, iique potentissimi Principes, Reges, & Monarchæ, nihilo Christianis principibus in potentia, ditionibus, & populis inferiores, imò longè iisdem superiores, cur igitur visus *Cometa*, circumvolans terrarum orbem, Soli *Europa*, Solisque *Christianis* debeat funesta quæque præfagire, & non quoque reliquis potiùs orbis partibus, ac populis? cùm *S. Paulus* doceat Prophetias, & revelationes fidei, *Fidelibus* datas esse, non *Infidelibus*; signa autem *Infidelibus*, non *Fidelibus*. Quam etiam rationem *S. Gregorius* ait, *Tribus Magis*, utpote *Gentilibus* per signum stellæ, posterioribus autem *Judais*, non per stellam, sed per *Angelum* manifestatam fuisse Salvatoris nostri Nativitatem.

*Sapè sine
Cometis
mala acci-
dunt.*

7. Etsi autem *Cometas* sæpenumerò, prout Historici memorant, insecutæ sint variæ calamitates & mala, non sequitur Eorum Illos esse prænuncios; casus namque aliqui tristes & fatales singulis annis accidunt in orbe terrarum, etiamsi nullus *Cometa* compareat, adeoque similes casus funesti temerè adscribuntur Cometarum influxui, efficacitati, & præsignificationi; contrarium etiam constat per Historicos fide dignos, non paucos comparuisse *Cometas*, quos non funesti, sed fausti eventus sunt insecuti, nec ideo tamen dicuntur esse Prodromi Bonorum, ergo nec malorum.

*Causa fi-
nalis effe-
ctuum na-
turalium
& bonum
& varietas
universi.*

8. *Causa itaque Finalis eorum effectuum*, qui ex causis merè physicis & naturalibus oriuntur, est eadem, quæ cæterarum rerum naturalium, nempe bonum & varietas universi. Per accidens tamen ex fortuito aliarum causarum concursu aliqui effectus, à libero arbitrio prorsus independentes, ut sunt *exundationes*, *sterilitates*, *fertilitates*, *siccitates*, *putredines*, *morbi* & *pestilentia*, sicut causari, ita & significari possunt à *Cometis*, præsertim sublunariis terræ vicinioribus.

*Per acci-
dens ex*

Cùm enim ad *Cometam sublunarem* magna pinguis terræ exhalatio requiratur, consequens est, ut hæc ultra modum è terra

terra extracta, ipsa demum terra sterileſcat. Idem fit, ſi ^{qualitate} humor requiſitus ad ſœcunditatem terræ extrahatur à Sole, ^{diversâ Co-} neque ampliùs decidat, ſed in unum corpus *Cometa* coaleſcat. ^{metarum} Varietas autem diverſorum effectuum ex diverſitate qualitatis ^{& aëris} *Cometarum* oritur; ſi enim ^{alteratione.} quis igne non conſumatur, ſed iterum reſolvatur in vapores & exhalationes, diverſi quoque effectus ſequi ſolent. Nam reſolutò citò *Cometâ*, humore nimio abundante, ſuperfluum in terram humorem, aut etiam repentinas exundationes ſequi neceſſe eſt; ſi verò reſolvatur in craſſas & calidas exhalationes, fit ut hæc facilè putreſcant, & conſequenter degenerent in infecta vel venerebitrium ^{Nulle modo} ^{in rebns ad} ^{liberum ar-} ^{bitrium} ^{pertinenti-} ^{bns.} bus. unde locuſtarum, bruchorum, verucarum copia, vel corruptio ac infectio aëris: atque ex illis fames, ex his peſtilentiæ, & morbi contagioſi. Cumque talis alteratio aëris, ex quo vitam magna ex parte ducimus, faciliùs noceat hominibus ſubtilioris & debilioris complexionis, qualis ſunt plerumque Principes, hinc nata eſt vulgi conſuetudo, ut viſo *Cometa*, ſtatim de morte Principum cogitetur, aut bello, aliisque hominum infeſtationibus.

9. *Præter cauſam finalem Naturæ*, naturaliter generantis *Cometas*, poſſunt iidem nihilominùs aſſumi à Providentia Divina, ex merè libero beneplacito, in ſigna magnarum calamitatum, & iræ Divinæ contra nos; quando nimirum Dei juffu, per Angelorum operam excitantur *Cometa*, ad finem à Deo intentum, ut ſcilicet nos iræ Divinæ admonitos, ad animi poenitudinem excitent. Quænam autem ſint illa mala, & quibus immineant in particulari, velle ea ex regulis *Aſtologorum* divinare, & certò prædicere, eſt omnino inane.

Cauſa finalis à Deo intentæ eſt præmonitio ſalutaris.



§. V.

De Prognosticis Eclipsium Solis & Luna.

Vana astrologastrorum terrena, culamenta de Eclipsibus. **I.** *Multi ex Astrologastris*, sicut *Cometas* ingens ac dirum Mortalibus omen intentant, sic & *Eclipses Solis & Luna*, Tragicorum casuum vel causas, vel præsagia venditant; magna enim asseveratione ex omnibus luminarium Eclipsibus, nescio quæ dira, præsagiunt, animosque vulgi magno terrore consternunt: quem etiam augment infastæ, ut putantur, sed revera ridiculæ appellationes *Capitis & Caudæ Draconis*, circa quæ *Eclipses* contingunt. Insuper superstitione minantur, & ajunt, eas signa esse imminentis diei novissimi homines commonefacientia.

Nulla ambigentia connexionem cum statis Eclipsibus.

Quæ si vera sunt, cum ab orbe condito singulis annis *Eclipses*, fuerint & sint, nullo tempore ab ingentibus malis liberi sumus, & continuo aciditidem diem novissimum cum tremore expectamus. Etiam si verò Mundus plurimis calamitatum fluctibus perpetuo agitetur, ut satis quocunque tempore experimur; qua ratione tamen hanc perpetuam mundi miseriam cum *Eclipsibus* connectere possint, ipsi viderint *Astrologastri*, simul verò ne injurii in Deum sint, quem aliqui insimulant, ac si tantum in perniciem generis humani *Eclipses* ordinaverit, quæ tamen veluti scalæ sunt, quibus in cælum ascendere, & admiranda manuum Dei opera in iisdem contemplari possumus, ad majorem Divini Numinis gloriam.

Eclipses luminarium sunt merè naturales.

2. *Eclipsis igitur, sive privatio sive interceptio luminis* alicujus Astri est merè naturalis, constans, ordinatissima in bonum & varietatem universi. Sicut autem duo Luminaria magna à Deo creata sunt, *Sol* scilicet & *Luna*, cœlestium phœnomenorum præstantissima, ita duplices etiam sunt præcipuæ *Eclipses*, Solares & Lunares, prout certo tempore vel sibi conjunguntur, vel sibi invicem opponuntur in suo cursu naturali.

Eclipses

Eclipsis siquidem *Lunaris* cùm sit privatio luminis mutuatitii à Sole, hæc fit per interpositionem diametralem *Terræ* inter *Solem* & *Lunam*, Solo Plenilunii tempore, quia tunc *Sol* est in oppositione cum *Luna*, *Terra* autem intermedia, quæ cùm sit corpus opacum, propter suam soliditatem transitum radiorum Solarium ad *Lunam* prohibet, & umbram suam in oppositam cœli partem projicit, talem, qualis ipsa est, scilicet rotundam, quâ involuta *Luna* deficit, sive lumine Solis privatur, vel rota vel ex parte tantum. Non tamen in omni plenilunio, sed tunc solum cum *Luna Soli* diametraliter opponitur, ita ut vel in ipsa *Ecliptica*, vel prope eam versetur, hoc est, vel in ipsis Nodis, Capite vel Cauda *Draconis* sive punctis intersectionum sui circuli cum *Ecliptica*, vel non procul ab illis consistit. Cùm verò ad latus *Eclipticæ* vel Boreale vel Australe ab illis Nodis paulò longius evagatur tempore plenilunii, tunc evitata umbrâ terrestri ab *Eclipsi* libera evadit.

Eclipsis Lunaris est privatio luminis vera. In Solo plenilunio.

Non tamen in omni.

Præterea, quia *Terra* est *Sole* multò minor, 166. vicibus, hinc fit, ut ejus umbra sit *Comus*, qui in progressu demum in cuspidem decrescit & deficit, ita ut *Luna* aliquando secundum se rotam, aliquando ex parte tantum in *Comum* umbræ Terrestris ingrediatur, adeoque una totalis *Eclipsis* diutius duret, quàm altera. Quia nimirum quandoque *Luna* *Eclipsata* est vicinior terræ, quandoque remotior. Cùm est vicinior, ingreditur in umbram spissiore & latiore, ideoque diutius in ea hæret, antequam egrediatur. Cùm verò est remotior, ingreditur in umbram tenuiorem, & magis ad cuspidem vergentem, ideoque breviori temporis spatio ex ea eluctatur. Hæc omnia, uti & diversæ phasæ Lunæ, sunt merè naturalia, & secundum cursum ac dispositionem Luminarium ad se invicem ordinatam, ergo &c.

Sed tunc tantum quando Luna ingreditur umbram terræ conoidalem.

3. *Eclipsis solaris est interceptio Luminis solaris*, non in ipso Sole, sed in aspectu tantum nostro, vel in terra. Quæ solaris luminis interceptio fit per interpositionem diametralem *Lunæ* inter *Solem*, & *Terram*, sive aspectum nostrum.

Eclipsis solaris est interceptio luminis su-

laris respectu nostri.

Quando enim *Luna*, *Sole* inferior, intercurrit directe inter *Solem* & *Terram*, impedit opacitate sua, ne radii *Solis* ad *Terram*, & oculos nostros pertingant; adeoque *Sol* nihil de lumine suo amittit, sed *Luna* nobis intercipit lumen *Solis*.

Fittantum in Novilunio, non semper.

Eclipses igitur *Solis* tantum contingunt in conjunctione *Solis* & *Luna*, sive in Novilunio, quia tunc *Luna* est infra *Solem* posita respectu nostri. Non tamen in omni conjunctione vel novilunio contingunt, sed tunc Solum, cum *Luna* est vel in ipsa *Ecliptica*, sive in *Nodis*, vel quam proximè circa *Nodos* versatur.

Totales Eclipses sine morâ, Partiales cum morâ.

Sunt autem *Eclipses Solares* duplices, quemadmodum *Lunares*; totales scilicet & partiales: totales omnes sine morâ, partiales cum morâ. Causæ hujus diversitatis eadem ferè sunt, quæ in *Luna*: vel enim est major vel minor *Luna* latitudo, sive distantia ab *Ecliptica*, ea quod minor eò majorem, quod major eò minorem & magnitudine & duratione *Eclipsin* solarem efficit: vel inæqualis luminarium distantia à terra; *Luna* enim propior nobis plus tegit de *Sole*, quam si remotior sibi vel inæqualis motus *Luna*; velocior enim brevior, tardior longior facit *Eclipsin* solarem.

Nec simul nec ubique locorum.

Nec eodem temporis momento, nec ubique locorum nec eadem quantitate conspiciuntur *Eclipses Solares*. Causa hujus diversæ apparitionis, vel occultationis est exigua magnitudo *Luna*, ejusque brevis remotio à *Terra*; Globi verò terrestris major magnitudo, & Globi Solaris maxima. Propter motum enim *Luna* proprium ab occasu in ortum *Sol* occidentalibus prius obscuratur, posterius orientalibus; adeo ut dum illis lumen *Solis* iterum est restitutum, hi tunc adhuc futuram luminis occultationem expectant. Quæ contingit his tantum terræ partibus, quas umbra *Luna* involvit: circum circa in locis haud procul remotis pars *Solis* tantum obducta cernitur: extra ea nihil de *Eclipsi Solis* conspicitur; umbra enim *Luna* etiam cum maxima est, non ultra 70. miliaria, in *Terra* *Solem* involvere, ejusque lumen terrigenis eripere potest.

Porro

Porro utræque tum *Lunæ*, tum *Solis*, *Eclipses*, singulis annis eveniunt, nec quolibet tantum anno, sed quolibet semestri, vel una, vel duæ, vel etiam tres luminarium *Eclipses* contingunt. Siquidem omnibus ferè annis lunaribus, dierum 354. fiunt vel duæ vel tres *Solis*; *Lunæ* verò vel nulla, vel una vel duæ. Et sic in universum in uno vel duæ, vel tres, vel quatuor, vel quinque *Eclipses* contingere possunt: interdum etiam sexta accedit, non quidem anno lunari minore, sed anno Solari majore dierum 365. vel 366. quando scilicet *Eclipsis* prima circa principium anni contingit.

Quotannis
plures fiunt
tam *Solis*
quam *Lunæ*

Neque nostro tempore frequentiores sunt *Eclipses* quam olim, sed æquè frequentes, licet rariores constant ex antiquorum incuriâ annotatæ. Ubi enim in causis nulla est mutatio, ibi necessariò effectus prioribus correspondent; sed necdum à quoquam ulla deprehensa, vel ostensa est mutatio in causis *Eclipsium*, sive opticis, sive Astronomicis, ergo nec majore, sed eadem frequentia, obscuraciones nunc, atque olim evenient.

Nec frequentiores
quam olim
quia nulla
facta est
mutatio
causarum
naturalium.

Atqui hæc omnia sunt merè naturalia ex naturalibus causis orta, & constanti ordinariò cursu, oppositione & conjunctione Luminarium, sibi invicem perpetuò succedente comprobata, ergo &c.

4. Unde constat *Eclipsin* *Solis*, quæ facta est in passione *Domini*, aut alia quæcunque acciderit à mundo condito usque huc, non debito tempore existens, naturalem prorsus non fuisse. Ratio ex dictis evidens est, nam *Eclipsis* *Solis* tantum fit in novilunio, quando *Luna Soli* subjicitur; sed *Christus* passus est in Paschate circa *Lunam* decimam quartam, hoc est, plenam, quando *Luna Soli* opponitur, oculo & terra in medio existente, ergo &c. Contigit igitur hoc miraculum, vel *Luna* ad locum Novilunii sub *Solem* retrotractâ, vel subtracto Divino concursu, ne *Sol* radios suos diffunderet, vel inductis tantâ copiâ maculis, quæ lumen impedirent.

Eclipsis *Solis*
in passi-
one
Domini. non
erat natu-
ralis.

5. Nec alia illâ signa, quæ *Christus* novissimum diem

Nec signa

illa quæ
Christus
prædixit
fore in die
noviss.

præcessura ait, ut *decidia stellarum*, *commotiones calorum*, *obscuraciones Solis & Lunæ* extraordinariæ, naturales causas habere, sed ex aliis causis extraordinariis orituras; tum ex verbis Christi, tum modo loquendi constat.

Eclipses
valde utiles
cognitioni
Astronomice.

6. Absit igitur ut vanis Astrologastrorum terculamentis, & futilibus præfagiis *Eclipsum* terreamur, sed potius admiranda Divini Architecti opera contemplemur, & qualem quantamque utilitatem ad cognitionem rerum tum cælestium, tum terrestrium nobis *Eclipses* afferant rimari placeat. Cognitis enim mirabilium horum causis facilius innotescunt sequentia:

Enumera-
tio harum
utilitatum.

Primo. Ex *Eclipsibus* cognoscitur cursus *Lunæ*, cujus locus verus extra *Eclipses*, propter *Parallaxes Lunæ*, observabilis non est.

Secundo. Ex iisdem eruitur *Solem Lunâ & superiorem & majorem esse.*

Tertio. Utrumque horum luminarium esse *sphæricum*, inæqualiter à *Terra* distare, adeoque motu suo *orbitam eccentricam* describere.

Quarto. *Terram Sole* minorem, *Lunâ* verò majorem esse, in medio *Zodiaci* sitam, cum *Aqua* unum constituere corpus globosum, asperum quidem aliquantum, propter montes, eos tamen ad totam *Terræ* molem incomparabiles.

Quinto. *Solem* esse fontem omnis lucis, *Lunam* verò non proprio, sed mutuatitio tantum *Solis* lumine gaudere, & esse per se corpus tenebrosum, opacum, crassum, asperum, *Terræ* nostræ ferè simile.

Sexto. Utrumque & *Lunæ & Terræ* corpus *sphæricum*, opacum, proprio lumine carens, à *Sole* tantum illuminatum, in cujus oppositum caliginosam umbram projiciunt.

Septimo. Sicut in *Terra* ex alto despecta diversæ maculæ apparerent, propter loca terrestria, maritima, campestria, montosa, nemorosa, & hiulca; ita similes maculæ etiam in *Luna* à nobis è *terra* nostra conspiciuntur.

Octavo.

Octavo. Cùm *Luna* à *Sole* ex una parte solùm illumine-
tur, parte verò averfa tenebrofa fit, certoque temporis spa-
tio lumen *Solis* *Lunam* totam circumambulet; erit in *Luna*,
ficut & in *Terra* diei noctisque viciffitudo, licet diverfo
temporis fpatio contingat hæc viciffitudo, in *Terra* qui-
dem Horarum 24. in *Luna* dierum $29\frac{1}{2}$.

Nono. Quemadmodum *Terra Luna*; ita *Luna Terra* lu-
men *Solis* intercipit. Reliquæ
Utilitates
Eclipsium.

Decimo. Quemadmodum *nox terrestris* à *Luna*; ita *nox*
Lunaris à *Terra* illuminatur.

Undecimo. Quo tempore *Terra* habet Novilunium, eo-
dem *Luna* habet Plenitervrium.

Duodecimo. In *Quadraturis* ficut è *Terra Luna*; ita è
Luna Terra dimidiato tantum vultu afpectabilis eft.

Decimo tertio. Sicut *Terram* tenuis aër circumdat, ima-
ginem *Solis* ex refractionibus recipiens; ita idem in tenuio-
re corpore circa *Lunam* accidit.

Decimo quarto. *Eclipses* funt unicum ferè adminiculum
inquirendi differentias *Meridianorum*, feu Longitudines lo-
corum. Ac proinde ad *Hydrographiam*, & rem *Nauticam*,
totamque *Geographiam* apprimè utilis eft *Eclipsium* in va-
riis locis obfervatio, quæ diligenter notata cum fingulis mo-
menris temporis, & communicata aliis, fua obfcuritate ma-
gnum præbet lumen *Astronomis*, *Navarchis*, *Geographis*, &
Hydrographis.

Decimo quinto. Ex *Solis* & *Lunæ* *Eclipsibus* ratio inven-
ta eft, dimetiendi diftantias *Solis* & *Lunæ* à *Terra*: nec non
trium horum corporum *Solis*, *Lunæ*, ac *Terra* magnitudi-
nem ac proportionem, quam inter fe habent, quod alioquin
impoſſibile videri poſſet.

His igitur tanquam alis in cœleſte Theatrum evolat mens Obſerva-
tiones po-
ſteriorum
plura dete-
gent.
humana, & quæ majorum noſtrorum incuriâ vel negligen-
tiâ parcius & minùs in *Phænomenis cœleſtibus*, *Cometis*, *Ec-
lipſibus* obſervata funt, meliùs detegat: quibus ſi noſtræ, &
quæ à noſtris poſteris obſervationes fient, veteribus adden-
tur,

rum, veniet profectò tempus illud, quo verificabitur, quod prædicere voluit *Seneca* L. 7. c. 25. natural. quæst. circa Phænomena his verbis: *veniet tempus, quo ista, quæ nunc latent, in lucem dies extrahat, & longioris ævi diligentia. Ad inquisitionem tantorum ætas una non sufficit, ut tota cælo vacet. quid, quod tam paucos annos inter studia, ac vitia non æqua portione dividimus? itaque per successiones ista longas explicabuntur.* Et de Cometis mox cap. 26. *Erunt, qui demonstrant aliquid, in quibus Cometa partibus errant, cur tam seducti à cæteris eant, quanti qualesque sint. Item aliud hæc ætas; aliud, quæ post nos subibit, aspiciet.*

CAPUT XXV.

De Analogia Barometri cum æstu Maris.

Æstus Maris breviter exponitur.

Ortus à Luna.

à Sole.

Quemadmodum inter arcana naturæ mysteria numeratur admirabilis fluxus & refluxus Maris; ita etiam Mercurii in Barometro fluxus & refluxus, aut intumescencia, & detumescencia, plurima nobis foris ostendit in parvo quidem spatio trium aut quatuor digitorum, quæ tamen mens humana miratur potius, quàm comprehendat. *Admirabiles elationes Maris* stupent *Advenæ Marini, & Habitatores Maritimi*, dum quotidianis vicissitudinibus experiuntur *Æstus Maris* ita conjunctos cum incremento & decremento *Lunæ*, ut huic, si non *Soli*, potiori tamen causæ eos attribuant. Dum enim *Luna crescit*, crescit & commotio *Maris*: minuitur hujus agitatio, ubi illius aspectus minuitur. Sed quia maria quædam fervent, ubi *Luna* in conjunctione est, fervent in oppositione, fervent & in quadraturis; verùm minus in his, quàm in illa, ergo ad emissos à *Sole* & *Luna* spiritus recurrendum esse arbitrantur. Cùm enim *Sol* in Noviluniis jungatur cum *Luna*, ambo ut agens conjunctum &

& totale agunt fortius: in Pleniluniis opponitur *Luna*, & crescit æstus, quia radios simul projiciunt rectilineos: in quadraturis minus fervent maria, quia tunc *Sol* & *Luna* radios suos obliquè vibrant minus fortes, & ut *Sol* Hyeme minus calefacit ex obliquitate radiorum, ita tunc maria minus fervent ex obliquitate influxuum. Nec hoc satis: in ipso Maris fundo inquirendam esse ajunt aptam fermentationi materiam, jungendam cum spiritibus *Solis* & *Luna*, quibus intumescat. His constanter positis fervere Mare, non fervere, ubi illa deficiunt. Hinc mare *Caspium*, *Euxinum*, *Mediterraneum*, *Balthicum* non æstuant, aut minus sensibiliter, tum ex defectu Spirituum, tum quia frequentibus aquis dulcioribus miscentur. Præterea hinc citius uno loco, tardius altero littora supervadunt, quia ibi major, aut minor Spirituum copia: citius ibi fluunt, tardius alibi refluent, propter declivitatem majorem vel minorem riparum, vel propter majorem divexitatem terræ, & obliquos aquarum sinus. Sed nec hæc humanis ingeniis omnino satisfaciunt.

Et à fundo
Maris.

Ac diversitate littorum.

Similiter *Barometrum Toricelli* Itali inventum, suam ostentat cum *Maris æstu* analogiam: suos habet fluxus & refluxus: fluxus est, sive intumescencia, dum ascendit in Barometro *Mercurius*; refluxus, sive detumescencia, dum idem descendit. In hoc tamen *Mercurii* fluxus, à maris fluctibus differt, quod hi nihil portendant, ex illo sequantur varia, serenum, pluvia, nix, grando, venti, tempestates. Facile tamen non est causam hic & nunc ascensûs dignoscere, & quid descensu portendat hic & nunc divinare; cum alia sæpè, ac prorsus contraria, quàm designet, eveniant. Jam enim ascendit pluvio tempore descendit sereno: modò descensu pluviam, & ascensu serenum notat: modò serenum est, postquam descendit, & cum ascendit, pluviosum: modò ascensu prænotat nivem, aut grandinem, descensu ventos, & tempestates: sæpè elevatur multùm exiguo tempore, nec durat secuta serenitas: sæpè descendit subito, nec durat secuta plu-

Similem patitur *Mercurius* in Barometro, & intendit futura ascensu suo & descensu.

Cujus cau-
sa aliis est
gravitas
aëris:

Aliis metus
vacui:

Aliis Æther
cum Elate-
rio.

ta pluvia: subinde lentè elevarum, sequitur diuturnior serenitas: subinde lentè depressum, sequitur constans pluvia: subinde non ascendit multum, & serenum est, descendit parum, & tamen multum pluit: non rarò descendit intra limites auræ tempestuosæ, & habetur aura serenior, dummodo gradu uno ascenderit; & si attigerit terminum sereni, habebitur pluvia, dummodò uno gradu descenderit. Similes alias multas, & innumeras alterationes recipit *Mercurius* in Barometro, quarum causas alii refundunt in gravitatem aëris, alii ad metum vacui confugiunt. Neutrum satisfacit: nec gravitas aëris, quia aër crassius & gravis non ingreditur vitrum hermeticè per capillarem aperturam clausum; sed *Æther* ingrediens rarefacit *Mercurium*, aut evaporans, relinquit *Mercurium* in suo statu naturali: nec metus vacui, cum vacuum in natura nullum sit, nec hoc illa unquam admittat; eoque semper, ubi unum corpus locum deserit, aliud continuò succedat. Videtur potiùs *Æther* subtilis (qui omnia etiam solidissima pervadit corpora) vitrum Barometri undequaque, per poros ingredi, ut colligitur ex odore à corporibus exhalante, & manifestum sit in sudore vitrorum: item calore dilatari corpora, frigore constringi. Si enim dantur pharmaca, quæ trans vitrum mittunt odores, quidni *Æther* multò subtilior cum *Elaterio* tum proprio, tum ipsius *Mercurii*? ut ex sequentibus patebit. Quia tamen *Barometrum* nomen habet à *Βίρος* pondus, & *μέτρον*, mensura, nonnulla de aëris gravitate dicenda.

§. I.

De Gravitate Aëris.

Aër gravis
est.

Aër, fluida & pellucida substantia, quæ Terraquam circumdat, corpus sine dubio est, utpote corporeis sensibus perceptibile, adeoque, gravis est & aptus ad aliud corpus, minùs resistens propellendum. Sicut autem nullum corpus

corpus in loco poni potest, nisi vel aliud corpus removeatur, aut aer qui ibidem fuerat expellatur; ita nec removeri ab hoc loco potest corpus, quin aer eidem loco succedat. Sic si, aqua, aut aliud corpus aridum in vase ponatur, aer expellitur; effusa verò aqua, vel arido corpore sublato, rursum aer vas totum implet.

2. Nec tota simul sumpta Athmosphæra, sed quævis ejus pars gravis est; centrum verò, quò tendunt singulæ partes, non est in ipso aëre, sed cum tota aëris mole Terram undique premunt, ut nimirum centro subllunarium communi fiant propiores: ut si excaveretur profundè puteus, aer descendit ad fundum.

*Et singulæ
Athmos-
phæra par-
tes*

3. Premuntur ergo inferiores aëris partes à superiori-
bus, consequenter, cùm aer naturâ suâ sit rarus & facilè compressibilis, in locis depressis ac vallibus multò compressiorem eum esse oportet, quàm in montanis & editioribus locis; quia inferior plùs ponderis sustinet, quàm superior. Sic altior Lanæ cumulus in partibus inferioribus proprio superiorum pondere magis, quàm alibi comprimitur: sic vesica in valle flaccida, in editiorem montem delata, spontè intumescit ob elaterium aëris.

*Inferiores
à superio-
ribus pre-
muntur.*

4. Insuper aer, quò serenior, eò levior; quò crassior, eò gravior, maxime in inferioribus partibus propè terræ superficiem & in fossis, propter incumbentem superiorem molem, admodum compressus. Qui per suam gravitarem agit in æquilibrium fluidorum, non tam secundum molem & latitudinem, quàm secundum altitudinem, & lineam perpendiculararem, ut fusiùs exponit P. Hon. Fabri Tract. V. L. II. & patet in Tubulis vitreis, qui si aperti utrimque in aquam aliquousque demittantur, aqua in tubulis supra reliquam aquæ ambientis superficiem ascendit, tantò quidem altius, quantò tubulus fuerit angustior & longior. Si digito superne fuisset reclusus ante immersionem, aqua non ascendit; remoto autem digito, statim ascendit, etiam post immersionem.

*Versus
commune
gravium
Centrum.*

§. Compressum autem corpus, quaquà versum urget, & tantò magis, quantò est copiosius. Quod satis manifestant fontes artificiales Hydrotechnici, per compressum aërem operantes, & bombardæ pnevmaticæ; quò plus enim aëris introrsum compellas, tantò fortior erit effectus. Exinde tamen minimè sequitur, columnam aëris vitro incumbentem sua gravitate premere mercurium in Barometro, ut ascendat; aliàs idem deberet facere in bombardæ pnevmaticæ, in lana, spongia, vesica, in recipiente, quod tamen manifestum est non fieri à gravitate aëris incumbentis, sed à propria ipsius aëris elasticitate, quam omnes præter gravitatem debent admittere.

§. II.

De vi Elastica corporum & Aëris.

Vis Elaterii.

1. *Elaterium* est vis innata rei, ut se restituat in situm naturalem, qui debetur illi primo instanti suæ productionis. Talis vis inest spongiæ, pani recenti, ligno, ferro &c. vis autem illa fundatur in certo quodam partium ordine, qui exigit, ut, si ab extrinseco ordo talis mutaretur, eum sibi restituat corpus, sublato obice externo.

Est in aëre.

2. Talem quoque vim inesse aëri extra dubium est. Aër enim in minore extensione constitutus, quàm naturaliter exigit, habet vim se dilatandi, & restituendi in pristinum statum. Ut patet evidenter in bombardæ Pnevumaticæ, ubi aër compressus pristino statui se restituit, etiam cum fremuru, quando obex amovetur. Item in vesica flaccida in valle; delatâ verò in montem excelsum, turgescente: ut etiam fit in recipiente, aëre extracto.

Ejus resistentiæ & dilatatio.

3. In *Elaterio aëris* duplex est motus *resistentiæ & dilatationis*. Per motum resistentiæ aër tendit à circumferentia ad centrum ratione agentis extrinseci: sicut spongia tendit à circumferentia ad centrum, quando manu premitur. Per motum dilatationis aër tendit à centro ad circumferentiam ratione

tionem activitatis intrinsecæ, & sublationis agentis potentioris ab extrinseco. Ita spongia sublata activitate manûs, fertur à centro ad circumferentiam. Sic idem aër dicitur resistens, prout invenit ab extrinseco corpus validius, à quo movetur à circumferentia ad centrum; dicitur autem agens, quatenus corpus extrinsecum removetur, nec impedit ultra ejus extensionem.

4. Horum autem motuum diversissima potest fieri combinatio, prout variantur agentia extrinseca. Reperitur enim quandoque motus resistentiæ tantum, modò dilatationis tantum, modò resistentiæ & dilatationis simul. *Motus resistentiæ tantum*, est, cum corpus movetur à circumferentia ad centrum præcisè, ut cum aër concluditur in vesica flaccida. *Motus dilatationis tantum* est, cum corpus nullam habet resistentiam, & dilatatur quantum potest; sicut aër in extremitate atmosphæræ à centro ad circumferentiam. *Motus dilatationis & resistentiæ simul* fit, cum corpus aliquod, & premitur, & dilatatur, ut fit in turbulencia ventorum: ita aër in recipiente & premit *Mercurium*, & premitur ab illo, quia *Mercurius* per pondus suum reagit in aërem incumbentem.

*Diversa
combinatio
utriusque.*

5. Porro potest esse *motus dilatationis* major, quando minor est quantitas corporis moti; ita aër recipientis potest magis dilatari, dum existit in minori quantitate, quam dum est in majori quantitate, quia dum est in minori quantitate, particulae illius magis se explicant; quando autem est in majori quantitate, particulae minus possunt expedire se. Sic dum aër est intra recipientem majori quantitate, tantum resistit, quantum agit, ut *Mercurium* sustentet; quando autem est in minori quantitate, minus resistit, quam agit motu dilatationis. Unde excessus dilatationis supplet defectum resistentiæ, ut tantundem *Mercurium* elevet, quantum ante.

*Excessus
dilatationis
supplet de-
fectum re-
sistentiæ.*

6. Simile quid reperitur in Horologiis rotatis artificialibus, sed modo diverso. Sic tympanum Horologii rotati portatilis movetur duplici motu *resistentiæ & dilatationis*.

*Simile in
Horologiis
rotatis.*

Resistentia, cum rotas non moveat, quantum potest, simul & semel eodem instanti: *Dilatationis*, cum non sit tanta resistentia in rotis, quanta est activitas singularum, aut omnium particularum ferri, aut catenulae in rimpano per gyros circumvolutae. Prout autem illae variantur, sic variatur & motus. Idem dic de aliis rebus diversimodè motis.

In fonticu-
lo Artifi-
ciali.

7. Hic etiam duplex motus facile explicat quomodo in fonticulo artificiali aënei globi cum tubo aqua in altum saliat; utpote aër in globum magnâ vi per cylindrum intrusus, apertâ claviculâ expedit sese, & aquam sibi subjectam, adigit fursum ad modum fontis salientis. e. g. Sit Globus aeneus & tubus exiguus penè usque ad Globi fundum per-tingens, in quo superius sit clavicula, supremum vertebra, per quam cylindro intrudatur aqua, conversâ singulis vicibus claviculâ; & ubi jam multum aquae intrusum fuerit, intrudatur insuper eodem cylindro plurimum aëris & clavicula claudatur, & imponatur tubulo latiori alius angustissimus pilaris. Ubi demum aperietur clavicula, summa vi per tubulum erumpet aqua. Simili modo explicari possunt artificiales avium cantus, ejaculationes bombardarum pneumaticarum, aliaque ejusmodi.

§. III.

De raritate & densitate aëris, aliorumque corporum.

Quid sit
rarum &
densum?

1. *Rarum* est Corpus homogeneum subtile, & indifferens ad quemlibet situm & locum, minimè resistens & maximè insensibile per sensus imperfectiores, licet multum spatii occupet: tale corpus est *Aether* per se & ratione sui.

2. *Densum* est corpus homogeneum, crassum, valdè resistens, tendens ad medium, & maximè sensibile per sensus imperfectiores, licet parum spatii occupet; tale corpus est terra pura per se, & ratione sui.

Quid rare.

3. *Rarefactum* est corpus magnæ extensionis, ratione altius;

terius: sic licet lac de se non sit rarum, est tamen rarefactum, ratione ignis appositi, similiter aqua, oleum, alique liquores.

4. *Condensatum* est corpus angustæ extensionis, ratione alterius: sic licet aqua, lac, oleum, alique liquida non sint densa de se, sunt tamen condensata per aliud e.g. per gelu.

5. *Raro per se* convenit raritas simpliciter: sicut econtra *Denso per se* convenit densitas simpliciter.

6. *Rarefactio* est motus corporis à minori extensione ad majorem connaturalem ratione statûs, in quo jam est: talis motus habetur in pulvere nitrato accenso, & facile plûs decies millies loci per rarefactionem occupante.

7. *Condensatio* est motus corporis à majori extensione ad minorem connaturalem, ratione statûs, in quo jam est: ita lac amotum ab igne redigitur ad angustiorum extensionem illâ, quam habuit, cùm rarefieret ab igne.

8. Principium per se *rarefactionis* est calor, *Condensationis* est frigus. *Calor* est qualitas activa, & facit recedere corpus, cui inest, à centro ad circumferentiam. *Frigus* est qualitas pigra, facitque recedere partes, corporis, cui inest, à circumferentia ad centrum.

9. Hinc cognoscitur discrimen inter Elasticitatem, Dilatationem, & Rarefactionem. *Elasticitas* spontè agit, & fit ab innatâ inclinatione partium conantium ex se majorem locum obtinere. *Dilatatio* fit ab extrinseco, sicut non separatur ordo partium per intromissionem alterius corporis. *Rarefactio* autem per hoc quod mutetur ordo partium, & separantur partes à partibus per intromissionem caloris.

10. Sic *aër* potest rarefieri, quia potest recipere intra se calorem, adeoque moveri à minori extensione ad majorem. Quod manifestum sit in *Thermometro*; si enim manum tantum calidiorem superiori ejus bullæ admoveas, statim aqua in illo descendet, & aër inclusus dilatabitur, eoque calor Manûs tuæ penetret poros bullæ & aëris; atque ita imprimat aëri incluso motum à minori extensione ad majorem. Simi-

factum &
condensa-
tum?

Quid rare-
factio &
condensa-
tio?

Harum
causæ.

Differen-
tia inter
Elasticita-
tem, dila-
tationem
& rarefa-
ctionem.

Aër calore
rarefieri.

liter facile concipies, quomodo aqua, lac, oleum, alique liquores rarefiant, erumpendo ubique in bullulas, quas repleat æther cum spiritibus igneis.

Frigore
condensa-
tur, ut pa-
tet in Ther-
mometro,
& Baro-
metro.

II. Potest etiam *aër condensari*, quia potest à majori extensione ad minorem reduci, ut rursum patet in eodem *Thermometro*; si enim ejus bullæ admoveas corpus frigidius, aut pannum frigidâ madefactum, contrahetur aër, & aqua in tubulo ascendet. Similem *aëris rarefactionem & condensationem* observare licet in *Barometro*; si enim in tubulo descendit *Mercurius*, aër superior dilatabitur & majorem locum occupabit; si verò ascendit *Mercurius*, aër superior condensabitur & ad minorem locum redigetur. Item in cucurbitis Chirurgorum, dum enim in scarificatione applicantur dorso patientis phialæ vitreæ, caro intumescit intra cucurbitas, quia calore stuppæ accensæ; intra illas rarefit aër; hic autem rarefactus majorem locum occupat: frigescunt interim cucurbitæ applicatæ dorso patientis, & aër densatur frigore, minoremque locum tenet; redactus autem ad exiguum locum, dat spatium carni intumescenti.

In phialis
vitreis.

§. IV.

Experimenta varia in Barometro.

Experimentum I.

Ascensus
Mercurii
est à con-
densatione
aëris.

Descensus
à rarefa-
ctione aëris

PER plurimas observationes *Bononiæ, Parisiis, Londini*, & alibi in *Barometro* factas, deprehensum est, quod per ascensum & descensum *Mercurii*, alterationes aëris, aut rarefacti, aut condensati, non solum præsentis, sed etiam futuras præfagire valeamus: & quod hic ipse ascensus & descensus proveniat à fluida aëris facillimè mobilis substantiâ, quæ velut vasti maris unda undiquaque commovetur. Sicut enim Mare, modò per impetum ventorum in altum erigitur, & in fluctus attollitur, modò cessantibus ventis in malaciana subfi-

subsidit; ita aër ex multis heterogeneis constans particulis, ultro citroque commeantibus, modò dilatur per rarefactionem, modò contrahitur per condensationem. Ad dilatationem sequitur descensus, ad condensationem ascensus Mercurii in Barometro. Sic si extremitas Tubi hermeticè clausa calefiat, descendit *Mercurius*, quia aër superior rarefit, unde descendit *Mercurius*. Si eadem extremitas frige fiat corpore frigidiori, vel panno frigidà aquà imbuto, ascendit *Mercurius*, quia aër frigore condensatus, locum facit *Mercurio* ascendenti.

in Baro-
metro.

Experimentum II.

In Tubo recto, parte superiori, Hermeticè clauso; inferiori autem ad capilli latitudinem tantum aperto, medius stat *Mercurius*, ita ut inter aërem superiorem & inferiorem Medius hæreat, quia per orificium inferius nimis angustum aër sufficiens ad descensum *Mercurii* ingredi non potest: sicut vinum non effluit ex Lagena arcti orificii inversa & aperta, aut è dolio pleno; licet inferius Epistomium pateat. Nihilominus tamen *Mercurius* ascendit & descendit pro aëris vel raritate vel densitate, tam in hoc recto Tubo, quam in recurvo, qualis communiter fieri solet.

Mercurius
in Tubo un-
dique clau-
so hæret in-
ter aërem
medius.

Experimentum III.

Ad ascensum autem & descensum *Mercurii* multa concurrunt tum positiva, tum negativa: Positiva frigus condensativum, calor rarefactivus; vapores aquæ, terræ effluvia, aliæque mineralium evaporationes: Negativa, ut negationes ventorum ad pluvias habendas, absentia caloris ad pluvias taliter vel taliter habendas, ex quibus sequitur alia *Mercurii* statio, aut situs.

Motus
Mercurii
causa posi-
tiva & ne-
gativa.

Experimentum IV.

Reperitur sæpè in aëre levissimo, aut aliâ re diffusâ, & *Varia aëris* molli condensatio, & resistentia: in summe mobili & præ-
fenti,

temperies

eundem va-
ris mover.

fenti, principium stabile futuræ pluviae, & serenitatis. Inde oritur cur lentè ascendant, descendatque *Mercurius*; cur subitò erumpat fursum, aut deorsum feratur; cur denique pro varietate motûs *Mercurii*, varia sequi debeat aëris temperies, variâque noscatur, ex *Barometro* tanquam ex indice futura ejusdem mutatio, sive quoad pluviam, sive nivem, sive ventos, sive tempestatem variabilem, sive serenitatem, sive frigus intensum.

Experimentum V.

Attenden-
dum ad mi-
nimum
Mercurii
motum.

Licet omnes aëris mutationes in *Barometro* trium tantum spatii digitorum concludantur, minutissimi tamen motus *Mercurii* sunt observandi. Magnus est motus ejusdem, si ad digitum unum extenditur, aut ascendendo, aut descendendo. Notabilis satis est, si quartam digiti partem, aut deferat *Mercurius*, aut de novo acquirat.

Experimentum VI.

Et Modum
motûs.

Modus etiam, quo *Mercurius* ascendit, aut descendit diligenter observandus. Vel enim ascendit parum, aut multum, vel lentè, vel subitò. Si multum exiguo tempore ascendit, notat serenum, sed brevius. Si multum longiori tempore ascendit, indicat serenum, sed diuturnius. Si multum exiguo tempore descendit, significat pluviam sed brevior; si multum longiori tempore descendit, præagitur pluviam, sed diuturniorem. Adde si citò descensum sequitur pluvia, non diu durabit; nec serenum stabit diu, dum præcessit ascensus propinquior.

Experimentum VII.

A termino
à quo, &
ad quem,
magisquàm
ad notas
collatera-
les.

Minus ad notas collaterales (in quibus adscripta est aura valde serena, mediocriter serena, variabilis, pluvia, ventosa, tempestuosa) quàm ad terminos à quo & ad quem, sive motiones fursum & deorsum variatas attendendum. Unde non miraberis in sereno subinde pluviam notatam, & in plu-

via

via subinde serenum adscriptum. Atque tunc solum variabilem auram dices, dum sit ascensus & descensus frequentior, exiguo temporis intervallo. Tunc verò constantiorem, si longo temporis intervallo, ascensus & descensus, aut lentè procedat, aut unico quasi puncto affixus hæreat.

Experimentum VIII.

Reflectendum est ad quatuor anni tempora, equidem *vere & autumn*o inconstantior est *Mercurii* motus, & vix quidquam certum videtur statuendum quoad ejus ascensum & descensum, eo quòd tunc aura sit nimium volubilis, præsertim circa æquinoctia. In Hyeme vix dimidio die prænunciat, mutationem aëris; in æstate autem uno, aut duobus subinde diebus antequam veniat prænunciata tempestas.

Reflectendum ad Anni tempestates.

Experimentum IX.

Observanda sunt diversa Climata & Zonæ Terrarum; In Zonis enim frigidis quatuor digitos extensionis habere potest *Mercurius*, quia frigus & venti turbulenti diutius durant. In Zonis temperatis ultra tres digitos extensionis non excurrit, ob temperiem quandam auræ, cujus vehementia non tam diu durat. In Zona verò Torrida, maximè sub lineâ æquinoctiali, cum aura singulis penè horis sit variabilis, vix digito opus erit, ut varietates auræ *Barometro* designentur, nec prædici possunt mutationes, nisi paulò ante, ut testantur Hollandi.

Et diversa Climata.

Experimentum X.

Dum præcisè ascendit *Mercurius* non potest certò ac determinatè sciri hìc & nunc, quid indicet, an nivem, an serenum. Similiter cum descendit, an descendat, quia rarefactio minuit *Elastrum aëris*? an quia illud ipsum minuerunt insinuatì terræ vapores? consequenter certò non scitur, sitne futura pluvia, an Venti. Id ex circumstantiis determinandum.

Ad præsens frigus vel pluviam, an nivem, vel serenum indicet.

Lib. II.

R r

dum

dum est. Si fiat ascensus in intenso gelu, notat nivem; si dum defacto pluit, notat serenum. Ut disjunctivè vel nix, vel serenum & certò statuatur futurum ex ascensu vel descensu, adminiculis externis opus non est. Sed ut certò determinatè statuatur, necesse est vel animata, vel inanimata *Hygrometra* adhibere. De quibus paulò post dicetur.

Experimentum XI.

Post Austrum Boreas Mercurium elevat: post Boream Austro deprimi.

Si, post ventum Australem, vel Austro - Africum Sud - West, exsurgat Borealis, vel Boreo - Cæcias Nord - Nord - Ost, hic condensat & premit aërem, consequenter elevat *Mercurium* in *Barometro* eritque aura serena. Econtra, si post ventum Borealem, ejusque collateralem, sequatur Australis vel Africus, descendit *Mercurius* & pluviam indicat. Quia per ventos Australes tepidos rarior fit aër, cujus vapores superiores cadunt in inferiores, sicque conjuncti in nubes se condensant, quæ tandem accessu novorum vaporum in pluvias se resolvunt.

Experimentum XII.

Disturnior Boreas lente movet Mercurium.

Si venti Boreales vel magis Orientales longo tempore flaverint, subinde *Mercurius* paulatim lentè descendit, & tamen manet constans serenitas; eoquod tunc aër versùs Austrum vel Africum tendens rarior nonnihil fiat, & minùs premit *Mercurium* paucioribus vaporibus extenuatus, ideoque non pluet, licet *Mercurius* paulatim descendat.

Experimentum XIII.

Terra vapores post nives resolutas copiosiores citius movet, tardius in rariore.

Præter ventos etiam vapores terrei, & aquei variant auram, & Motum *Mercurii*; licet enim continuò è poris terræ & aquarum evaporent, tamen uno temporis magis in majore copia, alio minùs in minore. Ut si frigus terræ aut aquarum superficiem congelaverit, pauciores tantùm vapores possunt ascendere, & solùm ex tepidioribus locis, scilicet è cavernis & cellis subterraneis erumpunt; nec satis vincunt reli-

reliquam aëris condensationem, adeoque *Mercurius* manet elevatus. Si verò post resolutionem glacierum aut nivium accumulati vapores libertatem acceperint se quaquà versum dilatandi, rarefaciunt aërem; consequenter *Mercurius* descendet, & indicabit nebulas & pluviam.

§. V.

Consectanea ex precedentibus & experimentis.

1. **C**olligitur ex his, quod aër sit subjectum variissimarum alterationum, quæ oriuntur ex crassioribus vaporibus aquarum, exhalationibus Terræ, effluviis terrestrium corporum, sive animatorum, sive inanimatorum, ex calore & frigore, ex rarefactione & condensatione.

*Aër est sub-
jectum al-
terationum*

2. Halitus illi, vapores, & effluvia sustentantur in aëre, velut in aqua sustentantur particulæ, talis, aut alterius densioris corporis in partes minores resoluti. Liquida enim ratione particularum implexarum sunt tanquam minutissima retia, quorum cancellis adhærent extraneæ particulæ, ex quibus mixtum componitur, non solum in fundo, sed in partibus superioribus & mediis, ut patet in aqua Sale mixtâ.

*Est effluvia-
rum Ele-
mentarium
sustenta-
culum.*

3. Etiam si quandoque quoad apparentiam, tam sudum videatur cælum, ut aër purissimus appareat, in se tamen aliter se habet; licet in nobismetipsis nihil adverrimus, quo id semper sentiamus, habemus tamen, unde colligamus aliter se habere. Sic ex nota paræmia: *nocte rubens cælum mane indicat esse serenum*, colligimus ex vespere rubro & multum micante serenitatem crassinam; contra ex rubro non micante, sed fusco pluviam. Similiter ex diverso maritimo rubro, colligimus serenum & pluviam ejusdem diei: aut etiam ex pallida luce *Solis* orti, vel *Lunæ* nascentis, quia *pallida Luna pluit, rubicunda flat, alba serenat*. Color autem ille rubeus magis fuscus, fit ex vaporibus; magis autem micans, fit ex absentia vaporum. Cum enim calor aëris non sit nisi lu-

*Etiam sud-
coelo, licet
id non ad-
vertatur,
nisi ex aliis
signis.*

men reflexum , magis reflectitur in aëre puro , in impuro immergitur.

*Quaedam
Bruta ci-
tius præ-
sentiunt al-
terationes
aëris, quam
homines.*

4. Insuper sunt animalia quædam, quæ sensibus hominem superant ; illa diu ante nos aëris alterationes persentiunt. Hinc Anseres, & Anates, ob pruriginem à vaporibus in illis causatam, gestiunt se aquis penitus immergere, ac repetitis vicibus aquam in dorsum, tum alis, tum capite attollere : Talis pruritus in vertice ovium excitatur ; inde frequens inter illas arietatio ingruente pluvîa : similia in aliis animalibus animadvertimus. Inter homines etiam sunt, qui ad quasvis propè mutationes aëris, certam quandam pruriginem sentiunt, in parte aliàs læsâ. Imò quidam, præsertim in morbis Chronicis, semper vivum secum circumferunt *Barometrum*, tot alterationibus obnoxii, quot ipse *Mercurius*.

*Imò & in-
animata
corpora eas
prænum-
siant.*

5. Fieri potest, ut aliquæ species particularum aërearum uno tempore superent eas, à quibus superantur alio tempore. Nam aër ita aliquando repletur vaporibus, ut tota aqua esse videatur, ut in densis nebulis, quæ aut intra magis porosa corpora, ut ligna & pannos sese insinuant, aut ad extimas partes densiorum & politorum corporum adhærent, ut sunt marmora, quæ tunc aquam videntur distillare. Quod si tunc adsint multæ particulæ igneæ, & sulphureæ immixtæ vaporibus, decedentes pluvie calidæ sunt, frigidæ tamen putantur ; si tot non sint, aut superentur à partibus nitrosis, aut aliis, quæ grandini aut nivi generandæ subserviunt, grando aut nix subsequetur.

*Particulæ
aqueæ, aut
igneæ non
sunt sensi-
biles, nisi
collectæ.*

6. Particulæ aqueæ dispersæ non faciunt aquam sensibilem, nisi colligantur, ut patet in speculo ; nam aër, quem continuò expiramus, secum habet admixtas aquæ particulas, quæ non faciunt aquam sensibilem, nisi ori propius admoveatur speculum, in cuius superficie colliguntur. Similiter particulæ igneæ dispersæ non faciunt sensibilem in aëre ignem, nisi coactæ in unum, aut erumpant in fulgura, aut alia meteora ignea, vel ignes fatuos coalescant.

7. Aër

7. *Aër* potest vaporibus modò repleri, modò evacuari: repleri per ipforum insinuationem; evacuari, per illius pressionem, aut agitationem, sicut rete per agitationem exsiccat, aut sponsia, vel linteam madidum per expressionem. Nunc lentè, nunc subitò: lenta evacuatio fit per lentam expressionem, & condensationem; adeoque causat lentam diminutionem *Elatarii*, subita, subitam. Ex quibus sequitur lenta vel subita elevatio *Mercurii* in *Barometro*.

Subitè magis sensibiles, lenta minus;

8. Quando abundant particulae igneae magis, quàm aqueae, effectus ignis sequitur, & superat activitatem alterius agentis, unde sequitur calefactio aëris, & rarefactio ac descensus *Mercurii*; at ubi superant particulae Aqueae, frigus & condensationem sequetur, ac ascensus *Mercurii*.

Si abundante aquea, frigus; si ignea, calor sequitur.

9. Quod si calor & frigus aequaliter conjungantur in una parte aëris, suos influxus attemperabunt, ex quo sequetur media quaedam *Mercurii* elevatio. Quae iterum mutabitur accedentibus aliis particulis Heterogeneis, seu aqueis, seu igneis.

Si aequales utraque, aëris temperies,

10. Nec quidquam per se faciet certa anni tempestas ad *Elatarium* aëris augendum, aut minuendum. Tam enim Hyeme, quàm aestate *Elatarium* potest esse aequale; si nimirum aequalis sit condensatio aëris, aut rarefactio. Similiter tam aura Serena, quam pluvia. Si Serena, superabit calor rarefaciens; si pluvia, superabit aliunde frigus condensationem.

Quovis anni tempore.

11. Item potest aër rarefieri, tam in hyeme, quàm in aestate, quia tanta copia Spirituum calidorum mitti possunt ab Austro, ut aërem tepidiorem reddant. Econtra aër condensari, tam aestate, quàm hyeme, quia particulae frigidae ventorum ab Aquilone mitti possunt tantà copîa, ut impediant rarefactionem aëris, eumque aequè condensent in aestate, quàm in hyeme. Ex quo necessariò variabitur *Elatarium* aëris, & elevatio aut depressio *Mercurii*; ita ut subinde stet *Mercurius* intra limites pluviae, & tamen habeatur serenitas; subinde elevetur, & tamen habeatur pluvia.

Tam in rarefactione, quàm condensatione aëris;

*Quæ tamen
temperies
facile di-
versa sit à
minimis ac-
cidentibus.*

12. Non semper autem in aëre est copia sufficiens ad formandas pluvias, quando condensatur aër. Unde non bene sequitur: pluit, ergo condensatur aër: nec sequitur, condensatur aër, ergo pluit. Ista enim nec se inferunt, nec se excludunt: potest esse pluvia, ubi non condensatur aër; & potest dari condensatio, ubi non datur pluvia. Nam quandoque accidit Hyeme, ut pluatur, & tamen non condensatur aër, calore concepto; quia tunc ita plenus est vaporibus, ut quantum recipit, tantum effundat. Sicut linteum plenè delibutum aquâ, tantum dat, quantum recipit: sic Hyeme aëre intepescente in domibus ac templis sudant muri & marmora, quia aër secum defert quovis loco vapores suos, quos non imbibunt marmora, sed tantum exterius ab aëre tepido suscipiunt. Iidem verò vapores magis se corporibus porosis insinuant, ut sunt tapetes, vestes, & corpora animalium. Quod satis indicant catharri, quos contrahimus tunc temporis; aliunde quoque condensatur aër, ubi non pluit, cum scilicet æstivo tempore descendit *Mercurius* de die propter rarefactionem aëris; de nocte verò ascendit propter ejusdem condensationem.

*Rarefa-
ctionis va-
ria, & con-
densationis
aëris;*

13. Deinde potest in æstate aër esse valdè rarefactus per attractos à Sole vapores; si tamen superveniant ab Aquilone Spiritus nitrosi & frigidiore, condensabunt aërem, & non habebitur pluvia, sed grando. Aut tam diu, siccatis vaporibus, serenus erit aër, quam diu novis ab Austro vaporibus non replebitur. Sicut linteum, expressâ aquâ, redditur magis luci pervium, eoquod non amplius habeat in suis texturis & cancellis corpus opacum, lumen removens. Sicut e contra, si halitu speculum, aut vitrum pellucidum, inficias, statim apparet minùs lucidum; si halitum iteris sæpius, guttæ satis sensibiles apparebunt. Cæterum sicut non ad quamlibet compressionem linteum habetur aqua, ita nec ad quamlibet condensationem aëris. Quandoque etiam ningit, cum descendit *Mercurius*, quando nimirum spiritus calidiores sunt in regione aëris infima; in superiori autem frigidiores,

diores, unde formata nix superius, decidens in inferiorem partem, statim liquefit: quo casu debuit descendere *Mercurius* propter rarefactionem aëris inferioris.

14. Denique ex his omnibus colligitur, *ascensum Mercurii* sequi, non determinatè, sed disjunctivè, vel nivem, vel serenitatem; *descensum* verò *Mercurii* signum esse determinatum magnæ mutationis in aëre; disjunctivum autem, vel caloris, vel vaporum aëri insinuatorum, vel ventorum, vel pluviarum. Sed hæc non semper, nec certò & præcisè; ita ut *Mercurius* in *Barometro*, parvo licet carcere, non minùs, quàm fluxus & refluxus in vasto mari inter arcana *Naturæ* mysteria meritò numeretur.

Unde *ascensum Mercurii* sequitur *indeterminatè* vel *nix*, vel *serenitas*: *descensum* vel *calor*, vel *pluvia*, aut *tempestas*.

CAPUT XXVI.

De Experimentis in Thermometro.

Thermometrum, ex ipso suo nomine, idem est, ac mensura caloris; *de quò* enim calorem significat, *μέτρον* autem mensuram. Quod Spiritu Vini impletur, qui ascensu suo calorem aëris metitur, usque ad terminos excessivi caloris; à terminis verò moderati caloris, descensu suo oppositum caloris, scilicet frigus denotat, usque ad terminos excessivi frigoris. De illo verò, quod aquâ impletur & invertitur, contrarium dicendum est, aqua enim ascensu frigus, descensu calorem indicat. Inventum est *Trebellii* *Hollandi*, quod ad majorem perfectionem usu & exercitio ingeniorum hodie dum perductum est.

Proprietas Thermometri.

§. I.

De calore aëris & frigore.

1. Satis notabiliter quidem quotidiana experientia sentimus mutationes caloris & frigoris, quæ aëri, quo cir-

Quod notat gradus caloris & frigoris.

cumdamur, & in quo respiramus, vivimus, movemur & sumus, identidem variabiliter accidunt, sed non tam facile gradus caloris & frigoris & comparative, unius e. g. diei respectu alterius, distinctè animadvertimus, nisi per notas & mensuras *Thermometri* quotidie variantis ad vicissitudinem aëris circumstantis.

*Aër de se
frigidus
calorem re-
cipit à sole,
tantò ma-
jorem,
quantò ei-
dem dire-
ctior est.*

2. Aërem ex natura sua frigidum esse colligimus, nec calorem in se recipere, nisi per commotionem & impressionem radiorum Solis, tantò vehementiorem, quantò Sol radiis magis directis, & in se reflexis, terræ superficièi imminet; tantò tepidiorem, quantò obliquius terræ rotunditatem perstringit. Quæ res satis patet, si observemus aërem à Septentrione unà cum frigidis aquilonaribus ventis ad nos perductum, ubi Plagæ Boreales à Sole, maximè remotæ, multò frigidiores sunt, quàm nostræ, eò quod Sol radios suos magis obliquos eis communicet, quàm aër, qui ab Austro ad nos deducitur, ubi Plagæ Æquinoctiales Solem habent sibi magis directè imminentem, & subinde verticalem, adeoque calorem aëris excessivum illæ sentiunt, ubi noster peratum. Idem patet observatione diurnâ; de nocte enim aura frigidior est, ex nocturna Solis absentia; de die verò calidior, ex diurna Solis radiantis præsentia.

*Calor au-
tem aërem
rarefacit,
frigus con-
stringit,
uti & reli-
qua corpo-
ra.*

3. Similiter quotidianâ experientiâ certum est, nativam caloris proprietatem esse, omnia corpora, etiam solidiora, ut ligna, lapides, præcipuè verò aërem dilatare, extendere, extenuare, rarefacere; econtra frigoris proprietatem esse, aërem constringere, comprimere, condensare. Cum enim fluida aëris substantia multò subtilior sit reliquis corporibus solidis, ejusque particulae magis fluidæ sint, quàm aqueæ, multò etiam tenuiores, quàm crassiores halitus Terræ & vapores; igitur minimus etiam calor undecunque aëri accidat, eundem extenuabit, rarefaciet, & dilatabit. Econtra minimum frigus contrahet aërem & condensabit.

*Quod patet
in marmo-*

4. Ut experimentum hujus proprietatis caloris caperet ingeniosa hominum solertia tam in solidis, quàm in liqui-
dis

dis corporibus. Primò fecerunt duo marmora prorsus æqualia latitudine, longitudine, profunditate: unum, posuerunt in aëre valdè frigido, alterum in aqua calida vel ad ignem, conjuncta deinde manifestarunt utriusque inæqualitatem; major deprehenderetur inæqualitas, si quod calefactum refrigeretur, & quod infrigidatum, calefiat. Secundò Phialæ vitreæ, aëre communi repletæ, infuderunt communem aquam usque ad ejus dimidium; inversamque vasculo aquâ repleto, per tempus aliquod reliquerunt immerfam. Ubi observatum est aërem inclusum, nunc rarefieri & dilatari, aquâ in tubulo descendente: nunc comprimi & condensari, aqua in tubulo ascendente. Aqua nimirum in tubo, cujus apertum orificium in vasculo aqueo deorsum, & bulla sursum est, ascendit crescente frigore, descendit crescente calore secundum gradus juxta tubum notatos.

*ribus aqua-
litatem
mutanti-
bus.*

*Et aqueo
Thermo-
metro,*

5. Optima hæc esset, & magis naturalis experientia, dummodò aqua successu temporis non evaporaret, aut per intensum frigus non congelaretur. Hinc, loco aquæ communis, Spiritum Vini postmodum infuderunt, non tam facile evaporantem, nec frigore congelandum; sed effectus priori contrarius inventus est; dum enim spiritus per calorem ascendit, aqua descendit, dum Spiritus per frigus condensatur & descendit, aqua rarefit, & ascendit. Ut vel ex eo manifestum appareat, pondus aëris nihil facere ad ascensum vel descensum liquoris inclusi, sed ipsius aëris *Elaterium* motus illos ascensionis & descensionis efficere. *Thermometrum* enim, quod ex Spiritu Vini fit, undique clausum est, nec admittit crassiorem & gravem aërem, sed tantum subtilem ætherem, omnia etiam solidissima penetrantem. Constat siquidem solo tubo exiguo & bulla continua, quæ non eminet, ut in aqueo, sed inferius collocata subijcitur: impletur rota bulla & supra medium tubi spiritibus, reliquum datur aëri communi. Hermeticè dein clauditur, & notantur Gradus in asserere utrimque juxta *Thermometrum*; Graduum ve-

*In spiri-
tuoso con-
trarium fit.*

rò discretio fit pro diversa longitudine & latitudine tubi, ac magnitudine bullæ subjectæ.

§. II.


De Preparatione Thermometri.

*Modus
Præpara-
tionis Ther-
mometri.*

1. **M**odus hic est: quoniam angustia Tubuli repleta est aëre communi, nullum liquorem ingredi parietur, nisi aliqua saltem aëris pars fuerit extracta. Quod ut fiat, vitrum supra prunas, aut lampadem calefieri debet, & aër inclusus attenuari, tunc orificium tubuli apertum liquori immittitur, atque sic circumstans aër, bullam totumque vitrum refrigerans, extenuatum ante vi caloris aërem condensat, ut minorem locum occupet in tubulo, & ingredienti liquori spatium concedat. Si vitrum satis fuerit impletum usque ad dimidium tubuli, orificium ejus Hermeticè clauditur ad lampadem liquatoriam per tenuem forcipulam; aqueum autem relinquitur. *Thermometrum* ita confectum servatur aliquamdiu in loco frigidior, ut prorsus frigeat.

*Modus an-
notationis
Graduum
caloris &
frigoris.*

2. Ut verò Gradus caloris & frigoris juxta illud debite annotari possint, collocari debet vitrum in glacie communi sale permixta, ut gradus summi frigoris habeatur, ac in liquoris termino notetur: *frigus intensum*. Deinde ponatur in profunda cella, ubi aër externus nullam vim exerit, & in liquoris termino notetur: *Aër Temperatus*. Denique spatium inter duos hos terminos dividatur in 10. vel 100. partes æquales, & æquale huic oppositum spatium similiter in 10. vel 100. partes, in quarum termino notetur: *Calor intensus*. Ita confectum erit *Thermometrum*, perpendiculariter cum affere conjuncto appendendum parieti commodo, ubi constanter est permanfurum. Si enim loco Boreali & magis frigido, transferatur in locum Australem, liquor magis ascendet in calidiore loco, quàm frigidior & contra.



§. III.

De Differentia Thermometri Duplicis Aquei
& Spirituosi.

1. *Thermometrum Aqueum* commune quid habet cum *Barometro*, nempe incertitudinem ad designandum frigus & serenitatem determinatam. Potest enim crescere quantitas aquæ in tubo, quando tamen non crescit frigus; quia per evaporationem aquæ formantur guttæ intra concavitatem bullæ superioris, & quantum aquæ tubulus amittit per evaporationem, tantum ex vase subiecto recipit; decedentes interea guttæ aquam tubi augent, unde, ubi non crescit frigus, iudicaretur tamen crescere. Deinde si evaporation tenuior aquæ guttas in concavitate bullæ non efformet, particulæ aquæ abibunt in aërem inclusum, crescerque quantitas aëris superioris, & descendet aqua, ubi tamen non crescet calor.

*Aqueum
convenit
cum Baro-
metro, quia
utrumque
per apertu-
ram aërem
recipit.*

2. *Thermometrum spirituosum* nihil habet commune cum *Barometro*; sed constans sibi manet, nec recipit ab extrinseco quidquam, nisi subtilem Ætherem, per cuius & aëris communis inclusi rarefactionem certum calorem, per condensationem certum frigus designat. Atque in hoc præstat *Thermometro* factò ex aqua, imò etiam *Barometro* factò ex *Mercurio*. Nam utraque illa propter aperturam unius officii etiam crassum recipiunt aërem; hoc verò *spirituosum*, quia undique clausum non potest ingredi aër crassior, nec Spiritus egredi. Etsi enim *Spiritus Vini* quoque possit abire in vapores, & crescere aër supra liquorem in tubo, & consequenter descendere *Spiritus Vini*, ubi non est frigus; ille tamen ob *Hermeticam* clausuram egredi non poterit, sed condensatus evaporationem impedit.

*Spirituosum
differt, quia
nullum aë-
rem ab ex-
trinseco re-
cipit ob
Hermeti-
cam clau-
suram.*



§. IV.

*De Thermometri spirituosī variis Speciebus.**Aliud simplex re-
ctum.*

1. *Species* est *Thermometri spirituosī simplicis* cum Tubulo recto supra §. 1. & 2. explicata, qualis communiter & passim nunc haberi solet.

*Aliud re-
curvum
cum bulla
unica.*

2. *Species* est cum Tubulo recurvo inferius, & bulla, sive sphaerula vitrea, sese erigente, ita ut Spiritus Vini ex ea descendat in curvitatē Tubuli, & bulla relinquatur aëre plena. Tunc calore aëris externi, vel etiam admotâ bullæ calida manu spiritus ascendit in Tubulo longiore recto. E contra frigore aëris externi, aut admoto linteo frigidâ madefacto, aut alio quocunque corpore frigido descendet.

*Aliud com-
positum
cum bulla
duplici.*

3. *Species* est composita ex duplici bulla, & Tubulo recurvo, ut prior. Si calida manus bullæ superiori applicetur, spiritus in Tubulo longiore recto descendet; si frigidum quidpiam, ascendet. Contrarium autem fiet, si calida manus inferiori bullæ propè curvitatē Tubuli applicetur, ascendet in Tubulo longiore recto; si aliud frigidum corpus, descendet.

*Aliud com-
positum
cum bulla
unica, sed
variis du-
ctibus & fi-
guris.*

4. *Species* est composita ex unica quidem bulla, sed variis, ac sinuosis ductibus & figuris omnis generis, ut triangulari, quadrangula, Pentagona, Hexagona, Polygona, stellata, rotata, coronata, cochleata, serpentiformi, &c. in parva forma magnitudine manūs explicata, ita ut capsulæ inclusa Machinula *Thermometri variegati* facilè circumportari sine læsione valeat. Talia *Thermometra* fecit plura & comprobata P. Weibel circa finem prioris sæculi in Universitate Moguntina & Bambergensi Matheseos Professor.

*Modus in-
fundendi
spiritum.*

Quibus similiter, ut in aliis *Thermometris simplicibus* ad prunas ardentes, aut lampadis flammam notabiliter calefactis Spiritus Vini facilè intromittitur, qui statim quasi sua sponte per omnes Tubuli sinuosi flexus & varios Mæandros ad bullæ cavitatem enititur. Partibus tamen ejus ali-
quibus

quibus hinc inde ab obvio in via, qui restiterat, aëre interceptis, ita ut liquoris colorati & aëris inconspicui alternatio gratissimum intuentibus spectaculum exhibeat. Jucundior tamen est alternorum horum Cylindrulorum per sinuosi Tubuli flexuras, hinc ascendentium, ibi descendentium, alibi transversim ac Horizontaliter motorum successiva proreptatio, aut retrogressio, prout vel ambiens aër naturaliter magis incalescit, aut refrigeratur: vel digitis bulla prensatur, aut dimittitur. Si bulla intensius calefacta fuerit ad ignem, omnis Vini Spiritus per orificium tenue superius apertum ad instar fontis salientis in altum exiliet.

CAPUT XXVII.

De Experimentis in Hygrometro, vel Notiometro.

Notiometrum idem est ac mensura Humiditatis, Νότιος enim Humiditatem, & μέτρον mensuram significat. Mensurari igitur tali instrumento possunt gradus Humiditatis & Siccitatis aëris in Athmosphærâ nostrâ, quæ sæpè non advertimus, aut satis inter se distinguere non possumus, eo quòd vapores terræ sint minùs sensibiles per sensus nostros; eorum autem mutatio ex aliis corporibus solidis potius animadvertitur, quàm ex ipso aëre fluido & particulis minimis heterogeneis insensibilibus repleto, ut ex sudore marmorum, aliorumque lapidum, crystallorum & vitrorum, ex relaxatione tympanorum, chordarum, Pergameni & Papyri in imaginibus tensis, ex intumescencia lignorum, januarum, tabulatorum, & pavimentorum, aliorumque plurium corporum ex alteratione aëris sese mutantium. Ut verò certa quædam mensura secundùm Gradus Humiditatis & Siccitatis pro variâ Athmosphæræ alteratione habeatur,

Notiometro mensurantur gradus humiditatis & siccitatis aëris:

distinctius, quàm in alio corpore.

inventæ sunt diverſi generis Noriometra, quorum experimenta quædam hic notantur.

Experimentum Primum in Chorda, aut filo lineo.

*In orbiculo
è fine pen-
dulo.*

Si ſuſpendatur è Chorda tenui orbiculus ligneus, aut ſtanneus concavus, per partes five numeros in margine diſtinctus, dimidium pedem latus, digitum craſſus, ita ut omnibus ſuis partibus Horizontaliter pendeat in æquilibrio, & loco ventis non pervio; tunc prout humidior, aut ſiccior erit ær, ita magis minùſve gyratus orbiculus, nunc iſtum, nunc alium marginis numerum ad ſtabilem indicem oſtendet, quo judicare quis poterit de æris temperie, quis humiditatis, quis ſiccitatis ſit Gradus, & quæ proximè futura ſit æris mutatio. Quia tortuoſa Chordæ complicatio facit, ut ære humido diſtendatur, ære ſiccò contrahatur, quam diſtentionem & contractionem neceſſariò ſequi debet orbiculi cum Chordâ gyratione prona vel reſorſio. Sic è tholo Templi ſuſpendi poteſt Angelus volans, qui digito, aut Aquila volans, quæ roſtro, appoſitos in fornice gradus humiditatis vel ſiccitatis æris oſtendat.

Experimentum Secundum in Balance

P. Franc. de Lanis.

*In balance
cum ſpon-
giâ aut ſale
nitri, &
pondere æ-
quilibratâ.*

Si ponas in una Lance ſpongiam, aut lanam, aut parùm ſalis nitri calcinati, aut aliam quamcunque materiâ æris humiditati imbibendæ aptam, in altera verò tantum ponderis, ut bilanx ſit in æquilibrio. Sic ubi per imbibitum humorem æris ponderoſior reddita ſpongia, aut alia quæpiam res bibula, magis minùſve ponderaverit, exinde Gradus majores minoresve humiditatis dignoſcere poteris in quadrante aut ſemicirculo trutinæ applicato, quos lingua aſcendendo vel deſcendendo monſtraverit, deſcenſus cum ſpongiâ Humiditatem æris, aſcenſus cum ſpongiâ ſiccitatem indicabit.

Expe.

Experimentum Tertium in arista avenaceâ P. Kircheri.

Si aristam avenaceam (hæc enim melior & constantior est reliquis alterius frumenti, aut caulibus quarundam herbarum) perpendiculariter suspendas in medio perforatæ capsulæ, sive ex charta, sive ligno, sive aliâ materiâ solidâ cum indice leviusculo agglutinato & æquilibrato. Hæc naturali suo plexu ad conceptam in se Humiditatem aëris, aut siccitatem contorquebitur tantò magis, quantò aër ambiens fuerit variabilior, prout sagittula sive Index facillimè mobilis in gradibus operculi indicaverit. Translata ex uno conclavi in aliud humidius vel siccus statim conversione sui in hanc aut illam partem, aëris varietatem indicabit: admota ad ignem, vel in aprico Solis radiis exposita, magnâ festinatione contorquebitur, in loco humidiore minùs.

*In arista
avenacea
liberè pen-
dulâ.*

Experimentum Quartum in duobus asserculis cum rotulis dentatis P. Schotti.

Si duo asserculi ex ligno abieigno alteri materiæ solidiori quadrangulæ, ad pedes quatuor oblongæ, ex uno latere affigantur, ita ut intra crenas illius ex opposita parte liberè, pro humiditate aëris conceptâ, in medio coire, vel pro siccitate aëris à se invicem recedere possint; tunc uni asserculo affigatur lamina ænea denticulis instructa, & exporrecta super alterum, alteri verò rota minima sit inserta laminæ prædictæ denticulis: sic asserculi ambo, aëre humido extendentur, aëre sicco contrahentur secundum gradus, quos Index exterior, unà cum rotulâ circumductus in circulo monstraverit. Si rotulæ addatur in debita proportionem alia minor, faciliùs movebitur Index, ita ut subinde per quartam anni partem, magis humidam, totum circulum percurrat, & ingruente aëris siccitate in oppositas partes remeet, ac pro varietate aëris, modò progredi, modò regredi videatur, nec adverti faciliè possit, unde aut quo motore occulto Index promoveat-

*In duobus
asserculis
aëre humi-
do extensis,
sicco con-
tractis.*

moveatur, sine pondere, aut alio adjumento, quàm Solâ aëris externi alteratione.

*In chordis
fidium su-
pra plures
rotulas vo-
lutas cum
pondere.*

Possent plura alia adferri experimenta Notiometrica, tum in pergamenò, tum in chordis Fidium, supra plures rotulas volutis & extensis cum pondere; sed hoc ultimum in asseribus, ritè juxta se invicem dispositis, & bene adaptatis rotulis, sufficiat, quia maximè durabilis & constans est hæc Machina, ideoque omnibus aliis diverſi generis Notiometris præferenda.

CAPUT XXVIII.

De Mirificâ Virtute Magnetis.

*Magnes,
Naturæ mi-
raculum,*

INter omnia Naturæ sympathicæ miracula *Magnes* tam eximia ab aliquot sæculis orbi prodidit, ut, postquam præstantissimi Naturæ indagatores, *Boyle & Gilbertus* Angli, *Maurolicus* Gallus, & PP. S. J. *Grandamicus, Cabæus, Leotaudus, Kircherus, Zucchius, Fabri, Milietus, Schottus,* de *Lanis*, aliique miros ejus effectus recensuere, mysterium Naturæ causantis illos ultra non explicandum esse dixerint.

*Soli ferro
se commu-
nicat:*

Hic enim unus Sophorum ingenia penè exhaurit, dum vires Magneticas profundius examinant, quibus *Magnes* vel sese ferro admirabili unione communicat, idemque ad se trahit

*In Solo polo
quiescit:*

concatenatis etiam pluribus inter se distinctis partibus; vel liberè suspensus sese Polis obvertit, nec quiescit agitur, donec eosdem, etiam in quamcunque terræ plagam terrâ marique circumvectus, respiciat, & viam errantibus inter medios incerti maris fluctus ostendat; vel sese corporibus animatis applicatus insinuat, morbos domat, ac rebellem naturam vincit; vel sese in innumeris aliis mysteriis pragmaticis, tam ludicris, quàm seriis, mirabilem præbet, cum nulum sit corpus, seu solidum, seu liquidum, sive vitrum, sive metallum, sive terreum, sive aqueum, sive minerale, sive

*Naves diri-
git:
morbos cu-
rat:
omnia pe-
netrat:*

Mer-

Mercuriale, quod virtus Magnetica non pertranseat; ita quidem ut nullum in dictis corporibus, sed in opposito ferro vel acu, statim sensibilem & mirè varium prodat effectum: jam Horas ostendat per volantem aliquam, occulto suo ductu, in libero aëre aviculam: jam pisciculos in aqua natantes hamo capiat: jam naviculas in unda ducat, quocunque velis, & reducat: jam icunculas in aëre suspensas teneat: jam homunculos in aquæ superficie præliantes exhibeat: jam exercitum arenæ in varios motus concitet: jam pugiles inter se digladiantes, aut arietes sese cornibus impetentes, aliaque mira repræsentet. Quomodo autem *Magnes* ferrum rapiat, & à se suspendat: quomodo virtutem suam ferro communicet: quomodo penetrare valeat quævis corpora etiam densissima: cur ferrum Magneti constanter adhæreat, relinquo Physicis; Experimenta solum aliqua Mathematica curiosis præticanda subijcio, tum propriis, tum Aliorum experimentis comprobata.

mira exhibet spectacula.

In Horologiis.

In aëre.

In aquis.

Aliisque liquidis.

§. I.

De Experimentis circa vim Attractivam Magnetis.

Experimentum I.

SI *Magnes* acui in obelo libratae, aut compasso admovetur, illa statim uno extremo suo ad Magnetem convertetur: si Magnetem vel supra vel infra pixidem manu circumagas, acus illic in orbem movebitur, donec remoto Magnete ipsa in suo naturali situ versus Septentrionem conquiescat.

Acus Magnetica magnetem circumductum sequitur.

Experimentum II.

Idem prior effectus sequetur, si loco Magnetis stylum ferreum vel clavem acui Magneticæ in obelo suspensæ admoveas, & supra vel infra eandem ferrum circumducas.

Ferrum circumductum Magnetica Acus.

Experimentum III.

*Etiā in-
terposito
quocunque
corpore
solido,*

Similis acūs Magneticae attractio fit, etiam interposito quocunque corpore (Solo excepto ferro) ut interposita mensa lignea, ebore, ære, argento, auro, cæterisque solidioribus materiis.

Experimentum IV.

aut liquido.

Si ferri particula exiguo suberis frusto innixa aquis innatet, sequitur Magnetem in omnem partem. Pariter particula Magnetis suberis imposita, ferrum, aut Magnetem alium circumactum sequetur. Ex quo principio varia possunt in aquis ludicra exhiberi.

Experimentum V.

*A Magnete
pendet acus
& ab hac
alia acus.*

Si acus chalybea communis cum filo Magneti admoveatur, ita adhærebit, ut pendeat, neque tantum hæc, sed huic secunda, secundæ tertia, & consequenter, donec aggregatur penditum acuum, vel annulorum, virtutem Magnetis superet.

Experimentum VI.

*Cum rotu-
lâ rotabi-
tur in ver-
tiginem.*

Ad eandem acūs suspensionem adhibeatur Rotula, cui si digito motum vertiginis imprimas, Polo Magnetis admotus, adhærebit quidem acus, non tamen propterea sistetur ejus motus; sed diuturnior fiet, maxime si infirmior fuerit Magnes.

Experimentum VII.

*Magnes po-
tentior de-
biliori fer-
rum eripit.*

Ferrum Magneti aliud ferrum eripit; si nempe ferrum unum Magneti adhæreat, & ex alia parte eidem ferro aliud ferrum admoveas; hoc relicto potentiori Magneti adhærebit.

Experimentum VIII.

Ferrum po-

Magnes fortius trahit ferrum mundum, quam rubiginosum,

nosum, aut pulveribus oblitum : melius chalybem, quam ferrum, melius item temperatum, quam molle : ferrum ignitum non trahit; imò per vehementem ignitionem, tam ferrum, quam Magnes, ambo omnem verticitatem amittunt.

litum fortius trahit; non ignitum.

Experimentum IX.

Figura Magnetem juvat, unde informes minori pollent virtute, quam politi: inter figuras rotunda & ovalis cæteris præstat.

Figura spherica præstat.

Experimentum X.

Ferrum facilius, quàm parte crassius est, trahitur à Magnete, quàm eâ, quâ est gracilius. Quia plures ferri partes continuæ virtutem Magnetis copiosiore accipiunt, quàm una.

Ferrum crassius facilius trahit.

Experimentum XI.

Polus Borealis in nostris regionibus fortior est, quàm Australis; e contra Australibus Polus Arcticus prævalere narratur à Nautis, ita ut ultra Lineam Æquatoris acus Magnetica se vertat, quod alii cum P. Sep non sunt experti.

Polus Borealis fortior est Australi.

Experimentum XII.

Idem Polus, qui extremum acûs Magneticæ attraxit, alterum extremum ejusdem acûs repellit; & vicissim. Idem Magnes, qui secundum unum Polum attraxit Lingulam, secundum alterum Polum hanc ipsam fugat; ita ut apex Lingulæ, postquam semel fuit imbuta à Boreali polo, accedat promptè ad hunc, & fugiat Polum Australem.

Acus imbuta Boreali fugit australem.

Experimentum XIII.

Acûs extremum licet fugiat Polum inimicum cognominem, velut à longè agredientem; si tamen hic approximetur omninò, aut cum morâ temporis apprimatur, tandem etiam

Applicata tamen adhaeret.

isti adhæret. Quia sic magis imprægnatur particulis prævalentibus; sicut ignis in loco remotiore calefacit, in altero propiore comburit, cum ob spiritus in approximatione collectos majorem activitatem exercere valeat, quam in remotiore.

Experimentum XIV.

*Magnes
Magnetem
in polo eo
dem fugat,
in diverso
rapit.*

Non tantum Magnes rapit, ferrum, sed & à ferro ipse rapitur: item Magnes alterum Magnetem & movet & rapit secundum Polos diversi nominis; at secundum Polos cognomines fugat & repellit. E. G. Polus Australis Magnetis unius fugat & repellit Polum Australem Magnetis alterius; sed secundum Polum Borealem Australi alterius adhæret. Jucundius redditur hoc experimentum, si Polos in scobe ferreâ barbato facias; si enim jungis Polos Cognomines pili utriusque se contrahunt; si diversi Nominis approximas, utriusque barba se sursum erigit.

Experimentum XV.

*Sectio recta
Magnetis
facit polos
diversos.*

Si Magnetem secueris sectione rectâ, seu per planum Equatoris ejusdem, tunc Poli partium prius continuatarum diversi nominis erunt, nec invicem se fugient, sed cohærebunt. Ratio conjunctionis est, quia cum ab unâ lineâ in alteram excurrant spiritus Magnetici, diversi hi Poli unum continuatum ductum efficiunt, adeoque uniri non fugiunt.

Experimentum XVI.

*Sectio se-
cundum
Axin, eum
mutat.*

Contra accidet, si Magnetem secueris secundum Axis longitudinem, tum segmenta liberè suspensa non se repetunt secundum extremitates illas, quibus ante erant conjuncta; sed secundum alias diversi nominis: imò Poli vergent ad puncta magis interna. Quia Axes partium semper acquirunt situm medium, & qualibet parte Magnetis dempta,
Axis

Axis in Magnete mutatur, & recedit ad partem oppositam, ut situm medium obtineat.

Experimentum XVII.

Si acum affricueris Polo Magnetis, trahendo eam ad te; deinde verò opposito modo affrices retrahendo à te, acus acquisitam primò vim deperdet. Quia ex primo affricu reddita idonea ad trahendum, turbatur & tollitur per contrariam affrictionem.

*Acus per contrari-
am affri-
ctionem
vim amit-
tit.*

Experimentum XVIII.

Magnes non trahit alterum pondere æqualem, quia simile non agit in simile; minor tamen majorem potest trahere, quia minor, proportionaliter loquendo, majores vires collectas habet, quàm major; cùm in ordine ad attractionem non tam requiratur spirituum Magneticorum copia, quàm radiorum magis conjunctorum multitudo ex Magnetica superficie circumquaque emanantium.

*Magnes æ-
qualem non
trahit.*

Experimentum XIX.

Magnes ferro armatus, fortior est nudo; quia spiritus, qui ex ferro emanant, plurimùm excitant spiritus Magneticos in Magnete latentes. Sic *Magnes Florentia* asservatus in *Galeria M. Ducis Hetruvia* nativo pondere sustinet 29. Libras, at ferro armatus 65. Libras ferri & insuper catenam annulorum. Sic magnes armatus *P. de Lieu* tam firmiter retinuit ferrum, ut quinque Viri illud nequiverint abstrahere. Item *Magnes Mersenni*, qui nudus vix dimidiam traherat unciam, armatus trecenties vigesies plùs.

*Ferro ar-
matus for-
tior est nu-
do.*

Experimentum XX.

Magnes debiliior, imò ferrum minus, eripit ferrum majus, seu obelum Magneti etiam fortiori. Quia dum spiritus Magnetici ad applicatum ferrum vel Magnetem minorem excurrunt, partim in sustentando ferro immediate ap-

*Quando-
que debi-
lior eripit
ferrum
fortiori,*

plicato fiunt debiliores; partim quia non ita ad eadem puncta refringuntur, sed potius distrahuntur; partim quia obelo, licet majori, excurrento in minorem, & ibi se fortius colligendo, impetum quoque conferunt ad motum.

Experimentum XXI.

*Si crassius
sit ex parte
debilioris.*

Ferrum facilius adhæret Magneti ex crassiore sui parte, quam subtiliore. Quia in pluribus punctis fortius detinetur, quam in unico, vel in paucis tantum.

Experimentum XXII.

*Axis fer-
reus plus
ferri tra-
hit, quam
armatura
ordinaria.*

Si Magnes à Polo ad Polum stylo Chalybeo perforetur, stylus hic inditus extremitate sua ferrum aliud decuplò efficiatius trahet, quam trahat armatura ordinaria. Quia virtus Magnetica, quæ secundum axis longitudinem è polis maxime diffunditur, optimè illi stylo axi parallelo applicatur radiis directis. Talem Magnetem Romæ se vidisse scribit P. Schott cum P. Kircherò in Musæo Francisci Gualdi.

§. II.

De Experimentis circa vim Directivam versùs proprios Magnetis Polos.

*Magnes
iisdem cum
Globoter-
ræ circulis
notatur.*

Naturæ scrutatores præter Polos Magnetis, eidem assignarunt, velut in Globo Terraqueo Æquatorem, & Æquatori Parallelos circulos, suos item Meridianos per utrumque Polum descriptos, nec incongruè. Nam cum Virtus Magnetica indita sit corporibus Magnetis, ut se dirigant secundum lineam Meridianam, etiam reliqui circuli cum ea conjuncti tum in directum, tum in transversum eidem applicantur.

Experimentum XXIII.

*In polis
Magnetis*

Si Magnetem sphaericum immiseris in scobem, seu pulverem ferreum, adhærebit pulvis ferreus Solis ejus Polis, ita

ita ut barbarus utrimque appareat Magnes. Quia suam vim ut plurimum exerit per Polos; ex quo fit, ut aliis partibus quidem adhærescat pulvis ferreus, non tamen extuberet supra superficiem Globi Magnetici; sed aut parallelus axi, aut secundum longitudinem Magnetis se extendat.

pulvis ferreus in barbaram erigitur.

Experimentum XXIV.

Acus ferrea filo suspensa, & Magneti circa ejus Æquatore adnota, secundum aliquem Meridianum se accommodabit. Si idem facias in alio Meridiano, alium habebis Meridianum, & sic consequenter.

Acus filo suspensa Magnetis Meridianum indicat.

Experimentum XXV.

Acus filo suspensa in Polis Magnetis, directè respiciet axin Polorum; in aliis verò punctis circa Polos, variam inclinationem ostendet, ob rationem in experimento XXIII. allatam.

Et Polum secus in aliis partibus.

Experimentum XXVI.

Esto Magnes sphaericus, Polis, Meridiano & Æquatore consignatus, cui in variis punctis pyxis Magnetica applicetur, multoties acus diversimodè Magneti accommodabitur. Nam eadem acus cuspidè Polum Borealem respiciet directè, Polum verò Australem aversè. Eadem Æquatori aut occiduo, aut ortivo applicata, Axi Magnetis erit parallela. Eadem in aliis partibus collateralibus applicata, variè ad axin Magnetis inclinabitur, aut reclinabitur.

Quod manifeste patet in Magnete sphaerico.

Experimentum XXVII.

Duo versoria secundum cuspidès, eidem Polo Magnetis, applicata conjunguntur, aut secundum fuscinulas se invicem fugiunt, nec unquam remoto Magnete convenient; sed cuspidis unius adhærebit alterius fuscinulæ. Unde sequitur in Magneticis, quæ sunt eidem amica, inter se non amica, sed inimica esse.

Duæ cuspidès acis eidem Polo conjunctæ, fuscinulas divergunt.

Expe-

Experimentum XXVIII.

*Acus acui
super im-
posita assu-
mit situm
contrari-
um.*

Si Magnes libratus in aqua, aut pendens è filo, se dirigerit ad Polos Mundi, acus Polum Magnetis respiciens directè, situm suum connaturalem habebit; alia verò acus ei super imposita, vel subiecta, contrarium situm habebit ei, quem sibi relictà occuparet.

Experimentum XXIX.

*Acus affri-
cta Polo
contrarium
Polum re-
spicit.*

Acus Magneti affricta non solum concipit ab eo vim se dirigendi ad Polos, verum etiam obelo imposita secundum extremum, quo affrictum fuit ad Magnetis Polum septentrionalem, dirigitur versus Meridiem; quod verò ad Australem, dirigitur Septentrionem versus. Quæ vis directiva bene notanda est in affrictu, ne cuspis, quæ vergere deberet ad Septentrionem, vergat ad Austrum.

Experimentum XXX.

*Licet ferro
toti sit vis
communicata.*

Non solum extremitas acûs, quæ tangit Magnetem, sed etiam quæ non tangit, virtutem directricem, & corporum magneticorum motricem acquireret. Quia effluvia Magnetica profluunt secundum lineas rectas ab uno Polo ad alterum, & se ferro toti, secundum omnes ejus partes continuas, communicant intra sphaeram activitatis Magneticæ.

Experimentum XXXI.

*Si medium
acûs affri-
ctum est, ex-
trema ad
polum con-
trarium se
dirigens.*

Si punctum acûs medium inter cuspidem & fuscinulam admoveas uni Magnetis Polo e. g. Boreali, diffundetur virtus à Polo illo communicata per totam virgam acûs, & medio quidem dabit virtutem se convertendi ad Austrum, utriusque verò extremo virtutem se vertendi ad Boream. Itaque talis acus librata non dirigitur ad ullum Polum suis extremitatibus; quia sic medium illud virtute Magnetica imbutum fit Polus Australis, ac simul in utrumque virgæ ferreæ extre-

extremum: conceptos spiritus, diffundit, unde utrumque huic contrarium, & quasi duo Poli Boreales fient.

Experimentum XXXII.

Eadem Magnetis pars communicare potest binis acubus oppositam virtutem. e. g. acu tange Polum Magnetis Australis, ista convertet partem affricatam ad Polum Borealem. Jam verò secetur Magnes secundum aliquod planum ejus Aequatori parallelum, & maneat prius punctum. Tunc alia acu tange prius idem punctum, videbis cuspidem hujus acūs se vertere ad polum Australem, ergo binæ acus tangentes idem punctum in oppositas partes se convertent, quia idem punctum, quod ante sectionem erat Polus Australis, post sectionem fit Polus Borealis.

Bina acus tangentes idem punctum sectionis in oppositas partes convertentur.

Experimentum XXXIII.

Polo Magnetis sive Boreali, sive Australi, sursum converso, applica acum vel filum ferreum, stabit erectum supra Polum, & unam continuam lineam faciet cum Axe Magnetis, etiamsi invertas, & mox huic, mox alteri Polo admoveas. Quod si verò eandem in aliqua parva distantia collo- ces, inclinabitur versus Polum oppositum, & quidem eo magis, quò remotius ponitur à puncto Polari.

Acus suspensa in Polo stat erecta, se. cus extra Polum.

Experimentum XXXIV.

Si duo Magnetes super aqua in cimbulis ita collocati sint, ut Poli ejusdem denominationis superiorem Polum & locum obtineant, se invicem fugient; donec quilibet sit extra sphaeram activitatis alterius. Si verò Poli fuerint diversæ denominationis, ad se invicem accedent & conjungentur.

Duo Poli cognominis invertice se fugiunt.

Experimentum XXXV.

In Horizonte aliquantulum donec se respiciant non cognominentur.

Si duo Magnetes ita natent in cimbulis suis, ut amborum Poli sint in Horizonte, sibi que occurrant secundum Polos ejusdem denominationis, se fugient aliquantulum, ita ut Poli diversæ denominationis se respiciant, & tunc ad invicem accedent.

Experimentum XXXVI.

Duæ acus Parallelae, manent sibi parallelae.

Si duæ Acus casu foruito aut de industria fierent parallelae, & extrema ejusdem denominationis sint vicina, manebunt in situ parallelo. Si verò extrema diversæ denominationis fiant vicina, manebit quidem parallelismus, sed inverso situ. Ratio horum & præcedentium est, quia Poli diversæ denominationis in magneticis junguntur & amici sunt, ejusdem denominationis se junguntur & inimici sunt.

Experimentum XXXVII.

Si verò una alteri superponatur, Poli cognominentur.

Quando uni Magneti alius Magnes, aut versorium unum alteri superponitur, extrema ejusdem denominationis se fugiunt, & quæ diversæ sunt denominationis sese alliciunt, ex eadem dicta ratione amicitiae aut inimicitiae ad se invicem.

Experimentum XXXVIII.

Ad gyrum Magnetis unicum, acus circum absolvit,

Si Magnes, cujus Poli in Horizonte, ita circumvolvatur secundum lineam aliquam verticalem, ut Poli semper in Horizonte maneant; ad unam ejus circumvolutionem, versorium unicum etiam circulum absolvit.

Experimentum XXXIX.

Ad unam Magnetis

Si Magnes circa versorium circumducatur ita, ut ejus axis

axis semper eundem situm obtineat parallelum, tunc ad unam Magnetis circumvolutionem, verforium duas circumvolutiones absolvet. Idem quoque eveniet, si circa Magnetem immotum, alius Magnes bene libratus circumvolvatur.

circumductionem, acus duos absolvit circulos.

Experimentum XL.

Acus ferrea coniecta super Magnetem, mox se dirigit, ut se accommodet secundum ejus Axin, & duos ejus Polos suis extremis respiciat. Imò si tollatur & constituatur in alio situ transverso secundum circulos Magnetis diversos & parallelos, mox se ad Axin priore modo restituit, & contrarium situm obtinere non potest, nisi virtute contraria per aliquod tempus imbuatur; quia acus magis trahitur ad illum locum, ubi effluvia sunt copiosiora & validiora, prout sunt in Axe.

Acus conjuncta super Magnetem, mox se dirigit ad ejus Axin.

Experimentum XLI.

Sint binæ acus Magneticæ in crucem junctæ, quarum cuspides fuerint affricte Polo Magnetis, crux ista ita consistat obelo, ut acus sint Horizonti parallelæ, tum applicetur Magnes, neutra acus dirigit suam cuspidem ad Polum Magnetis appositum, sed utriusque cuspis æqualiter hinc inde declinabit à Polo. Quia cuspides cum sint cognomines ex tactu ejusdem Poli, nequeunt ad se invicem accedere, nisi prorsus applicentur, ut suprà dictum.

Duarum acuum de cussatarum cuspides non accedunt, sed declinant à Polo.

Experimentum XLII.

Sint duo Magnetes liberè suspensi, ita ut Axes sint Horizonti paralleli, & ob diversos Polos possint unam lineam constituere, non tamen se tangerent, sed sint solum intra sphaeram activitatis, tum alter circummagatur in se ipsum motu Horizontali, videbis alium circummagi, sed motu contrario.

Magnes in seipsum circummagatur, alterum juxta se sed motu contrario.

Quia moto uno Polo movetur & alter; cum autem duo Poli cognomines simul in eadem linea stare non possint, in contrarias partes abibunt, nec convenient, nisi in diversis nominis Polis, sibi invicem amicis.

Experimentum XLIII.

*Eidem vero
suprapositus,
moveret
alterum eodem
modo.*

Si disponantur duo Magnetes, aut quaelibet corpora Magnetica in aëre vel aqua librata, ita tamen ut axes Magnetum jaceant paralleli ad Horizontem, unusque super alium sit positus intra sphaeram activitatis illius; tum si unum corpus Magneticum circumagatur in se ipsum, aliud corpus sequitur motum illius, & eodem modo, atque ad eandem partem circumagitur. Quia Magnetici spiritus conspirant, & eodem excurrunt, ubi possunt suam activitatem exercere.

Experimentum XLIV.

Polus Borealis dimittit pondus appensum, si unus Polus tangat Australem alterius; si verò Borealem, plus portabit, quam ante

Si suspendatur à Polo Boreali tantum ferri pondus; quantum Magnes tolerare potest, eique alius Magnes à Polo Australi ad prioris Australem admoveatur; prior dimittet pondus sibi & Polo Boreali appensum. Si priori adjicias pondus ferri multò gravius, quam suis viribus tolerare valeat, admove secundi Polum Borealem ad prioris Australem, roborabitur hic, ut hoc pondus & amplius valeat atrollere. Quia spiritus Magnetici in Polis cognominibus turbantur, in diversis conjunguntur, ut amici, & unita vi fiunt fortiores.

Experimentum XLV.

Polus Magnetis erigit cuspides ferrei pulveris, in aliis partibus dæret inclinatur.

Si Polus Magnetis supponatur pulveri ferreo, erigentur ejus cuspides ad perpendicularum, etiam interposita mensa, aut alio corpore solido. Prout autem Magnes in hanc aut illam partem movebitur, sequentur cuspides, & inclinabuntur. Quod si alium polum substituas, deprimentur, & alii motus pulveris subsequenter.

Expe-

Experimentum LXVI.

Si Polo Magnetis imponatur lamina ferrea, extremitas verforii, quæ ad quandam Polum prius convertebatur, non Polum eundem, sed limbum lamellæ respiciet.

*Ei appo-
ta lamina
ferrea a-
cum con-
vertet ad
limbum su-
um non ad
Polum.*

§. III.

De Experimentis circa vim Directivam Magnetis ad Polos Mundi.

OMnes acus Magneticae, bene excitatae, & suspensae, secundum Lineam Meridianam sese dirigunt, non tamen exactè ubique; sed in variis locis variè declinant, nunc pluribus, nunc paucioribus Gradibus; aliter quidem in terra, aliter in mari: in terra ubique declinant difformiter, paucis locis exceptis. De quâ Declinatione plura superius dicta sunt C. XVIII. §. I § II. §. III. ubi de Navigationibus Marinis, & directione Magnetis & Rhomborum actum est. Hic solum specialia experimenta quoad vim Magnetis Directivam subjiciuntur, prout nimirum illa vis à variis circumstantiis & accidentibus mutatur, & quomodo ad veram lineam Meridianam revocari possit acus Magnetica.

*Variae sunt
declinatio-
nes acūs in
variis ter-
re locis.*

Experimentum XLVII.

Ferrum oblongum virtute magneticâ non imbutum, si perpendiculariter teneatur, extremo, quod verticem sive Zenith respicit, fuscinulam acūs Magneticae attrahet; extremum verò, quod Nadir respicit, adducet cuspidem. Medium autem ab utroque extremo æquidistans, acum perpendiculariter ad lineam extremorum tenebit. Quia non est potior ratio, cur fuscinulam convertat ad supremum extremum, quàm ad imum ob dispositionem tam ferri, quàm acūs, ideo acus manebit in medio librata.

*Virga fer-
rea perpen-
diculariter,
erecta fu-
scinulam
in vertice
cuspidem
in imo tra-
hit.*

*Ejusdem
vero Horizontaliter
jacentis
pars Australis tra-
het fuscini-
culam, Bo-
realis cus-
pidem.*

Experimentum XLVIII.

Idem ferrum oblongum, si Horizontaliter jaceat, modò hanc, modò illam acús magneticæ extremitatem alliciet; tunc enim pars ejus australis alliciet fuscinulam, econtra vero pars Borealis alliciet cuspidem.

Experimentum XLIX.

*Magnes
natando li-
neam Me-
ridianam
servat.*

Si Magnes Polos in Zenith & Nadir habeat directos, & liberè natare permittatur in cimbula, eandem semper faciem ad Austrum & Septentrionem obverter. Ex qua proprietate deducitur modus inveniendi Meridianum universalem, etiam non inventà ex sideribus lineâ Meridianâ. Ita P. Grandamicus.

Experimentum L.

*Idem facit
virga Ma-
gnetica tes-
ta ovi in-
serta, si ei
imponatur
rosa Nau-
tica.*

Si loco Magnetis substituas acum ferream crassiorē, instar calami Hordeacei, longam dimidio circiter pede, & imbutam virtute magneticâ, hancque virgam ferream ovi cujusdam testæ insertam liberè natare permittas: ea verò pars, quæ meridiem spectare consuevit, verticem respiciat, imponaturque ei rosa chartacea, cœli plagis distincta, cum parvâ acu secundum extremum amicum Polo australi, atque ita dispositis omnibus liberè natare permittas, eandem semper rosæ partem ad meridiem obverter in omni loco, & hoc sine ullâ declinatione. Ita Miliet de Chales.

§. IV.

De Experimentis circa vim Communicativam Magnetis

*Vim magne-
tica nulli
alteri rei,
quàm ferro*

Qualis est Magnetis cum ferro sympathia, talis ejusdem cum aliis materiis non invenitur, si enim fiat acus ex auro, argento, ære, aliòve metallo, aut ex ligno, ebore, cornu

cornu &c. nulla iis materiis virtus magnetica communicatur. Hinc etiam pyxides magneticæ similibus materiis componi solent, ne virtus & verticitas Magnetis impediatur. Lateres tamen cocti nonnunquam à Magnete, vel etiam independenter à Magnete, conciliant à natura verticitatem, præcipuè si diu in eodem situ permanserint. Ex quo fit, ut versoria fenestris imposita sæpè aberrant à linea Meridiana, quia trahuntur ab hujusmodi lateribus.

aut lateribus coctis communicatur.

Experimentum LI.

Acus Chalibea nova, exquisitè librata, in omni situ quiescit, & si verticitatem aliquam habet, hæc tamen ita debilis est, ut dirigat ad meridiem, modò cuspidem, modò fuscinulam; si vero Magnetem tetigerit, acquirit verticitatem manifestam & determinatam, ita ut una ejus extremitas meridiem respiciat, altera Septentrionem, & quantumvis ab eo situ deturbetur, ad illum se constanter restituet. Ex quo concluditur, acum chalybeam per contactum aliquid recipere, quod in multos annos manifestè se prodat.

Acus Magnetis semel affricata, licet turbata, ad situm Polarem se restituet,

Experimentum LII.

Verticitas autem non tam bene communicatur ferro crasso & oblongo, quàm graciliori & breviori; unde acus pyxidum magneticarum debent cudi valdè graciles & tenues, ut majorem & constantiorem vim Magneticam concipiant.

Et quæ est gracilior, eo constantior erit.

Experimentum LIII.

Si acus, uno extremo tantum, Magnetis Polum unicum tetigerit, aliud extremum contrariam simul verticitatem acquirit. Si verò acus aut culter, contrario priori attractu & ductu, reducatur ad eundem Magnetis Polum, omnem prius conceptam virtutem amittere.

Contrario ductu affricata vim amittit.

Expe-

Experimentum LIV.

*Virga Axi
parallela
affricta,
contrari-
am Magnete-
ti vertici-
tatem ac-
quirat.*

Si ferrum oblongum, ita magneti applicetur, ut sit ejus axi parallelum, verticitatem acquireret contrario modo, quam est in ipso Magnete; quia Magneticis, quæ sunt amica sibi, contrarias habent denominationes.

Experimentum LV.

*Ferrum ob-
longum me-
lius, quam
aliud vim
concepit.*

Ferro oblongo, non tamen nimis longo communicatur agilior verticitas, quam ferro alterius figuræ; five quia verticitas omnis est in ordine ad aliquam longitudinem, nempe à polo ad polum; five quia ferrum in longitudinem medio-crem extensum fibras habet eodem tenore ductas.

Experimentum LVI.

*Magnes
Magnetis
rite suppo-
situs cum
juvat,*

Si Magnes Magnetis supponatur secundum leges amicitiae, hoc est, Polus Australis Polo Boreali, juvatur Magnes inferior ad sustentandum ferrum. Quia tunc eodem modo se habent Duo Magnetes, ac si in unum majorem coalescerent.

Experimentum LVII.

*Secus im-
pedit.*

Impeditur Magnes alio Magnete, si dum ferrum Polo Boreali Magnetis adhæret, supponatur alius Magnes, cujus pariter Polus Borealis obvertatur ad aliud ferri extremum; quia per contrariam verticitatem, ejusdem nempe rationis, procedentem in partes contrarias, rerunditur virtus ex Polo Boreali procedens, ita ut illico ferrum decidat.

Experimentum LVIII.

*Magnetis
facilius ad-*

tis. Est major in Magnete ferri amor, quam alterius Magnetis. Facilius enim Magnetis adhæret ferrum, quam Magnetis Magnetis,

Magneti, ut experientiâ constat. Nempe ob peculiarem naturæ dispositionem, & quia propter æquabilitatem partium melius illi conjungitur, quàm Magnes, qui sæpè impurus est, pluribusque partibus Heterogeneis constat.

habet fer-
rum, quàm
Magnes
Magneti.

Experimentum LIX.

Ferro major vis à Magnete communicatur, quàm in se Magnes habeat, saltem quoad adhæSIONem, quia certum est in præsentia Magnetis debite applicati ferrum majores habere vires, quàm absente Magnete.

Et majore
vi quàm
Magnes in
se habeat,
accessu al-
terius.

Experimentum LX.

Filum ferreum Magneticum, si contundatur, aut violenter digitis incurvetur, & incurvatum rursus ad rectitudinem revocetur, omnem verticitatem amittit.

Virga fer-
rea incur-
vata vim
amittit.

§. V.

De Experimentis circa ea, quæ nociva sunt Magneti.

CUM nihil in hoc mundo sublunari diuturnum ac constans sibi sit, etiam Magnes tamen ferreâ constat naturâ, à morbis sibi inimicis non rarò infestatur, hinc sedulò curandum est, ne vires ejus, vel morbo aliquo interno intra viscera grassante contabescant, aut ab inimico externo corrumpantur, aut abripiantur.

Magnes
morbis est
obnoxius.

Experimentum LXI.

Calor & Ignis Magnetis inimici & corruptores sunt; hinc cave ne Magnetem calefacias, multò minùs ignitum reddas. Siquidem ignitis carbonibus tumulatus, vim omnem amittit, & velut cadaver efficitur. Extrahitur enim teste Joanne Baptista Porta & P. Casparo Schott in *Magia Magnetica*, per Lib. II.

Eidem obest
calor &
ignis:

ignem spiritus quidam cærulæ coloris, odorisque tetri, ceu fulguris & carbonum, & postquam vapor iste & flamma exhalare desiit, igne exemptus Magnes vim omnem exspirat.

Experimentum LXII.

*Aqua &
nimius hu-
mor aëris.*

Liquor aquæ aut alterius liquidi corrosivi, aut nimius humor aëris Magneti nocent; hinc cavendum, ne humoribus aqueis aut aëris saturum ferventi Soli exponas. Quia humor aquæ aut aëris ambientis causat rubiginem, sicut in ferro quocunque: hæc autem rubigo hebetat, corrodit, & exedit, sicut ferri, ita & Magnetis virtutem, & si quid superest, illud radii Solis absumunt. Quod non semel expertus est Romæ P. Kircherus.

Experimentum LXIII.

*Situs con-
trarius na-
turali ejus
inclina-
tioni:*

Situs Magneticæ inclinationi contrarius obest Magneti; hinc cavendum ne situs inordinatus, naturæque magneticæ oppositus ei detur, sive jaceat, sive pendeat. Si nimirum cogatur respicere potius Orientem & Occidentem secundum suos polos, quàm Austrum & Boream. Quia cum situs Magnetis naturalis sit, ut patet in omnibus acubus Magneti affrictis, ab Austro in Boream, si ab eo situ detorqueatur, est in statu violento, qui non diu durat.

Experimentum LXIV.

*Defectus
pabuli.*

Defectus congrui pabuli languidum reddit Magnetem; hinc cavendum, ne necessarium ipsi pabulum deficiat, vel ferri solidi, quo armari solet; vel scobis ferreæ, quæ pascitur. His enim deficientibus, non habet, unde vires reficiat.

Experimentum LXV.

Nimium

Nimium pondus ferri appensum debilitat magnetem, hinc

hinc diligenter explorandum est ejus robur, & cavendum, ne plus justo graveetur, & ne nimium ponderis, quod suspensum teneat, superaddas; quia sic vires ejus, etsi robustissimæ, paulatim debilitantur. *pondus appensum.*

Experimentum LXVI.

Nimia agitatio aut contusio perturbat Magnetem; hinc cavendum, ne nimis frequenter agitetur, tundatur, discutiatur; quia sic plexus & connexiones partium disturbantur. *Nimia agitatio.*

Experimentum LXVII.

Omnis impuritas hebetat vires Magnetis; hinc cavendum est, ne pulvisculis aut sordibus obvolutus, maligna cum iis contrahat, & tabescat; quia similia transpirationem effluviis impediunt; sicut nec ferrum similibus oblitum ea satis concipere valet. *Omnis impuritas.*

§. VI.

De Experimentis circa ea, quæ conservant vigorem Magnetis.

Quemadmodum omnia, quæ Magneti nociva sunt, ab eo sollicitè removenda, ne deficiat; ita illa eidem diligenter applicanda sunt, quæ amica, sana, & congrua, ut diutius in suo vigore conservetur. *Magnetem conservans*

Experimentum LXVIII.

Ut Magnes vegetus semper ac robustus perseveret, situm naturalem & locum suæ naturæ commodum, innato quodam appetitu, sibi deposcit. Itaque loco eum non nimis calido, aut humido, pluviae aut pruinae exposito; sed sicco, cum quadam ad Polum terrenum propiorem inclinatione, *Situs naturalis & locus siccus:*

suspende, ita ut ejus Polus Boreus Septentrionem, Australis Austrum spectet. Sic enim Telluris halitus & radios commodissime excipiet, iisque gratissimo velut pabulo nutrietur.

Experimentum LXIX.

*Sepultura
in pulvere
Chalybeo.*

Ut diutius conservetur virtus Magnetis, fac ei tumulum ex optimo chalybe, limâ in pulverem minutissimum redacto, eumque intra illum situ congruo & naturali sepeli: sic non solum Magnetem diu conservabis in suo vigore, sed & vires ejus corroborabis, labefactas verò & deperditas restaurabis. Quia ista chalybis aut ferriamenta Magnetis amici vigore animata, conceptas ab eo vires in ipsum reflectunt, & spiritus, seu radios amicos in eundem evibrant.

Experimentum LXX.

*Vestitus ex
siccatis fo-
liis laccae,*

Novum robur Magneti addunt siccata folia Laccae; si enim Magnetem, laminâ chalybeâ politâ arctè circumdatum, foliis Laccae, sive Chermis nostratis, aut Erihrodani, quem Rubeam Tinctorem appellant, Hermeticè siccatis circumvestias; dici vix potest, quàm vegetus in iis conservetur, & quantum novi roboris acquirat, teste P. Kircherò L. 1. Art. Magn. p. 2. Prop. 14. qui rei hujus experimentum Romæ fecit, & approbavit.

Experimentum LXXI.

*Et panno
rubro.*

Præterea Magnetem panno rubro involutum ad situm suum naturalem suspende, ita ut Poli Magnetis directè Polis Terræ corresponsdeant: sic vires ejus, & conservabis, & meliores efficies. Ratio duorum posteriorum est, quod herbæ ejusmodi crescant supra mineras ferreas, à quibus & ferreas, & Magneti agnatas hauriunt qualitates: cùmque pannus ruber herbis iisdem tingi soleat, mirum non est, si
Magnes

Magnes iis, aut vestitus, aut involutus, & conservetur, & corroboretur.

§. VII.

De Experimentis circa armaturam Magnetis.

Licet Magnes armatus ad excitandum aliud ferrum magneticè, seu ad communicandam ferro virtutem magneticam, non sit aptior inermi; tamen ad sustentandum majus ferri pondus multò est potentior. Multis autem modis armari potest; hic duos tantùm adjicio communiores & utiliores.

Magnes armatus fortior est inermi.

Experimentum LXXII.

Si inventis duobus Polis, perforetur Magnes ita ut foramen rectà procedat ab uno Polo ad alium, & pro adempto Axi Magnetis, Axis ferreus aut chalybeus substituatur, hinc inde ex utroque Polo nonnihil exstans; ad majus pondus sustinendum aptus erit. Debet autem tam cavitas interna foraminis Magnetis, quàm externa & convexa superficies virgulæ ferreæ esse lævigatissima, ita ut hæc firmiter inferra circumquaque se tangant, acmutuò stringant, nullo aëri relicto loco.

Maximè si chalybeo Axe munatur!

Experimentum LXXIII.

Si inventis Polis addatur lamina chalybea in duos stylos ferreos sive pedunculos desinens, de Magnete nonnihil prominentes utrimque, ita ut aliud ferrum illis facilè adhærere possit, & eo mediante aliud pondus ferri pro viribus Magnetis addendum sustentare. Ita enim fiet, ut uterque Polus eidem ferro applicari possit, & Magnes duplo plùs ponderis sustineat, quàm ante. Nam virtus Magnetica, quæ à Polo ad Polum ordinariè excurrit, ob applicationem laminæ, quasi refractionem patitur, sequiturque illius ductum.

Et duabus lamellis chalybeis arte constringatur ad utrumque polum.

bent autem laminæ istæ eâ ex facie, qua Magnetis notabilem partem circa Polos convestiunt, perfectissimè adhaerere; nec nimis crassi debent esse pedunculi, ne virtus magnetica per ipsos effusa languescat: nec nimium subtiles, ne impares sint copiosiori effluviis Magneticorum quantitati retinendæ. Hinc robustiori Magneti grandiores, infirmiori tenuiores ac subtiliores laminæ applicandæ.

§. VIII.

De Experimentis circa virtutem Hygiacam, sive sanativam Magnetis.

*Magneti
inest virtus
sanativa.*

PRæter vim Magnetis attractivam ferri, Directivam ad Polos tum sui ipsius, tum Magneticorum, & communicativam, aliasque virtutes, continet in se vim vulnerum, aliorumque morborum vim sanativam: prout testantur multi graves Authores cum Cardano, Helmontio, aliisque pluribus.

Experimentum LXXIV.

*Acu Magnetica
vulnus in-
fictum vix
sentitur.*

*Experi-
mentum
Cardani.*

Cardanus duobus experimentis Hygiacam Magnetis virtutem mirificè extollit; probatque; si ferro Magneti ante applicato vulnus tibi infligas, illud aut levissimè, aut planè non sensibile fore, idemque sua quasi sponte, alio emplastro, aut medicamento alio nullo adhibito coaliturum. Experimentum hoc refert dictus Author Lib. 2. de subtilit. his verbis: *Laurentius Guafius Empiricus Turonensis Magneticum pollicebatur lapidem, qui si stylum aut acum tangeret, stylus ille carnem totam absque ullo dolore penetraret. Quod, cum, ut par est, ridiculum videretur, ego ut tam incredibilis rei periculum facerem, cum ipsam, pridie affricatam, cuti brachii intuli, sensique primò levissimam punctiōis imaginem, post cum totum musculum quasi directè penetraret, acum quidem in profundum, quò pererrabat, sentiebam penetrare, dolorem verò penitus*

titus nullum sensu. Dimisi autem longo spatio, flectens undique brachium, nec quidquam molestum sensi; nec detractâ effluxit sanguis, nec foramen ullum relictum est.

Experimentum LXXV.

Alterum experimentum Lib. 7. de subtilit. ita recenset idem Author: *Alexander quidam circumforaneus Veronensis pueros servosque suos gladiis Magnete perfrictis, noctu vulneratos, postridie coram omni populo, oleo olivarum, cui sarcocollam, vel thus, vel aloë immiscuit, ne simplex oleum esse videretur. In quo maximum fecit quæstum, quod plebs ipsi Aloë tantas inesse vires crederet, cum tamen natura vulneris esset, quod hac ratione inflatum per se etiam coëat, oleo parum vel nihil conferente. Hæc Cardanus qui sciscitanti hujus effectus causam hanc assignat. Nempe quemadmodum Sebo illita acus & in cutem impressa dolorem non excitat, aut certè valdè levem, ita & Magneti inesse vim quandam pinguiorem & sebaceam, quæ sensum & sanguinis fluxum prohibeat & vivam carnem stupefaciat.*

Experimentum alexandri Veronensis.

Experimentum LXXVI.

Helmontius de Magnete vulnerum curatore testatur, quod, sicut Magnetis dorsum, scilicet pars Australis ferrum, ita & intestinum pellat, Herniam curet, omnemque catarthum de natura Martis. Idem author cap. 1. ait: *vis Magnetica Mumia muliebri, si fuerit maritata, tunc dorsum Magnetis in femore, & ejus venter in lumbis emplastrata, abortum jamjam minitantem præcavet; venter verò Magnetis, scilicet pars Borealis in femore, & dorsum lumbis appositum, partum mirificè faciliat. Qui effectus Magnetis spiritibus à Medicis solent adscribi; hi enim vim calefaciendi, & constringendi habent.* Plura narrat citatus Author in suo Anatomico, ubi fusiùs hac super re disserit in solatium eorum, qui sæpiùs Odontalgia sive dentium dolore affliguntur, à Magne-

Experimentum Helmontii Medici.

te lenimen & remedium suppeditari: nimirum dentes dolore incalescentes, ubi quis fenderit, acu, quæ virtutem Magnetica imbibere, è proxima denti afflicto carne, sanguinis quidpiam eliciat, dolores effugere animadvertet, meliusque posthac habebit.

CAPUT XXIX.

De aliis Sympathicis & Electricis Corporibus.

Sympathica. non in distans, sed per medium agunt virtute sui diffusiva,

Effectus Sympathici Magneticis affectionibus affines sunt; hinc meritò his illi subjiuntur. Præsertim quod communiter ab imperitis occultæ, nescio cui, symphatiæ, agentis in distans sinè medio, effectus sympathici tribuantur; idè tantum, quia nulla per medium diffusa virtus animadvertitur, quæ distans passum cum agente jungat. Hanc autem diffusionem virtutis per expirationem corporum diffundi ab uno in aliud, nemo facile negabit, ut ex sequentibus patebit.

§. I.

De Experimentis circa effluvia diversorum corporum.

Et per effluvia particularum propria- rum.

Experientiâ siquidem quotidianâ certum est, qualibet corpora habere sua effluvia; quia ex quolibet corpore evaporationes fieri animadvertimus, tum in nobismetipsis, tum in aliis, tum animatis, tum inanimatis corporibus.

Experimentum I.

Sic effluvia hominis sa-

In nobismetipsis sentimus naturalem quandam inclinationem erga quosdam homines, sive sympathiam, econtra aver-

aversionem ab aliis, sive antipathiam, non tantum ex simili aut diversa constitutione naturali, sed etiam morali subinde ortam. Sicut enim quædam corpusculorum effluvia & halitus in homine sano, juvene, temperamenti convenientis, nobis prosunt, & conveniunt; alia verò hominis ægroti, foetentis, nobis nocent & disconveniunt; ita etiam contrarietas quædam aut convenientia oriri potest ratione constitutionis morales, quam ex actionibus similibus aut dissimilibus in alio advertimus, aut quæ se ipsam in solo vultu sæpè prodit. Sic mansueto placet homo pacatus, non item iracundus: sobrio sobrius, non ebriosus: humili humilis, non superbus: liberali liberalis, non avarus; & contra. Quamvis subinde ad inclinationem aut aversionem multum faciat apprehensio & phantasia, quam sibi quisque format de objecto, constanti & varia virtute vincenda.

ni prosunt, ægroti nocent.

Etiam constitutionis hominis moralis similis, aut dissimilis aliter afficit.

Experimentum II.

Oscitante uno, oscitat & alter, & plures adstantes simili oscitatione afficiuntur: dum alios ridere videmus, in risum communem effundimur: dum tristes & afflictos intuemur, commiseratione tangimur: ad musicam nunc lætam, nunc tristem, nunc mollem, nunc martialem variis affectibus commovemur.

Aliæque actiones in differentes varios inducunt affectus.

Experimentum III.

Nubilum cælum terrestribus plenum exhalationibus in melancholicis graves ac tristes spiritus accumulat, qui moerorem ac tristitiam ingenerant. Econtra verò serenum cælum, ac mollior spirans aura igneos spiritus excitat, qui in cerebrum ascendentes, lætitiā & hilaritatem animo simul inducunt.

Nubilum cælum contristat, serenum exhilarat.

Experimentum IV.

In Sanguinei temperamenti hominibus vitales spiritus, *Colore rubro*
Lib. II. Y y &

*brō sanguini
effervescunt, ut
quædam animalia.*

& Sanguis ipse effervesceit; imò etiam in partes exteriores corporis effertur, ut in oculos, si enim illi colorem rubeum paulò fixiùs intuentur, facilè concipiunt Spiritus Sanguineos. Unde *Galenus* alique post eum severè prohibent, ne color rubeus eorum oculis objiciatur, qui sanguinem expuunt, aut Hæmorrhagia laborant. Velut Gallorum Indicorum capita effervescente sanguine rubescunt, dum ipsis rubeus color objicitur. Quod etiam multis aliis animalibus accidit, ut Tauris ferocioribus, Elephantis, quibus olim vel sanguis, vel panni mororum succo tincti exhibebantur, ut in hostes furerent.

Experimentum V.

*A sensibus
externis
imaginatio
interna ob-
jectorum
Ideas con-
cipit.*

Matres quandoque certas quasdam notas suis fœtibus imprimunt: sensus etiam nostri multa extrinsecus recipiunt, ut patet in olfactu & gustu: aures determinantur à motu aëris impellentis tympanum: oculi lumen recipiunt & reflectunt, quod delatas secum species & imagines objectorum in retina depingit. Hæc & similia Sympathica refunduntur in spiritus internos hominis, qui à sensibus externis ad imaginationem continuò commeant, in eaque ideas objectis simillimas efformant.

Experimentum VI.

*Canis ex
olfactu fe-
ram aut
herum in-
sequitur.*

Canis feram, quam non videt, insequitur per densa sylvarum dumeta ad aliquot milliaria, ex olfactu spirituum odoriferorum in aëre relictorum: aut heri sui vestigia ex aliis mille hominum vestigiis discernit, aut ex multis lapidibus simul in aquam coniectis, eum feligit, quem herus contigerit.

Experimentum VII.

*Ad cada-
vera Aquila*

Ubi corpus est, congregantur & aquilæ, & corvi ad cadavera putrescentia eminùs convolant. Ex His, aliisque pluri-

plurimis, satis colligimus, quod agens, cui tribuitur actio, conjugatur passo distant per odorem aut spiritus odoriferos in toto medio imperceptibiliter diffusos, eosque tam inter se diversos, quàm diversa sunt corpora, tam animata, quàm inanimata.

*& Corvi
convolante.*

Experimentum VIII.

Sicut enim diversissimi sunt vultus hominum, ita ut inter centum miliones mortalium, vix duos invenias perfectè sibi similes; ita etiam spiritus, sive subtilissimæ cujuslibet substantiæ corporeæ particulæ, inter se diversæ sunt, non solum in corporibus speciei diversæ, sed etiam ejusdem speciei. Quoniam horum spirituum diversitas non solum provenit ex eorum forma substantiali diversâ; sed etiam ex figura sibi connaturaliter debita, per quam fiunt aliquibus poris congrui, aliis verò incongrui. Sicut non quælibet clavis, in quamlibet seram immittitur, ita etiam nec quilibet spiritus, à quibuslibet poris ita admittitur, ut in iis resideat, aut aliquid efficiat: quod manifestè suprà vidimus in virtute Magnetis, qui hanc soli ferro communicat, ita ut eidem inhæreat, reliqua verò corpora, ut aurum, argentum, æs, stannum, ebur, lignum, relinquit immunia & libera, ac licet ea permeet, vi sua penetrativa, tamen in iis non residet, nec quidquam efficit.

*Effluvio-
rum diver-
sitas est, non
solum à
substantia
diversa, sed
& à figura.*

Experimentum IX.

Eandem spirituum diversitatem & variam corporum complexionem Dissolventia facilè probant; neque enim quodlibet corpus, à quolibet Dissolvente colliquescit, aut dissolvitur; sed quod uni aptissimum est, in alterum nihil agit. Cùm alia corpora consent particulis fixis, acètè sibi conjunctis, alia fluidis ac facilè mobilibus, alia crassioribus, alia tenuioribus & volatilibus, unde varii motus & effectus

*Quam dis-
solventia
maximè
probant.*

excitantur, quos in nobis ipsis, aliisque rebus, sæpè nesciis unde veniant, animadvertimus.

§. II.

Experimenta de similibus spirituum unione & Sympathia.

Sympathici effectus à spirituum similibus unione nascuntur.

Spirituum effluvia & Sympathici eorum effectus, maxime in spirituum similibus adunatione consistunt; quia licet quasi temerè & confusè toto aëre reliquisque Elementis dispergantur, diversas tamen sibi sedes vendicant ob gravitatem specificam diversam. Quæ enim sunt graviora locum inferiorem obtinent, quæ minùs gravia superiorem.

Experimentum X.

Graves particule aëoris, leviores fursum feruntur, ut patet in 4. humoribus diversis.

Patet hoc in sphærica phiala, quatuor Elementa sublimaria per quatuor liquores diversæ gravitatis specificæ repræsentante, qui etiamsi per commotionem phialæ confundantur & permisceantur ab extrinseco, tamen ad loca propria se se singula recipient, totumque illud chaos in ordinem sibi connaturalem revocabunt. Quod experimentum ita fit: 1. in phiala vitrea pone quartam partem *Antimonii*, *Spießglas*, vel gereinigte *Schmalzen*: hæc repræsentabit terram in fundo. 2. Quartam partem Spiritûs Tartari, sive gedistilirten *Weinstein*: hæc referet aquam. 3. Quartam partem Spiritus Vini rectificati, sive *dreymahl abgezogenen Brandenwein*: hæc finget aërem. 4. Quartam partem olei de Been, quæ sua luce & puritate pinget ignem. Hi enim quatuor liquores non patientur se diu permisceri, etiamsi phialam vertas quocunque velis, aut invertas.

Experimentum XI.

In vino aquam su-

Vinum inferiore loco positum, trans aquam in superiorem

rem locum ascendit, propter spiritus vini aquâ leviores. Si enim duas phialas angusto orificio sibi invicem supponas, in inferiore vinum (ad meliorem visûs distinctionem rubrum) in superiore aquam limpidam; tunc paulatim vinum inferius levitate suâ per angustum orificium, ad modum fumi in fumario, ascendet in phialam superiorem; aqua verò superior gravitate suâ naturali descendet in inferiorem; ita ut tandem totum vinum inferius, jam sit superius; aqua verò superior, jam sit inferius.

*perforem
transcendit
dentem.*

Experimentum XII.

Ipse corporum configuratio & similitudo adunat similes sibi spiritus. Cum enim sæpè fortuito casu erumpant, vel à ventis, aliisque aëris commotionibus circumferantur, si in alios spiritus sibi conformes incurrant, cum illis conjunguntur, & permiscentur, ob texturam partium congruentem; si verò in non congrua incidant, cum illis non conjunguntur. Sic gutta aquæ alteri guttæ aquæ facile conjungitur, sed oleo non permiscebitur; vino autem ita adhærebit, ut facile separari possit. In Magneticis contrarium fit, ut suprà dictum, quia Poli amici se invicem fugiunt, inimici se complementur.

*Similitudo
corporum
adunat si-
miles sibi
spiritus.*

Experimentum XIII.

Hæc spirituum effluvia non in omni corpore suscipiuntur, sed peculiare poros exigunt; quos nisi proportionatos inveniant, refluiant ab his corporibus, in quæ incurrunt; & reflexionem patiuntur. Hinc in iis maximè corporibus excipiuntur spiritus, ex quibus eduçti sunt; apta enim in iis loculamenta inveniunt.

*Effluvia
non omnia
corpora in-
grediuntur
sed poros
congruos.*

Experimentum XIV.

Terra agrestis spiritibus ad triticum progignendum idoneis

Sic terra

exhausta se
facile re-
parat con-
gruis fru-
gibus;

neis exhausta, intra unum aut alterum annum, totum hoc dispendium recuperabit; eo quòd poros habeat congruos, quibus similes spiritus concipiat. Quare facile imprægnabitur feminibus frugum regionis illius, præcipuè herbarum, aliarumque rerum spontè nascentium.

Experimentum XV.

Incongruis
verò non
fecunda-
bitur ut
terra Soli
impervia.

Si verò fuerit terra ex profundiore specu educta, quæ Solem nunquam vidit, & consequenter poros non habet congruos, ad excipiendos hujusmodi seminarios spiritus, vix intra ducentos annos iisdem fecundabitur. Sic in *Sabaudia* à quingentis jam annis Mons *Granivus*, cujus pars aliqua in subjectam planitiem cecidit, sterilis hucusque permanfit; eo quòd tali casu ita Telluris superficies, cum Monte decidua, sùsque deque eversa, ut, quæ pars Solem non viderat, superiorem nunc locum occupet, ut *Annales Sabaudici* referunt. Similia narrantur de montium particulis hincinde deciduis in Tyrolì & Helvetia.

Experimentum XVI.

Vitrioli &
vini fæces
nativos ex
aëre spiri-
tus imbi-
bunt.

Vitriolum omni spoliatum spiritu, sub dio positum, denudò imbibit nativos spiritus: aridæ etiam vini fæces calcinatæ, aëri expositæ, nativo oleo ita imprægnantur, ut decuplo suum pondus augeant, & pro unâ talium fæcium librâ decem olei invenias. Quod est evidentissimum signum adventitii corporis. Notat etiam *Digheus* expositas aëri hujusmodi fæces, tempore florentium rosarum, ita illarum odorem contraxisse, earumque spiritus ebibisse, ut quotannis recurrente eo tempore, quo rosæ florescunt, manifestissimum rosarum odorem emitterent.

Experimentum XVII.

Item sal

Similiter sal commune, quamvis optimè exsiccatum, atque

atque adeò omni humore aqueo exspoliatum, si aëri exponatur, humorem recipit. Quare panni, & chartæ, quæ aquâ falsâ semel maduerunt, nunquam ita perfectè exsiccantur, ut tempore humido rursus non humescant.

*exsiccatum
ab aëre hu-
morem re-
cipit :*

Experimentum XVIII.

Constat in multis Germaniæ locis, in quibus sal conficitur, propè fodinas locorum istorum fieri piscinas satis laticas, quæ aquâ implentur. Hæ autem ex circumstantium rupium evaporatione sal, hoc est, salis spiritus attrahunt, qui erumpentes, & in vicino aëre volitantes, ubi in aquam cisternarum illarum incidunt, poros sibi congruos nacti, & materiam similem, in ea resident, illosque undique permeant, & sale fecundant.

*Siccisterna
ad salifo-
dinas faci-
le salis spi-
ritus con-
cipiunt ;*

Experimentum XIX.

Quin & ipsa terra repetitis sæpè lotionibus, toto prorsus nitro & sale spoliata, post aliquod temporis spatium, eorursum, præfertim aurâ humidâ, imprægnatur, ut in salinis Lunæburgensibus sæpius observatum est.

*Quin &
ipsa terra
his facile
fecunda-
tur.*

Experimentum XX.

In Thermis calidis aqua evaporata, in vas aqua frigida plenum colligitur, quæ alioquin muris & supellectili domesticæ adhærescerent. Hinc similia vasa in Balneis non solum ad refrigerandam aquam calidiorē, sed etiam ad vapores colligendos solent apponere.

*Aqua fri-
gida in
Thermis
vapores
colligit.*

Experimentum XXI.

Aqua ascendit per tubulum capillarem immersum; item per spongiam, per arenas, per cineres, aliaque sicca & porosa corpora humectat: etiam supra æquilibrium aquæ, cui immer-

*Aqua in sa-
bulis ascen-
dit & hu-*

mediat po-
rosa cor-
pora.

immerguntur, quia aquei spiritus in ejusmodi corporibus
inveniunt poros sibi conformes.

Experimentum XXII.

*Ambustus
carnem
igni admo-
vet, ut fa-
cilius par-
ticula ig-
nea egre-
diantur.*

Homo prudens, qui uritur, partem carnis aut membri
igne correptam, rursus calefacit, & igni propius admover,
ne inhaerentes cuti aut carni spiritus ignei diutius resideant,
& magis ad interiora membra ingrediantur; sed vel apertis
poris egrediantur, aut ab alijs particulis similaribus foras
evocentur.

Experimentum XXIII.

*Scorpio
contusus
venenum
atrahit, &
sanat, &
alia similia.*

Scorpius contusus, impositus vulnere, quod Cauda in-
fluxit, illud sanat, dum venenum attrahit, hoc est, spiritus
venenati, dum agitantur & commoventur, ea parte erum-
punt, quod facilius sibi que conformior via: sic Tarantula-
rum venenum in vulnerato desiderio Musices excitat, ad
cujus numeros tripudians ad sudorem usque commovetur,
atque ita evaporato veneno sublevatur: sic pellis aut pili ex
Cane detracti, ejus morsui medentur: sic Bufo exsiccatus
infectum intra sua viscera colligunt; unde nonnulli tempore
pestis araneum secum ferunt, qui venenatos spiritus at-
trahat.

Experimentum XXIV.

*Vinum ef-
fervescit in
doliis, dum
vites flo-
rent.*

Vinum in cella, imò etiam trans mare in Angliam, ubi
nullae sunt vites, deportatum, eo tempore effervesceat, quo
vites, ex quibus decisum est, germinant & florent. Non
quod spiritus ex iis vitibus procedant, sed quia vinum ean-
dem in vinosis spiritibus proportionem servat; hinc etiam
eamdem temperiem & fermentationis periodum servat.

§. III.

*Experimenta de dissimilium spirituum pugna
& Dispathia.*

Sicut similia spirituum facilis unio in conformitate & congruitate eorundem ad se invicem consistit, ita dissimilium spirituum pugna in difformitate & disconvenientia eorundem fundatur. Experimur enim plerumque res aliquas ad præsentiam aliarum, vel bene, vel malè, vel indifferenter affici; illa autem bona vel mala affectio oritur ex activitate spirituum vel similia vel contrariorum, qui ex vicinis corporibus erumpunt. Ita ut dum in se invicem incurunt, & quadrant, faciliè uniantur; si verò, ob diversam figurarum oppositionem, & compositionem partium, non quadrant, vel se invicem dissolvent, vel resiliunt, vel post mutuas pugnas ita lacerabuntur, ut nullo modo conjungantur; nisi temperamentum aliquod, ut fit in Elementorum conflictu, concurrat, & quietem conciliet.

*Dispathici
Effectus à
dissimilium
spirituum
pugna ori-
untur.*

*& diversa
compositio-
ne corpo-
rum.*

Experimentum XXV.

Quædam effluvia quærunt amica sibi, quædam verò fugiunt, aut subeundo illa inficiunt, & sibi assimilant: ut exsiccata Bufonis pellis è vervecis collo vel ædibus suspensa particulas venenatas: Halecis caro, aqua bene diluta, & sepositis ossibus, oleo mixta, particulas salinas è faucibus comedentis diluit: Caro viperina venenum, & lapis Cobros, sive *Pietra di Cobra* dictus, impurum sanguinem ac virus attrahit; aquæ verò tepidæ vel lacti immersus illud rursus dimittit; partim ob texturam partium idonearum, quam alibi hujusmodi non inveniunt; partim propter aptitudinem activitatis in istis exercendæ; partim quia per opposita solvitur textura illorum, aut agens destruitur.

*Similia sibi
sunt ami-
ca, dissimilia ini-
mica se fu-
gunt, aut
subeundo
se sibi assi-
milant.*

Experimentum XXVI.

*Qua uni
profunt,
alteri no-
xia sunt,
odor lilio-
rum afficit
apes, ser-
pentes fu-
gat.*

Multæ similes in Animalibus Sympathiæ & Dispathiæ notantur, citra ullam præviam cognitionem : e. g. odores aliquibus noxii sunt, qui aliis maximè placent, ut odor Thuris aut herbarum fragrantium mulieribus multis nocet, aliis verò gratus est. His animalibus aliqui cibi profunt, aliis aut inutiles, aut nocivi sunt, pro diversa scilicet complexione, & contrarietate, vel conformitate & difformitate corporum.

Experimentum XXVII.

*Quidam ad
felis præ-
sentiam
deliquium
patiuntur.*

Dantur quidam homines, qui feles, aut mures, aut araneos, ita ex complexione naturæ oderunt, ut si contingat felem, aut murem, aut araneum ingredi cubiculum, etiam inscii præsentia talium animalculorum, statim deliquium patiantur, aut sudare incipiant. Commoventur enim, etiam nemine cogitante, interni spiritus ad appulsus externorum, quasi ad propulsandam vim illatam.

Experimentum XXVIII.

*Ob spiritu-
um appul-
sum, qui
feritur in
fronte pro-
nus cadit :
timens præ-
cipitium in
illud incli-
natur : ter-
rore cor-
reptus re-
tinetur.*

Sic quoties impetimur, aut vulneramur in aliquo corporis membro, accurrunt magnâ vi interni spiritus, totumque corpus in eam partem impellunt, unde ortum est malum : sive ex aliqua elaterii virtute id oriatur, quæ, quantum est de se, dum se in pristinum statum restituere conatur, motum producit ei contrarium, quo illi vis illata est ; & hanc determinationem sequantur spiritus animales ; sive aliunde. Certum enim est experientiâ, quod ii, qui in fronte feriuntur proni, non supini cadant : & qui præcipitium timent, in illud à spiritibus inclinentur : ac qui nimio terrore corripiuntur, quamvis fugere velint, propter nimium spirituum appulsus impediuntur.

Expe-


Experimentum XXIX.

Mustela si Bufonem hianti ore expectantem videat, *Mustela in os Bufonis invita cogitur.* cogitur etiam invita & reluctans, & cum lamentabili gemitu, se in os ejus præcipitem dare. Non quod trahatur à Bufone, sed quod spiritibus venenatis, à Bufone emissis, continuò impetatur; hinc accurrunt ad parrem læsam interni Mustelæ spiritus, ut hanc pestem avertant, aut dissolvant, tantoque impetu versùs eam partem propellunt, ut etiam reluctantem Mustelam impellant.

Experimentum XXX.

Simili ratione explicandæ sunt Antipathiæ aliorum Brutorum: Cur Leo ad Galli cantum, Elephas ad Grunnitum porcelli trepidet? Cur canis cum catto, aranea cum musca & Bufone, cum testudine simia, Taurus cum ficu, serpentes cum umbra fraxini singularem foveant inimicitiam? cur ovis lupum, etiam non visum, columba accipitrem, pullus milvum fugiat? & contra cur lacerta hominis præsentia gaudeat, philanthropus sit Delphinus, pavo cum columba, cum turdo merula, cum serpente vulpes amicè habitent, quo tamen ponè conspecto homines palleſcunt, ac palpitant? Cur torpedo stupefaciat? non quod hæc qualitatem quandam stupefactivam in aëre, aut arundine, aut brachio Piscatoris producat; sed quia spiritus frigidi Torpedinis poros aëris, arundinis, & hominis ingrediantur, quibus frigore obstructis, torpor aliquis intra nervos inducitur. Alia denique plurima, sicut & electrica sequentia in hunc modum explicari possunt, ut non sit opus ad qualitates occultas recurrere, ubi per solam spirituum emissionem explicantur.

Sic multi alii Antipathiæ effectus explicari possunt, per emissionem spirituum contrarium & diversitatem corporum.



§. IV.

De Motionibus Electricis, earumque Differentia à Magneticis.

Varia species Electricorum.

Electrica five attrahentia corpora præcipua sunt: *Gagates* Lapis five succinum nigrum, Berg, Wachs, & omnia oleosa, sulphurea & bituminosa, cujusmodi sunt substantiæ igneo-sulphureæ, ut Ambra, succinum, Cera Hispanica, Lacca, Mastyx, Carabe, Resina, Stacte, Pinus, Pix, & pleraque gummarum genera; demum sulphur ipsum: & quamvis gemmæ minimè oleosæ videantur ob materiam valdè compactam & solidam, proditur tamen ex luce, quam percussione chalybis; vel earundem mutuâ confricatione edunt, scatere eas particulis igneo-sulphureis.

Experimentum XXXI.

Quæ trahunt levia sine delectu.

Talia *Electrica* trahunt paleas, quisquilias, aliaque minutiora corpora sine ullo delectu, ita ut nulla sit peculiaris dispositio, aut conditio in his corporibus requirenda, quam levitas illorum ad hoc, ut trahantur à succino.

Experimentum XXXII.

Sed non nisi calefacta vehementi attritu.

Si sumatur *Gagates*, succinum, *Electricum*, cera Hispanica, aut aliud quodcunque corpus *Electricum*, vehementissimèque panno affricetur, ut incalescat, tum fumo candelæ jam jam extinctæ admoveatur, illicò fumus ab *Electrico* corpore attrahetur, non quidem rectè, sed ita in orbem, ut totum *Electricum* corpus ambiat. Quia cum spiritus hi inter se habeant aliquam, & cum *Electrico* corpore conjunctionem, hinc cessante calore minus spatium occupare debent, rursum circa *Electrici* corporis superficiem se se accommodabunt. Sicut partes Telluris nostræ vi caloris Solis in vaporem elatæ, cessante hujusmodi calore in terram relabuntur, ut cum ea unum totum componant.

Expe-

Experimentum XXXIII.

Hæc Electrica inter omnia corpora proximè æmulantur virtutem Magneticam superiùs explicatam, nec naturæ utriusque multùm sibi sunt dissimiles, siue effectum spectes, siue temperamentum. Trahunt enim Electrica, sicut Magnes, aliena corpuscula, nec minùs emittunt sua effluvia viscida & sulphurea; nihilominùs dispar est utriusque ratio, nec eadem omnino virtus, modùsque trahendi, ut in sequentibus experimentis, & utriusque differentia patebit.

*In quo sicut
& in modo
trahendi
differunt à
Magnete.*

Experimentum XXXIV.

Effluvia Electrica debent esse multùm calida: calore enim deficiente, vel non trahunt, vel calor per affricationem debet excitari, ut viscosi spiritus, & oleosi ac sulphurei rarefiant. In quo Electrica differunt à Magneticis; Magnetica enim virtus per calorem & ignem potiùs imminuitur, quàm ut inde animetur.

*Calor vim
Electricam
juvat, Ma-
gneticam
destruit.*

Experimentum XXXV.

Electrica vix non quævis levia corpora sicca trahunt sine discrimine; Magnes verò solum ferrum aut chalybem, & Magnetem alium ad se trahit, nullum aliud corpus etiam si levissimum.

*Electrica
trahunt
quævis le-
via, Ma-
gnes nul-
lum, nisi
ferrum.*

Experimentum XXXVI.

Electrica quolibet aliis corporibus virtutem suam attractivam minimè communicant; verùm Magnes suam vim Magneticam tribuit ferro, chalybi, & alteri Magneti.

*Magnes dat
alteri vir-
tutem, Ele-
ctrica nulli*

Experimentum XXXVII.

Electrica virtutem suam sphericè diffundunt, & à qua-
vis
vis
tis penetrat

corpora, E-
lectrica
nulla.

vis sui parte per calorem & affricationem excitatâ, ac insuper Spiritus oleosi & crassiusculi difficilius possunt agere per obstantia corpora, utpote quorum exiles & angustos poros ob pinguedinem difficulter permeant. Magnes econtra non ubique uniformiter, sed in Polis potissimum suam virtutem exerit, & quidem per effluvia subtilissima nullum non corpus, etiam solidissimum, penetrantia.

Experimentum XXXVIII.

Magnes re-
spicit Po-
los, non E-
lectrica.

Electrica nullum ad Mundi Polos aut Plagas respectum habent; Magnetica verò in linea Meridiana se se disponunt, & Polos suos cum Polis Terræ conformant.

Experimentum XXXIX.

Magnes si-
ne præpa-
ratione
spontè tra-
hit, non E-
lectrica.

Electrica sine calefactione, aut sine vehementiore attritu nunquam operantur; Magnes autem nulla simili præparatione indiget, & sua sponte ferrum trahit purum aut magneticum.

Experimentum XL.

Magnes
trahit &
trahitur;
Electrica
trahunt,
non tra-
huntur.

Electrica in movendo vel levissimus halitus moratur; non ita Magnetica: nec Electrica trahuntur, sicut trahunt alia; Magnetica verò & trahuntur à ferro, & ipsa ferrum trahunt.

Virga Co-
rylacea Di-
vinatoria
communi-
us quid ha-
bet cum
Magnete,
sed admix-
tum super-

Conformius quid habent cum Magneticis Virgæ Divinatoriæ ex Corylo factæ, quam corpora Electrica. Nam sicut acus ferrea in obelo posita, quæ prius erat in æquilibrio post attractum Magnetis statim inclinatur; sic etiam virga Corylacea tenera naturaliter inclinatur in manu eam dirigentis, si imbiberit halitus auri, argenti, aut aquarum in terræ fodinis latentium. Dum enim ejusmodi halitus poros virgæ subeunt, eam inflectunt, ut experientia docet in virgulis ligneis libratis, quibus utuntur Hydragogi, ut fon-

tes inveniunt; hæ enim similiter se inclinant & tantò magis ad illam terræ partem, quantò major in eadem later humiditas, aut aquarum copia. Sed quia Virgis Divinatoriis multi sæpè abutuntur, modos superstitiosos adhibendo ad Thesauros, fures & furta, aliaque similia detegenda, de his nihil addendum esse duxi, uti & de pulvere Sympathico, & unguento armario ad sanandos morbos & vulnera in longa distantia; quia modus curandi & unguentum componendi & applicandi superstitiosum quid redolet, & studiosæ juventuti, ad nocivas curiositates pronæ, anam præbet, similia periculosa malè practicandi.

Quamvis fateri debeamus, plurima esse in admiranda Naturæ majestate abscondita, quæ humani ingenii Sagacitas minimè penetrat, eaque quæ pro Magicis subinde habentur, prorsus esse naturalia, licet originem & causam eorum ignoremus: & hoc solum cum *Aristotele* L. 12. Meteor. c. 10. cum moderamine & vero sensu Christianæ Philosophiæ dicere: *Cuncta coordinata quodam modo sunt: verum non similiter, & natantia, & volatilia, & plantæ, & reliqua omnia inanimata totius universi: nec ita se habent, ut sit ullum alteri ad alterum, sed sunt quippiam. ad unum namque (scilicet Naturam) coordinata sunt omnia.* Sed venia sit Philosophorum Principi, nec veræ fidei luce illuminato, nec Dei revelantis loquela instructo, quod sub Naturæ Schemate supremum illius præsidem & conditorem non adumbraverit, quem ignoravit: ad cujus unius cognitionem, amorem, & gloriam tota hæc rerum universitas, velut Liber vastissimus diversissimis characteribus compositus, aut tersissimum speculum variegati luminis radios in se undique colligens, aut Cythara dispares fides ad concentum offerens, in unum conspirat, ut **Optimum, Maximum Naturæ Authorem** tot characteribus, quot rerum individuis constat Mundi Liber; tot imaginibus, quot diversis animantium generibus & speciebus hoc speculum resulet; tot

stitioni, ut
& pulvis
sympathi-
cus & un-
guentum
armarium.

Licet multa in natura
abscondita; ta-
men ad unum
scilicet DEUM
coordinata
sunt omnia.

tot concentibus & plausibus, quot discordium inter se hominum consociabilis harmonia componitur, in omnibus manifestum faciat.

*CUI sit
Laus, Ho-
nor, &
Gloria.*

Atque hæc pauca, tenuia, qualiacunque de immensa Mundi hujus aspectabilis fabrica dixisse vel potius balbutisse sufficiat, quam plenè atque perfectè describere & explicare, nullius Mortalis hominis esse arbitror.

Itaque cum profundissimo respectu DIVINAM SAPIENTIAM, BONITATEM, OMNIPOTENTIAM, PROVIDENTIAMQUE admirabimur, & cum cœlis, Elementisque omnibus collaudabimus CREATOREM, quod tam recondita non suæ solius infinitæ virtuti reservaverit, sed ipsi etiam naturæ præstanda, hominique ex naturæ penetralibus magis ac magis eruenda reliquerit ad majorem suam Laudem, Honorem, & Gloriam.

Amen.



IN-



INDEX LIB. II.

GEOGRAPHIÆ NATURALIS.

PROOEMIUM.

Pag. I.

CAP. I. *De Fine Mundi aspectabilis, & Influxu Siderum generico, & speciali in sublunaria.* 11

§. 1. *Systema Mundi, & rerum in hoc sensibili mundo existentium ordo.* 14

§. 2. *Influxus stellarum fixarum in tres Planetas superiores.* 15

§. 3. *Influxus Planetarum in hæc sublunaria.* 16

§. 4. *Influxus Solis in sublunaria.* 18

§. 5. *Influxus Lunæ in sublunaria.* 20

§. 6. *Influxus Saturni in sublunaria.* 22

§. 7. *Influxus Jovis in sublunaria.* 23

§. 8. *Influxus Martis in sublunaria.* 24

§. 9. *Influxus Veneris in sublunaria.* ibid.

§. 10. *Influxus Mercurii in sublunaria.* 25

CAP. II. *De Influxu Cælestium & Terrestrium corporum in Atmosphæram* 26

§. 1. *Atmosphærae situs, constitutio, & divisio.* ibid.

§. 2. *Atmosphærae triplicis generatio, & proprietates.* 27

§. 3. *Motus Atmosphærae communis in longitudinem.* 28

§. 4. *Motus Atmosphærae proprius in latitudinem.* 30

§. 5. *Motus Atmosphærae Heteroclitus.* 31

§. 6. *Causæ aliæ motuum subitaneorum.* 33

§. 7. *Figura Atmosphærae totius.* 34

Aaa

CAP.

CAP. III *De Lucis, Caloris, Frigoris, Humoris, Siccitatis, Pluviarum, Nivium causis in diversis Telluris Partibus.*

§. 1.	Enumeratio causarum illarum.	36
§. 2.	Definitio quatuor Anni Tempestatum Cœlestium, Veris, Æstatis, Autumni, Hyemis.	39
§. 3.	Habitudo Anni Tempestatum terrestrium in Zona Torrida.	41
§. 4.	Habitudo Anni Tempestatum terrestrium in Zonis Temperatis.	44
§. 5.	Habitudo Anni Tempestatum terrestrium in Zonis Frigidis.	45
	Memorabilia de his ex Diariis Hollandorum.	47
	Item ex Diario P. Antonii Sep.	48.
	Item ex Diario D. Schillinger.	53
§. 6.	Alterationes humorum in hominibus, & animalibus ex mutatione Atmosphæræ.	56
§. 7.	Quædam conjecturæ Planetariæ & Aphorismata ex Astrologia.	60
	De Planetarum natura, & qualitatibus nativis.	ibid.
	De aspectu Saturni cum reliquis Planetis.	61
	De aspectu Jovis cum reliquis Planetis.	62
	De aspectu Martis cum reliquis Planetis.	ibid.
	De aspectu Solis cum reliquis Planetis.	63
	De aspectu Veneris cum reliquis Planetis.	ibid.
	De aspectu Mercurii cum reliquis Planetis.	ibid.
	De Prognosticis Pluviarum ex animalibus.	64
	De Prognosticis Pluviarum ex Iride.	ibid.
	De Aëris mutatione ex variis signis.	65
	De Aëris mutatione ex Sole.	ibid.
	De Aëris mutatione ex Luna.	66
	De Prognosticis ex Eclipsibus Solis & Lunæ.	ibid.
	De Qualitatibus Signorum Zodiaci.	67
	Regulæ circa missionem sanguinis, & Medicinæ sumptionem.	68
	Quænam ab Astrologis prædici possint.	73

CAP. IV. *De Influentiis Planetarum in aquas, maria, flumina, & fontes.* 74

- §. 1. Motus Aquarum naturalis non à cœlo, sed à natura sphaericus. 75
- §. 2. Varius Oceani motus ab influxu Siderum. 76
- §. 3. Motus Maris Rectus in Longitudinem. 77
- §. 4. Motus Maris Transversus in Latitudinem. 78
- §. 5. Motus Maris in omnem partem, sive æstus Maris. 80
- §. 6. Speciales motus Maris ex præcedentibus. 81
- §. 7. Influxus Solis aliqualis in salsedinem Maris. 82
- §. 8. Influxus Solis aliqualis in lacus, stagna, paludes, fluvios, rivos, fontes. 84

CAP. V. *De Architectura Interiore Terrarum.*

- §. 1. De Centro Telluris in medio Mundi, stabili, & firmo. 86
- §. 2. De Motu Gravium sublunarium versùs centrum Terræ. 89
- §. 3. De iis, quæ à superficie terræ deorsum intra Terræ aquam centro ejusdem sunt propinquiora. 93
- §. 4. De Igne in terra latente. 96
- §. 5. Montes Ignivomi celebriores Europæ. 97
- §. 6. Montes Ignivomi Asiæ. 98
- §. 7. Montes Ignivomi Americæ, & Africæ. 100

CAP. VI *De Aquis subterraneis in genere & in specie de fluminibus, fontibus, Hydrophylaciis, Thermis, Acidulis.*

- §. 1. Aquæ subterraneæ ex Mari potiùs, quàm ex Aëre, per vortices & canales. 102
- §. 2. De Aquis subterraneis mineralibus. 109
- §. 3. Acidularum generatio. 112
- §. 4. Thermarum generatio. 114
- §. 5. Oleosorum & pinguium fontium generatio. ibid.
- §. 6. Fontium amarorum generatio. 115
- §. 7. Fontium valdè frigidorum causa. 116
- §. 8. Fontium lapidificorum ratio. 117
- §. 9. Fontium salforum generatio. 118

§. 10. Admirandorum fontium congeries, statorum, sed non continuorum.	ibid.
CAP. VII. <i>De Aëre subterraneo.</i> §. unicus.	120
CAP. VIII. <i>De Structura Terraquæ Interiore Metallica.</i>	
§. 1. De Mineralibus & Metallis subterraneis.	123
§. 2. An Mineralia ab initio fuerint.	125
CAP. IX. <i>De Structura Terraquæ Superiore, superterranea Aquatica.</i>	
§. 1. De Oceano & Aquis superterraneis falsis, earumque latitudine, altitudine, & profunditate.	126
§. 2. De variis Denominationibus à 4. mundi plagis, à regionibus, à variis accidentibus.	127
§. 3. De Partibus Oceani.	128
CAP. X. <i>De variis Oceani motibus in genere, & in specie.</i>	
§. 1. De Motu naturali Maris.	130
§. 2. Generalis motus Maris à causa extrinseca.	131
§. 3. Termini affluxûs sive intumescentiæ Maris in diversis locis & horis tempore Novi- & Plenilunii.	134
§. 4. Varii speciales motus Maris Cessantes seu Periodici.	136
§. 5. Motus Maris Circulares.	137
§. 6. Motus concussionis Maris, sive Tremoris.	137
CAP. XI. <i>De variis Aquis stagnantibus Mediterraneis.</i>	
§. 1. De Lacubus.	138
§. 2. De Paludibus.	141
§. 3. De Stagnis.	142
CAP. XII. <i>De Torrentibus, Rivis, Amnibus, Fluviiis.</i>	
§. 1. De Torrentium, rivorum, amnium, & fluviorum ortu.	143
§. 2. De fluminibus statò tempore exundantibus.	144
§. 3. De fluminibus, qui intra terram se condunt.	145
§. 4. De fluviiis tardis & celeribus.	147
§. 5. De fluviiis auriferis, aliorumque Metallorum.	149
§. 6. De præcipuis orbis fluviiis in mare decurrentibus.	153
1. Europæ flumina in mare decurrentia.	ibid.
2. Asiæ flumina in mare decurrentia.	156
3. Africæ flumina in mare decurrentia.	157
4. Americæ flumina in mare decurrentia.	159
CAP.	

CAP. XIII. *De Portibus Oceani celebrioribus.*

- | | |
|--------------------------|-----|
| §. 1. Portus in Europa. | 161 |
| §. 2. Portus in Africa. | 173 |
| §. 3. Portus in Asia. | 175 |
| §. 4. Portus in America. | 177 |

CAP. XIV. *De Locis Marium infamibus ob scopulos, syrtes, pulvinos, procellas & naufragia.* 179

CAP. XV. *De Sinibus Oceani insignioribus.*

- | | |
|---------------------|-------|
| 1. Ad oras Europæ. | 181 |
| 2. Ad oras Asiæ. | 184 |
| 3. Ad oras Africæ. | ibid. |
| 4. Ad oras Americæ. | 185 |

CAP. XVI. *De Fretis Marium nominatioribus.*

- | | |
|----------------------------------|-------|
| 1. Ad Europam & Africam. | 186 |
| 2. Ad Asiam & Indias Orientales. | ibid. |
| 3. Ad Americam & Terras Polares. | 187 |

CAP. XVII. *Navigaciones versùs Indiam Occidentalem; & intervalla locorum.*

- | | |
|---|-----|
| §. 1. Americani littoris circumnavigatio. | 187 |
| §. 2. Navigatio Magellanica Victoriæ Navis. | 188 |
| §. 3. Navigaciones famosæ per totum orbem, | 190 |
| §. 4. Tempus Navigationum per Oceanum ad Indiam Orientalem ex Lusitania & reditus. | 191 |
| §. 5. Tempus Navigationum ad Indiam Orient. ex Anglia & Hollandia. | 192 |
| §. 6. Renavigaciones ex India Orient. in Europam. | 193 |
| §. 7. Navigaciones per Oceanum Borealem, & Australem, sive in Orientem, sive in Occidentem frustra tentatæ. | 194 |

CAP. XVIII. *De Acu Magnetica monstrante viam per Oceanum. & ad quævis terrarum littora.*

- | | |
|--|-----|
| §. 1. Acûs Magneticæ inventio. | 195 |
| §. 2. De varia Acûs Magneticæ declinatione. | 198 |
| §. 3. De ratione universali & particularibus motionis magneticæ. | 202 |
| §. 4. De directione Magnetis & Rhomborum. | 204 |

CAP. XIX. *De Structura Terraquæ Terrestris.*

§. 1. De Terraquæ Figura Sphærica	206
§. 2. De Situ Telluris in medio Mundi.	207
§. 3. De immobilitate Telluris.	208
§. 4. De repentina Terræ exterioris concussione.	209
§. 5. De varia Terræ natura.	213
§. 6. De varia divisione Terræ respectu Cœli.	216
§. 7. De variis terrenæ superficiei continentibus, Pen- insulis, Insulis, Promontoriis, Isthmis.	217
§. 8. De Structura Montium, eorûmque varietate.	218
§. 9. De variis Montium Thefauris.	221

CAP. XX. *De mutatione Terræ in superficie terrestri & aquatica.*

§. 1. De mutatione Terræ ex decremento montium, incremento planitierum, & variatione littorum.	223
§. 2. De exsiccatione amnium & rivorum.	225
§. 3. De exsiccatione paludum & lacuum.	226
§. 4. De exsiccatione fretorum & sinuum.	227
§. 5. De exsiccatione orarum maritimarum.	228
§. 6. De accumulatione pulvinorum.	230
§. 7. De generatione Insularum novarum.	231
§. 8. De mutatione lacuum & marium.	232
§. 9. De terrenæ superficiei vario ornatu, & fœcunditate.	234

CAP. XXI. *De Architectura Terraquæ superterraneæ.*

§. 1. De aërea varietate Aëris.	236
§. 2. De Atmosphæræ diversa altitudine & figura.	237
§. 3. De diverso aspectu Siderum per Atmosphæram variâtam.	239
§. 4. De varietate ventorum.	240
§. 5. Ordinaria ventorum & Atmosphæræ commotio ex resolutione Terræ & Aquæ à nive & glacie con- densatæ.	242

§. 5. De statis ventorum motibus in certis terræ locis.	245
---	-----

CAP. XXII. *De variis Atmosphæræ Meteoris.*

§. 1. De Nubibus & Nebulis.	246
§. 2. De Pluvia, Imbribus, Nimbis.	249
§. 3. De Kore & Pruina.	250
§. 4. De Nive & Glacie.	252

§. 5. De Grandine.	253
§. 6. De Glaciei generatione.	255
§. 7. De Tonitru.	256
§. 8. De Coruscatione & Fulgure.	257
§. 9. De Fulmine.	259
§. 10. De reliquis minoribus Meteoris igneis è terra pro- venientibus.	263
CAP. XXIII. <i>De reliquis Meteoris aëreis & aquaticis.</i>	
§. 1. De Iride, ejusque miris accidentibus.	265
§. 2. De Parellis Solis, & Parascelenis Lunæ.	272
§. 3. De Halone, seu Corona Solari & Lunari.	275
§. 4. De Virgis Solaribus.	277
§. 5. De miris aliis Simulacris in Nubibus.	278
CAP. XXIV. <i>De Cometis.</i>	
§. 1. Quid sint Cometæ, & ex qua materia fiant?	282
§. 2. De variis formis & figuris Cometarum.	287
§. 3. De motu Cometarum.	288
§. 4. De Prognosticis & causa finali Cometarum.	291
§. 5. De Prognosticis Eclipsium Solis & Lunæ. & de utilitatibus earundem.	296 300
CAP. XXV. <i>De Analogia Barometri cum aestu maris.</i>	
§. 1. De Gravitate Aëris.	304
§. 2. De vi elastica variorum corporum & aëris.	306
§. 3. De raritate & densitate aëris, aliorumque cor- porum.	308
§. 4. Experimenta varia in Barometro.	310
§. 5. Confectanea ex præcedentibus & Experimentis.	315
CAP. XXVI. <i>De Experimentis in Thermometro.</i>	
§. 1. De calore aëris & frigore.	319
§. 2. De Præparatione Thermometri.	322
§. 3. De differentia Thermometri duplicis Aquei & Spi- rituosi.	323
§. 4. De Thermometri Spirituosi variis speciebus.	324
CAP. XXVII. <i>De Experimentis in variis Hygrometris & Notiometris.</i>	
1. In chordis & filis pendulis.	325
2. In Bilance cum spongia, aut sale nitri, & pon- dere.	326 ibid.

3. In Arista avenacea.	327
4. In duobus asserculis cum rotulis dentatis.	ibid.
CAP. XXVIII. <i>De mirifica virtute Magnetis.</i>	328
§. 1. De Experimentis circa vim attractivam Magnetis.	329
§. 2. De Experimentis circa vim directivam versùs proprios Magnetis polos.	334
§. 3. De Experimentis circa vim directivam Magnetis ad polos Mundi.	341
§. 4. De Experimentis circa vim communicativam Magnetis.	342
§. 5. De Experimentis circa ea, quæ nociva sunt Magneti.	345
§. 6. De Experimentis circa ea, quæ conservant vigorem Magnetis.	347
§. 7. De Experimentis circa armaturam Magnetis.	349
§. 8. De Experimentis circa virtutem Hygiacam, sive sanativam Magnetis.	350
CAP. XXIX. <i>De aliis Sympathicis, & Electricis Corporibus.</i>	352
§. 1. De Experimentis circa effluvia diversorum corporum.	ibid.
§. 2. Experimenta de similium spirituum unionè & sympathia.	356
§. 3. Experimenta de dissimilium spirituum pugna & dispathia.	361
§. 4. De Motionibus Electricis, earumque differentia à Magneticis.	364
Item de Virga Corylacea Divinatoriâ,	366
De Pulvere Sympathico,	367
De Unguento Armario quid sentiendum?	ibid.

Lib. II. Geographiæ Naturalis

F I N I S.





THE UNIVERSITY OF CHICAGO

1911

CHICAGO, ILL.

A080788



UNIVERSIDAD DE SEVILLA



600157595

24642125

1100ND

General

1000000

1000000

1000000

83